

DE
CATECHI-

SMO CHRISTIANO QVAESTIO-
nes Methodicae, In quibus non so-
lum uera & Catholica Ecclesiae sententia pro-
ponitur, sed & Argumentorum, quae ab aduersa-
rijs obijci solent, uera & succincta Solutiones
traduntur, quibus doctrina Catechesios
fusus explicatur.

Autore LVCA LOSSIO Lune-
burgensi.



FRANC: Apud Chr. Egen.

ELENCHVS CAPITVM HVIVS

Catechistici libelli.

Summula Catechismicum Solutioni- bus Obiectionum

14

Decalogus, siue Decēpræcepta 2 a 87 a 126 b

Symbolum Apostolicum 30 a 95 a 130 b

Oratio Dominica 47 a 102 b 135 b

Pœnitentia, Confessio, & Absolutio 54 b

109 a 138 a

Sacramenta 60 a 114 a

Baptismus 66 a 115 a 139 b

Cœna Domini 69 b 118 a 140 b

Vocatio Christiana 73 a 120 a

De Cruce 74 b 121 b

De Bonis Operibus 76 b 123 a

Formulæ, Confessionis Scholasticæ 82 a

Commendandi se Deo mane ibi. b Vesp̃eri 83 a

Consecrandi mensam ibi. b

Gratiarum actionis 84 a 108 b

Orationes, pro cōsequenda docilitate & c. ibi.

108 a

Quæstiunculæ Methodicæ de Christia

no Catechismo 85 b

Exeges es uerborum ac Phrasum quin-

que partium Catechismi 126 b

Sententiæ insigniores ex Euangelijs & Epi-

stolis totius anni 142 b

Dialogus inter Deum, & Euam, eiusq; liberos

158 a.

Scholæ

**SCHOLAE LVNAE-
BURGENSIS PVERIS ET ADO-
lescentibus , pietatis studiosis , Lucas
Lossius S. D.**



XTILITER ac piè quæri
potest, Optimi pueri & ado-
lescentes, quare Diabolus,
cum sit spiritus creatus ini-
tiod ad imaginem Dei, orna-
tus excellenti puritate &
sanctitate, sicut alij angeli,
tam horrendè à conditore Deo desciverit, & de-
lectetur nūc turpitudinibus, ad peccata homines
impellat, & Ecclesiam filij Dei tā crudeliter per-
sequatur: hic rectè ac uerè respondetur: Diabo-
lum, quia donatus fuit libertate, propria malitia,
ac sua sponte lapsum esse. Sicut inquit Christus:
Diabolus ab initio peccat, & in ueritate nō stetit.
Cum loquitur mendacium, ex proprijs loquitur,
quia mendax est, et mendacij pater seu autor. Et
est hæc defectio longè tristissima, propter quā tot
millia excellentissimorum spirituum in horribile s
& æternas pœnas abiecta sunt. Et conspicitur ex
hoc exemplo ingens & horrenda ira Dei aduer-
sus peccatum. Sed quæri potest & illud, cur tam
præstans natura spiritualis peccati ueniam non
consequatur, cum homo terrenus, qui non minus

PRAEFATIO.

grauiter cecidit, à Deo receptus est? Hic uerè il-
lud breuiter respondetur: Creaturam & Deum
sine mediatore reconciliari non posse. Est autem
unus tantum constitutus mediator inter Deum &
creaturam ream, ipse filius Dei. Sicut testatur
Diuus Paulus, priore ad Timotheum secundo:
Vnus, inquit, Deus, unus etiam conciliator Dei
& hominum; homo CHRISTVS IESVS.
Hunc mediatorem filium Dei, quia Diabolus ab
initio superbè contempsit, & præferri sibi, ut na-
turam eminentiorem agrè tulit, & etiamnum in-
satiabili odio aduersus eum ardet: ideo horrendi
lapsus ueniam non consequitur, sed perpetuus ma-
net, & est hostis filij Dei, & eius Ecclesiæ. Hoc
odium primum exarsit in paradiso, & exeruit se
aduersus humanum genus, ex quo Ecclesiam sibi
Deus colligere mirādo consilio decreuit. Ideo ite-
rum prodicens Deus ex arcana sua sede, edidit
promissionem de semine, quod contritum esset
caput serpentis. Hac edita promissione, statim Di-
abolus cepit horribiliter insidiari calcaneo bene-
dicti seminis, hoc est, persequi Ecclesiam in Cain
fratricida, & deinceps corruptela editæ promif-
sionis, falsis cultibus, & homicidijs Ecclesiam, spō-
sam promissi redemptoris persecutus est, eamq;
conatus deformare, & odiosam reddere sponso fi-
lio Dei, ne ullos cultores haberet, à quibus rectè
agnosceretur, & celebraretur Deus. His autem
ultimis

P R A E F A T I O.

*ultimis mundi temporibus, ut uidetis, omnium
 maxime sauit in genus humanum, ut uniuersam
 Ecclesiam deleat: Et res utcunq; procedit. Nam
 quot optime constitutas Ecclesias his quatuor an-
 nis, quibus Germania nostra intestinis bellis exar-
 sit, in regnum suum retraxit, partim turpissima
 nostra socordia, partim ingratitude erga Deū,
 qui coelestem & salutarem doctrinam Euangelij
 nostra etate mundo restituit? Sed excubat tamen
 pro sponsa sua filius Dei, & seruat in tantis furo-
 ribus Diaboli, & membrorum eius aliquos coetus
 in urbibus & pagis, apud quos sonat adhuc incor-
 rupta uox coelestis doctrinae, & retinentur ueri
 cultus Dei, uera notitia eius, & uera inuocatio.
 Et sicut dicitur Amos tertio cap. Quemadmo-
 dum pastor eruit de ore leonis duo crura, aut ex-
 tremum auriculae: ita Deus hoc quoq; tempore in
 tantis dissipationibus, aliquas reliquias, & mem-
 bra sponsae sui filij eruit, à quibus ipse uerè agno-
 scatur, et inuocetur. Hoc ingens & admirandum
 Dei beneficium æquum est, ut omnes homines
 agnoscant, & gratis membris celebrent. Quam
 igitur in nostra inelyta Luneburga, quæ nobis, &
 multis bonis & eruditis uiris, & adolescenibus
 studiosis præbet hospitium, uictum & scholam, syn-
 cera adhuc doctrina Euangelij sonet, & retinean-
 tur contra hostes, ueri cultus Ecclesiae singulari
 Dei bonitate, & nos beneficium diuinum agnosca*

PRAEFATIO

mus, & rogemus aeternum patrem Domini, & liberatoris nostri IESV CHRISTI, ut deinceps & Ecclesiam & Scholam seruare, & tueri clementer uelit, contra Diabolum & hostes uerae doctrinae, & uerorum cultuum Dei: seruet etiam Rempublicam, & inclytum Senatum nostrum, & ciues, ut apud eos quietè discere literas & pietatè possimus. Quare uos oro & obtestor per gratiā et redemptionem Domini nostri IESV CHRISTI, ut moribus honestis & pijs ornetis salutarē doctrinam Euangelij IESV CHRISTI, cuius summā in libello nostro Catecheseos praeformatā habetis pueriliter, traditamq; in eo ueram sententiam firmis animis complectamini, et propugnetis tota uita, contra prophanas opiniones multorū. Ad hoc collegi his diebus aliquot Argumenta seu Obiectiones, quibus imperitiores fortasse perturbari possent, & breues earum adicci solutiones pias, & expeditas, ut eo pacto facilius ad calumnias Papistarum & aliorū respondere possitis, qui ueram sententiam caelestis doctrinae traditam per Prophetas, Filium Dei, & Apostolos, hoc tempore admirandis prestigijs scelestè deprauant, et illudūt simplicioribus. Bene ualete, et operā, ac uoluntatem nostram iuuandi studia uestra puerilia, boni & equi, ut facitis, consulite, & praeceptorē uestri amantissimum, redamate. Data ex inclyta Lunaburga, Anno 1550. 26. Septembris.

V R B A

VRBANVS

RHEGIVS, LVCAE LOSSIO

S. in Domino.



LIBENTER PERLEGI

tuum illud compendiolum quaestionum, in quo summa, quae fieri potuit, breuitate, praecipua Catechismi puncta, ad usum puerorum complexus es. Peruidi & Dialogum, cum sententijs ex scriptura sancta excerptis, ac laborem approbo, pueris profecto non inutilem futurum. Placet denique, ut edito hoc libello, non tantum pueri scholae uestrae, sed aliarum quoque ad pietatem exerceantur. Reliqui Catechismi, ut est meus, & Philippi, sunt prolixiores, & interdum nonnihil altioris Theologiae admiscunt, quam ut promiscue tam teneris pueris prosint. Illa autem tua breuitas nemini imperuia est. Obsecro autem te & Symmystas tuos, per Christum, ne uos tot laborum in instituenda iuuenute pigeat, tædeat, & poeniteat: nulla hominum ingratitudo uos ab instituto tam sancto absterreat, sed uos in officio retineat dulcissima Danielis promissio, qui uobis in illo puluere scholastico

Daniel. 12

Sudantibus uelut acclamat. Qui ad iustitiam (in-
quit) multos erudiunt, quasi stellæ, fulgebunt in
perpetuas æternitates. Cur enim non & in uos
hec promissa transferam? cum pietatem unâ cum
bonis literis iuuentuti instilletis, & plantulas illas
etiamnum teneras renascentis Ecclesiæ sedulò
plantetis & rigetis, unde proceras arbores olim
exorituræ uidebitis? prodibunt enim ex hoc lu-
do uestro literario insignes Theologi, qui Christi
Ecclesijs præficientur, & stabunt in acie aduer-
sus Satanae & Antichristi exercitus, ubi certè
omnia, quæ illi præclara gesserint, uobis accepta
ferentur. Pergite itaq; quemadmodum cœpistis
Christum iustitiam nostram synceriter & assi-

1. Corint. 15. due in schola uestra docere. Et labor uester
non erit inanis in Domino, ut uos so-

latur Apostolus. Bene uale,

ex Cella, 24. Octobris,

Anno 40.

IN.

INDEX LOCORVM COM

MVNIVM THEOLOGICORVM, QVI IN
hoc Christianæ Catechesios libello breuiter
explicantur, & confirmantur. a priorem, b
posteriorem pagina faciem notat.

A.

Absolutio quid 55 a 59 a
113 a 139 a

Adiaphora an & quomodo
recipienda 81 a

ex Aegypto liberatio 127 a

Amen 102 b 107 a 135 b

Anabaptistarum obiectiones
68 a b

B.

Baptismi Christi, et Ioannis,
discrimen 67 a

Baptismi necessitas 66 b

Baptismus 66 a 115 a
139 b

Baptismus an sit Sacramen-
tum 66 b

Baptismus infantium 67 a
117 b

Bona opera 76 b 123 a

Bona opera an mereantur
iustitiam 73 a 124 b
Bona spiritualia 52 a 103 b

C.

Calamitatum causa 5 b 75 a

Catechismi doctrina omnib.
opus 6 b 86 b

Catechismi partes 1 b
86 b

Catechismi summa 115 b

Catechismus quid 1 b

86 a

Christi ascensus in cœlum

43 a 133 b

Christiano necessaria ad ui-
tam æternam 1 b

Christus 131 b

Christus sitne Deus & perso-
na 41 a

Cœlum quid 131 a

Cœna Domini 69 b 118 a

INDEX.

Cœna Domini an sit sacramentum	70 b 71 a	Decalogi usus triplex	27 a 92 b
Cœnæ oblatio an proſit uiuis & mortuis	71 b	Decalogus an abrogatus	7 a
Cœnæ ſalubris ſumptio	71 a 119 a	Decalogus quid	2 b 87 a 126 b
Cœnæ utraq; ſpecies ſumen- da	71 b	Deus	126 b
Concupiſcentia	4 a 25 a	Deus cur zelotes	129 b
Concupiſcere quid	129 a	Deus unus	13 a 37 b 127 a
Confeſſio qualis retinenda in Eccleſia	58 b	Dextera quid	43 a
Confeſſio quid	55 a 110 b 138 b	Dilectio an iuſtificet	28 a
Coniugium	21 b 74 a	Dilectio Dei, & proximi	129 a b
Conſolationes in cruce	76 a 122 b	Diuitiæ an conſeſſæ	23 b
Contritio quid	55 a 109 b	Dubitatio an ſit peccatũ	32 a 54 a
Corruptio humanæ naturæ	4 b	E.	
Creatio	2 b 38 b	Eccleſia Chriſtiana	8; b
Credere quid	130 b 139 b		134 b
Crucis cauſæ	75 a	Eccleſia quid	45 a 99 b
Crux an ſit ſignum amoris Dei	74 b	Eccleſiæ fundamentum	4 a
Crux triplex	121 b	Eccleſiæ glorificatio	46 a
		Eccleſiæ libertas ſpiritualis	54 b
		Eccleſiæ ſanctificatio	45 b
		Elementum	114 b
		Euangelium quid	10 b
			47 a 87 a

D.

Euangeli

INDEX.

Evangelium audientes an *Gubernatio & sustentatio*
omnes saluentur 12 b *rerum* 39 d

Exauditio 51 a 53 b

H.

F.

Homicidia quæ prohibita

Falsum testimonium 129 d

20 d

Fides an sit fiducia 30 a

Honorare quid

128 d

Fides Christiana quid 30 a

55 a 95 a 110 a 123 a

Fides Iudæorum & Turca-

rum

38 a

Iesus

131 b

Fides piorum Veteris Testa-

Imago Dei in homine

3 b

menti

38 a

Inferna

133 a

Fides sola an iustificet 32 b

Inuocatio

102 b

94 a

Inuocatio an sit proprium

Filium Dei hominem nasci, et

opus Ecclesiæ

48 b

pati an fuerit opus

42 a

Inuocatio piorum Veteris

Filius an portet iniquitatem

Testamenti

13 b

patris

29 a

Inuocatio Sanctorum

49 a

Furta & eorum poenæ

22 b

Inuocatio Turcarum & Iu-

Furtum facere, quid

128 b

daorum

13 b 48 b

Ira omnis an prohibita

21 a

90 b

G.

Iudicia an prohibita

24 d

Generatio hominis

3 b

Iuramenta seruanda quæ

Gratia quid

36 a

16 a

Gratiarum actio

102 b

Iurare an liceat

15 d

Iustifi-

INDEX.

Justificare quid	36 a	Missa sacrificium	65 a
Justificationis causa	9 b	Mochari quid	128 b
Iustitia Dei	36 b		

N.

L.	Nomen Dei	127 b 136 a
----	-----------	-------------

Lapsis an sit reditus ad gratiam 55 b

Lapsus 3 a

Legis & Evangelij discrimen 10 b

Legis usus triplex 27 a 92 b

Lex an iustificet 9 a 28 b

Lex an possibilis 8 b

Lex Dei quid 2 b 87 a

Lex Mosi an tradenda Christianis 6 b

Libidines prohibita 22 a
91 a

M.

Magistratui impio obediendum 19 a

Magistratui quatenus obediendum 18 b

Magistratus 74 a

Malorum causa 5 b

Malorum finis 53 b

Mendacium triplex 24 b

O. Occidere quid 128 b

Officia civilia an sint cultus Dei 19 a

Opera an mereantur uitam eternam 29 a 94 a

Opera legis cur facienda 94 b 124 a

Opera mala 125 a

Opera media, quae uocant, et traditiones Ecclesiae 79 b

Oratio dominica 47 a 102 b
104 b 135 b

Ordinaria successio 45 a

P.

Panis quotidianus 52 b 137 a

Parentes qui 128 a

Peccata an omnia sint remissibilia 50 b

Peccati causa 40 a

Peccati effectus 5 a 86 a
Peccati

INDEX.

Peccati poena	5 a	S.
Peccatum cur fugendum		
125 a	de Sabbato obiectiones	16 b
Peccatū quid & quotuplex	Sabbatum	127 b
100 b 101 a 135 a	Sacramentorum necessitas	
Periuria an liceat punire	62 a 114 b	
15 b	Sacramentorum numerus	
Pij ueteris Testamenti quo	60 a 114 a	
modo saluati	12 a	Sacramentorum Veteris &
Pœna resipiscientium	58 a	noui Testamenti discrimen
Pœnitentia quid	54 b 109 a	61 a
138 b	Sacramentorum usus & efficacia	63 a
Pœnitentiæ partes	54 b 56 b	Sacramentum Altaris
Premia operum bonorum		69 b
29 a 92 b	118 a	
Precatio	47 a	Sacramentum quid
Proprium tenere an liceat		60 a
23 a	114 a	
R.	Sacrificij & Sacramenti discrimen	63 a
Redemptionis humanæ causa	Sacrificij species	63 b
6 a	Sacrificiorum ἐν ᾧ πιστὶς αἰσῶν applicatio pro alijs	64 b
Regnum Dei	136 b 138 a	Sacrificium Missæ
Remissio peccatorum gratuita	10 a b 106 b	Sacrificium propitiatorium tantum unum
135 a		63 b 65 a
Renati an possint Libi	55 b	Sāctificatio nominis Dei
116 a 117 a	Satisfactio	57 a 113 b
	Sollicitudo	52 b

INDEX.

Spiritus sanctus 99 a 134 a **Testamentum nouum** 142 a
Spiritus sanctus an fuerit an **Trinitas** 37 b
te Christum incarnatum.

44 b

V.

Spiritus sanctus an sit Deus, **Victus** 52 b

& distincta persona à **Vindicta** 20 b 90 a

patre & filio 44 a **Vita aeterna** 135 b

Symbolum Apostolicum 30 a **Vocatio Christiana** 73 a

95 a 130 b 120 a

Vocis externae energia 6 a

Voluntas Dei 136 b

T.

Tentatio 53 a 137 b **Vota monachorum** 16 a

Terra quid 131 a

FINIS.

STV.

STVDIOSO CHRIS

STIANAE RELIGIO-

nis puero, Hermannus

Tulichius.

Disce puer Christū rudibus cognoscere ab annis;

Idq; Dei ex uerbo, quo sine nulla salus.

Quo sine quid refert omnes uoluisse per artes?

Quo sine quid studium quamlibet acre ualeat?

Quo sine quid sophiæ confert impendere uitam?

Quo sine quid prodest omnia scire? nihil.

Sunt aliquid, fateor, præstantia dona Mineræ,

Attamen ad uerbum, sunt uelut umbra, Dei.

Hoc lux atq; uia est, cœli quæ ducit ad arcem,

Quo sine nil solidi sub ioue mundus habet.

Hoc uita æterna est, nullo reparabilis auro,

Sed fuso Christi sanguine parta tibi.

Pendet ab hoc animæq; salus, & uita perennis,

Qua sine lucrari quid iuuat orbis opes?

Cætera sunt tenebræ, sunt deuia, falsa, caduca,

Et subito, quamuis splendida, mortis erunt.

Gloria, uis, & honos, fastus, sapientia mundi,

Dum florere putas, languida facta cadunt.

Hoc manet æternum, nullo uiolabile ferro,

Teq;, fremit Dæmon uel sine fine, beat.

Hoc studiose puer tenerum sectare per æuum

Et tibi succedet, credito, quicquid ages.

Discere

Discere seu mens est aliquid, seu scribere cordi,
Ad Christum toto pectore funde preces.
Ac age, quod certū est, Dominoq; Deoq; placere;
Qui rigat, & præsens crescere quæq; facit.
Cunctorum Domino debetur gloria rerum,
Ad laudem cuius, cœpta, peracta, refer.
Hunc propone scopum cunctis in rebus agendis,
Et studijs fructum, diuitiasq; tuis.
Et dabit hic quantum satis est traducere uitæ,
Et cœli regnum post tua fata tibi.
Procedit siquidem, quicquid conatur agitq;
Ex uerbo, Dominum qui timet atq; colit.
Quicquid agis, Domini laudem, fratrisq; salutem
Querito, de fructu uiderit ipse Deus.
Notitia cuius cœlestia regna paramur,
Quæ præstare tibi nulla Thalia potest.
Quare prima tibi uerbum sit cura Deusq;
Et studijs fœlix inuiglato bonis.

S V M M V L A

SVMMLA CATE-

CHISMI PRO PARVVLIS.



Quid es? Homo Christianus.

Cur homo?

Quia animal sum, à Deo generatus, rationis
& sermonis particeps.

Cur Christianus?

Quia baptizatus sum in nomine Patris, Filij,
& spiritus sancti, & in Christum Iesum filium
Dei credo, Deumq; per Christum inuoco.

Cur Deus te generauit hominem?

Vt Deum ex ipsius uerbo cognoscerem, inuo-

Q V A E S T I O N E S

ire et celebrare, uitamq; eternam per fidem in Christum ipsius filium consequeretur.

Quot sunt ad uitam æternam consequendam Christiano homini necessaria? Quinq;. Quod est primum? Vt peccata sua ex lege Dei agnoscat. Quod est secundum? Vt in Deum per Christum ipsius filium uere credat. Quod est tertium? Vt solum Deum per Christum mediatorem nostrum inuocet. Quod est quartum? Vt quotidie pœnitentiã de peccatis suis agat. Quod est quintum? Vt fidem suam de remissione peccatorum saepe per sacramentorum usum confirmet.

Vnde hæc summatim discuntur?

Ex Catechismo.

Quid est Catechismus?

Est Methodus Christianæ doctrinæ, in qua rudēs Christiani ad ueram pietatem uiua uoce instituantur.

Quot sunt partes Catechismi?

Quinq;.

Quæ sunt?

1. Decalogus.
2. Symbolum Apostolicum.
3. Oratio Dominica.
4. Doctrina de pœnitentia, confessione, & absolutione.
5. Et doctrina de utroq; Sacramento, Baptism i

DE CATECHISMO.

Baptismi, & Corporis ac Sanguinis Do-
mini nostri Iesu Christi, seu Cœnæ Do-
minicæ.

DE PRIMA PARTE

Catechismi, de Decalogo, siue
Legē Dei.



Q. V A E S T I O N E S

Quæ est prima pars Catechismi?
Decalogus, siue Lex Dei.

Quid est Decalogus?

Est sancta Lex Dei, in decem præcepta distincta, quibus Deus præcipit, quid agere & omittere debeamus.

Quid est Lex Dei?

Est doctrina, qua Deus requirit à nobis perfectam iustitiam & sanctitatem, & inobediētibz minatur æternam damnationem.

SEQVUNTUR OBIECTIONES

de creatione, lapsu, & reparatione
Hominis.

QVÆSTIO DE CREATIONE.

Estne creatus homo, hoc est, factus à Deo ex nihilo? Est. Quia Sapientia 2. dicitur: Creavit Deus hominem ad uitam perpetuam, & ad imaginem similitudinis sue fecit illum. Est autem creare facere aliquid ex nihilo.

C O N T R A.

1. Deus fecit Adam ex limo terræ, & mulierem ex costa eius. Genes 2. Sapientie 9.

Ergo homo non est creatus ex nihilo.

R E S P O N S I O.

Deus usus est limo terræ informi, & costa tanquam instrumento seu medio (sine quo tamen ut
ceteras

DE CATECHISMO:

3

ceteras creaturas, cœlum & terram, etiam hominem creare potuerat) sed in terra arida, & co-
sta nihil hominis fuit, hoc est, nulla forma, seu ha-
bilitas ad hominem, ad eius membra & uires.

Quare hæc omnia creata sunt ex nihilo per uer-
bum Dei, sicut capite 1. dicitur : Creauit Deus ho-
minem ad imaginem & similitudinem suam: ad ima-
ginem Dei creauit illum, masculum & femellam
creauit illos?

DE LAPSV.

Homo creatus est ad imaginem Dei,
Imago Dei est sapientia & iustitia ^{2.}
Dei :

Ergo homo Deum uerè nouit, Deo
obtemperat, & per se iustus est : &
per consequens, homo sua iustitia
saluatur, & legi Dei satisfacit.

RESPONSIO.

Conditus est homo initio ad imaginem Dei, or-
natus illustri notitia Dei, & originali iustitia, sed
circumuentus postea insidijs Diaboli, & propria
obsequens uoluntate, lapsus est, & auertit se libe Gene. 3.
re à prima integritate, unde sapientia & iustitia
originali priuatus est, ut iam corruptus peccato,
nihil nisi carnalia sapiat, cogitet, agat, & uelit. 1.
Corinth. 3.

DE REPARATIONE IMAGI-
nis Dei in homine.

QVÆSTIONES

3. Homo per peccatum amisit imaginem Dei, hoc est, ueram Dei notitiam, iustitiam & uitam æternam:
Ergo nemo hominum uerè iam nouit Deum, nemo ei obtemperat, & habet iustitiam, aut uitā æternam.

R E S P O N S I O.

Nego consequentiam: Quia amissa imago Dei per peccatum, in credentibus iterum reparatur, & accenditur in mentibus noua lux, per prædicationem Euangelij, usum Sacramentorum, & absolutionem, quibus restituitur homini gratia Dei, spiritus sanctus, noua lux, notitia Dei, & iustitia, sicut Adam & Eua receperunt iustitiam & notitiam Dei per fidem in datam promissionem de uenuro semine contrituro caput serpentis, Genes. 3. Ad hanc renouationem hortatur nos Paulus, Coloss. 2. Exuite, inquit, ueterem hominem, & induite nouum, eum qui renouatur in agnitionem Dei, secundum imaginem eius, qui creauit eum. Item Ephe. 4. Renouamini in spiritu mentis uestre, & induite nouum hominem, qui secundum Deum creatus est, in iustitia & sanctitate.

D E G E N E R A T I O N E H O M I -
nis, seu de concupiscencia.

Naturalia non sunt peccata.

4. Generatio hominis est actio naturalis:

Ergo

Ergo generatio non est peccatum, seu actio peccato obnoxia, aut rea.

RESPONSIO.

Nego maiorem. Quia naturalia post lapsum Adæ sunt corrupta, & peccato obnoxia, propter corruptionem naturæ, quæ secuta est lapsum hominis. Est igitur fallacia accidentis.

Concupiscentia manet in renatis.

Ergo renati non sunt prorsus purgati à peccatis. ^{2.}

Respondeo per distinctionem: Purgati sunt imputatione per fidem. Sicut inquit Apostolus: Nulla est iam cōdemnatio in ijs, qui insiti sunt Christo. Igitur infirmitas reliqua propter mediatorem eis condonatur, qui eam agnoscunt, & student commendare. ROMA. 8.

DE FVNDAMENTO SEV

capite Ecclesiæ.

Ecclesia fundata est super Petrum.

Nam inquit Christus Matth. 16. Tu es Petrus, & super hanc petram ædificabo Ecclesiam meam: ^{3.}

Ergo Ecclesia non est fundata super uerbum Dei, aut super Christum.

Respondeo ad antecedens. Quia non inquit Christus, Super te Petrum, sed, super hanc petram, hoc est, firmam tuam de me confessionem ædificabo Ecclesiam meam. Est igitur fallacia equiuocationis in coniugatis.

Q V A E S T I O N E S
DE CORRUPTIONE HV-
mana natura.

4. Ratio, ut inquit Philosophus, deprecatur ad optima.

Ergo tota natura hominis non est deprauata per lapsum Adæ.

Respondeo ad antecedens, per distinctionem, Reliquum est in natura iudicium de discrimine honestorum & turpium. Item aliqua notitia legis, ut maneat in nobis testimonium de iudicio Dei. Sed uoluntas, tanquam equus indomitus, aurigam rapit, & pellit rationem, ne recta constanter amplectatur. Deinde ipsum iudicium non est integrum, sed plenum ignorantia & dubitatione de prouidentia Dei, & beneuolentia eius erga humanum genus. Sicut inquit Paulus: Animalis homo non percipit ea, quæ sunt spiritus Dei. Est igitur fallacia à dicto secundum quid, ad dictum simpliciter.

DE SPIRITUALI LIBERTATE Ecclesiæ.

5. Moriuntur etiam Sancti, & sentiunt horrores peccati & mortis, & tyrannidem Diaboli:

Ergo Sancti non prorsus sunt liberati à peccato, morte, & potentia Satanæ.

Respondeo ad antecedens, per distinctionem:
Sancti

Sancti liberati sunt à peccato, morte, & Satana
imputatione. Item, ne desperent in terroribus, ut
impij, donatur eis spiritus sanctus, qui in ipsis est
efficax, ut inchoent nouam uitam, repugnent pec-
catis, & tandem eluctentur è tentatione.

DE POENA PECCATI.

Nemo patitur pœnam alieni peccati. 6.

Ergo Deus iniuste punit cæteros ho-
mines propter lapsum Adæ.

Respondeo ad antecedens, per distinctionem:
Nemo patitur pœnam alieni peccati, cuius non i-
ipse sit etiam aliquo modo particeps seu reus. Sed
homines participes seu rei sunt lapsus & inobe-
dienciæ Adæ parentis sui. Quia natura humana
est corrupta propter propagationem carnalem,
quæ facit ut posteritas iam talis sit, qualis Adam
pater fuit. Ideo puniuntur homines, non tantum
propter peccata actualia, sed etiam propter pec-
catum seu uitium originis.

DE EFFECTV PECCATI,

seu causa malorum.

Defectus nō est efficax, seu nihil agit, 7.
quia nihil est.

Peccatū originale est defectus. Quia
est, ut finit Anshelmus, carentia o-
riginalis iustitiæ:

Ergo peccatum originale non est effi-
cax, seu nihil agit: & per conse-

Q V A E S T I O N E S

quens, peccatum non est causa calamitatum humani generis.

Respondeo ad probationem maioris, per distinctionem: Nihil, est duplex. Nihil negatiuum, quod nihil agit, Vt equus Alexandri mortuus. Et nihil priuatiuum, quod est destructio in subiecto, ut ruina in edificio, morbus in corpore. Hæc destructio agit aliquid, hoc est, mouet indignationem in mente Architecti. Sic peccatū originis in Deo primum excitat iram propter confusionem ordinis in natura. Deinde causa est uitiosorum motuū, & actualium peccatorum, quæ Deus punit poenis corpora libus & æternis.

AN DEVS AVTOR CALAMITATUM generis humani.

8. Deus autor est calamitatum seu malorum poenæ. Quia inquit: Non est malum in ciuitate, quod ego non faciam:

Ergo peccatum non est causa calamitatum.

Respondeo ad antecedens per distinctionem: Deus est causa puniens, non approbans, aut uolens peccatū: peccatum est causa calamitatū efficiens, seu impellens mentem diuinam ad puniendum

Psalm. 5. peccata, quæ Deus horribiliter odit. Sicut inquit *Psalm. 38.* *Psalm.* Non Deus uolens iniquitatem tu es. Item: Propter iniquitatem corrumpis filios hominum.

DE

DE CATECHISMO.

6

DE CAUSA REDEM-

ptionis humanæ.

Paulus inquit Ephe. 1. Deus elegit nos in Christo, antequam iacerentur fundamenta mundi, ut essemus sancti & irreprehensibiles per charitatem.

Ergo non solum misericordia motus est Deus, ut reciperet nos, & mitteret filium, sed etiam nostra sanctitate, quam Deus prævidit.

R E S P O N S I O.

Nego consequentiam: Quia est fallacia secundum non causam ut causam. Nam sanctitas seu electio nostra non fuit causa efficiens, seu mouens voluntatem Dei, sed causa finalis, seu fructus redemptionis. Electio igitur sanctos fecit, non sanctitas præuisa meruit electionem.

DE ENERGIA VOCIS

externæ.

Spiritus sanctus internè instituit ac¹⁰¹ mouet mentes ad ueram pietatem,

iuxta illud: Omnes erunt docti a Deo: ^{Esa. 45.}

Ergo non est opus uiua uoce, seu externa institutione. ^{Ioan. 6.}

R E S P O N S I O.

Nego consequentiam: Quia est fallacia non sufficienti-

Q V A E S T I O N E S .

ficientium causarum. Nam tres sunt causae propinque pietatis, seu cognitionis Dei, Spiritus sanctus, Verbum externum, & uoluntas humana assensuens: quarum nulla negligenda est.

AN OMNIBVS OPVS SIT
doctrina Catechismi.

11. Rudiores instituendi sunt in doctrina
Catechismi:

Ergo adulti, seu instituti antea, ea opus non habent.

R E S P O N S I O .

Nego consequentiam: Quia in contrarijs mediatis consequentia non ualet. Nemo autem tantam est consecutus huius doctrinae cognitionem, ut eam lectione ac meditatione quotidiana augere non possit. Ideo iubet D. Petrus, ut indies in gratia & cognitione Christi Domini & seruatoris nostri crescamus.

2. Pet. 3.

D E L E G E .

AN LEX MOYSI TRADENDA sit Christianis.

Lex Moysei non obligat Christianos.

Quia ab ea sunt liberati per Christum. Sicut inquit Paulus, Roma. 6.

Non estis sub lege, sed sub gratia.

Ergo lex Moysei non est tradenda Christianis.

R E -

RESPONSIO.

Nego consequentiam: Quia est fallacia à dicto secundum quid, ad dictum simpliciter. Nam leges Moysi ceremoniales et forenses tantum abrogatæ sunt, non Moralis seu Decalogus. Quia sicut Lex naturæ aboleri non potest in mente hominis, ita etiam Decalogus est immutabilis, quia est nihil aliud, quam lex naturæ, et legis naturæ renouatio.

CONTRA.

AN ABROGATVS DE-
calogus.

Est lex ipsa moralis, seu Decalogus abrogatus. Inquit enim Paulus de tota lege: Non estis sub lege, sed sub gratia. 1. Roma. 6.
1. Tim. 1.
Item: Iusto non est lex posita.

Respondeo per distinctionem: Christiani non sunt sub lege, quantum attinet ad maledictionem, à qua liberati sunt per Christum, qui λύτρα, hoc est, poenam pro nobis persoluit: sed quantum attinet ad obedientiam, cui creatura rationalis perpetuò & immutabiliter subiecta est, propter diuinam ordinationem & uoluntatem. Deinde, Lex iusto non est posita, quantum ad disciplinam attinet. Quia renatus spiritu sancto uolens obtemperat Deo. Est autem posita lex omnibus, quantum attinet ad cognitionem peccatorum, & præstandam obedientiam.

Doctrina

Q V A E S T I O N E S

1. Doctrina adferens æterna bona, non est dicenda tristis.

Mat. 19.

Lex seu Decalogus adfert uitam æternam. Sicut inquit Christus: Si uis ad uitam ingredi, serua mandata Dei.

Ergo lex non est tristis doctrina.

Respondeo ad maiorem, per distinctionem: Lex adfert uitam cum conditione perfectæ impletionis. Sed nemo perfectè seruat seu implet legem, iuxta illud Psalmi: Non iustificabitur in conspectu tuo omnis uiuens. Ergo lex uitam non adfert sine cognitione Christi, & prælucente fide, qua statui-
mus nobis ignosci à Deo propter Christum, recipi nos in gratiam, iuuari & exaudiri. Hæc fides seu cognitio adfert uitam & consolationem.

2. Quicquid auget peccatum, non est prædicandum.

Lex auget peccatū. Inquit enim Paulus Roma. 6. Lex obiter intrauit, ut abundaret delictum. Et priore Corinth. 15. Virtus peccati lex est.

Ergo lex non est prædicanda.

Respondeo ad minorem, per distinctionem: Lex auget peccatum non in moribus seu in uita, sed in conscientijs, ut agnoscatur magnitudo peccati, et ira Dei aduersus peccatum, quam securi conce-
dunt, sine cognitione legis.

Quod

**Quod adigit ad desperationem, non 4.
est prædicandum.**

Lex adigit ad desperationem, ostendens iram Dei aduersus peccata, ut in Iuda & alijs conspicitur.

Ergo lex non est prædicanda Christianis.

R E S P O N S I O.

Lex non est sola prædicanda, sed addendum est Euangelium de reconciliatione gratuita propter Christum, quo mentes per terrefacta cognitione peccati, & conspectu iræ Dei rursus eriguntur, & confugunt ad mediatorem.

Lex non iustificat:

Ergo inutilis est eius prædicatio.

R E S P O N S I O.

Nego consequentiam: Quia legis alius usus est in Ecclesia, uidelicet, primum ut peccata reuelent. Sicut inquit Paulus: Per legem est cognitio Rom. 3. peccati. Deinde, ut disciplina legis coërceantur homines carnales. Tertiò, ut sit regula bonorum operum, quæ Deus mandauit, & approbat.

Christus inquit, Marci ultimo: Prædicare Euangelium omni creaturæ: 6.

Ergo lex non est prædicanda, sed tantum Euangelium.

R E S P O N S I O.

Nego consequentiam: Quia est fallacia diuisionis.

Q V A E S T I O N E S

sionis. Nam alibi complectens summam doctrinae Euāgelij, addit etiam praedicationem poenitentiae, seu legis, cum inquit: Agite poenitentiam, et credite Euangelio. Marci 1.

Q V A E S T I O, A N L E X S I T
possibilis, et quomodo.

Estne Lex possibilis, seu potest ne homo eam implere suis uiribus?

Non.

C O N T R A.

Inquit Hieronymus: Anathema sit, si quis dixerit, Deum impossibilia praecipisse.

R E S P O N S I O.

Non est pugnantia in relatiuè contrarijs, diuerso respectu. Sic lex est impossibilis homini, sine gratia spiritus sancti: Possibilis uerò, cum à gratia Dei adiuuatur. Vnde idem inquit: Si quis dixerit, non posse mandata Dei impleri sine gratia Dei, anathema sit.

C O N T R A.

Nemo tanta gratia donatur, ut perfectè impleat legem. Vnde Paulus inquit: Nos tantum primitias spiritus accipere.

Ergo nemo legem implet perfectè.

R E S P O N S I O.

Gratia dupliciter intelligitur, Primum de imputatione.

Roma. 9.

putatione. Deinde de auxilio spiritus sancti, qui nos motus excitat in nobis, consentientes legi Dei. Etiam si igitur à perfectione longè absumus, tamen inchoata obediētia reputatur pro iustitia à Deo, qua persona accepta est propter mediatorem Christum.

ALIA, AN LEX IV-
stificet.

Iustificatne lex coram Deo?

Respon. Non. Quia inquit Paulus: Arbitramur hominem fide iustificari, absq; operibus legi-
s. Roma. 3.

C O N T R A.

Inquit Iacobus capite 2. Videtis igitur quòd ex operibus iustificatur homo, & non ex fide solùm.

R E S P O N S I O.

Non est pugnantia: Quia Paulus loquitur de fide, quæ est fiducia misericordiæ, intuens mediatorem, & propter eum accipiens reconciliationem. Iacobus uerò intelligit notitiam historiæ, qua lis etiam est in damnatis. Ait enim: Demones credunt, & contremiscunt. Hæc fides non iustificat.

ALIA OBIECTIO, DE CAV-
sa iustificationis.

Iustificatio & sanctificatio, seu renouatio perpetuò coniunctæ sunt.

Ergo iustificatio & sanctificatio ea-

Q V A E S T I O N E S .

dem sunt. & non tantum iusti sumus fide, seu imputatione, sed etiam renouatione, seu qualitatibus nostris.

R E S P O N S I O .

Nego consequentiam: Quia plus est in consequente, quam in antecedente. Nam etsi concedendum est, simul atq; iustificatur quispiam, necessario etiam consequi innouationem, tamen hinc non sequitur, unam eandemq; rem esse iustificationem & innouationem. Sicut lumen Solis & calor non sunt idem. Differunt igitur iustificatio & innouatio. Nam iustificationis causa est gratuita imputatio: Renouationis causa est ipsa iustificatio. Sunt autem coniuncta tanquam calor & ignis inseparabiliter. Tribuitur autem iustificatio non innouationi seu qualitatibus nostris, sed imputationi diuinae, seu fidei, ut certa sit remissio peccatorum, & tribuatur Christo honor debitus. Non esse autem iustitiam ex operibus legis, his duobus Syllogismis probatur:

1. Iustitia operum est perfecta legis obedientia:
Nemo legi perfecte obedit:
Ergo nemo est iustus operibus legis.
2. Oportet promissionem de remissione peccatorum esse certam. Sicut inquit Paulus, Roma. 4. Ideo ex fide datur hereditas, ut certa sit promissio.

Promissio

*Promissio legis pendens ex conditione operū,
est incerta:*

*Ergo remissio peccatorum non est ex lege, sed
ex fide, seu imputatione, ut sit certa.*

**ALIA OBIECTIO, DE GRA-
tuita remissione peccatorum.**

**Deus imponit Dauidi pœnas post cō-
donationem peccati. Item Daniel
iubet, ut Rex Nabogdonosor redi-
mat se à peccatis elemosynis:**

**Ergo remissio peccatorum non tan-
tum est gratuita imputatio iustitiæ,
sed etiam requiritur compensatio
pro peccatis.**

R E S P O N S I O.

Nego consequentiam: Quia Dauidi imponun-
tur pœnæ corporales post remissionem peccati,
non tanquam compensatio seu satisfactio, sed ut
agnosceret magnitudinem iræ Dei aduersus pec-
catum, & haberet exercitia inuocationis, ac pec-
cata diligentius uitaret in posterum. In dicto au-
tem Daniëlis phrasis est scripturæ. Redime seu li-
bera te à peccatis, pro, cessa peccare: & requi-
rit officia misericordiæ, quæ in reconciliatis sunt
fructus pœnitentiæ, non meritum seu compensati-
onem reconciliationis, quæ accipitur gratis fide, pro-
pter mediatorem Christum.

Q V A E S T I O N E S
DE GRATVITA CONDONA-
tione peccatorum, testimonia.

Da aliquot locos scripturæ, qui probant remissionem peccatorum esse condonationem gratuitam.

Psal. 32, inquit Dauid: Beati quorum remisse sunt iniquitates, & quorum tecta sunt peccata. Beatus uir, cui Dominus non imputauit peccatum. Paulus ad Roma. 4. Credidit Abraham Deo, & imputatum est ei ad iustitiam. Ei uerò qui operatur, merces non imputatur secundum gratiam, sed secundum debitum. Porro ei, qui non operatur, sed credit in eum, qui iustificat impium, imputatur fides sua ad iustitiam Et posteriore Corin. 5. Erat Deus in Christo, mundum sibi reconcilians, non imputando hominibus peccata.

C O N T R A.

Deus summè iustus est:

Ergo non remittit peccata sine compensatione.

R E S P O N S I O.

Concedo argumentum: Sed filius Dei factus est compensatio, seu satisfactio nostra, sustinens pro nobis poenam, ac persoluens λύτρον. Sicut inquit Esaias 53. Languores nostros ipse tulit, ut nobis sit pax, & uenia concedatur.

DE DISCRIMINE LEGIS

& Euangelij, Quæstio.

Estne

Estne aliquod discrimen inter doctrinam Legis & Euangelij?

Respon. Est sanè.

CONTRA.

Et Lex & Euangelium pariter offerunt remissionem peccatorum:

Ergo nihil differunt Lex & Euangelium.

Respondeo per distinctionem: Lex promittit remissionem peccatorum cum conditione nostræ dignitatis, Nam requirit perfectam obedientiam erga Deum. Sed Euangelium offert gratis remissionem peccatorum, sine conditione dignitatis, et pronunciat nos iustos, hoc est, acceptos esse Deo propter Christum, etiamsi legi non satisfaciamus.

CONTRA.

Promissio Euangelij requirit fidem et obedientiam:

Ergo habet conditionem.

RESPONSIO.

Concedo argumentum: Sed requirit fidem tanquam medium, quo accipitur beneficium, & obedientiam seu nouitatem uitæ tãquam fructum, nõ tanquam causam reconciliationis. Nam hæc causa non est dignitas nostra, aut qualitas ulla in nobis, sed tantum meritum Christi extra nos, quod ideo fide accipiendum gratis offertur, ut certa sit reconciliatio, & honor reconciliationis Christi.

Q V A E S T I O N E S

sto tribuatur. Vt inquit Paulus: Ideo ex fide, ut firma sit promissio. Roma. 4.

A L I T E R.

Lex habet promissionem uitæ æternæ; sicut Euangelium, ut: Qui fecerit ea, uiuet in eis. Et Christus dicit: Hoc fac, & uiues.

Deut. 27.

Matt. 19.

Ergo Lex & Euangelium nihil differunt.

R E S P O N S I O.

Nego consequentiam: Quia est dissimilitudo promissionum Legis & Euāgelij. Nam promissiones legis habent conditionem implende legis. Vt est hæc: Qui fecerit ea, uiuet in eis. Sed promissio Euangelij, quæ propriè est remissio peccatorum, gratuita est, requirens tantum fidem assentientem promissioni. Sicut inquit Christus: Qui credit in me, habet uitam æternam Ioannis 6.

Q V A E S T I O.

Estne aliud discrimen Legis & Euangelij. Respon.

Est utiq;. Nam lex natura nota est. Sicut testatur Paulus ad Romanos 1. Euangelium uero nõ est natura notum, sed reuelatum est diuinitus. Vnde Paulus mysterium absconditum uocat. Et Ioannes inquit: Filius unigenitus, qui est in sinu patris, ipse enarrauit nobis. Ioan. 1.

1. Cor. 2.

1. Col. 1.

C O N T R A.

Si

**Si lex natura nota fuit, quid opus fuit
eam promulgari per Moysen?**

RESPONSIO.

*Tres sunt cause. Prima, quia lex natura erat
obscurata in plerisq; hominibus. Secunda, ut ex-
pressa uox, & testimonium Dei extaret, exigen-
tis & approbantis obedienciam. Tertia, ut scire-
mus eam esse ueram normam in mente diuina, dis-
cernentem iusta & iniusta, & agnosceremus eam
esse iudicium æternum & immutabile aduersus
peccatum, ut ira Dei agnita, quaereretur promif-
sio Messie.*

ALIA OBJECTION, QVOMODO

saluati sint pii Veteris testamenti.

**Sine cognitione Euangelij non est re-
missio peccatorum gratuita.**

**In ueteri testamento non habuerunt
Euangelium, Inquit enim Ioannes:
Lex per Moysen data est, gratia au-
tem & ueritas per Iesum Christum
facta est.**

**Ergo non habuerunt in Veteri testa-
mento gratuitam remissionem pec-
catorum.**

RESPONSIO.

*Nego minorem: Quia promissio edita statim
post lapsum Adæ, de semine cõtrituro caput serpẽ-
tis, hoc est, de Messia, uerè Euangelium fuit. Item*

QVÆSTIONES

hæc Gene. 22. In semine tuo benedicentur omnes gentes. Loquitur autem Ioannes de præcipuo officio Moysi, quod erat promulgare legem, & discernerit legem ab Euangelio, & utriusq; promissiones. Nec tantum Euangelium dicende sunt promissiones Noui testamenti, sed etiam dicta Moysi & Prophetarum de Messia, & eius beneficijs æternis.

ALIA, AN OMNES SALVENTUR
audientes Euangelium.

Euangelium est promissio salutis universalis, pertinens ad omnes:

Ergo omnes audientes Euangelium consequuntur salutem.

R E S P O N S I O.

Nego consequentiam: Quia promissio Euangelij, ut supra dictum est, requirit conditionem fidei, quæ correlatiuum est promissionis. Vnde inquit Ioannes cap. 1. Dedit potestatem filios Dei fieri his, qui credunt in nomine ipsius. Ideo non omnes saluantur, quia non omnes, ut inquit Paulus Rom. 10. Euangelio obediunt.

Quomodo diuiditur Decalogus?
In duas tabulas, priorem & posteriorem.

Quæ est prior tabula?

Quæ tria prima præcepta cominet.

Quæ sunt ea?

PRI-



**Ego sum Dominus Deus tuus, Non
habebis deos alienos coram me.**

*Hoc est, Me præ omnibus timebis, & amabis,
in meq; solum confides.*

**OBIECTIO, DE UNI-
tate Dei.**

**Vnus est tantum uerus Deus:
Ergo nemo potest habere deos alios
nos.**

RESPONSIO.

Nego consequentiam; Quia est fallacia æquiuo

Q V A E S T I O N E S

eationis. Nam habere Deum, significat fiduciam
ac spem suam collocare in Deum. Habent igitur
alienos deos, qui in aliam rem quamcunq; quæ nō
est Deus, fiduciam suam ponunt, & ab ea auxi-
lium petunt & expectant. Nam illud, ut inquit Di-
nus Augustinus, cuiq; Deus, quod toto pectore co-
lit.

ALIA, DE INVOCATIONE

Turcarum & Iudeorum.

**Iudæi & Turcæ colunt & inuocant u-
num & æternum Deum, qui est cō-
ditor rerum :**

**Ergo uerum Deum colunt & inuo-
cant.**

R E S P O N S I O.

Nego antecedens. Quia Iudæi & Turcæ du-
pliciter aberrant à uero Deo. Primum in essen-
tia, quia non inuocant aut colunt eum Deum, qui
est pater Domini nostri Iesu Christi, extra quem
Deus non rectè cognoscitur. Deinde aberrant
etiam in uoluntate Dei, quæ tantum in filio elu-
cet, tanquam in imagine, quem Iudæi & Turcæ
non agnoscunt, sed horribiliter blasphemant.

ALIA, DE INVOCATIONE

piorum Veteris testamenti.

**Patres Veteris testamenti non inuo-
cauerunt**

cauerunt Deum, qui est pater Domini nostri Iesu Christi, sed qui Israelitas eduxit de Aegypto:

Ergo non inuocauerunt uerum Deū: aut Iudæi hoc tempore uerū Deum inuocant & colunt.

RESPONSIO.

Nego antecedens. Quia etiam patres Veteris testamenti inuocârunt Deum, qui est pater Domini nostri Iesu Christi, quem Deus eis promisit, & filius ille ipse Deus fuit, quo ducente & præeunte egressi sunt Israelitæ ex Aegypto. Sicut inquit Diuus Paulus, priore Corinth. 10. Comitante eos petra, fuit autem petra Christus.

Deinde nego consequentiam: Quia est dissimilitudo. Nam patres habuerunt mandatum, ut eum Deum inuocarent ac colerent, qui Israelitas eduxit ex Aegypto. Iam habemus nouum

mandatum, ut credamus in eundem

Deum, sed qui misit filium me-

diatorem, de quo clama-

uit: Punc audite.

Matth. 17.

SECUNDVM.

QVAESTIONES
SECVNDVM.



Non assumes nomen Domini Dei tui
in uanum, Non enim habebit Deus in-
sonnem eum, qui nomen Domini Dei
sui in uanum assumpserit.

Hoc est, Nomen Dei non usurpabis in res ua-
nas, inutiles aut impias, sed in omni necessitate
tua illud inuocabis, celebrabis & confiteberis, &
Deo ages gratias in omnibus rebus, prosperis &
aduersis.

QVAESTIO, AN IVRARE
liceat.

Licet ne

DE CATECHISMO.

19

Licet ne Christiano iurare?

Etiam, cum id aut iubet Magistratus, aut uocatio & gloria Dei exigit. Quia lex inquit: In nomine Dei tui iurabis. Et Paulus iuramento usus est, posteriore Corin. i. Ego autem Deum testem inuoco aduersus animam meam. Deut. 6.

CONTRA.

Christus iuramentum prohibet, Matthæi 5. cum inquit: Ego autem dico uobis, ne iuretis omnino.

Respondeo per distinctionem: Christus improbat iuramenta, quæ dantur sine uocatione, & sine mandato Magistratus. Non prohibet iuramento uti, quod aut desert Magistratus, aut quo uti cogit uocatio, aut gloria Dei.

CONTRA.

Christus inquit: Sermo uester sit ita, Matthæi 5. & non:

Ergo iurare non licet, nec opus est alia confirmatione.

RESPONSIO.

Loquitur Christus de priuatis contractibus, & familiaribus colloquijs, ubi non cogit ad iusiurandum uocatio, gloria Dei non exigit, nec Magistratus iuramentum desert subditis.

Abusio nominis Dei est prohibita.

Iurantes abutuntur nomine Dei:

Ergo iurantes peccant.

RE-

QVÆSTIONES.

RESPONSIO.

Nego minorem. Nam iurantes mandato Magistratus, aut exigente uocatione & gloria Dei, non abutuntur nomine Dei, sed præstant obedientiam Magistratui, & officium dilectionis proximo, in dirimendis controuersijs. Iuxta illud ad Hebr. 6. Omnis controuersia finis est iusiurandum.

QVÆSTIO, AN PVNIRE

liceat periuria.

Debent ne Magistratus punire periuria?

Respon. Etiam. Quod hoc Syllogismo probatur:

Magistratus debet tueri omnia uincula societatis & iudiciorum.

Iuramentum est præcipuum uinculum politici status:

Ergo eius autoritas maximè defendi debet per Magistratus.

C O N T R A.

Magistratus politicus est custos tantum secundæ tabulæ.

Periurium est peccatum contra priorem tabulam:

Ergo Magistratus non debet punire periuria.

RESPONSIO.

Nego Maiorem: Quia Magistratus est custos totius

DE CATECHISMO.

18

totius legis, quod ad externam disciplinā attinet. Ideo punire debet delicta externa aduersus omnia præcepta, & contumelias externas diuini nominis, iuxta hoc Leuitici 24. Qui blasphemauerit nomen Domini, morte moriatur.

QVÆ IURAMENTA seruanda sint.

Iuramenta sunt seruanda.

Herodes iurauit se interfectorum

Mat. 14.

Baptistam:

Mar. 6.

Ergo rectè fecit.

Respondeo ad maiorem, per distinctionem: Iuramenta licita sunt seruanda, hoc est, in quibus promittitur quod peccatum non est, aut sine peccato præstari potest, non illicita, quale iuramentum fuit Herodis promittentis se facturum iniustam cædem.

DE VOTIS MONACHORVM.

Vota sunt seruanda.

Monachi uouerunt paupertatem:

Ergo hoc uotum seruare debent.

Respondeo ad maiorem, per distinctionem: Vota seruanda sunt, quæ fiunt iuxta uerbum Dei, et eius gloriam non ledunt, sicut uota monastica, quæ fingunt ceremonias esse cultus Dei, quæ merentur remissionem peccatorum: quia hæc gloria tantum debetur meritis Christi, non traditionibus humanis.

TER.

QVAESTIONES
TERTIVM.



Memento ut diem Sabbati sanctifi-
ces.

*Hoc est, Dies festos actionibus pijs & sanctis
transiges, ut audiendo & discendo uerbum Dei,
celebrandis ceremonijs, orando publicè, & simi-
libus.*

OBIECTIO DE SABBATO.

Decalogus est immutabilis, quia est
lex naturæ.

Mandatum de sabbato est præceptum
Decalogi:

Ergo mandatum de sabbato est im-
mutabi

murabile: & per consequens, non rectè dies sabbati mutatus est ab Ecclesia, & uiolant sabbatum, qui in eo operantur.

Respondeo ad maiorem: Decalogus est immutabilis, quatenus est lex naturæ: sed præceptum de sabbato duas partes continet. unam naturalem, seu moralem, seu genus, uidelicet conseruationem ministerij, & ceremoniarum, quæ diuinitus sunt institutæ, hoc genus est perpetuum, et abrogari non potest. Altera pars est ceremonia propria populo Israël, seu species de septimo die. Hæc pars, sicut reliquæ ceremoniæ Leuiticæ, abrogata est.

Abrogata est lex de sabbato:

2.

Ergo non peccant, qui in die sabbati seu Dominico operantur.

Respondeo per distinctionem: Non peccant, si opus non impedit sanctificationem sabbati, quæ præcipua est mandata, hoc est, ministerium Dei, & ceremonias institutas diuinitus: sed peccant, qui hæc contumaciter negligunt, & tempus publici ministerij, & ceremoniarum in alias res quas-cunq; conserunt.

Sabbatum est abrogatum:

Ergo licet etiam abolere alios dies festos omnes institutos ab Ecclesia.

3.

R E S P O N S I O.

C

Q V A E S T I O N E S

Nego consequentiam. Nam sicut Sabbatum abrogatum est, quantum ad speciem, hoc est, diem septimum, non quantum ad genus, hoc est, conseruationem ministerij, & ceremoniarum: Sic etiam interdum licet omittere festos dies, propter publicas causas, aut etiam prorsus abolere, cum accedit cultus persuasio. Sed dies destinati ad hoc, ut populus certo tempore doceri possit, seruandi sunt, propter bonum ordinem, quem Paulus uult retineri in Ecclesia.

1. Cor. 14

4. **Vulgus abutitur libertate de sabbato, ocio & crapula indugens:**
Ergo libertas hæc non est proponenda populo.

R E S P O N S I O.

Nego consequentiam: Quia est fallacia secundum non causam ut causam. Quia abusus rei non est causa idonea, cur uera & salutaris doctrina conscientijs de libertate Christiana, quam ubique scriptura tradit, omittatur in Ecclesia, sed reprehendendi sunt abusus, & puniendi contumaces à Magistratu, & interim tamen necessaria doctrina tradenda est Ecclesie.

5. **Ocium sabbati seuerè præceptum erat iudais:**
 Exod. 16.
 1. Mac. 2.

Ergo

DE CATECHISMO.

18

Ergo peccarunt Maccabæi pugnan- Mat 12.
tes in sabbato: & Apostoli uellen- Mar. 2.
tes eodem die spicas. Lucæ 6.

R E S P O N S I O.

Nego consequentiam: Quia opera dilectionis
preferenda sunt ceremonijs. iuxta illud: Mi-
sericordiam uolo, non sacrificium. Licet igitur
omittere publica ministeria, & ceremonias, cum
id necessitas & dilectio proximi requirit, mo-
dò alijs diebus ministerium publicè conserue-
tur.

Quid docet aut exigit prior
tabula?

Quid debeamus Deo creatori nostro.

Quid ei debemus?

Verum timorem, fiduciam & amorem, nomi-
nis eius inuocationem & confessionem, gratia-
rum actionem, ac sedulum uerbi eius studium, au-
diendi, discendi, & exprimendi in uitæ mori-
bus.

Quæ est posterior tabula?

Quæ septem postrema præcepta continet.

Quæ sunt ea?

C 3

Q V A E S T I O N E S
Q V A R T V M.



Honora patrem tuum, & matrem tuam, ut sis longæuus super terram.

Hoc est, Cole, ama, & iuuua parentes tuos, & omnes, quibus parentes suam uicem commiserunt, ut sunt, Magistratus, concionatores, præceptores, tutores, natu maiores, & similes.

O B I E C T I O D E O B E D I E N
tia erga parentes & Magistratus.

Obediendum est parentibus ac Magistratui :

Ergo mandantibus, ut deseramus ueram doctrinam Euangelij, & ueros cultus Ecclesiæ, obtemperandum est.

R E-

RESPONSIO.

Nego consequentiam: Quia antecedens non est uniuersale. Ideo plus est in consequente, quàm antecedente. Quia antecedens loquitur de obedientia, quæ non est contra Deum. Ideo cùm parentes aut Magistratus impia iubent, Deo magis est obediendum, quàm hominibus, Actorum 5. Et rectè dictum est à Pericle Atheniense: Δὲ ἢ συμπράττειν τοῖς φίλοις, ἀλλὰ μέχρι θεῶν.

AN OBEDIENDVM IMPROBIO Magistratui.

Multi sunt Magistratus impij, actyranni:

Ergo imperia sunt mala, & non est obediendum improbis.

RESPONSIO.

Nego consequentiam: Quia est fallacia accidentis. Nam uitium personæ malè rei bonæ, seu ordinationi diuinæ imputatur. Ideo non magis sequitur hæc consequentia, quàm si quis ita arguametur: Vino inebriantur homines, Ergo uinum est malum.

QVAESTIO, AN OFFICIA

ciuilia sint cultus Dei.

Sunt ne cultus Dei, honos, obedientia erga Magistratus, ἐπίκρα, seu æquitas in condonandis erratis gubernatorum, dilectio, & cætera opera ciuilia:

Sunt.

C 3

QVÆSTIONES

CONTRA.

Cultus Dei dicendi sunt, quibus propriè Deo seruimus:

Officijs ciuilibus non propriè Deo seruimus, sed nostræ utilitati, ac necessitati:

Ergo opera ciuilia non sunt cultus Dei.

RESPONSIO.

Mat. 22. Nego Maiorem: Quia est mala seu imperfecta definitio cultuum Dei. Quia etiam cultus Dei sunt opera secundæ tabulæ, propter mandatum Dei, qui hæc opera non minus exigit, quàm cultus prioris tabulæ. Sicut inquit Christus de altera tabula: Secundum autem simile est huic: Diliges proximum tuum sicut teipsum. Sunt igitur cultus Dei etiam opera secundæ tabulæ, cum fiunt ut præstetur obedientia Deo in conseruanda humana societate, in qua tradatur & audiatur doctrina de cognitione ei Nam hic omnium officiorum ciuiliū, defensionis ac pacis ultimus finis esse debet.

QVINTVM.



Non occides.

Hoc est, Nullius hominis corpus seu uitam ullo modo lēdas, uel cordis affectu, uel uerbis, uel factis, sed conseruabis potius, & defendes in omni periculo & necessitate.

OBIECTIO, DE HOMICI-

dijs, quę prohibita.

Homicidia sunt prohibita, quia inquit lex: Non occides.

Ergo Magistratus puniens facinorosos, peccat.

R E S P O N S I O.

Nego consequentiam: Quia antecedens tantū

Q V A E S T I O N E S

loquitur de priuata cæde, non de publica, seu legitima, quæ fit autoritate Magistratus ac legum. Nam hæc ordinatio est diuina, ut puniantur malefici, ac perturbatores humane societatis. Vt docet Paulus Roma. 13.

2. Matthæi 26. inquit Christus: Qui gladium acceperit, gladio peribit.
Magistratus accipit gladium:
Ergo gladio peribit.

R E S P O N S I O.

Nego Minorem: Quia accipere gladium, est non datum à legibus stringere, uel priuato affectu occidere hominem, non mandato Dei, ut Magistratus, qui est diuina ordinatio ad defensionem bonorum, & pœnam contumacium, Roma 13. Igitur non accipit gladium Magistratus, sed dato à Deo & legibus utitur legitime.

D E V I N D I C T A.

Vindicta est prohibita. Sicut inquit Deus: Mihi uindictam, & ego retribuam. Et Paulus: Non ulciscentes uosmetipsos.

Ergo peccat Magistratus ulciscens seu puniens latrones, adulteros, graffatores, & cæteros facinorosos.

R E -

R E S P O N S I O.

Nego consequentiam: Quia maior loquitur de uindicta inordinata, seu priuata, quæ fit sine autoritate Magistratus seu legum, priuato affectu, seu cupiditate ulciscendi aduersarium. Vindicta autem publica seu legitima, quam Magistratus exercet, non est prohibita, sed mandata à Deo, ut tranquillitas in humana societate conseruetur.

AN OMNIS IRA PRO-
hibita.

Christus Matthæi s. interpretans quintum præceptum, etiam iram prohibet:

Ergo peccat Dauid, cum inquit: Perfecto odio oderam eos.

R E S P O N S I O.

Nego consequentiam, quæ non ualet à particulari ad uniuersale. Nam Christus loquitur de priuata ira, non de ira uocationis, seu de zelo, hoc est, motu peculiari in sanctis & heroicis uiris, quo inflammantur studio defendendæ iustitiæ, aut propter gloriâ Dei, aut ira aduersus impietatem & turpitudinem. Qualis ira seu zelus in Dauide fuit.

Q V A E S T I O N E S
S E X T V M.



Non mœchaberis.

Hoc est, Nihil impudicè cogitabis, dices, uel facies, sed in omnibus tuis dictis, factis, & gestibus, præteferes uerecundiam, modestiam, & continentiam.

Q V A E S T I O D E C O N I V G I O.

Estne coniugium genus uitæ placens Deo, & liberum cuilibet Christiano ad illud idoneo? Respon.

Quidnis? Nam cum Deus adulteria prohibet, hoc est, omnes uagos & aberrantes concubitus, approbat

approbat è contrario coniugia, & consuetudinem coniugalem, institutam diuinitus causa procreandæ sobolis, & uitandæ scortationis.

C O N T R A.

Qui in carne sunt, inquit Paulus, Deo Roma. 8. placere non possunt.

Coniuges sunt, seu uiuunt in carne:
Ergo Deo placere non possunt.

R E S P O N S I O.

Nego consequentiam: Quia est fallacia æquiuocationis. Nam uiuere, seu esse in carne, non significat Paulo, esse coniugem, seu uti coniugale consuetudine, quæ est diuina ordinatio. Sicut inquit Paulus: Saluatur mulier per generationem liberorum. Et Paphnutius rectè dixit, Castitas: esse consuetudinem coniugalem. Sed in carne esse, seu uiuere, est indulgere carnalibus concupiscentijs, seu sequi humanam rationem, contra uerbum Dei, & indulgere peccatis, contra testimonium conscientie.

Lex tantū prohibet adulteria cōiugū.
Ergo nō prohibet ceteras libidines.

R E S P O N S I O.

Nego consequentiam: Quia uerbum moechari complectitur omnes illicitas & aberrantes libidines, & concubitus extra matrimonium. Ideo Paulus ubiq; ferè cōiungit fornicationem, adulteria, et omnem immunditiam. Vt 1. ad Corint. 6. Fornicatores

Q V A E S T I O N E S

tores & adulteri non erunt heredes regni Dei.
Et Epheſi. 5. Omnis fornicatio & immundities ne
nominetur quidem inter uos. Et ad Hebr. 13. For-
nicatores & adulteros iudicabit Deus.

S E P T I M V M.



Non furtum facies.

Hoc eſt, Rem alienam neq; uſurpabis inuito
domino, neq; ad te malis artibus transferes.

DE FVRTIS, ET EORVM
pœnis, obiectiones.

Furta ſunt prohibita.

Exod. ii.

Israëlitaꝝ aurum auferentes ab Aegy-
ptiꝝ

ptijs, commiserunt furtum.

Ergo peccarunt.

R E S P O N S I O.

Nego minorem: Quia Israëlita non commiserunt furtum, sed obtemperârunt Deo, qui nouo et peculiari mandato iusserat spoliari Aegyptios. Derogat autem mandatum speciale generali, & mandatum nouum ueteri.

Pœnæ æquales esse debent delictis.

Furta sunt bonorum corporalium ab alienatio:

Ergo furta capite plecti non debent, sed restitutione ablatorum bonorum.

Respondeo ad maiorem, per distinctionem: Aequales esse debent pœnæ delictis, si delicta nō sunt crebra. Sed cū scelera crescunt, ut furta & rapinae sunt crebrae apud Germanos, etiam pœnæ exacerbandæ sunt, ut exempla alios deterreant.

QVÆSTIO, AN LICEAT
tenere proprium.

Licetne proprium tenere Christianis, & esse diuites? Respon.

Etiam. Quia cū lex prohibet furta, concedit distinctionem ac proprietatem bonorum. Et Paulus ait: Præcipe diuitibus, ne superbiant, sed sint ^{1. Tim. 6.} diuites benefaciendo. Concedit igitur diuitias, & regula certa est: Euangelium non abolet politicas ordinationes.

C O N -

QVÆSTIONES.

CONTRA.

Primitiua Ecclesia omnia habuit cōmunia Acto. 4.

Ergo & nunc omnia in commune cōterri debent.

RESPONSIO.

Nego consequentiam: Quia est dissimilitudo. Nam in primitiua Ecclesia opus fuit collatione bonorum, ad alendos pauperes, & ad tempus hæc consuetudo tantum durauit. Et Petrus in Actis cap. 5. Liberum inquit Ananiæ fuisse retinere agrum suum. Ergo communitio bonorum non præcipitur, nec consilium in Euangelio, sed liberalis tantum collatio facultatum, ad iuuandam Ecclesiam, & pauperes.

ALIVD, AN LICEAT
esse diuitem.

Diuitiæ impediunt pietatem. Vnde Christus eas spinas uocat, Lucæ 8. Et alibi inquit, difficile esse diuites saluari.

Matt. 19.

Ergo diuitiæ malæ sunt & abiiciendæ.

RESPONSIO.

Nego consequentiam: Quia est fallacia accedentis. Nā diuitiæ per se bonæ sunt creaturæ Dei, utiles ad hanc uitam, ut cibus & potus. sed abusus malus est, qui proficiscitur à uoluntate hominis abutentis opibus ad luxum, & inutiles profusiones.

OCTAVVM.



Non loqueris contra proximum tu-
um falsum testimonium.

Hoc est, Nihil falsi testaberis aut dices, quod
proximi existimationi aut fame derogare ullo
modo possit, sed potius innocentiam eius ubiq; ex-
cusabis & defendes apud omnes.

OBJECTIO. DE IUDICIIS.

Christus inquit Matthæi 6. Nolite iu-
dicare, ne iudicemini.

Ergo peccant iudices, concionatores,
& alij, qui manifesta & publica vi-
tia reprehendunt.

RE-

Q V A E S T I O N E S

R E S P O N S I O.

Nego consequentiam: Quia Christus tantum prohibet priuata maledicta, non prohibet officium iudicium, aut concionatorum, qui ideo alios reprehendunt & accusant, ut illi qui accusamur, emendentur, uel consulatur alijs.

DE MENDACIO TRIPLICI.

Mendacium seu simulatio est peccatum contra octauum præceptum.

Gen. 20.

Abraham dissimulauit Saram esse coniugem suam, & uocat eam sororem: Ergo peccauit contra octauum præceptum.

Respondeo ad maiorem, per distinctionem. Nā sunt tria genera mendaciorum.

Primum genus est perniciosorum, quæ fiunt iniusta uoluntate nocendi. Hæc mendacia tantum prohibita sunt.

Secundum genus est officiosorum, cum propter honestam & iustam causam aliquid occultatur, aut etiam figuratè aliud dicitur & ostenditur.

Tale mendacium fuit Abrahamæ, obstetricum Aegyptiarum, Davidis simulantis morbum, & quorundam aliorum sanctorum simulatio.

Exod. 1.

1. Reg. 21

Tertium est iocosorum, ut sunt poemata, Apologi, & falsè dicta: hæc duo genera mendaciorum non sunt prohibita, sed ea tantum, quæ dicuntur uel uoluntate nocendi, uel ex uanitate ingenij.

NONVM.



Non concupisces domum proximi
tui.

Hoc est, Non eris cupidus alieni, sed tua sorte
contentus uiues.

OBIECTIO DE CON-
cupiscentia.

Propter ea quæ natura adsunt, neque
laudamur, neq; uituperamur.

Concupiscentia natura omnibus ad-
est.

Ergo concupiscentia res est media,
propter quam nec laudamur, nec

Q V A E S T I O N E S

vituperamur: & per consequens,
concupiscencia non est peccatum,
hoc est, res digna aeterna morte, ni-
si accedat consensus.

R E S P O N S I O.

Nego antecedens, quod uerum non est. Quia
tota natura est corrupta propter lapsum Adæ,
quæ integra quidem condita fuit à Deo. sed ac-
cessit iam ingens corruptio omnium uirium na-
turalium, uidelicet ignoratio Dei, dubitatio de
providencia Dei, contemptus iudicij Dei, & mul-
tæ aliæ prauæ inclinationes, quæ sua natura pec-
catum sunt, hoc est, res digna aeterna morte, sed
condonamur credentibus propter Christum. Si-
cut inquit Paulus ad Romanos 7. Sensus carnis
inimicitia est aduersus Deum, legi enim Dei nec
subijcitur, nec subijci potest. Et ad Romanos 8.
Nulla nunc est cõdemnatio ijs, qui insiti sunt Chri-
sto Iesu.

2. Peccatum aut est dictum aut factum
contra legem Dei.

Concupiscencia non est dictum aut fa-
ctum, sed inclinatio hærens in na-
tura.

Ergo concupiscencia non est pecca-
tum.

R E S P O N S I O.

Nego Maiorem. Quia est mala definitio pec-
cati,

cati, aut insufficiens enumeratio partium. Nam peccatum non tantum significat factum aut dictum, contra legem Dei, sed significat perpetuum vitium, hoc est, corruptionem naturæ pugnancem cum lege, & facta pugnantia cum lege Dei, quæ fructus sunt peccati originis.

Peccatum non est peccatum, nisi sit uoluntarium.

Concupiscentia non est uoluntaria, nisi consensus accedat, qui hæret in natura humana propter alienum peccatum, scilicet Adæ:

Ergo concupiscentia non est peccatum, sed tantum pœna peccati & imputatio seu reatus, ut Scholastici doctores loquuntur.

Respondeo ad maiorem, per distinctionem: Peccatum non est peccatum, nisi sit uoluntarium, in ciuilibus actionibus. Sed concupiscentia etiam est peccatum, hoc est, res rea, & damnata à Deo: quia est morbus seu corruptio totius naturæ, & auersio à Deo, quæ displicet Deo: quia causa est, cur legi non perfecte satisfacimus. Condonatur tamen hæc corruptio propter Christum mediatorem, etiam in infanibus, cum per Baptismum aut preces Ecclesiæ offeruntur Deo.

QVÆSTIONES

DECIMUM.

Non desiderabis uxorem eius, non
seruum, non ancillam, non bouem, non
asinum, nec omnia, quæ illius sunt.

His potissimum duobus præceptis, Deus non so-
lùm externa peccata contra legem prohibet, sed
etiam concupiscentiam ipsam, seu uitiosos affe-
ctus hærentes in natura humana: & horum o-
mnium causam, peccatum originis accusat & da-
minat, ut omnes homines conuincantur legis esse
transgressores, ac rei æternæ mortis.

Quid docet aut exigit poste-
rior tabula?

Quid debeamus proximo nostro.

Quid ei debemus?

Dilectionem, quæ fructus est fidei.

Dic summam præceptorum Deca-
logi, siue legis.

Diliges Dominum Deum tuum ex to-
to corde tuo, & in tota anima tua, & in
tota mente tua, & proximum tuum sicut
teipsum. Matthæi 22.

Hoc est, Diliges & timebis ex animo Deum, ei-
que confides super omnia, & proximum tuum iua-
bis in omnibus rebus, quibus tua ope indiget.

Quid Deus promittit ijs, qui faciunt o-
pera Decalogi, siue legis: & quid
comminatur ijs, qui ea non fa-

ciunt?

Hoc

Hoc conuenitur in his uerbis Deuteronomij quinto :

Ego sum Dominus Deus tuus, Deus amulator, reddens iniquitatem patrum super filios, in tertiam & quartam generationem his, qui oderunt me, & faciens misericordiam in multa milia diligentibus me, & custodientibus precepta mea.

Hoc est, Deus punit æternis & temporalibus pœnis transgressores suæ legis, etiam ipsos posteros in hac uita, si parentibus in peccatis fuerint similes : contrà, obediens beneficiis, & in præsentia uita, & futura, iuxta hoc Pa. li. 1. Timoth. 4. Pietas ad omnia utilis est, promissionem habens & uitæ quæ nunc est, & future. Et sicut Mat. 19. ait ipse Christus ait : Si uis ad uitam ingredi, serua mandata.

Quis est usus Decalogi, siue legis?

Is triplex est.

Quis est primus?

Vt coërceat iniustos & impios, ne secure in omnia scelera ruant.

Quis est secundus?

Vt ostendat nobis peccata, iram & iudicium Dei, seu poenam aduersus peccata, ut his agnitis, confugamus ad Christum, qui pro nobis legem Dei impleuit.

Quis est tertius?

Q V A E S T I O N E S

Vt doceat iustificatos, quæ facere debeant bona opera, ut in nouitate uite ambulent. Vult enim omnino Deus, ut homines legi suæ obediant, & bona opera præstent. Sum autem ea solū uerè bona opera, quæ in Decalogo seu lege sua Deus requirit.

Possunt ne igitur homines satisfacere legi Dei, uis operibus?

Non.

Cur non possunt?

Quia lex Dei spiritalis est, & perfectam requirit a nobis obedientiam, interiorē & exteriorē, quam nemo hominum, sine spiritu sancto, suis uiribus præstare potest, propter corruptionem humanæ naturæ.

Nunquid ergo damnabuntur omnes homines, cum nemo eorum legi satisfaciat,

& uelit tamen Deus, ut eam implerant, & æternam damnationem minetur inobedientibus?

Vtiq; damnarentur omnes, nisi misericors Deus suum Filium Iesum Christum in mundum misisset, isq; uictima pro peccatis nostris fuisset factus, & reconciliasset nos Patri suo, ineffabili Dei bonitate, clementia, & amore erga genus humanum. Quicumq; igitur iam in Christum Filium Dei, pro nobis factum hominem, mortuum & resuscitatum, uerè credum, his peccata non imputamur

DE CATECHISMO.

28

putantur à Deo ad damnationem (modò ijs non indulgeant contra conscientiam) sed reputantur iusti & sancti gratis propter Christum, per fidem. De quo in secunda parte Catechismi traditur.

OBIECTIO IN SUMMAM

Decalogi.

DE DILECTIONE.

Quicquid implet legem, iustificat, seu acceptos nos reddit Deo.

Dilectio implet legem. Inquit enim *Roma. 13*

Paulus: Dilectio legis est impletio:

Ergo dilectione sumus iusti, hoc est, accepti Deo.

R E S P O N S I O.

Nego consequentiam : Quia est ambiguitas, seu sunt quatuor termini in Syllogismo. Nam minor & dictum Pauli loquuntur de Idea, seu de perfecta dilectione, quæ implet legem, seu est impletio legis : sed hinc malè colligitur, homines diligere perfectè Deum, seu implere legem. Quia nemo satisfacit legi, propter corruptionem naturæ. Vnde inquit Paulus *Gala. 3*. Si lex data esset, quæ posset uiuificare, uerè ex lege esset iustitia. Sed conclusit scriptura omnia sub peccatū, ut promissio ex fide I. su Christi daretur credentibus.

Q V A E S T I O N E S .

Proba ex dicto Moyſi & Chriſti,
de perfecta dilectione hominem non
eſſe iuſtum lege.

Lex requirit perfectam obedientiam
ſeu dilectionem.

Nemo praſtat perfectam obedientiam,
ſeu perfecte diligit Deum, &
proximum ſicut ſeipſum.

Ergo nemo iuſtus eſt lege, ſed fide, qua
apprehendimus Chriſtum mediator.

C O N T R A .

Matt. 19. Chriſtus inquit de lege: Hoc fac, & ui-
ues:

Ergo uita eſt ex lege.

R E S P O N S I O .

Nego conſequentiam: Quia dictum Chriſti eſt
conditionale, ſi hoc feceris, uiues. Sed nemo in hac
corruptione naturae perfecte implet legem. Ergo
opus eſt gratuita condonatione propter mediato-
rem, quae fide accipienda eſt.

In locum Deuteronomij, de pra-
mijs & poenis praceptorum Decalogi.

Deus promittit praemia ſeruantibus
legem, & comminatur poenas ino-
b-dientibus.

Ergo bona opera merentur uitam æ-
ternam,

ternam, & peccata æternam damnationem.

RESPONSIO.

Nego primum consequentiam: Quia plus est in consequente, quàm in antecedente. Antecedens enim loquitur non de uita æterna, sed de alijs præmijs corporalibus & spiritualibus, quibus ornatur à Deo in hac uita inchoata obedientia erga legem. Deinde respondeo ad antecedens, per distinctionem: Deus promittit præmia corporalia & æterna ex gratia, inchoantibus nouam obedientiam, sed quia hæc est imperfecta, non est digna uita æterna, quæ, ut inquit Paulus, est donum Dei. Et Augustinus inquit: Deus cum reddit præmia nobis, non nostra merita, sed sua dona in nobis coronat.

OBJECTION DE PRAEMIIS.

Nemo perfectè diligit Deum, aut præcepta eius seruat:

Ergo nemo consequitur hanc promissionem Dei de præmijs.

RESPONSIO.

Nego consequentiam: Quia Deus reputat inchoatam obedientiam seu impletionem legis pro iustitia, & placet in iustificatis fide hæc obedientia propter Christum.

AN FILIUS PORTET INI-

quitatem patris.

Q V A E S T I O N E S

Inquit Ezechiel capite 18. Non portabit filius iniquitatem patris sui. Item, Anima quæ peccat, ipsa morietur.

Ergo hæc comminatio de puniendis filiis propter iniquitatem patrum, est contraria Ezechielis dicto.

R E S P O N S I O.

Nego consequentiam: Quia non est pugnantia. Nam Ezechiel loquitur de filiis, qui non imitantur parentum seu maiorum peccata, hoc est, idolatriam & impietatem: Comminatio hæc loquitur de ijs filiis, qui imitatores sunt maiorum in peccatis. Nam hi tam puniuntur, quàm ipsi maiores, seu patres puniti sunt propter propria peccata.

C O N T R A.

Si filius non portat peccatum patris, Ergo posteritas Adæ non est rea propter ipsius lapsum.

R E S P O N S I O.

Nego consequentiam: Quia est dissimilitudo **Roma. 5.** in exemplo. Quia ab Adam propagatur corrupta natura in omnes, qualis natura ipsius Adam fuit post lapsum. Ideo omnes rei sunt propter innatum malum. Sed Ezechiel loquitur de peccatis actualibus, seu cuiusq; proprijs, quæ ipsis auctoribus imputantur.

DE SECVNDA PARTE CATECHISMI,

DE SYMBOLO APOSTO-
lico, seu fide Christiana.

Quæ est secunda pars Catechismi?
Symbolum Apostolicum, seu Christiana fi-
des.

Quid est Symbolum Apostolicum?
Est summa eorum, quæ hominem Christianum
ad consequendam æternam salutem scire & cre-
dere de Deo necesse est.

Quid est Christiana fides?
Est firma fiducia, qua statuimus Deum nobis
esse propitium, propter filium suum, remittere
nobis peccata, & daturum credentibus uitam æ-
ternam, gratis, sine nostris meritis.

QVÆSTIO, SIT NE
fides fiducia.

**Estne fides iustificans coram Deo, no-
titia historiæ, an uera fiducia mise-
ricordiæ & promissæ à Deo propter
Christum media? orem?**

R E S P O N S I O.

Fides iustificans coram Deo, non tantum est
notitia historiæ, sed est certa fiducia seu motus
voluntatis,

Q V A E S T I O N E S

voluntatis, statuens nos esse iustos, hoc est, acceptos Deo gratis propter Christum, iuxta datam promissionem.

C O N T R A.

Fides Christiana est articulorum seu historiae de Deo & Christo, eiusque meritis brevis collectio, quam Symbolum Apostolicum uocamus.

Ergo fides non est fiducia, sed notitia historiae.

Respondet ad antecedens, per distinctionem: Paulus, & tota scriptura cum agunt de fide, quam sumus iusti, hoc est, accepti Deo, non loquuntur de notitia historiae, sed de ea fide, quae acquiescit in Christo, statuens nos propter hunc mediatorem esse iustos, hoc est, acceptos Deo. Etsi enim notitia historiae requiratur, non tamen hac notitia sumus iusti, quam etiam daemones habent, sed hac fide intuen- te mediatorem, et statuente nos propter

Roma. 3. ipsum esse iustos. Sicut inquit Paulus: Arbitramur hominem iustificari fide, absque operibus legis, hoc est, esse iustum, id est, acceptum Deo, cum fide intuetur mediatorem, etiamsi legem non satisfaciat.

3. Proba fidem in hoc dicto Pauli, & similibus, significare non notitiam historiae, sed fiduciam promissae misericordiae.

A P R O P R I O O F F I C I O F I D E I.

Pro-

Promissioni de gratia Dei, seu remissionem peccatorum, est assentiendū, iuxta illud Ioannis 1. Qui non credit Deo, mendacem eum facit.

Fides apprehendit promissionē gratiæ: Est enim correlatiuum promissionis. Iuxta illud ad Roma. 4. Ideo ex fide datur hæreditas, ut certa sit promissio.

Ergo fides significat assensum seu fiduciā amplectentem promissionē.

AB EFFECTV DIVERSO NOTITIÆ *historiæ, & fidei.*

Notitia historiæ affert pauores, & auget desperationem diabolis, de quibus inquit Iacobus: Dæmones credunt, & contremiscunt. Sed fides adfert pacem & consolationem, Roma. 5. Iustificati fide pacem habemus.

Ergo fides iustificans non est tantum notitia historiæ, sed fiducia, qua statuius certò nobis ignosci gratis propter Christum, quanquam male meritis & indignis.

AB EFFECTV FIDEI IN TERRORIBUS *peccati & mortis.*

Iustus ex fide sua uiuet. Abacuc 2.

Ergo

Q V A E S T I O N E S

Ergo fides est fiducia, quæ statuit Deum nobis esse propitium, & acquiescit in promissa misericordia: non est tantum notitia historiarum, quæ auget cruciatus & desperationem, cum ex morte filij Dei agnoscimus magnitudinem peccati.

IN INVOCATIONE.

4. **Fiducia est accedendum ad Deum. Hebræ. 4. Habentes talem pontificem, accedamus cum fiducia ad thronum gratiæ.**

Per fidem accedimus ad Deum. Ephes. 4. Per quem audemus accedere confidenter per fidem eius. Romæ. 5. Per quem habemus accessum fide.

Ergo fides significat fiduciam, non notitiam historiarum, quæ sine Christo duce & propitiatore deterret nos à Deo.

IN SANCTIFICATIONE.

5. **Fides purificat corda. Actorum 15.**

Ergo fides est fiducia itatuens nos per gratiam Domini nostri Iesu Christi purgari à peccatis, & saluari.

AB AVTORITYTE SEV

pronunciatis.

6. **Christus requirit & prædicat fiduciam**

DE CATECHISMO.

am suam misericordiam, cum inquit:
O mulier, magna est fides tua. Item
Fides tua te salutem fecit. Item, Con-
fide fili, remittuntur tibi peccata. &
similibus dictis.

Ergo fides non significat tantum no-
titiam historiae, sed fiduciam mi-
sericordiae promissae à Deo propter
Christum mediatorem.

OBIECTIO, DE DV- bitatione.

Dubitandum est de remissione pecca-
torum, seu de gratia Dei. Quia in-
quit Ecclesiastes: Nescit homo u-
trum sit dignus amore Dei, an odio.

Ergo fides non significat fiduciam.

R E S P O N S I O.

Nego antecedens: Quia dubitatio est peccā-
tum. Sicut inquit Ioan. Qui non credit, Deum man-
datum facit. Et ideo edita est promissio de gra-
tuita remissione peccatorum, ut ei assentiamur.
Sicut inquit Paulus: Ideo ex fide, ut firma sit pro-
missio, & mandatum Dei est aeternum: & immuta-
bile, ut credamus in filium Dei. Et peccatū est in-
credulitas, quod spiritus sanctus arguit & da-
mnat, Ioan. 16. Loquitur autē Ecclesiastes non de
uoluntate Dei erga nos reuelata in uerbo, quae co-
gnita & certa nobis esse debet, sed de iudicio
humano

QV AESTIONES

humano, an successus seu euentus negotiorum sint futuri felices.

QV AESTIO. AN SOLA fides iustificet.

**Iustificat ne sola fides in Christum,
quæ fiducia est promissæ misericordiæ?
Etiam, coram Deo.**

Quibus id argumentis probatur?

1. Ab autoritate scripturæ, Rom. 3. Omnes peccauerunt, & carent gloria Dei. Iustificamur autem gratis ipsius gratia, per redemptionem in Christo Iesu, quem proposuit Deus propitiatorem per fidem in sanguine eius.
2. Ab exemplo Abrahamæ, Roma. 4. Credidit Abraham Deo, & reputatum est ei ad iustitiam.
3. A definitione iustitiæ Remissio peccatorum est imputatio iustitiæ, quæ accipienda est fide. Psalm. 32. Beati, quorum remissæ sunt iniquitates, & tæta peccata. Beatus uir, cui Dominus non imputauit peccatum.
4. A causa promissionis. Promissio debet esse certa, Roman. 4. Id eo ex fide, ut certa sit promissio. Ergo reconciliatio non pendet ex conditione legis, tanquam causa, sed ex fide. Nam si reconciliatio penderet ex conditione legis, incerta esset promissio, quia legi non satisfacimus.
5. Ab effectu fidei. Fides reddit pacatas conscientias, Roma. 5. Iustificati fide pacem habemus.

¶

et purificat corda. Actorum 5. Ergo ex fide est iustificatio, non ex operibus, quæ conscientias non pacant, quia imperfecta est obedientia. Item, fides adfert uitam seu consolationem. Abacuc 2. Iustus ex fide sua uiuet. Ergo fides iustificat, non lex, seu opera.

6. A discrimine promissionum legis et Euangelij. Oportet promissionem de reconciliatione esse certam.

Promissiones legis sunt incertæ, quia pendene ex conditione implendæ legis, cui nemo satisficit.

Ergo remissio peccatorum non est ex lege, sed ex fide, quæ statuit gratis remitti peccata propter mediatorem Christum.

PRAECIPVA ET VSITATIORA

Argumenta, quæ contra doctrinam de iustitia fidei opponi solent ab aduersarijs.

Iacobus inquit: Videtis igitur, quòd homo non tantum iustificatur fide, sed etiam operibus.

Ergo non sola fides iustificat, sed etiam opera, seu, ut Scholastici loquuntur, fides formata, hoc est, opa seu uirtutes nostræ.

RESPONSIO.

Nego consequentiam: Quia Iacobus loquitur de fide, quæ est notitia historice, Paulus uerò de

Q. V A E S T I O N E S

fide, quæ fiducia est misericordiæ Dei promissæ propter Christum. Ideo autem tribuitur fidei iustificatio, ut Christo tribuatur suus honor. Deinde, ut certa sit remissio peccatorum, de qua semper dubitandum esset, si penderet ex conditionestrarum qualitatum seu uirtutum, quæ legi non satisfaciunt.

2. Notitia non iustificat.

Fides est notitia:

Ergo fides non iustificat.

R E S P O N S I O.

Nego Minorem. Nam fides in disputatione Pauli de iustitia fidei, non significat tantum notitiã, sed fiduciam seu assensum amplectentem promissam misericordiam. Sicut inquit Christus: Confide fili, remittuntur tibi peccata tua.

3. Dilectio implet legem.

Ergo non fides, sed dilectio iustificat.

R E S P O N S I O.

Nego consequentiam: Quia amecedens loquitur de Idea, siue perfecta dilectione, qualem lex præcipit, sed dilectio quam etiam sancti præstant, est imperfecta. Ergo dilectio non iustificat, sed fides, quæ apprehendit gratuitam remissionem. Non ualet autem consequentia ab Idea ad actum.

4. Fides est opus.

Fides iustificat:

Ergo opera iustificant.

RE

RESPONSIO.

Nego consequentiam: Quia à particulari ad uniuersale nihil sequitur: nec fides iustificat, quia est in nobis qualitas digna remissione peccatorum, et uita eterna, sed quia apprehendit alienam iustitiam, hoc est, Christi mediatoris, quæ est extra nos, sed fide nobis applicatur.

Deus iustificat:

Ergo non fides.

5.

Respondeo per distinctionem: Deus iustificat imputans seu communicans nobiscum iustitiam suam filij. Fides apprehendit hanc gratuitam Dei imputationem, seu oblatam iustitiam propter Christum.

Maxima uirtus iustificat.

6.

Dilectio est maxima uirtus, non fides, 1. Corinth. 13.

Ergo dilectio iustificat, & non fides.

Respondeo ad Minorem, per distinctionem:

Dilectio est maxima uirtus coram hominibus, quia pluribus benefacit. Sed fides est præcipua uirtus, seu cultus, qua cum Deo agimus. Nam fides apprehendit promissam misericordiam Dei, et agnoscit Deum esse ueracem. Contrà incredulitas Deum mendacij arguit, quod summum est peccatum. Sicut inquit Ioannes: Qui non credit, Deum mendacem facit.

1. Ioan. 5.

Q V A E S T I O N E S

7. **Requiritur in iustificatione etiam regeneratio seu renouatio, seu poenitentia.**

Ergo non sola fides iustificat, nec gratuita est imputatio remissionis peccatorum.

Respondeo per distinctionem : Requiritur regeneratio tanquam effectus, seu fructus sequentes iustificationem. Iustificationis autem causa est fides apprehendens tanquam organum gratis remissionem peccatorum propter Christum, ut certa sit promissio. Ut Paulus inquit Roma. 4. Est igitur persona iusta, hoc est, accepta, non propter regenerationem, seu uirtutes, quae sunt perfectae, sed propter Christum mediatorem, cuius merita fide tanquam organo quodam homo sibi applicat.

O B I E C T I O.

Fides sola iustificat :

Ergo non sunt facienda bona opera.

R E S P O N S I O.

Nego consequentiam : Quia fides sola iustificat, tanquam causa applicans nobis beneficium remissionis peccatorum gratuite. Non manet autem fides sola, sed ut bona arbor bonos fructus profert, sicut inquit Paulus : Fides per charitatem est efficax, Gala. 5. Ideo autem tribuitur fidei iustificatio, quia accipit gratuitam imputationem

nem iustitiæ, non quia est in nobis uirtus seu qualitas digna tanto beneficio, uidelicet uita æterna.

Iustitia est obedientia erga totam legem.

Fides non est obedientia erga totam legem.

Ergo fides non est iustitia, seu non iustificat.

RESPONSIO.

Nego consequentiam: Quia quatuor sunt in Syllogismo termini. Nam amphibologia est in nomine iustitiæ, quæ in maiore significat ciuilem obedientiam erga omnes leges, quam Aristoteles uniuersalem uocat: sed fides ideo dicitur esse iustitiæ, uel iustificare, quòd apprehendit promissam misericordiam gratis, & summum honorem tribuit Deo, scilicet ueritatem & misericordiam. Et comitatur postea ipsam apprehensionem etiam inchoata obedientia erga omnes leges. Sed quia hæc obedientia nondum consummata est in nobis, ideo ut certum sit beneficium filij Dei, fidei tribuitur iustificatio, non operibus, Roma. 4.

Beatitudo est uita æterna.

Christus beatos pronunciat mites, misericordes, pacificos &c. Matth. 5.

Ergo hæc opera merentur uitam æternam.

RESPONSIO.

Q. V A E S T I O N E S

Nego consequentiam : Quia plus est in con-
clusionem, quàm in præmissis. Nam beatitudo non
significat hic uitam æternam, sed felicitatem, au-
gmentum donorum, defensionem uitæ, & alia bo-
na corporalia & spiritualia. Deinde est intelli-
genda Synecdoche in omnibus dictis, quæ loquun-
tur de bonis operibus, quæ fides comprehenditur,
Iuxta illud: Sine fide impossibile est placere Deo.
Tertiò, uita æterna uocatur præmium seu mer-
ces, non quia opera sint digna uita æterna, sed
quia uita æterna compensat obedientiam, sicut
hæreditas compensatio est officiorum filij, non me-
ritum.

O B I E C T I O C O N T R A secundam solutionem.

Si per Synecdochen intelligenda est
fides in dictis de bonis operibus:
Ergo etiam in dictis de gratuita re-
missione, quæ fit fide, intelligenda
sunt bona opera: & per consequens,
non sola fides iustificat, sed etiam opera.

R E S P O N S I O.

Nego consequentiam : Quia est dissimilitudo.
Nam expressa est particula exclusiua *Gratis*, in
Paulo. Vt: Ideo gratis datur hæreditas, ut fir-
ma sit promissio. Excluduntur autem bona opera
à iustificatione tanquam causa, non tanquam effe-
ctus.

*Etus. Quia sequi in iustificatis nouam obedientiam
neceſſe eſt.*

Q V I D G R A T I A .

Gratia ſumus iuſti.

Gratia ſunt dilectio, & cæteræ uirtutes ſpiritus ſancti infusæ cordi.

Ergo dilectione, & cæteris uirtutibus infuſis ſumus iuſti.

R E S P O N S I O .

Nego Minorem: Quia eſt mala definitio gratiæ, quæ in propoſitione, Gratia Dei iuſtificamur, ſignificat acceptationem Dei, ſeu gratuitam imputationem iuſtitia propter mediatorem, quæ fide eſt accipiendâ gratis, ut ſit certa, Ad Rom. 4.

Q V I D I U S T I F I C A R E .

Iuſtificare eſt iuſtum reddere, hoc eſt, donare iuſtitia, quæ uniuerſalis eſt obedientia erga totam legem.

Fides non reddit ita iuſtū hominem, quia eſt fiducia promiſſæ miſericordiæ.

Ergo fides non iuſtificat.

R E S P O N S I O .

Nego Maiorem. Quia iuſtificare in diſputatione Pauli, ſignificat iuſtū reputare, ſeu pronunciare. Vt cum dicimus: Iudex iuſtificauit reum, id eſt, abſoluit & iuſtum pronunciauit. Item, Publicanus deſcendit iuſtificatus de templo, id eſt, acce-

Q V A E S T I O N E S

plus & reconciliatus Deo, remissis peccatis. Sunt igitur quatuor termini Syllogismi, quos parit ambiguitas. Sic iustificatio significat imputationem iustitiæ gratuitam propter Christum, hoc est, reconciliationem et acceptionem personæ ad uitam eternam.

O B I E C T I O D E I V S T I - tia Dei.

Iustitia est, punire delicta, non imputare iustitiam gratis.

Deus est iustus:

Ergo non tantum imputat iustitiam, sed etiam punit peccata, non gratis remittit culpam & pœnam.

R E S P O N S I O.

Maiores est uera de humanis iudicijs, sed Deus gratis remittit peccata fide propter filium, cuius mors est compensatio pro peccatis. Etsi igitur Deus odit & damnat peccatum, tamen intuens filium remittit gratis peccatum illis, qui uestimento filij Dei sunt induti.

**Quomodo diuiditur Sym-
bolum Apostolicum?**

In tres partes.

Quæ est prima pars?

Credo



Credo in Deum, patrem omnipotentem, creatorem cœli & terræ.

Hoc est, Credo esse unum Deum, qui me, & omnes creaturas creauit ex nihilo, per suum uerbum, & eadem adhuc sustentat & gubernat, in quem solum fiduciam meam, & spem omnem colloco, quod uelit me, iuxta suam paternam promissionem, exaudire, defendere; & largiri mihi omnia, quibus ad hanc uitam sustentandam opus habeo, & deniq; daturum esse mihi uitam æternam, propter suum filium.

OBIECTIO.

Credendum est in unum Deum, crea-

Q V A E S T I O N E S.

torem cœli & terrę. Sicut dicit Deu-
tero. 6. Audi Israel, Deus tuus Do-
minus unus est.

Christiani non credunt in unum De-
um, quia credunt in Deum Patrem,
& Filium, & Spiritum sanctum.

Ergo Christiana fides seu religio nō
est uera.

R E S P O N S I O.

Nego Minorem: Quia Christiani credunt in
unum uerum & æternum Deum, qui est Pater, Fi-
lius, & Spiritus sanctus. Nam ita se unus & æter-
nus Deus patefecit in uerbo suo, uidelicet unum in
essentia, trinum in personis, quæ unam eandemq;
essentiam diuinam habent, seu (ut Synodus Nice-
na uocat) ὁμοῦσσις sunt. Distinguuntur autem
hoc modo personæ: Pater est persona gignens ab
æterno λόγος, hoc est, uerbum seipsum intuens
seu cogitans. Filius est persona genita à Patre,
qui λόγος seu uerbum Patris dicitur, Ioannis 1.
Character substantiæ patris, Hebræ. 1. Imago Dei
patris, Colossen. 1. Hæc persona in plenitudine
temporis, iuxta decretum Dei, humanam natu-
ram assumpsit è uirgine Maria, ut uictima fieret
pro humano genere. Spiritus sanctus est persona
ab æterno procedens à Patre & Filio, quæ mitti-
tur ab utroq; & Patre & Filio, in corda ho-
minum, ut ea sanctificet & illustret uera notitia
Dei,

Dei, consoletur & gubernet. Vnde Christus cum Ioan. 14.
 Paracletum seu Aduocatum, & consolatorem uocat. 15. 16.
 Et attribuitur cuilibet personæ proprium
 officium, seu opus. Patri creatio, quæ tamen cæ-
 teris personis communis. Vt Ioan. 1. & Psal. 32.
 Filio tribuitur redemptio, Spiritui sancto sancti-
 ficatio.

OBIECTIO DE FIDE IV-
 deorum & Turcarum.

Iudæi & Turcæ credunt in unum De-
 um, creatorem cœli & terræ.

Ergo in uerum Deum credunt, & sal-
 uantur.

R E S P O N S I O.

Nego antecedens. Quia Deus extra Christum,
 quem Iudæi & Turcæ negant esse filium Dei, non
 uerè agnoscitur aut colitur. Sicut inquit Chri-
 stus: Nemo uenit ad patrem, nisi per me. Ioan. 14.

C O N T R A.

ALIA, DE FIDE PIORVM
 Veteris testamenti.

Sancti Veteris testamenti crediderunt
 in Deum conditorem rerum, sine
 Christo mediatore:

Ergo etiam fides Iudæorum & Turca-
 rum uera est.

R E S P O N S I O.

Nego antecedens. Quia sancti ueteris testamen-
 ti

QV AESTIONES

si crediderunt in eum Deum, qui ipsis Messiam promisit, quem agnouerunt esse filium Dei, habentem diuinam potentiam, quia Diaboli regnum erat uastaturus, Gene. 3. Et in eo benedicendæ erant omnes gentes, Gene. 22. Crediderunt igitur in uenturum Messiam sicut nos in exhibitum credimus. Sicut inquit Christus: Abraham uidit diem meum, et gaudius est. Ioan. 8.

**DE CREATIONE RERVM, ET
perpetuæ earundem conseruatione ac
sustentatione.**

**QV AESTIO, AN CONDITA
omnia ex nihilo.**

Créauit ne Deus omnia ex nihilo?

Respon. Etiam, per uerbum suum, seu λόγος, hoc est, filium coeternum, Gene. 1. et Psalmo 32. Verbo Domini firmati sunt cæli. Ipse dixit, et facta sunt. Ipse mandauit, et creata sunt. Et Ioan. 1. Omnia per ipsum (λόγος) facta sunt, et sine ipso factum est nihil, quod factum est.

CONTRA.

Ex nihilo nihil fit.

**Ergo ex nihilo non potuit conditus
mundus.**

R E S P O N S I O.

Antecedens loquitur de operibus humanis et
physicis, quæ materiam præexistentem requirunt.
Sed

Sed Deus etiam ex nihilo, hoc est, nulla praeexistente materia, aliquid condere potest. Sicut inquit Paulus, Rom. 4. Deus uocat ea quae non sunt, ut sint aliquid.

QVAESTIO, DE GVBERNATIONE & sustentatione rerum.

Adest ne Deus adhuc creaturis, easq; conseruat & sustentat? Respon.

Etiam. Quia inquit Paulus Actorum 17. In ipso (Deo) uiuimus, mouemur & sumus. Et ad Hebraeos 1. Ferens omnia uerbo potentiae suae. Et Coloss. 1. Omnia per eum consistunt.

C O N T R A.

Malis plerunq; bene est, & contrà bonis malè:

Ergo Deus non habet curam creaturarum, sed ab eis, tanquam faber à naue extructa, discessit, relinquens creaturas propriae gubernationi: aut omnia fiunt casu, aut Deus aligatus est causis, ut uocant, secundis.

R E S P O N S I O.

Nego consequentiam: Quia multa testimonia scripturae diuersum docent, & mens humana notitijs naturalibus conuincitur, esse Deū non solum
con-

Q V A E S T I O N E S

conditorem rerum, sed etiā moderatorem & conseruatorem. Nec Deus alligatus est causis secundis, quia est agens liberrimum, adiuuans, & impediens causas secundas pro sua uoluntate. Sicut dicit Psalm. 99. Scitote quòd Dominus ipse est Deus, ipse fecit nos, & non ipsi nos. Et Psalmo 126. Nisi Dominus ædificauerit domum, frustra laborat qui ædificat eam. Quòd autem interdum bonis malè, & malis bene est, id fit singulari Dei permissione & consilio, qui uult Ecclesiam in hac uita subiectam esse cruci, ut agnoscat iram Dei aduersus peccatum, crescat in ea fides, & accendatur inuocatio.

Inquit Moyſes Genesis 2. Requieuit Deus die septimo, hoc est, sabbato, ab omni opere:

Ergo Deus, ut fingunt Epicurei, ocio ſus eſt, non gubernat ac ſuſtentat creaturas.

R E S P O N S I O.

Nego conſequentiam: Quia eſt fallacia à dicto ſecundum quid, ad dictum ſimpliciter. Nam Deus quieuit tantum ab opere conditionis, quia nullas alias ſpecies creauit, aut plures mundos, non quieuit ab opere conſeruationis, quod perpetuum

tuum & quotidianum est. Quia Deus conseruat adhuc res conditas, & defendit Ecclesiam, iuxta illud dictum Christi: Pater meus usq; modò operatur, & ego operor. Et Paulus inquit: In ipso (Deo) sumus, mouemur, & uiuimus. Conseruationatur uocatur actio Dei generalis, Ecclesiæ defensio actio specialis.

OBIECTIO DE CAUSA PEC-

cati, quæ non est Deus, sed uoluntas

Diaboli & hominis, auertentiũ

se liberè à Deo.

Deus creauit omnia:

Ergo etiam peccatum creauit, & eius est causa.

Respondeo ad antecedens, per distinctionem: Creauit Deus omnia, quæ condita sunt. Sicut in-

Ioan. 1.

quit Ioannes: Per ipsum facta sunt omnia, quæ facta sunt. Peccatum autem non est conditum à Deo, sed est horribilis perturbatio ordinis diuini in natura, quam Deus maximè abominatur.

Sicut inquit Psalmus: Deus non uolens iniquita-

Psalm. 5.

temtues. Loquitur igitur antecedens tantum de rebus bonis. Sicut Moyses: Vidit Deus, quòd omnia quæ creasset, ualde essent bona, hoc est, utilia homini, & congruentia ad diuinam mentem seu uoluntatem.

Quæ est secunda pars?

Et



Et in Iesum Christum, Filium eius uni-
 cum, Dominū nostrum, Qui conceptus
 est de Spiritu sancto, natus ex Maria uir-
 gine, Passus sub Pontio Pilato, crucifi-
 xus, mortuus, & sepultus, descendit ad
 inferna, Tertia die resurrexit à mortuis,
 Ascendit ad cœlos, sedet ad dexteram
 Dei patris omnipotentis. Inde uenturus
 est iudicare uiuos & mortuos.

Hoc est, Credo filium Dei aeternum ex ineffa-
 bili misericordia & amore erga perditum huma-
 num genus, factum esse hominem absq; peccato,
 & seipsum obtulisse hostiam Deo in cruce pro
 peccatis

peccatis nostris, aboleuisse mortem, uicisse Diabolum, eiusq; regnum, peccati & mortis deuastasse, & nostrum esse unicum propitiatorem & mediatorem, propter quem fide apprehensum, Deus nobis sit placatus, nos recipiat & saluet, sine nostris meritis.

DE CHRISTO SEU ΛΟΓΩ, SIT

ne Deus & persona, *Quæstio.*

Estne Christus seu λόγος & Deus?

Est. Quia Ioannes expresse uocat Deum, ca. 1.

In principio erat uerbum, Et uerbum erat apud Deum, & Deus erat uerbum. Vbi Græcus articulus δ , qui nunquam prædicato additur, testatur uerbum seu λόγος collocandum esse loco subiecti, hoc modo: $\Theta \delta \lambda \omicron \gamma \omega \varsigma \eta \mu \theta \epsilon \omicron \varsigma$, Et uerbum seu λόγος erat Deus, hoc est, diuina essentia.

C O N T R A.

Vnus est tantum Deus. Exod. 3.

Ergo Christus seu λόγος non est Deus.

R E S P O N S I O.

Nego consequentiam: Quia etsi una est diuina essentia, tamen tres sunt personæ diuinitatis coæternæ, & ὁμοῦσιοι; hoc est, eiusdem essentia, quemadmodum ipse Deus se in uerbo suo Ecclesiæ patefecit. Est igitur Christus seu λόγος uerus & æternus Deus cum patre, distincta a patre & spiritu sancto persona, æque omnipotens, intelli-

Q V A E S T I O N E S

gens, indiuidua & incommunicabilis, non sustentata ab alia natura, quod etiam formula Baptismi testatur, in qua omnibus personis eadē potentia, & idem honor tribuitur.

C O N T R A.

Verbum seu λόγος dicitur, quia cogitatione à patre gignitur.

Cogitatio est qualitas, seu motus transiens.

Ergo uerbum seu λόγος non est persona distincta à patre, sed uel ipse pater, uel cogitatio seu propositum patris constituentis saluare humanum genus per Christum excellentem doctorem, ut Samosatenus, Photinus, & Seruetus hæretici fauenter contenderunt.

R E S P O N S I O.

Nego consequentiam: Quia Ioannes disertè λόγος personam esse testatur, cum inquit, per λόγος, seu filium Dei facta esse omnia, & uersatum esse in mundo, seu induisse humanam naturam. Idem testantur uerba Baptismi. Quia tribuunt filio Dei aequalem honorem & omnipotentiam cum patre & spiritu sancto. Et personam esse λόγος etiam significat Ioannes, cum ipsum apud Deum fuisse in principio testatur, inquit: Et uerbum erat apud Deum. Non igitur λόγος est ipse pater,

pater, sed distincta persona à patre, qui in plenitudine temporis humanam naturam assumpsit ex Virgine, ut hostia fieret pro peccatis nostris. Gal. 4.

AN OPVS FVERIT FILIVM

Dei nasci hominem, & pati.

Fuit ne ad reparationem humani generis necesse filium Dei assumere humanam naturam, ac mori? Respon.

Etiam. Primò propter ueritatem ac promissionem Dei. Secundò, ad placandam immensam iram Dei aduersus peccatum, quæ nulla alia hostia, quàm morte filij Dei placari potuit.

CONTRA.

Deus est omnipotens.

Igitur potuit remittere culpam sine morte filij.

RESPONSIO.

Nego consequentiam: Quia est fallacia insufficientis causæ. Nam utriq; satisfieri debuit, iustitiæ Dei, quæ exigebat compensationem seu ἀντιποσ, & misericordiæ, quæ deprecata est & intercessit pro humano genere. Ideo factum est hoc admirandum decretum Dei de liberatione per filium, qui factus est uictima placans iram Dei aduersus peccatum.

ALIUD.

Genus humanum semper amicum fuit

Q V A E S T I O N E S

it Deo. Inquit enim Deus apud Ieremiam cap. 31. Perpetua charitate dilexi te. Et Paulus ait: Elegit nos Deus in filio ante constitutionem mundi. Ephe. 1.

Ergo non fuit opus missione & morte filij.

R E S P O N S I O.

Consilium de reconciliando humano genere per filium, fuit aeternum. Adam autem lapsus reuera factus est reus peccati & irae Dei. Misericordia autem motus est Deus, ut promitteret Messiam filium reconciliatorem, propter quem receptus est Adam, & tota posteritas assensuens promissioni.

Deus mori seu pati non potest.

Christus est Deus.

Ergo mori seu pati non potuit.

Respondeo ad maiorem: Christus non solum est Deus, sed etiam homo. Ideo etiam si diuina natura impassibilis est, tamen de Christo, in quo natura diuina & humana inseparabiliter unitae sunt, rectè dicitur Deum esse passum, propter idiomatum communicationem: Idq; non in abstracto, sed in concreto. Neq; enim rectè dicitur, diuinitas passa, sed Deus est passus. Ideo inquit Irenaeus: Diuina natura in Christo quieuit, ut pati ac mori posset.

DE

DE ASCENSU CHRISTI

*in cœlum.***Christus ascendit ad cœlos:****Ergo antè in cœlo non fuit.**

Respondeo per distinctionem: Ascendit ad cœlos secundum humanam naturam, quæ antè in cœlo non fuit, non secundum diuinam naturam, quæ semper fuit in cœlis apud patrem. Sicut inquit Rufinus in expositione Symboli: Ascendit ad cœlos, non ubi uerbum Deus antè non fuerat, quippe qui erat semper in cœlis, & manebat in patre, sed ubi caro factum antè non sedebat.

A L I V D.

Deus est essentia incorporea, non habens manus, aut alia membra:**Ergo Christus non potest sedere ad dexteram patris.**

R E S P O N S I O.

Dextera in scripturis potentiam significat. Igitur sedere Christum ad dexteram patris, non est eū certo loco affixum esse in cœlis, sed habere omnem potestatem in cœlo & terra, seu æqualem esse patri omnipotentia, etiam secundum humanā naturam. Sicut inquit Matthæi ultimo: Data est mihi omnis potestas, quæ est in cœlo & in terra,

Quæ est tertia pars?

Q V A E S T I O N E S



Credo in Spiritum sanctum, Sanctam Ecclesiam catholicam, Sanctorum communionem, Remissionem peccatorum, Carnis resurrectionem, Et uitam aeternam, Amen.

Hoc est, Credo Spiritum sanctum esse uerum Deum, qui me per fidem in Christum sanctificet, & illuminet cor meum, ut uerbo Dei assensum possim, efficiatq; me membrum Ecclesiae Dei, in qua consequar remissionem peccatorum, à mortuis uiuus resurgam, & uitae aeternae fiam particeps.

Q V A E

QVAESTIO DE SPIRITU SAN-

cto, an sit Deus, & distincta persona à Pa-
tre & Filio.

Estne Spiritus sanctus Deus, & perso-
na distincta à patre & filio? *Respon.*
Est.

Proba esse Deum.

Inuocatio ad Deum solum dirigenda
est, iuxta illud: Inuoca me in die tri-
bulationis. *Psal. 49.*

Inuocatio dirigitur ad Spiritum san-
ctū, sicut testatur forma Baptismi. *Mat. 28.*

Ergo Spiritus sanctus est Deus.

A L I V D.

Sanctificare & uiuificare est opus so-
lius Dei.

Spiritus sanctus sanctificat & uiuifi-
cat corda:

Ergo Spiritus sanctus est Deus.

A L I V D.

Spiritus sanctus à Paulo uocatur Do-
minus, Posteriore Corinth. 3. Et
Gene. 1. dicitur spiritus Dei.

Ergo Spiritus sanctus est Deus.

Proba Spiritum sanctum esse perso-
nam distinctam à patre & filio.

Apparet Spiritus sanctus in Baptis-.

Q V A E S T I O N E S

Matth. 3
Acto. 2.

mo Christi peculiari forma, scilicet columbae. Item in die pentecostes in linguis igneis.

Ergo Spiritus sanctus est distincta persona à patre & filio.

2.
Mat. 28.

In formula Baptismi, Baptizo te in nomine patris, & filij, & spiritus sancti, distinguitur spiritus sanctus à patre & filio, & tribuitur ei honos omnipotentiae & inuocationis.

Ergo spiritus sanctus est distincta persona à patre & filio, æquè cum illis omnipotens, exaudiens, et saluans.

9. Christus inquit Ioan. 14. Rogabo patrem, & alium paracletum dabit vobis.

Ergo discernit spiritum sanctum à se & patre, nec significat ipsum patrem, nec agitationem creatam à patre in cordibus.

Q V A E S T I O, A N F V E R I T S P I -
ritus sanctus ante Christum incarnatum.

Fuit ne Spiritus sanctus ante Christū incarnatum? Respon.

1. Petr. 1.
et 2. Pe. 1

Fuit. sicut Petrus testatur, loquens de prophetis.

tis. Spiritus Christi in eis prædixit, Christum passurum esse Esaias cap. 59. inquit: Hoc est fœdus meum cum eis, dicit Dominus, spiritus meus, qui in te est, & uerba quæ posui in ore tuo, non recedēt ab ore tuo, nec ab ore seminis tui, dicit Dominus, deinceps & in sempiternum.

DE ECCLESIA.

Quid Ecclesia.

Estne Ecclesia cœtus uisibilis? Resp.

Est, sed tamen dissimilis politijs seu regnis huius mundi, quæ titulis & ordinarijs successiōibus ordinata sunt.

Quid est ergo Ecclesia?

Ecclesia est uisibilis cœtus amplectentium Euangelium Dei, & obedientium Euangelio, & renatorum spiritu sancto, cui cœtui admixta est in hac uita magna multitudo non renatorum, sed tamen de doctrina consensientium.

OBIECTIO DE ORDI-

naria successione.

Politia Mosaica alligata fuit ad certum ordinem & successiōem.

Ergo etiam Ecclesia in Nouo testamento alligata est ad titulos, & ordinariam successiōem Episcoporum.

RESPONSIO.

Nego consequentiā: Quia est dissimilitudo.

Q V A E S T I O N E S

Nam diuinitus ordinata fuit politia Iudaica, & alligata ad certas leges, & ceremonias Leuiticas. Sed Ecclesia noui Testamenti alligata est tantum ad uerbum Dei. Sicut inquit Christus: Oues meae uocem meam audiunt, Ioan. 10. de hac dictum est à Christo: Dic Ecclesiae, non de ea, quae pertinaciter defendit idola & impios errores.

C O N T R A.

1. Cor. 14. Paulus uult fieri omnia ordine in Ecclesia.

Ergo necesse est alligatam esse Ecclesiam ad certas leges, & ordinariam successionem, ne corpus sit sine capite.

R E S P O N S I O.

Ioan. 10. Nego consequentiam: Nam alligata est Ecclesia ad sinceram doctrinam Euangelij. Sicut inquit Christus: Oues meae uocem meam audiunt. Et Christus est caput Ecclesiae. Sicut inquit Paulus Ephe. 1. Et ipsum (Christum) dedit caput super omnia Ecclesiae, quae est corpus eius integrum, perficientes omnia in omnibus. Ordo autem in Ecclesia est obseruandus docendi causa, sine opinione tamen iustitiae, cultus aut necessitatis. Nam extra casum scandali uiolari possunt traditiones humanae sine peccato.

Q V A E S T I O D E S A N C T I -
f i c a t i o n e E c c l e s i a e.

Estne

Estne Ecclesia sancta? Respon.

Est, sicut eam Symbolum uocat, & Diuus Paulus, Ephes. 5. sed quantum ad imputationem, & inchoationem sanctitatis, non quantum ad consummationem attinet. Nam Ecclesia multiplicem habet adhuc infirmitatem, quam Deus ei condonat propter Christum mediatorem, cuius spiritu donata inchoat etiam nouitatem, seu sanctitatem in hac uita.

C O N T R A.

Opera Dei sunt perfecta.

Sanctificatio est opus spiritus sancti:

Ergo sanctificatio Ecclesiæ est perfecta, seu consummata in hac uita, & nulla est imbecillitas, nullæ reliquæ peccati in renatis.

Respondeo ad maiorem, per distinctionem: Opera Dei sunt perfecta, quantum attinet ad conditionem rerum, non quantum ad regenerationem Ecclesiæ, quam Deus in hac uita inchoat, sed consummabitur in uita æterna. Interea imbecillis est Ecclesia, sed adiuuatur à Spiritu sancto in ærumnis; sicut inquit Paulus, Roma. 8. Spiritus Dei auxiliatur infirmitatibus nostris.

DE GLORIFICATIONE

Ecclesiæ, Quæstio.

Quæ est gloria Ecclesiæ? Respon.

Ea in hac uita est uera agnitio & inuocatio Dei, glorios

Q V A E S T I O N E S

gloriosa & mirabilis inde usq; ab initio mundi, eius conseruatio & liberatio contra hostes, Diabolum, tyrannos, & impios doctores, omnibus temporibus. Post resurrectionem uerò erit futura perfecta liberatio ab omnibus ærumnis, cum in uita æterna fruamur dulcissima consuetudine & aspectu Dei, cum angelis & electis. Sicut inquit Ioannes: Charissimi, nunc filij Dei sumus, & nondum apparuit quod futuri sumus. Scimus autem quoniam cum apparuerit, similes ei erimus, quoniam uidebimus eum sicut est.

Quomodo diuiduntur hæ tres partes?

Prima agit de Creatione, Secunda de Redemptione, Tertia de Sanctificatione.

Quis est usus Symboli Apostolici?

Vt ex ipso fidem in Deum, per Spiritum sanctum, qui per uerbum externum est efficax, concipiamus, qua fide à peccatis emundemur, à morte & æterna damnatione liberemur, iustificemur & uitam æternam consequamur.

Quis fidem in nobis operatur seu creat?

Spiritus sanctus.

Per quid?

Per prædicationem Euangelij.

Quid est Euangelium?

Est leta annuntiatio de Christo, quòd Deus propter hunc filium suum remittat nobis peccata, reputet nos iustos, & donaturus sit nobis uitam eternam gratis per fidem.

Estne hæc fides in nobis perfecta?

Non. Ideo Deum sedulo & semper rogare debemus per Christum, ut fidem in nobis indies augere uelit, & imbecillitatem fidei, sicut & alia peccata, quæ contra legem ipsius commisimus, nobis condonare propter suum filium, Quare & nunc aptissimè sequitur tertia pars Catechismi, de Oratione Dominica, seu precatione, qua imprimis petere à Deo debemus, augmentum seu confirmationem fidei nostræ, & peccatorum condonationem.

DE TERTIA PARTE

CATECHISMI, DE ORATIONE

Dominica, seu precatione.

Quæ est tertia pars Catechismi?

Oratio Dominica, seu precatio.

Quid est Oratio dominica?

Est brevis forma orandi seu inuocandi Deum, ab ipso Christo tradita nobis, complectens summam omnium, quibus tum ad hanc uitam temporalem sustentandam, tum ad eternam & cœlestem consequendam opus habemus.

Quid est precatio?

Est

Q. V A E S T I O N E S

Est ardens eleuatio mentis ad Deū, per fidem, petentis aliquid à Deo propter Christum, mediatorem & propitiatorem nostrum, gratiasq; agentis pro accepto beneficio.

Quot requiruntur in Christiana oratione?

Quatuor. Quæ?

Præceptum Dei, & eius promissio, fides, & res petenda, quam Oratio dominica summatim complectitur.

Pronuncia Orationem dominicam.



Pater noster, qui es in cœlis, Sanctificetur

cetur nomen tuum, Adueniat regnum tuum, Fiat uoluntas tua, sicut in cælo & in terra. Panem nostrum quotidianum da nobis hodie. Et remitte nobis debita nostra, sicut & nos remittimus debitoribus nostris. Et ne nos inducas in tentationem. Sed libera nos à malo. Quia tuum est regnum, & potentia, & gloria in secula seculorum. Amen.

Hoc est, O pater noster cælestis, qui uerè ades ubique, exaudis & respicis nos, effice ut agnoscaris, & uera doceamur, per quæ gloria tua uerè patefiat, ut te rectè inuocent & colant homines. Rege nos spiritu sancto, ut tuo uerbo credamus, inchoa hic in nobis regnum gratiæ, ut fiamus post hanc uitam heredes regni gloriæ. Da, ut omnes tibi obediant in terra, & quisq; faciat suum officium, in tali uitæ genere, quod tibi placeat. Da nobis omnia uitæ corporalis commoda, uictum, pacem, defensionem, successum in rebus agendis, & similia. Remitte nobis peccata nostra propter tuum filium mediatorem nostrum. Defende nos contra insidias Diaboli, ne pertrahamur ad impietatem, aut alia peccata. Libera nos ex omnibus miserijs & ærumnis præsentis uitæ, ut donetur nobis uita & iustitia æterna. Amen.

Quis est usus Orationis dominicæ,
seu precationis?

Q V A E S T I O N E S

Vt per eam omnia, quæ nobis & alijs sunt necessaria, à Deo petamus, & consequamur.

Quid in primis à Deo petere debemus?

Vt mandatis eius ex animo obedire, in ipsum uerè credere, eumq; in omni nostra necessitate serio inuocare possimus per Christum ipsius filium, quæ omnia cum imperfectè & negligenter sepe numero faciamus, poenitere nos debet peccatorum nostrorum, eaq; confiteri Deo debemus, petere eorum absolutionem à ministro Ecclesiæ, & absolutioni fidem habere. De quo in quarta parte Catechismi dicitur.

Q V A E S T I O.

Estne inuocatio Dei proprium opus Ecclesiæ, non cōmune cum Iudæis, Turcis, aut alijs gentibus? Respon.

Est. Quia Ecclesia tantum uerè Deum agnoscit, scit quem Deum inuocet, & per quem & cur exaudiatur.

C O N T R A.

Inuocant Deum etiam Turcæ & Iudæi:

Ergo inuocatio non est opus solius Ecclesiæ, sed etiam aliarum gentium.

Respondeo per distinctionem ueræ & falsæ inuocationis.

Vers

Vera inuocatio est, quæ dirigitur ad Deum per filium mediatorem, hac fide nos certò exaudiri à Deo propter hunc pontificem nostrum, sicut inquit: *Quæcunq; petieritis patrem meum in nomine meo, dabit uobis, Ioan. 16.*

Falsa, Turcica & Iudaica inuocatio est, quæ dirigitur ad Deum sine Christo mediatore, quare dupliciter aberrant à Deo Iudæi & Turcæ: primum de essentia Dei. Deinde de uoluntate. Ideo de exauditione certò statuere non possunt, quia mediatorem filium non agnoscunt.

DE INVOCATIONE SANCTO

rum, *Questio.*

Sunt ne inuocandi Sancti tanquam intercessores, quorum precibus ac meritis exaudiamur à Deo? *Respon.*

Non. Quia tantum propter Christum mediatorem, eiusq; merita & intercessionem promissa est Ecclesiæ exauditiō & liberatio. Sicut inquit ipse Christus: *Quicquid petieritis patrem in nomine meo, dabit uobis. Ioan. 16.*

C O N T R A.

Sancti sunt honorandi. Sicut inquit Psalm. *Laudate Dominum in sanctis eius. Psal. 150.*

Ergo sanctos inuocare debemus.

R E S P O N S I O.

Nego consequentiam: Quia plus est in conse-

Q V A E S T I O N E S

quente, quàm in antecedente. Nam honor & inuocatio diuersi sunt cultus seu opera. Inuocatio tantùm Deo debetur, qui solus cordium motus intelligit: honor autem tribui debet sanctis, primò, ut gratias agamus Deo pro utilibus organis Ecclesie. Secundo, ut confirmemus eorum exemplis fidem nostram. Tertiò, ut imitemur eorum uirtutes, fidem, constantiam, castitatem, & confessionem &c.

A L I A O B I E C T I O.

Sancti orant pro Ecclesia. Item Angeli. Zachariae 1.

Ergo sancti sunt inuocandi.

R E S P O N S I O.

Nego cõsequentiam: Quia etiamsi orant Sancti pro uniuerſa Ecclesia, tamen hinc non sequitur inuocandos esse. Quia de inuocatione sanctorum in scriptura sacra neq; mandatũ, neq; promissio extat, neq; etiam exemplum ullum probatũ. Quia talis inuocatio uerbo Dei, seu promissioni diuinæ non nititur. Ideo de exauditione, cùm inuocat sanctos, certa esse non potest Ecclesia.

A L I A.

Viuos licet rogare, ut pro nobis orent Deum.

Ergo etiam mortuos licet inuocare.

R E S P O N S I O.

Nego consequentiam: Quia est dissimilitudo.

Nam

Nam de uiuis extat mandatum & promissio, non de mortuis: & tantum propter merita & intercessionem Christi mediatoris, non Sanctorum, promissa est exauditio Ecclesiæ. Ideo ad Christum mediatorem confugere debemus, uocantem ad se Ecclesiam. Matthæi 11, Venite ad me omnes &c.

A L I A.

Iacob uult nomen suum inuocari à posteris. Et Moyfes orat: Memen-
to Domine seruorum tuorum, A-
brahæ, Isaac, & Iacob. Item in Psal-
mo orant fideles Deum, ut recor-
detur Dauidis:

Ergo inuocandi sunt sancti, & Deus
exaudit Ecclesiam propter sancto-
rum intercessionem & merita.

Respondeo ad amecedens: Iacob petit ut Deus
posteris suis adsit propter datam sibi promissio-
nem, & gratia diuini fœderis etiam ad posteros
suos perueniat. Et Moses rogat, ut Deus & se
& populum suum recipere, iuuare & liberare
uelit, propter datam promissionem Abrahæ, Isa-
ac, & Iacob, cuius ipsi sint posteritas. Ita etiam
fideles in Psalmo orant, ut Deus recordetur Da-
uidis, hoc est, promissionis datæ Dauidi de mitten-
do Messia, & liberatione Ecclesiæ. Non igitur
ad personas, sed ad datam promissionem re-

QVÆSTIONES

*Spexerunt Iacob, Moses, & alij inuocantes Deū.
Et ineptè allegantur exempla, ubi expresse scri-
pturæ repugnant, Vt: Inuoca me in die tribula-
tionis. Item: Quicquid petieritis patrem in nomi-
ne meo, dabit uobis.*

RATIONES, QVIBVS IMPRO- batur Sanctorum inuocatio.

**Proba inuocationem Sanctorum
esse impiam & idolatricam.**

I.

*Honor Dei non est tribuendus creaturis, iuxta
illud Esaie 42. Honorem meum non dabo al-
teri.*

*Inuocatio est honor, qui soli Deo debetur, iuxta
Psalm. 49. illud Psalmi: Inuoca me &c.*

*Ergo inuocatio non debet tribui creaturis seu
sanctis.*

II.

*Inuocatio Sanctorum obscurat gloriam Christi,
& ab eius fiducia abducit Ecclesiam:*

Ergo inuocatio sanctorum est improbanda.

III.

*De inuocandis sanctis neq; mandatum, neq; pro-
missionem habet scriptura:*

Ergo inuocandi non sunt.

IIII.

Solum

Solus Christus est constitutus à Deo mediator & pontifex Ecclesie : 1. Tim. 2. Heb. 2.

Ergo solus Christus est inuocandus, non sancti.

V.

Tantum propter merita Christi mediatoris exaudimur : Ioan. 14.

Ergo non propter intercessionem seu merita sanctorum.

VI.

Sancti non intuentur motus cordium, nam hoc soli opus est naturæ omnipotentis : Psal. 7. Iere. 17.

Ergo sancti non sunt inuocandi, quia non intelligunt animorum motus, seu cogitationes. Apoc. 11.

VII.

Angelus uetat se adorari, Apoc. 12.

Ergo angeli & mortui non sunt inuocandi aut adorandi.

VIII.

Synodus Carthagenensis prohibuit ne Sacerdos diceret ad altare : Sancte Petre, Sancte Paule ora pro me.

Ergo sancti non sunt inuocandi.

OBJECTIO DE EX-
auditione.

Non semper præstantur à Deo, quæ petimus :

Ergo promissio de exauditione non est uniuersaliter uera.

Q V A E S T I O N E S

Respondeo per distinctionem bonorum corporalium & spiritualium. Bona corporalia promissa sunt cum conditione nostrae salutis, & gloriae Dei. Ideo interdum uel differuntur, uel omnino non praestantur in hac uita. Quare in petitione corporalium rerum Ecclesia se subijcere debet uoluntati diuinae. Sicut fecit Dauid, 2. Regum 15, inquit: Si inuenero gratiam in oculis Domini, reducet me. Sin autem dixerit mihi, non places, praestò sum: faciat quod bonum uidetur ipsi.

Bona uerò spiritualia, ut sunt remissio peccatorum, donatio spiritus sancti, & uita aeterna, certò promissa sunt Ecclesiae propter mediatorem: Ideo semper praestantur petentibus. Sicut inquit Christus: **Luce 11.** Pater dabit spiritum sanctum petentibus, scilicet fide seu inuocatione, ac fiducia mediatoris.

O B I E C T I O D E E X A U D I -
tione sine filio mediatore.

In Oratione dominica non fit mentio filij mediatoris.

Oratio dominica exauditur à Deo.

Ergo quaedam inuocatio exauditur sine filio mediatore.

R E S P O N S I O.

Nego Maiorem: Quia cum Deum nostrum patrem appellamus, simul includimus filiū, propter quem Deus factus est noster pater, et nos sibi filios adopta-

adoptauit, Ephe. 1. Sicut igitur Deus pater noster est per filium, ita etiam propter filium nos exaudit. Sicut inquit Christus: Si quid petieritis patrē in nomine meo, dabit uobis. Hęc promissio in omnibus orationibus cogitari debet. Nam extra filium mediatorem Deus neminem exaudit, nec est pater, sed seuerus iudex, damnans & reiciens homines propter peccatum.

OBIECTIO DE BONIS spiritualibus.

Sanctificatio nominis Dei, aduentus seu augmentū regni eius, & uoluntatis executio pertinent ad gloriā Dei, & salutem nostram:

Ergo hęc bona cū petuntur, consummatē tribui debent. Quia sunt bona spiritualia, quæ certō promissa sunt sine conditione.

Respondeo per distinctionem: Promissa sunt sine conditione, quantum attinet ad gloriā Dei, & certō dantur. Sed quantum attinet ad Ecclesiā, quæ subiecta est in hac uita cruci, Item ad exercendam fidem in inuocatione, & ad malitiam Diaboli impediētis gloriā Dei, Differuntur interdum hęc bona, aut certē occultatur largitio, ut crescat ardor Ecclesiæ in inuocatione, consummabuntur autem in uita æterna, in qua uidebimus preces nostras non fuisse irritas seu inanes.

QVÆSTIONES
DE PANE QVOTIDIANO,
seu uictu.

Sollicitudo est prohibita. Inquit enim
Christus Matthæi sexto cap. Ne sitis
solliciti in crastinum, quid edatis
aut bibatis.

Petens panem quotidianum, est sollicitus de crastino.

Ergo petens panem quotidianum, agit contra admonitionem Christi.

R E S P O N S I O.

Duplex est sollicitudo. Quædam coniuncta est
cum diffidentia, hæc est prohibita. Alia non est
coniuncta cum diffidentia, quæ est uocationis. De
qua inquit Diuus Paulus, Roma. 12. Qui præest, id
faciat cum sollicitudine. Et monet Christus, ne à sollicitudine seu diffidentia nos sinamus opprimi, ita
ut propter diffidentiam de uictu & de sensu de
ficiamus à ueritate seu confessione Euangelij.

DE CONDONATIONE OFFENSARUM MUTUA.

Christus requirit mutuam condonationem delictorum proximi, ut nobis quoque remittantur peccata nostra à Deo.

Ergo remissio peccatorum non est gratuita, sed pendet ex conditione nostræ

DE CATECHISMO.

99

nostrę condonationis tanquam ex
causa seu merito.

RESPONSIO.

Nego consequentiam: Quia nostra condona-
tio est signum diuinę condonationis, certificans
nos de remissione nostrorum peccatorum, & re-
quirit eam Christus tanquam fructum, non tanquā
causam diuinę indulgentię. Placet autem Deo no-
stra condonatio, sicut alia bona opera propter
Christum. Ideo autem remissio peccatorum non
pendet ex conditione, ut certa sit promissio. Vt do-
cet Paulus ad Roma. 4.

DE TENTATIONE.

Iubet Christus petere, ne inducamur
in tentationem à Deo.

Ergo Deus est autor tentationis seu
peccati.

RESPONSIO.

Nego consequentiam. Nam induci in tentatio-
nem, significat phrasi Hebraica, non effectiue,
sed permissiue permittere ut inducamur. Nam
uerba actiua sepe significant passiue Hebraeis, Sic
dicit Deus ad Moysen: Indurabo cor Pharaonis,
id est, sinam ut induretur. Est igitur sententia pe-
titionis, Ne sinas nos opprimi in tentatione. Sic
Iacobus ait: Deus non tentat malis, id est, non est
is, qui suggerit malas tentationes, sed Diabolus, 1.
Thessa. 3.

Exod. 4.

Iaco. 2.

**QVÆSTIONES
DE FINE MALORVM.**

**Multi petentes liberationem à malis,
ut à morte, & cæteris ærumnis hu-
ius uiræ, non exaudiuntur.**

**Ergo promissio de exauditione est ir-
rita.**

R E S P O N S I O.

**Nego consequentiam: Quia Deus exauditi-
onem in corporalibus malis promissit cum condi-
tione, liberat tamen inuocantes etiam in corpo-
ralibus periculis, oportuno tempore, & quo mo-
do ipse ordinauit: aut per mortem, quæ non
est ultimum malum, ad uitam meliorem perdu-
cuntur.**

**ALIA, DE EXAUDI-
tione.**

**Deus peccatores non exaudit, Ioan-
nis 9.**

Omnes homines sunt peccatores.

Ergo nemo exauditur.

**Respondeo ad Maiorem, per distinctionem.
Nam duplices sunt peccatores: Resipiscentes,
quos exaudit Deus: & perseuerantes in pecca-
tis, contra conscientiam, hos Deus non exaudit
quàm diu in proposito peccandi perseuerant con-
tra testimonium conscientie.**

QVÆ

QVÆSTIO DE DVBI-
tatione.

Licetne dubitare de gratia Dei, & liberatione? *Respon.*

Non. Quia dubitatio est peccatum arguens Deum mendacij in datis promissionibus.

C O N T R A.

Dubitant etiam pij, ut leprosus Marthæ 8. inquit: Domine, si uelis, potes me mundare.

Ergo dubitatio non est peccatum.

R E S P O N S I O.

Nego consequentiam: Quia morbus inherens in natura etiam piorum peccatum est, sed condonatur cum repugnant huic malo naturali, erigentes sese fide intuentes promissiones.

A L I A.

Superbia est iactare se esse in gratia Dei.

Ergo dubitatio est uirtus.

Respondeo ad antecedens: Superbia est iactare se esse in gratia Dei, sine uerbo Dei reuelato. Sed quia Deus uoluntatem suam nobis in fidiore reuelauit de reconciliatione: ideo certò statuer debemus, esse nos receptos propter mediatorem, iuxta illud: Dilecti sumus in dilecto, Ephe. 1.

QVAESTIONES
DE QVARTA PARTE
CATECHISMI, DE POENITEN-
tia, Confessione, & Absolutione.



Quæ est quarta pars Catechismi?
Doctrina de pœnitentia, Confessione, & Ab-
solutione.

Quid est Pœnitentia?

Est uerus dolor seu pavor conscientie, de com-
misso peccato, incussus per legem Dei animis ho-
minum, cum certa fiducia, peccatum esse nobis re-
missum gratis propter Christum.

Quot sunt partes pœnitentiae?

Due.

Quæ

Quæ?

Contritio et fides.

Quid est contritio?

Est uerus terror conscientie de commissis peccatis, qui oritur ex agnita per legem ira Dei, aduersus peccata.

Quid est Fides?

Est firma fiducia, qua statuimus nobis remitti à Deo peccata gratis propter Christum.

Qui sunt digni fructus pœnitentiae?

Obedientia erga legem Dei, seu nouitas uitæ.

Quid est Confessio?

Est, qua homo non solum commissis peccatis, sed etiam corruptionem suæ naturæ uerè agnoscit ex lege Dei, et confitetur ea uel Deo, uel proximo, uel ministro Ecclesiæ, cum uenia deprecatione.

Quis est usus Confessionis?

Vt in ea accipiamus remissionem peccatorum, quam minister Ecclesiæ nobis offert in absolutione loco Dei, certissimè gratis propter Christum, per fidem.

Quid est Absolutio?

Est leta per ministrum Ecclesiæ annunciatio gratuite remissionis omnium peccatorum, donata nobis à Deo gratis propter Christum.

Dic uerbum, seu promissionem Dei de Absolutione.

Quo-

QVÆSTIONES

Quorūcūq; peccata remisistis, remittuntur
eis: & quorumcūq; retinueritis, retenta sunt.
Ioannis 20. Et: Quaecūq; alligaueritis super ter-
ram, erunt ligata in cœlo: & quaecūq; solueri-
tis super terram, erunt soluta in cœlo. Matthæi
18.

Quis est usus Absolutionis?

Vt certam reddat conscientiam nostram dubi-
tatem de remissione peccatorum, & fidem in no-
bis confirmet, sicut & alia Sacramenta, de quibus
in quinta parte Catechismi traditur.

**QVÆSTIO, AN RENATI
iterum labi possint.**

Possunt ne, qui renati sunt, iterum la-
bi, & amittere fidem, & Spiritum san-
ctum? Respon.

Possunt, cum contra conscientiam peccant, si-
cut Saul & Dauid lapsi sunt, quorum alter pror-
sus periit, alter rursus ad Deum conuersus est.
Et Paulus inquit, priore ad Corinth. 10, Qui uide-
tur stare, uideat ne cadat.

**ALIA, AN LAPSI SIT RE-
ditus ad gratiam.**

Superest ne lapsis post baptismum re-
missio peccatorum, seu reditus ad gra-
tiam? Respon.

Etiam. Quia Dauid, Manasses, Petrus post la-
psus

psus horrendos, iterum cōsecuti sunt remissionem peccatorum. Sic Paulus Galatarum Ecclesiam lapsam reuocat ad pœnitentiam, & recipi iubet Corinthium incestum, 2. Corin. 2. Et Ezechiel 33. Vno ego, dicit Dominus, nolo mortem peccatoris, sed ut conuertatur, & uiuat. Et Luca 15. inquit Christus: Gaudium est angelis super uno peccatore pœnitentiam agente.

O B I E C T I O.

Inquit Paulus ad Hebræos 6. Impossibile est eos, qui semel illuminati sunt, reuocari ad pœnitentiam.

Item uoluntariè peccantibus post acceptam notitiam ueritatis, iam non relinquitur pro peccatis hostia, sed terribilis expectatio iudicij.

Ergo lapsis post Baptismum non superest locus gratiæ.

Respondco ad priorem locum, per distinctionem: Negatur renouatio ijs, qui non auscultant amplius Euangelio, sed illud contemnunt, & ut postea addit, crucifigunt et ludibrio habent Christum. Alter locus non negat lapsos posse resurgere, aut redire ad beneficia Christi, sed excludit alias hostias quas cunq; siue legales, siue excogitatas ab hominibus, quibus Pharisei & alij prebant se mereri remissionem peccatorum.

Q V A E

Q V A E S T I O N E S

QVÆSTIO, AN OMNIA PECCATA sint remissibilia.

Remittuntur ne omnia peccata resipiscantibus? Respon.

Etiā. Quia inquit propheta Ezechiel, ca. 33. de impio resipiscente: Omnia peccata eius quæ peccauit, non imputabuntur ei: iudicium & iustitiam fecit, uita uiuet.

C O N T R A.

Inquit Christus: Qui dixerit uerbum contra spiritum sanctum, non dimittetur ei.

Ergo est aliquod peccatum irremissibile.

R E S P O N S I O.

Concedo consequentiam: Sed hoc ipsum peccatum, cum ad gratiam confugimus, etiam sit remissibile. Nam Augustinus peccatum irremissibile interpretatur finalem impœnitentiam, seu desperationem: & eodem interprete, dicit uerbum contra spiritum sanctum, qui uerbum prædicatum & confirmatum testimonijs spiritus, ad extremum pertinaciter repudiat.

QVÆSTIO DE PARTIBUS pœnitentiæ.

Sunt ne pœnitentiæ partes solùm cōfessio & fides? Respon.

Sunt. Quia hi duo motus requiruntur in regeneratione

neratione impij. Primum, ut per legem peccata agnoscat, & uerè doleat de admissis peccatis ex consideratione immensæ iræ Dei aduersus peccatum. Deinde, ut rursus concipiat certam fiduciam de remissione peccatorum, donata gratis propter Christum, quæ mens consolationem accipit, & erigitur, ne conspectu iræ Dei, & propriæ indignitatis, ruat in desperationem, aut odium Dei, sicut Cain, Saul, Iudas, & similes.

C O N T R A.

Papistæ faciunt partes pœnitentiæ, contritionem, confessionem, & satisfactionem. Respon.

Papistæ contra uerbum Dei faciunt has partes pœnitentiæ, omittentes fidem. Quia confessio quæ illi uocant auricularem, non est mandata in uerbo Dei, & doctrina de satisfactione obscurat beneficium Christi, cuius mors sola est satisfactio pro peccatis. Porro fidem quam nouitas uitæ sequitur tanquam fructus, partem esse pœnitentiæ, docet Christus, cum iubet prædicari in nomine suo pœnitentiam, & remissionem peccatorum, quæ sola fide accipitur.

O B I E C T I O N E S D E S A -
t i s f a c t i o n e .

Satisfactio mos fuit uetus Ecclesiæ.
Ergo & nunc seruari debet.

Respondeo per distinctionem : Castigatio seu

Q V A E S T I O N E S

publica disciplina veteris Ecclesiae, qua excommunicati seu exclusi à ceterorum consortio, testabantur publicè, se uerè agere poenitentiam, retineri debet in Ecclesia, exempli causa, ut alij mores regant diligentius, & exploremur lapsi, an seriò resipiscant, qui redeunt ad Ecclesiam. Sed persuasio de compensatione pro peccatis per ieiunia, peregrinationes, & alia opera indebita, ut uocant, imposita resipiscemibus, impia est & reijcienda, quia obscurat lucem Euangelij de fide accipiente remissionem peccatorum gratis propter Christum.

C O N T R A.

Deus non solum misericors est, sed etiā iustus, & iudex puniēs peccata. Ideo etsi culpam remittit gratis propter Christum, tamen etiam compensationem exigit pro peccatis, ut iustitiæ suæ satisfiat.

R E S P O N S I O.

Nego consequentiam: Quia per mortem Christi, quæ unica est compensatio pro peccatis, tum à culpa, tum à poena liberamur fide. Sicut inquit 1. Cor. 5. Paulus: Per Christum habemus uictoriam. Item, Donum Dei est uita aeterna, per Iesum Christum, Roma. 6.

Q V A E S T I O D E P O E N I S, Q V A E
resipiscemibus imponuntur.

Si

Si tum culpa, tum pœna remittitur gratis fide propter Christum, cur ergo resipiscentibus ærumnæ corporales imponuntur, ut Daudi, & alijs?

RESPONSIO.

Non hoc fit, ut mereantur pœnæ temporales relaxationem pœnarum purgatorii, aut aliarum, sed ut recepti à Deo diligentius deinceps peccata vitent, & habeant occasionem exercendæ inuocationis, & ut pœnæ corporales mitigentur pœnitentia. Nam sicut inquit Ioël 2. Conuertimini ad Dominum, quoniam misericors & bonus est, & remittens pœnam.

OBIECTIO.

Satisfactiones pro peccatis sunt impia.

Ergo non est satisfaciendum læsis aut iniuria affectis à nobis: nec mortificanda est caro exercitijs corporalibus.

RESPONSIO.

Nego consequentiam: Quia duplices sunt satisfactiones. Alia sunt Scholasticae, ut ieiunia, certæ preces, peregrinationes, & similes, quæ imponuntur lapsis, tanquam compensatio pœnarum. Hæ sunt impia, quia obscurant gloriam Christi. Alia sunt ciuiles, ut cum res ablata restituumur, & satisfit affectis iniuria. Hæ necessaria sunt,

Q V A E S T I O N E S .

*Psal. 33. & pertinent ad contritionem, iuxta illud : Deeli-
Ephes. 4. na à malo, & fac bonum. Item, qui furatus est, au-
plius non furetur. Non sunt igitur hæc opera in-
debita, sed mandata à Deo, sicut etiam diligentia
mortificandæ carnis, & obeundæ uocationis, quæ
sepe tollit & mitigat pœnam. Iuxta illud Pauli: Si
1. Cor. 11. nos non iudicaremus, nõ iudicaremur à Domino.*

DE CONFESSIOE.

Q V A E S T I O, A N C O N F E S S I O
retinenda sit in Ecclesia.

Estne Cōfessio retinenda in Ecclesia?

*Est. Primum propter absolutionem. Deinde
propter disciplinam. Quia per eam occasionem in-
docti erudiri, & commodius institui de tota do-
ctrina possunt.*

A L I A, D E E N U M E R A -
tione omnium peccatorum.

**Estne exquisita illa omnium peccato-
rum enumeratio necessaria? Respon.**

*Non. Quia sine hac & absolutionem & consi-
lia resipiscences petere possunt.*

C O N T R A.

**Iudex non absoluit, nisi prius cogno-
scat delictum.**

In confessione fit absolutio :

**Ergo necesse est etiam fieri cognitio-
nem criminum.**

R E .

RESPONSIO.

Nego consequentiam: Quia duplex est potestas Ecclesiæ. Altera uocatur ministerium, quo impertiuntur nobis ministri Euangelium & Sacramenta, annunciantes remissionem peccatorum publicè et priuatim pœnitentibus gratis propter Christum. Hæc potestas non est mandatum cognoscendi delicta, nec est iudicium, sed tantum ministerium impertiendi beneficij, iuxta illud: Quorumcunq; remisistis peccata, remittuntur eis. Ioan. 20. Altera potestas uocatur iurisdictio, quæ est iudicium quoddam externum Ecclesiæ, quod tantum ad manifesta crimina pertinet, excommunicat & absoluit. De hoc iudicio Ecclesiæ loquitur maior Syllogismi.

DE ABSOLVTIONE.

QVAESTIO, AN CONFESSARIUS peccata remittat.

Remittit ne confessarius seu minister Ecclesiæ peccata in absolutione? Resp.

Etiam. Quia inquit Christus: Quorumcunq; remisistis peccata, remittuntur eis. Ioan. 20.

CONTRA.

Solus Deus remittit peccata, iuxta illud: Ego sum, dicit Dominus, qui deleo peccata tua propter me. Esai. 43.

Ergo homo remittere non potest.

QV AESTIONES

R E S P O N S I O.

Non est pugnancia. Quia minister seu confes-
sarius peccata remittit, non propria uirtute, sed
Luc. 10. mandato Dei. Qui inquit: Qui uos audit, me au-
Mat. 16. dit. Item, Quaecunq; solueritis in terra, soluta e-
18. runt in caelis. Propter hoc uerbum seu promissio-
nem Dei efficax est absolutio ministrorum Eccle-
sia.

QV AESTIO.

Estne retinenda enumeratio peccato-
rum omnium in absoluteione? Respon.
Psal. 19. Non. Quia impossibilis est, iuxta illud Psalmi:
Delicta quis cognoscit? Et non est mandata, neq;
à Christo, neq; ab Apostolis.

C O N T R A.

Perpetuus consensus Ecclesiae est re-
tinendus.

Mos enumerandi peccata in confes-
sione, est consensus Ecclesiae.

Ergo hic mos est retinendus.

R E S P O N S I O.

Nego Minorem. Nam inquit Chrysostomus in
Psal. 50. Si pudet alicui dicere peccata, dicito
ea quotidie in anima tua. Non dico ut ea confitea-
ris conferuo tuo, ut tibi exprobet: dicito Deo,
qui sanat ea.

DE QVINTA PARTE

CATECHISMI, DE SACRA- mentis.

Quæ est quinta pars Catechismi?

Doctrina de Sacramentis.

Quid est Sacramentum?

Est signum externum diuinæ promissionis ac voluntatis Dei erga nos, ab ipso Deo institutum, ad confirmandam fidem nostram de remissione peccatorum.

Quot sunt Sacramenta?

Duo principalia.

Quæ?

Baptismus & Sacramentum Altaris, seu Cœna Domini.

DE NUMERO SACRAMEN-
torum, *Questio.*

Sunt ne plura Sacramenta quàm duo noui Testamenti? *Respon.*

Non. Quæ quidem Christus in prædicatione sua instituit & mandauit Ecclesiæ, habentia annexam promissionem gratiæ Dei, seu reconciliationis, ut Baptismus & Cœna Domini. Vnde inquit Augustinus in Psalm. 105. Ipse Dominus & Apostolica doctrina tradidit pauca quedam signa, sicut est Baptismi sacramentum, & celebratio corporis & sanguinis Domini. His tamen rectè adduntur Absolutio & Ordinatio, quia & hæc

Q V A E S T I O N E S

mandatum & promissionem Dei habent, ut: Quicumque remiseritis peccata, remittuntur eis, 10 annis 20. Et: Qui uos audit, me audit, Luca 10, Est igitur & absolutio, & ordinatio seu uocatio ad ministerium Euangelij efficax, & utraq; seruari debet in Ecclesia per impositionem manuum, quae semper signum fuit rei destinatae ad cultum Dei, & signum benedictionis.

O B I E C T I O.

Si sacramenta dicuntur, quae mandatum & promissionem Dei habent, erunt etiam sacramenta oratio, tolerantia in cruce, eleemosynae, & iniuriarum condonatio. Quia & haec mandatum & promissionem Dei habent.

R E S P O N S I O.

Possunt haec in genere dici Sacramenta, sed tantum duae sunt caeremoniae, quae diuinitus institutae sunt in praedicatione Christi, quae ab alijs operibus moralibus discernendae sunt, ut Baptismus & Coena Domini. Nam haec expressè habent adiunctam promissionem reconciliationis cum Deo propter Christum.

A L I A.

Papistae etiam Sacramenta faciunt Confirmationem, Matrimonium, poenitentiam, & extremam unctionem,
Ergo

**Ergo non tantum sunt Sacramenta
Baptismus, & Cœna Domini.**

R E S P O N S I O.

Nego consequentiam : Quia Sacramenta ea tantum censenda sunt, quæ à Christo sunt instituta & mandata, & habent adiunctam promissionem gratuite remissionis peccatorum: hanc quia non habent Confirmatio, Matrimonium, Pœnitentia, quam illi intelligunt, & extrema Unctio, ideo non magis uerè aut propriè dicenda sunt Sacramenta, quàm alia opera moralia. Neq; enim quæcunq; actio habet promissionem, dicenda est sacramentum, sed ea tantum, quæ habet mandatum & promissionem gratuite reconciliationis, ut Baptismus & Cœna Domini. Confirmatio, quæ olim fuit exploratio doctrinæ, Item Unctio, quæ olim curatio medica fuit, hodie sunt ociosæ ceremoniæ Episcoporum, & impie propter superstitionem & abusum. Coniugium autem Sacramentum dicitur à Paulo, quia est mysterium, seu imago & amoris Christi erga sponsam Ecclesiam, & afflictionum & officiorum Ecclesiæ. Ephes. 5.

DE DISCRIMINE SACRAMENTORUM Veteris & Noui testamenti,

Q u æ s t i o.

Estne discrimen inter Sacramenta ueteris & noui Testamenti? Respon.

Prorsus nullum, quantum ad efficaciam & si-

QVÆSTIONES

gnificationem eorum attinet, sed quantum ad ceremonias, seu externa signa. Quia utraq; significant & offerunt gratiam Dei spiritualem, & sunt quasi symbola professionis doctrine. Nam ut circumcisio testabatur Abraham, & eius posteritatem recipi à Deo in gratiam, & discernebat hunc populum à cæteris Idololâtris, ita etiam Baptismus & Cæna Domini sunt sigilla, & quasi pignora quedam gratiæ Dei seu reconciliationis cum Deo propter Christum, & discernunt uerâ Ecclesiam à Iudeis, Turcis, & alijs religionibus.

CONTRA.

Inquunt Scholastici doctores. Sacramenta ueteris legis figurasse gratiam Dei, nostra uerò eandem exhibere.

Ergo differunt etiam quantum ad exhibitionem gratiæ attinet.

RESPONSIO.

Nego antecedens: Quia etiam circumcisio exhibuit Abraham & posteris eius gratiam Dei. **Roma. 4.** de Paulus circumcisionem uocat signaculum infilitiæ fidei Abraham. Et 1. Corinth. 10. inquit, Omnes de eadem spiritali petra participasse, & de spiritali potu bibisse. Tametsi nostra Sacramenta omnia plenius, quàm ueteris, nobis exhibent. **Roma. 3.** bene. Sicut inquit Paulus: Propior nunc est salus, quàm cum credebamus.

DE

DE NECESSITATE SA-
cramentorum.

Estne necessarius usus Sacramento-
rum ad salutem? Respon.

Est, cum eorum datur habendi facultas. Quia
Christus ea instituit ad alendam & augendam
nostram fidem de gratuita reconciliatione. Ideo
sicut necessaria est prædicatio Euangelij, ita eti-
am Sacramentorum usus est necessarius & utilis.
Quia Sacramenta nihil aliud sunt, quam uisibile
uerbum, quod sicut auribus percipitur, ita Sacra-
menta in oculos incurrunt.

C O N T R A.

Fides ad salutem sufficit. Quia inquit Ioan. 3.
Christus: Qui credit in me, habet Roma. 10
uitam æternam. Item Paulus: Cor
de creditur ad salutem.

Ergo nō est opus Sacramētis ad salutē.

R E S P O N S I O.

Nego consequentiam: Quia Sacramenta sin-
gulari Dei bonitate erga Ecclesiā instituta sunt,
ut fidem in nobis augeant, alant & confirment.
Et sunt Sacramenta causæ instrumentales fidei.
Ideo sicut ministerium Euangelij necessariò re-
quiritur ad fidem, iuxta illud: Fides est ex audi-
tu, ita etiam sacramenta fidem in utente accen-
dunt. Requiritur igitur in usu sacramentorum sē-
des apprehendens promissionem.

Q V A E-

QVÆSTIONES

QVÆSTIO.

Saluantur ne ergo qui credunt, etiam si Sacramentis non sunt usi? Respon.

Etiam, si utendi facultas non conceditur. Nam hic fides sufficit, ut in infantibus, qui in lucem ueni non eduntur, & quibus Baptismus aut Cœna Domini, ut in Turcica regione, aut alijs locis, denegatur.

CONTRA.

Eadem est ratio Baptismi & Circumcisionis.

Nemo est saluatus inter Iudæos, nisi fuerit circumcissus.

Ergo nemo saluatur, nisi baptisatus sit.

RESPONSIO.

Nego Minorem : Quia multi etiam saluati sunt ex gentibus, qui non fuerunt circumcisi, nec membra politia Iudaica, sed tantum Ecclesie, ut Nahaman Syrus, & quos Lucas Actorum 2. uiros religiosos uocat. Ita etiamnum multi saluantur, etiam si baptisati non sunt, aut Cœna Domini uti non possunt, qui tamen precibus piorum commendantur Ecclesie, & doctrinam Euangelij amplectuntur, & uoluntate se adiungunt Ecclesie, quæ uerbum Dei & legitimum usum Sacramentorum habet.

DE

**Requiritur ne fides in usu Sacramen-
torum? Respon.**

Etiam. Quia Sacramenta, sicut uerbum prædi-
catum, Euāgelij promissionem de gratuita recon-
ciliatione offerunt, quæ fide percipienda est. Est
enim fides quasi Sacramentorum anima. Sunt igitur
ita demum Sacramenta efficacia in utentibus,
cū fides accedit, quæ oblatam gratiam tanquam
correlatiuum accipit. Sicut inquit promissio Ba-
ptismi: Qui crediderit & baptisatus fuerit, sal-
uus erit. Et Cœnæ Domini: Hoc est corpus meum,
quod pro uobis datur: & hic est sanguis meus,
qui pro uobis & multis effunditur in remissio-
nem peccatorum.

DE SACRIFICIIS, EX P. M.

Questio.

**Differunt ne Sacramentum & Sacri-
ficiū? Respon.**

Etiam. Quia Sacramentum est ceremonia, per
quam Deus nobis aliquid promittit, & exhibet, ut
delicet remissionem peccatorum, donationem spi-
ritus sancti, uitam æternam, quale in ueteri Testa-
mento fuit Circuncisio, in Nouo Baptismus, Cœna
Domini, & Absolutio. Sacrificiū est ceremo-
nia, uel opus nostrum, quod nos Deo reddimus, ut
eum honore afficiamus.

Quor

Q V A E S T I O N E S

Quot sunt species Sacrificij?

Proximæ duæ. Sacrificium ἱλαστικόν, seu propitiatorium, uidelicet opus quod meretur alijs remissionem culpæ & pœnæ, seu opus reconcilians Deum, & placans iram Dei pro alijs: & satisfactorium pro culpa, & æterna pœna. Tale sacrificium unicum tantum in mundo fuit, uidelicet passio seu mors Christi, ut Epistola ad Hebræos docet. Altera species est sacrificium εὐχαριστικόν, quod non meretur remissionem peccatorum, aut reconciliationem, sed fit à reconciliatis, ut pro accepta remissione peccatorum, & pro alijs beneficijs Deo gratias agant, & gratiam referant suæ obedientiæ. Hæc sacrificia laudis uocantur, & sunt prædicatio Euangelij, fides, inuocatio, gratiarum actio, confessio, afflictiones sanctorum, & omnia bona opera, quæ reconciliati per fidem faciunt, ut Deum honore afficiant, & obedientiam suam erga Deum testentur. De his inquit Petrus, 1. Petri 2. Sacerdotium sanctum, ut offeratis hostias spirituales. Et Paulus ad Hebræos 13. Per ipsum (Christum) offeramus hostiam laudis semper Deo, fructum labiorum confitemium nomini eius. Item Psal. 49. Immola Deo sacrificium laudis. Et Psalm. 50. Sacrificium Deo spiritus contribulatus.

OBIECTIO DE SACRIFICIJS,

Erant

Erant in ueteri testamento sacrificia propitiatoria pro peccato.

Ergo non tantum passio & mors Christi sunt sacrificium propitiatorium.

Respondeo ad antecedens, per distinctionem: sacrificia ueteris Testamenti propitiatoria uocabantur. Primò, quia mercebantur remissionem peccatorum in externa conuersatione, hoc est, ne lapsi excluderentur ex politia Mosi, non coram Deo. Nam inquit Paulus ad Hebræ. 10. Impossibile fuit sanguine taurorum & hircorum auferri peccata. Deinde propitiatoria dicebantur, propter significationem seu similitudinem, non quòd mererentur remissionem peccatorum coram Deo, sed quia significarent futurum Christi sacrificium, hoc est, passionem & mortem eius. Hoc testatur hæc testimonia scripturæ. Ad Hebræ. 10. Vni-
ca oblatione consummauit sanctos. Item, In qua uoluntate (Christi) sanctificati sumus per oblationem corporis Christi semel. Item Esaie 53. Postquam dederit animam suam hostiam pro delictis, uidebit semen longæuum.

A L I A.

In ueteri testamento fuerunt externi cultus seu sacrificia, quæ mercebantur remissionem peccatorum.

Ergo & in Nouo tales cultus esse debent.

RE-

Q. V A E S T I O N E S

R E S P O N S I O.

Nego primū antecedens: quia Leuitici cultus non merebantur remissionem peccatorum coram Deo, sed erant tantum signa futuri sacrificij Christi. Deinde nego consequentiam: quia est dijsimilitudo. Nam cultus Leuitici erant mandati à Deo, in quorum locum, reuelato Euangelio, successerunt cultus spirituales, qui sunt fides, inuocatio, confessio, patientia in cruce, & ceteri fructus ac signa fidei, iuxta illud: Dabo legem meam in corda eorum. Et Christus inquit: Veri adoratores adorabunt patrem in spiritu & ueritate, hoc est, uero cordis affectu.

ALIA, DE APPLICATIONE

sacrificiorum *ἐν χριστῷ* pro alijs.

De natura, ut inquit Scholastici doctores, est cuiuslibet sacrificij, ut applicetur pro alijs.

Ergo etiam sacrificia *ἐν χριστῷ* applicari debent pro alijs, & merentur alijs remissionem peccatorum, & alia bona.

R E S P O N S I O.

Nego antecedens: Quia opera nostra non applicantur alijs, sunt enim imperfecta, & uix nobis ipsis sufficiunt, ut testatur parabola de uirginibus fatuis. Habent igitur opus fide, quæ petit, ne imputetur nobis infirmitas, Et inquit Abacus: Iustus fide

Mat. 25.

fide sua uiuet. Non igitur bona opera applicātur alijs, sed facienti tantum profunt.

CONTRA.

Oratio prodest alijs.

Ergo etiam alia bona opera possunt applicari alijs.

RESPONSIO.

Nego consequentiam: quia est dissimilitudo.

Nam oratio non offert Deo aliquod opus nostrum, quod sit precium pro alijs, sed tantum cupit accipere à Deo propter Christum. Promisit autem Deus se daturum & nobis & alijs, pro quibus petimus.

ALIA.

Iustitia paucorum sæpe impetrat bona alijs.

Ergo bona opera alijs applicantur.

Respondeo ad antecedens, primum per distinctionem: Iustitia aliena prodest iustis ad impetrandum bona corporalia, non prodest iniustis ad iustificationem, quæ propria fide est accipienda. Iuxta illud: Iustus sua fide uiuet. Deinde non nostrum est opus applicare alijs nostra merita, sed Deo debemus permittere, quæ præmia communia uel peculiaria nobis daturus sit.

QVAESTIO DE SACRIFICIO

Missæ.

Meretur ne ergo Missæ sacrificium, quod uocant, remissionem peccatorum

Q V A E S T I O N E S

alijs, & applicari potest alijs? *Resp.*

Non. Quia sola passio & mors Christi meretur nobis remissionem peccatorum, & placant iram Dei aduersus peccatum, & huius unici sacrificij, quo filius Dei se obtulit patri pro nobis in odorem bonæ fragrantiae, applicatio fit tantum propria cuiusq; fide, idq; gratis, non propter alienum opus, iuxta illud: iustus sua fide uicturus est. Item, impossibile est placere Deo sine fide.

Q V A E S T I O .

Ergo erronea & impia est distinctio aduerfariorum, qui fingunt duplex sacrificium Christi, cruentum, quo ipse pro nobis obtulit in cruce: & incruentum, quod Sacrificulus in Missa offerre se putat? *Respon.*

Etiam. Quia sacrificio, quo reconciliari Deo hominē oportebat, semel defunctus est filius Dei, Vt inquit Epistola ad Hebræ. Vnca oblatione cōsummauit sanctos, Vis huius unici sacrificij est æterna, & fructus eius percipitur in Cœna Domini, in qua Christus suum corpus semel immolatum porrigit nobis in cibum, ut eo uescamur, statuentes fide nos reconciliatos esse Deo passionē & mortē Christi. Fit igitur hæc applicatio sacrificij filij Dei fide, non opere sacrificuli.

DE BAPTISMO.

**Quid est Baptismus?**

Est aqua gratiae & regenerationis uerbo seu promissione & mandato Dei inclusa, quo offertur ijs, qui baptizantur, remissio peccatorum, adoptio filiorum Dei, iustificatio, Spiritus sanctus, & uita aeterna.

Quod est uerbum seu promissio Baptismi?

Qui crediderit & baptizatus fuerit, saluus

Q V A E S T I O N E S

erit, *Qui uerò non crediderit, condemnabitur, Matthæi ultimo.*

Quod est mandatum de Baptismo?

Ite in uniuersum mundum, & docete omnes gentes, baptizantes eos, in nomine Patris, & Filij, et Spiritus sancti, Matthæi ultimo.

Quis est usus Baptismi?

Vt per eius ministerium Ecclesia Christiane inseramur, adoptionem filiorum Dei consequamur, regeneremur, fidemq; nostram de remissione peccatorum confirmemus, in quem etiam usum, Sacramentum Altaris, seu cœna Domini instituta est.

Q V A E S T I O.

Estne Baptismus Sacramentum? Resp.

Est. Quia Christus mandauit, Matth. 28. Euntes docete omnes gentes, baptizantes eos in nomine Patris, & Filij, & Spiritus sancti, et habet additam promissionem de reconciliatione, & donâdo spiritu sancto, & uita æterna credentibus. Mar. 16. Qui crediderit & baptizatus fuerit, saluus erit.

A L I A, D E N E C E S S I T A T E Baptismi.

Estne usus Baptismi omnibus necessarius? Respon.

Etiam. Quibuscunq; datur eo utendi facultas. Iuxta illud Ioan. 3. Nisi quis renatus fuerit ex aqua

aqua & spiritu, non potest uidere regnum Dei. In his uero, quibus deest utendi facultas, ad salutem fides sufficit, quæ promissioni Dei assentitur, iuxta illud: Qui credit in me, habet uitā eternā.

ALIA, DE DISCRIMINE BAPTISMI Christi, & Ioannis Baptiste.

Estne aliquod discrimen inter Baptismum Ioannis & Apostolorum, seu Christi? Respon.

Nullum prorsus, quantum ad ministerium seu ceremoniam & efficaciam Baptismi attinet, sed quantum ad personas, quia & baptismus Ioannis & apostolorum admonuit baptisatos de agenda poenitentia, & impertienda ipsis remissione peccatorum, iuxta illud Lucæ 3. Erat prædicans baptismum poenitentiae in remissionem peccatorum. Persona autem, Ioannes seu Apostoli, & Christus differunt. Nam Ioannes & Apostoli tantum fuerunt ministri adhibentes externum ministerium, per quod efficax fuit Spiritus. sed Christus est ipse dator Spiritus sancti, & uitæ æternæ ac iustitiæ. Vnde inquit Ioannes: Ego Baptizo uos aqua, qui autem post me uenturus est, baptizabit uos spiritu sancto & igne, Lucæ 3.

DE BAPTISMO

Infantium.

Suntne baptizandi infantes? Resp.

Etiam. Quod sequentibus sex argumentis pro-

QVAESTIONES

batur.

Primum Argumentum.

Regnum Dei, hoc est, promissio gratiae et uitae aeternae pertinet etiam ad infantes. Nam inquit Christus de infantibus Matth. 18. Talium est regnum caelorum. Item, non est uoluntas patris, ut pereat unus de paruulis istis.

Sed extra Ecclesiam non est salus, aut uita aeterna.

Ergo infantes per baptismum, in quo super eos inuocatur nomen Dei, sunt inserendi Ecclesiae, ut promissionem gratiae et uitae aeternae consequantur, iuxta illud: Sinite paruulos ad me uenire, quoniam uiam illorum est regnum caelorum.

2. Qui nascuntur in peccato, opus habent ministerio Baptismi. Quia Deus instituit ministerium remittendi peccata, et distribuit remissionem peccatorum per Sacramentum.

Infantes nascuntur in peccato.

Ergo infantes sunt baptizandi, ut consequantur remissionem peccatorum, et fiant haeredes uitae aeternae.

3. Ad quos pertinet promissio, ad eosdem pertinet signum. Nam signum traditum est propter promissionem.

Promissio gratiae pertinet ad infantes, quia inquit Christus: Talium est regnum caelorum.

Ergo infanti signum Baptismi impertendum est, quo super eos nomen Dei inuocatur.

4. Mandat

4. Mandatum de Baptismo est uniuersale, ac ad totā Ecclesiam pertinet: nisi quis renatus fuerit ex aqua & spiritu, non intrabit in regnum cælorum.

Ergo etiam infantes baptizandi sunt, ut regnum cælorum intrent.

5. Circuncisio fuit typus Baptismi.

Per circuncisionem infantes oblati sunt Deo, & recepti in Ecclesiam octauo die.

Ergo etiam nostri infantes baptizari debent, et recipi in Ecclesiam, ut nomen Dei super eos inuocetur.

6. Baptismus infantum mos fuit ueteris Ecclesie, traditus ab ipsis Apostolis. Nam inquit Origenes ad Roma. cap. 6. Itaque & Ecclesia ab Apostolis traditionem accepit, etiam paruulis Baptismum dare. Sciebant enim illi, quibus secreta diuinorum mysteriorum commendata fuerant, quod essent in omnibus genuina sordes peccati, quæ per aquam, & spiritum aboleri deberent.

Sunt igitur baptizandi infantes, ut à peccato originis abluantur.

OBIECTIO ANABAPTISTARUM.

Christus in baptizandis requirit intellectum doctrinæ, & fidem, sine qua ceremonia nihil prodest. Nam inquit: Docete omnes gentes: qui

Q V A E S T I O N E S

crediderit & baptizatus fuerit, saluus erit.

Infantes neq; intelligunt, neq; habent fidem.

Ergo infantes non sunt baptizandi.

Respondeo ad Maiorem, primum per distinctionem: Christus requirit intellectum doctrine, & assensum seu fidem in adultis, sed in infanibus satis est administratio ceremoniae, per quam datur eis spiritus sanctus, qui sua interna operatione efficit in eis novos motus, & novas inclinationes pro ipsorum modo. Deinde nego Minorem: quia infantes qui recipiuntur per Baptismum à Deo, habent remissionem peccatorum, & placent Deo, iuxta illud: *Taliū est regnū cōlorū.* Habet igitur fidem, quam in eis occulto modo operatur spiritus sanctus, sicut in Ioanne Baptista, & alijs.

A L I A.

Baptizati à ministris malis, seu impijs, sunt rebaptizandi.

Multi à Papisticis ministris sunt baptizati.

Ergo illi rebaptizari debent.

R E S P O N S I O.

Nego maiorem: Quia sacramenta, cum legitime administrantur, efficacia sunt, non propter ministri dignitatem, sed propter institutionem Dei, ut certa sit promissio. Ipse enim Christus est, qui

qui uerè & propriè baptizat, non homo, cuius ministerio, tanquam manu, Christus in baptizando utitur.

A L I A.

Multi à uoto Baptismi per peccata relabuntur;

Ergo hos rebaptizari oportet, ut pristinam integritatem recipiant.

R E S P O N S I O,

Nego consequentiam: Quia uis Baptismi perpetua est, & recordatione repetitur, cum uidelicet in mentem nobis uenit, nos olim baptizatos esse, & receptos nos semel à Deo in gratiam, & donatos spiritu sancto. Cum hoc modo confirmamus fidem nostram recordatione Baptismi, est in nobis efficax Spiritus sanctus, & recipimur iterum à Deo, cum agimus pœnitentiam, & credimus promissioni Dei: sicut Dauid post lapsum receptus est, consolans se recordatione initi semel fœderis cum Deo per circumcisionem, eam non repetens de integro. Est igitur Baptismus perpetuum ueniæ & gratuite reconciliationis cum Deo, testimonium ac fœdus. Sicut inquit Petrus, Baptismum parere in nobis ex resurrectione Christi fiduciam bonæ conscientie. 1. Petri 3,

Q. V A E S T I O N E S
DE SACRAMENTO
 Altaris, seu cœna Domini.



Quid est Sacramentum Altaris, seu cœna Domini?

Est uerum corpus, & uerus sanguis Domini nostri Iesu Christi, sub pane & uino, ab ipso Christo ideo institutum, ut Christiani id manducarent & biberent, ad confirmandam fidem suam, de re uisione peccatorum.

Quæ sunt uerba, quibus Christus Sacramentum Altaris, seu cœnam suam instituit, & mandauit?

HAN

Hæc sunt: Dominus noster Iesus Christus, in ea Matt. 26.
 nocte, qua traditus est, accepit panem, & post Luca 22.
 quam gratias egisset, fregit, & dedit discipulis Mar. 14.
 suis, dicens: Accipite, comedite, Hoc est corpus 1. Cor. 11.
 meum, quod pro uobis datur, Hoc facite in mei
 commemorationem: Similiter & postquam cœna
 uit, accepto calice, cum gratias egisset, dedit illis
 dicens, Bibite ex hoc omnes, Hic calix nouum te-
 stamentum est in meo sanguine, qui pro uobis &
 multis effunditur, in remissionem peccatorum,
 Hoc facite, quotiescumq; biberitis, in mei commemo-
 rationem.

**Quis est usus Sacramenti Altaris, seu
 cœnæ Domini?**

Vt eo memoriam redemptionis nostræ, factæ
 per Christum, renouemus, fidemq; nostram de re-
 missione peccatorum, parta nobis per passionem
 & mortem CHRISTI, apud nos confirme-
 mus.

**Quis dignè sumit Sacramentum Al-
 taris, seu cœnam Domini?**

Qui peccata sua, & iram Dei aduersus pecca-
 ta, eorumq; pœnam, uerè agnoscit, & ex lege
 desentit, & his uerbis, **PRO VOBIS
 DATVR**, & pro uobis effunditur in
 remissionem peccatorum, firmiter credit.
 Quot

Q V A E S T I O N E S

Quot requiruntur in usu Sacramenti Altaris, seu cœnæ Domini?

Tria.

Quæ?

Agnitio peccatorum, et sensus iræ Dei ac pœnæ aduersus peccata, uitæ emendatio, et fides, quæ uerbis Sacramenti certò credat.

Quando Sacramento Altaris, seu cœnæ Domini utendum est?

Cum conscientia nostra peccatis angitur, horrendam iram et iudicium Dei, aduersus peccata uerè sentit, et certa esse de remissione peccatorum desiderat.

Q V A E S T I O.

Estne Cœna Domini Sacramentum?

Est. Quia est ceremonia instituta à Deo, in qua uerè exhibentur nobis corpus et sanguis Christi sub pane et uino, ut sint sigilla gratiæ Dei erga nos, recipientis nos propter Christum mediatorem passum pro nobis, crucifixum et resuscitatum.

Requiritur ergo fides in usu Sacramenti altaris, seu Cœnæ Domini? Resp.

Etiam.

C O N T R A.

Aduersarij contendunt sacramenta prodesse utenti ex opere operato, ut uocant.

Ergo in Cœna Domini non requiritur fides.

Respon-

RESPONSIO.

Erronea & impia est hæc opinio aduersario-
um de opere operato, quia proprie nos nihil agi-
mus in usu sacramentorum, qui accipimus à Deo
gratiam: sed Deus agit aliquid, conferens nobis
sua dona: ut in Baptismo Deus nos filij sui sangui-
ne abluit, suoq; spiritu nos regenerat: in Cœna car-
ne sanguineq; Christi nos pascit. Propterea autē
fides in Cœna requiritur, quia in ea offertur no-
bis reconciliationis promissio cum Deo, quæ nul-
la alia re, quàm fide accipi potest.

QVÆSTIO DE SALVBRI
sumptione Cœnæ.

Quomodo igitur prodest Cœna Do-
minis

Cum sumens corpus & sanguinem Christi cer-
ta fide statuit sibi remissa esse peccata propter
filium Dei, & placatum esse Deum: agit pœniten-
tiam, & inchoat nouam uitam, seu nouam obe-
dientiam erga legem Dei.

OBIECTIO, AN COENA DO-
mini sit Sacramentum.

Gratiarum actio est sacrificium, non
sacramentum.

Cœnam Domini uocarunt Veteres
ευχαριστια, hoc est, gratiarum actio-
nem.

Ergo

QVAESTIONES

Ergo Cæna Domini non est sacramentum, sed sacrificium.

Respondeo ad Minorem, per distinctionem: Cæna Domini vocatur *ἑσπρία* seu sacrificium laudis, quia eo utentes gratias agunt Deo pro summo beneficio Dei, quod Ecclesiam per mortem filij redemit, & confitentur hoc opere, se credere Euangelio, & inuitant suo exemplo alios: Sacramentum autem est & uocatur, quia sigillum est gratiæ Dei, & reconciliationis, quo fides utilis excitatur & confirmatur.

QVAESTIO, AN PROSIT oblatio Cænae uiuis & mortuis.

Estne legitimus usus Cænae Domini, cum pro uiuis ac mortuis offertur, aut ad impetranda bona corporis, aliosq; usus quoscunq; confertur? **Respon.**

Non. Quia solum ad hunc finem à Christo est instituta, ut ea fidem nostram de remissione peccatorum & placato Deo per mortem filij excitemus ac confirmaremus. Non habet autem ceremoniam rationē Sacramenti, cum aliquid instituitur extra & præter uerbū Dei, aut cum transformatur ceremonia in opus genere diuersum, id est, si alius finis cōstituitur, quàm à Deo propositus est.

DE SVMENDA VTRAQUE specie.

Estne legitimus & salutaris usus Cæ

na Domini, cum altera tantum species sumitur, aut exhibetur? Respon.

Non. Quia Christus utranq; partem uniuersae Ecclesiae sumendam instituit, inquit: Edite corpus meum, & bibite omnes sanguinem meum: huic mandato & institutioni Christi tota Ecclesia obtemperare debet: quia est Christus magnus ille propheta seu doctor Ecclesiae, quem Moyses audiendum praecepit, Deuterono. 18. Et de quo pater clamauit, Matth. 17, Hunc audite. Deinde D. Paulus constituit iuxta mandatum Domini in Ecclesia Corinthiorum distribui & corpus & sanguinem Domini omnibus, et uetus Ecclesia multis annis hunc more traditum ab Apostolis, seruauit. 1. Cor. 11

OBIECTIO DE ACCIPIENDA
altera tantum specie.

Christus tantum Apostolis, quos his uerbis (hoc facite) sacerdotes consecrauit, utranq; partem sumendam instituit.

Ergo Laici unam tantum partem sumere debent.

R E S P O N S I O.

Nego antecedens: Quia Christus expressè inquit de calice: Bibite ex hoc omnes, his uerbis tamen Laicis quam sacerdotibus dat suum sanguinem, ut hoc sumpto utriq; fides suam confirmet, & in memoriam sibi reuocent, sanguine Christi

sc

Q V A E S T I O N E S

Se ablutos esse à sordibus peccati, Sicut inquit: Hoc facite in mei commemorationem. Nec uerbo faciendi consecrauit Apostolos sacerdotes, sed præcepit in genere omnibus discipulis, ut edant suum corpus, & bibant suum sanguinem. Nam de hoc opere loquitur, uidelicet edendi & bibendi, quod toti Ecclesiæ commendat ad commemorationem perpetuam suorum beneficiorum.

A L I A.

Nullum est corpus uiuum sine sanguine.

Ergo cum edunt Laici corpus Christi sub pane, etiam sanguinē eius participant, & non est necesse, ut sanguinem Christi bibant.

R E S P O N S I O.

Nego consequentiam: Quia primum mala est consequentia à naturalibus ad spiritualia, seu mysteria Ecclesiæ. Deinde non satis fit institutio in Christi, qui non tantum edere suum corpus iussit, sed etiam bibere suum sanguinem, ad hanc commemorationem, se non tantum corpus suum obtulisse in mortem pro Ecclesiā, sed etiam effudisse sanguinem, quo, ut inquit Ioannes, à peccato abluti sumus.

A L I A.

Ecclesiæ mos est seruandus.

Ecclesiā

Ecclesia multis annis alteram tantum partem laicis exhibuit:

Ergo hic mos est seruandus.

Respondeo ad antecedēs: Mos Ecclesie est seruandus, qui nō repugnat expresso uerbo Dei, cui consuetudo cedere debet. Mos autem porrigendi alteram tantum partem Laicis, repugnat institutioni ac mandato Christi, quia pro tota Ecclesia utranque partem instituit, sicut pro tota Ecclesia passus est mortuus est. Quare et hic Deo magis obedire oportet, quam hominibus, qui humana audacia ausi fuerunt mutare diuinam ordinationem, seu testamentum Christi, cum dicat Paulus, ne hominis quidem testamentum licere cuiquam rescindere, quanto minus Dei: mos autem exhibendi alteram tantum speciem Laicis, non admodum uetus est, à Pontificibus Romanis, et Concilijs primum ante annos circiter trecentos inuectus in Ecclesiam, contra constitutionem Christi, ordinationem Pauli, et exemplum primitiue Ecclesie. Item contra Gelasij edictum, quo excommunicatur, qui à calice abstinentes, partem alteram sumunt. Arceantur enim, inquit, ab integris, aut integra percipiant: quia eiusdem mysterij diuisio sine magno sacrilegio ad eos peruenire non potest.

DE CHRISTIANA VO-

catione, Questio:

K

Q V A E S T I O N E S

Placent ne Deo opera pia uocationis?
 Respon.

Etiam. Quia Deus mandauit ea in suo uerbo, ad conseruationem politiarum & Ecclesiae, ut in eis ipse agnoscat, colatur & inuocetur. Ideo sicut in superiore parte Catechismi descripta est uita spiritalis, seu iustitia interior, qua proprie cum Deo agimus: ita in sequentibus locis, de uocatione, cruce, & bonis operibus, continetur uita corporalis, seu iustitia exterior, hoc est, oeconomia & politia, quibus proprie cum hominibus in hac uita agimus. Nam uult Deus conseruari ciuilem uitam, oeconomias, politias & imperia, ut ex ijs colligatur Ecclesia, et cōseruetur uera doctrina inter homines. Sūt igitur cultus officia ciuilia, cum referuntur ad hunc finem, ut obedientia praestetur Deo, exerceatur fides, & luceat confessio in moribus.

O B I E C T I O, O P E R A V O -
 cationis esse cultus.

Deus uult adorari & coli in ueritate
 & spiritu, Ioan. 4.

Opera uocationis sunt ciuiles actiones corporis, non spiritus:

Ergo nō sunt cultus Dei, nec placent Deo.

R E S P O N S I O.

Nego consequentiam: Quia Deus non uult
 mentis

hente tantum, seu spiritu coli, sed etiam confessio
ne & externa obedientia: & opera pia uocatio-
nis, ut defensio magistratus legitima, bella, iudi-
cia, coniugium, & similia officia œconomiae &
politiae, necessaria sunt ad ciuilem societatem cō-
seruandam, in qua cognoscatur doctrina de Deo,
et filio eius Iesu Christo. ideo hæc opera sunt cul-
tus Dei, cum ad hunc finem, uidelicet ad gloriam
Dei referuntur, & rectè à Petro spirituales ho-
stiae uocantur. 1. Petri 2.

ALIA, DE MAGISTRATV.

Multa sunt iniusta in imperijs & iu-
dicijs.

Ergo gerere imperium, & exercere iu-
dicia, non est concessum Christia-
no, nec placent Deo magistratus,
aut ciuilia opera.

RESPONSIO.

Nego consequentiam: Quia est fallacia acci-
dentis. Quia malè uitium personæ transfertur in
ipsam rem, hoc est, politicum ordinem, qui à Deo
constitutus est, & adiuuatur ad conseruationem
humane societatis, & retinendam pacem. Vt D.
Paulus ad Roma. 13. docet, inquit: Quæ sunt
potestates, à Deo ordinatæ sunt.

DE CONIVGIO.

Paulus inquit: qui in carne uiuunt;
placere Deo non possunt. Roma. 9.

Q V A E S T I O N E S

**Coniuges uiuunt in carne:
Ergo placere Deo non possunt.**

R E S P O N S I O.

Nego consequentiam: quia quatuor sunt termini in syllogismo. Nam uiuere in carne, non uocat Paulus esse coniugem, seu legitime uti coniugali consuetudine, procreare sobolem, educare, instituere, & similia opera prestare necessaria ad oeconomiam: sed sequi humanam rationem, & cupiditates illicitas ac uagas, extra coniugum, quod est institutio, approbatio, et ordinatio Dei, *Gene. 2. Mat. 19. & 1. Corin. 7.*

DE CRUCE SEU AFFLICTIO

nibus, questio, An crux sit signum
amoris Dei.

Estne crux seu afflictio signum amoris Dei erga Ecclesiam, seu pos? Resp.

Est. Qui inquit Salomon *Prouerb. 3. Quem diligit Deus, hunc corripit. Et Paulus ad Hebr. 2. Dominus flagellat omnem, quem recipit. Et Apoc. 3. inquit Deus: Ego quos diligo arguo, & castigo.*

C O N T R A.

Saul non diligitur à Deo.

Saul à Deo punitus est.

Ergo crux seu poenæ nō sunt signum amoris Dei, sed iræ eius aduersus homines.

R E S.

RESPONSIO.

Nego consequentiam: Quia etsi pœnæ generaliter sunt testimonia iræ Dei aduersus peccatum, tamen ideo Deus totum genus humanum ærumnis subiicit, & certis etiam pœnis certa delicta punit, ut eos ad pœnitentiam reuocet. Sicut inquit Ezechielis 33. Viuo ego, nolo mortem peccatoris, sed ut conuertatur, & uiuat. Cum autem impij, ut Saul, & similes contemnunt uerbū Dei, & in peccatis perseuerant, tum Deus abijcit eos in perpetuos cruciatus: sed pœnitentes recipit, Matt. 11. exaudit, & liberat, Sicut dixit: Venite ad me omnes, qui laboratis & onerati estis, & ego refocillabo uos.

ALIA, SIT NE DEVS AVTOR
crucis, seu calamitatis.

Estne Deus autor mortis, & aliarum calamitatum, quibus subiectum est humanum genus in hac uita? Respon.

Non principaliter, sed multe aliæ sunt causæ.

Quæ?

Prima, lapsus prīmorum parentum, & corruptio humane naturæ propagata in posteros, sicut testatur Paulus, ad Roma. 5. inquit: Per peccatum mors intrauit in mundum. Secunda est Diabolus ardens odio Dei & hominum. Tertia sunt propria cuiusq; delicta, seu errores, quos Deus uere irascens peccatis, punit, Primum, ut lapsos

QVÆSTIONES

retrahat ad pœnitentiam. Deinde, ut ceteri cõ-
monefacti exemplis pœnarum, quæ alijs irrogan-
tur, Deum timere discant, & mores regant dili-
gentius,

CONTRA.

Inquit Deus Esaiæ 45. Ego Dominus
formās lucem, & creans tenebras,
faciens pacem, & creans malum.

Ergo Deus est principaliter causa pœ-
narum.

Respondeo per distinctionem: Deus est autor
pœnarum, tanquam causa puniens delicta, ut re-
uocet homines ad pœnitentiam, non ut qui delecte-
tur pœnis seu interitu hominum, quos non ad mor-
tem, sed ad uitam condidit.

ALIA OBIECTIO.

Bonis bene esse debet.

Ergo Ecclesia seu pñ affligi non de-
bet, ut Abel, Esaias, Ieremias, &
alii.

Respondeo ad antecedens, per distinctionem,
Bonis bene esse debet, iuxta ordinationem ac vo-
luntatem Dei, qui Ecclesiam in hac uita subie-
ctam uult esse cruci, & onerari eam multis tri-
butis. Primum, ut magnitudinē iræ Dei aduersus
peccatum, quam cetera multitudo securè negli-
git, agnoscat. Secundò, ut afflictiones sint testimo-
nia doctrinæ. Tertio, ut sint testimonia immorta-
litatis.

litatis & uitæ æternæ, in qua bona reddentur
pijs: Quartò, ut pii similes fiant imaginis filij Dei.
Quintò, ut puniatur in sanctis etiam interior im-
mundities. Sextò, ut appareat sanctos præstare
obedientiam, non præsentium utilitatum causa,
sed ut Deo seruiant, et ipsum celebrent. Septimò,
ut appareat Ecclesiam non humanis consilijs &
presidijs, sed ab ipso filio Dei capite Ecclesiæ &
duce, diuina potentia colligi mirabiliter, defendi,
& seruari.

QVAESTIO DE CONSOLA-
tionibus in cruce.

Quæ sunt consolationes Ecclesiæ in
cruce seu afflictionibus?

Præcipuè sunt tres.

Quæ?

Prima, Ecclesiam seu pios non casu, sed scien-
te Deo affligi, sicut inquit Christus Matthæi 10.
Omnes capilli capitis uestri numerati sunt: ne er-
go timeatis: multis enim passeribus meliores estis.
Secunda consolatio est, Deum ideo punire Eccle-
siam, aut ut exerceat, et retrahat ad pœnitentiã,
non ut perdat: aut ut exuscitet, ut crescant in na-
bis timor Dei, inuocatio, & cæteræ uirtutes. Si-
cut inquit Dauid Psal 118. Bonum est mihi, quòd
humiliasti me, ut discerem iustificationem tuam. Ter-
tia cōsolatio est promissio auxilij & mitigationis
pœnarum, præsentia Dei, & liberationes. Iuxta

Q. V. AESTIONES

Illud: Inuoca me in Die tribulationis, & eripiam te, & glorificabis me. Et Nahum 1. Bonus est Dominus, & confortans in tribulatione, & agnoscens sperantes in se.

DE BONIS OPERIBVS,

Questio.

Suntne solùm bona opera, quæ in uerbo Dei, seu Decalogo mandantur à Deo?

Respon.

Sunt. Quia inquit Deus Deutero. 12. Quod præcipio tibi, hoc tantum facito.

CONTRA.

Christus Luca 10. inquit: Si quid præterea supererogaueris, reddā tibi. Hic loquitur de operibus supererogationis, ut uocant, seu indebitis, hoc est, quæ spontè absq; mandato Dei suscipiuntur.

Ergo etiam cultus sunt, seu bona opera, quæ in uerbo Dei non exiguntur.

RESPONSIO.

Nego consequentiam: Quia Christus non loquitur apud Lucam in citato loco, de nostris operibus, sed de periculis doctorum Ecclesiæ, in quibus se promittit ipsis adfuturum opitulatorem, ut tolerare labores & ærumnas possint. Cultus autem non esse opera, quæ sponte suscipiuntur, aut

aut excogitantur ab hominibus, præter uerbum Dei, docet Christus Matthæi 15. cum inquit: Frustra me colunt, docentes præcepta hominum. Et apud Esaiam cap. 1. reijcit Deus tales cultus, inquiens: Quis requisiiuit hæc de manibus uestris?

ALIA OBJECTIO.

Virginitas, uenditio omnium bonorum, gratuita prædicatio, sunt bona opera, sed hæc non mandata tamen sunt in uerbo Dei omnibus specialiter.

Ergo quædam opera etiam sunt bona dicenda, quæ spontè suscipiuntur sine mandato Dei.

Respondeo ad Maiorē, per distinctionem: Virginitas seu cœlibatus, & similia opera nō sunt cultus per se, seu immediatè, sed mediatè, cum ad piū & utilem finem referuntur: Vt cœlibatus, ad commodius inserviendum uocationi, in ijs, qui donum castitatis habent: Venditio bonorum, cū postulatur confessio: gratuita opera prædicationis, cū ea prodest Ecclesijs, ut pauperiores doctores liberatius alii possint. Sicut Paulus gratis docuit, ne Ecclesias grauaret, & Pseudapostolorū, qui nihil poscebant, malitiæ occurreret. Sunt igitur his finibus propositis, hæc opera mandata à Deo, in ijs personis, quibus conueniunt. Tale opus etiam existimanda est saltatio Davidis ante arcā

QV AESTIONES

Domini, non cultus immediatè, sed mediatè, relatus ad gloriam Dei.

ALIA QV AESTIO.

Sunt ne bona opera necessaria ad consequendam uitam æternam? Respon.

Sum, tanquam fructus, qui iustificationem sequi debent. Quia ad hoc regeneramur in reconciliatione dato spiritu sancto, ut noua obediētia in nobis inchoetur. Sicut ad Ephesios scriptū est: Ipsi-
us opus sumus, conditi per Christum ad bona opera, quæ preparauit Deus, ut in eis ambulemus. Et ad Romanos 6. Debitores sumus, ne secundum carnem uiuamus, sed secundum spiritum.

CONTRA.

Sola fide iusti sumus,

Ergo nō est necesse facere bona opera.

Respondeo ad antecedens: Sola fide sumus iusti, quantum attinet ad instrumentum, quo accipitur reconciliatio, quod instrumentum est fides. Item quantum ad meritum seu precium reconciliationis, quod est mors Christi, non opera nostra: non quantum attinet ad obediēciam, quæ necessario regenerationem sequi debet. Neq; enim opera iustificatione excluduntur tãquam fructus, sed tanquam causa reconciliationis, quæ causæ non sunt opera seu merita nostra, sed beneficia Christi, quæ sola fides, non aliæ uirtutes quæcunq; apprehendit.

**OBJECTIONES DE BONIS
operibus, contra iustitiam fidei.**

Fide sumus iusti,

Fides est opus:

Ergo propter opera sumus iusti.

*Respondeo ad Maiorem, per distinctionem: Fi-
de sumus iusti, non quia fides est opus, seu uirtus,
que sua dignitate mereatur remissionem pecca-
torum, sed quia apprehendit misericordiam Dei,
seu quia est instrumentum, quo apprehendimus
Christum mediatorem pro nobis interpellantem,
propter quem æternus pater est nobis propiti-
us.*

**Mala opera merentur æternas pœ-
nas.**

**Ergo bona opera meretur uitam æ-
ternam. Quia contrariorum con-
trarius est effectus.**

R E S P O N S I O.

*Valeret consequentia, si contraria essent pa-
riter integra. Sed peccata seu mala opera inte-
grè repugnant legi Dei: bona opera non satisfaci-
unt legi Dei: manet enim in sanctis imbecillitas, &
multi uitiosi affectus. Item Diabolus sæpe impe-
dit studium uirtutum, & inuocationem.*

**Iacobus inquit: Vides igitur quòd ex
operibus iustificatur homo, & non
ex fide solùm.**

Ergo

Q V A E S T I O N E S

Ergo non sola fide iusti sumus, sed etiam bonis operibus.

Respondeo ad antecedens, per distinctionem. Iacobus loquitur de fide: quæ est notitia historice: hac non sumus iusti. In dicto autem, Iustificamur fide gratis, Paulus loquitur de fide, quæ est fiducia promissæ misericordiæ, hac sumus iusti, hoc est, accepti Deo propter mediatorem, quem hæc fides apprehendit. Deinde iustificari Iacobo significat iustum approbari coram hominibus, habentem iustitiam operum. Sed Paulus iustificari uocat, iustum, hoc est, acceptum Deo, reputari coram Deo propter mediatorem gratis.

4. Paulus ait, 1. ad Corinth. 3. Si habeam omnem fidem, dilectionem autem non habeam, nihil sum.

Ergo non sola fides iustificat, sed requiritur etiam dilectio, & cæteræ uirtutes, seu bona opera.

R E S P O N S I O.

Concedo argumentum: quia dilectio seu tota obedientia, et nouitas uitæ sequi debet reconciliationem tanquam fructus, et testimonium iustitiæ, sed tamen ut certa sit reconciliatio, statuendum est, non pendere eam ex conditione nostræ dilectionis, sed gratis dari propter Christum. Sicut inquit Paulus, ad Roma. 4. Ideo ex fide, ut certa sit promissio. Nec dilectio esse potest, nisi præcedat fides

fidēs, qua accipimus remissionem peccatorum, et agnosimus misericordiam, et statuimus nos recipi et exaudiri à Deo gratis propter mediatoris.

Christus inquit, Matthæi 19. Si uis in uitam ingredi, serua mandata dei. Ergo uita æterna datur propter nostram obedientiam, & bona opera sunt precium uitæ æternæ.

RESPONSIO.

Nego consequentiam: Quia Christus hoc dicto docet Phariseum, legem integram obedientiam requirere, quam nemo præstat. Ideo opus esse omnibus mediatore Christo. Vult igitur eum agnoscere suam immunditiam, quod legi non satisficiat. Ideo inquit: Hoc fac, et uiues, quo dicto conditionem integre obedientie requirit. Quasi dicat: Non satisfacis legi, Ergo lege non uiues, nisi ad mediatorem confugeris.

Vita æterna uocatur merces. Sicut inquit Christus, Matthæi 5. Merces uestra copiosa est in cælo.

Ergo uita æterna debetur pro operibus.

Respondeo per distinctionem: Vita æterna uocatur merces, quia compensat beneficia, etiam si datur propter aliud, uidelicet propter Christum. Vi patrimonium est merces seu compensatio officio.

Q V A E S T I O N E S

officiorum filij, etiam si contingat propter aliud, uidelicet, quia filius natus est heres. Ita datur uita aeterna propter Christum, & placet obedientia in reconciliatis, etiam si legi non integrè satisfaciatur. Sicut inquit Christus Ioannis 6. Hæc est uoluntas Patris, ut omnis qui credit in filium, habeat uitam aeternam. Et D. Paulus ad Romanos 6. uocat uitam aeternam donum Dei. Non sunt igitur bona opera merium seu precium uitæ aeternæ, quia imperfecta est impletio legis. Iuxta illud. Cum omnia feceritis, dicite uos seruos esse inutiles. Lucæ 17.

DE OPERIBVS, VT VOCANT, medijs, & traditionibus Ecclesiæ.

Suntne ieiunia, discrimina ciborum, & dierum, & similes ritus Ecclesiæ traditi ab hominibus, seruanda tanquam bona opera, seu cultus Dei? Respon.

Non. Quia inquit Christus, Matth. 23. Frustramini colitis mandatis hominum. Et Paulus 1. ad Tim. 4. uocat ritus sine uerbo Dei institutos, doctrinas Demoniorum. Et Petrus in Actis, obiurgat eos, qui ceremonijs Mosaicis onerare gentes uoluerunt. Quare tantum cultus Dei censenda sunt ea opera, quæ Deus mandauit in suo uerbo, quæ seruari uult, & se ijs coli. Sicut Ezech. 20. dicitur: Ego Dominus Deus uester, in præceptis meis ambulat.

OBIEC.

OBJECTIONES.

**Ceremoniæ in Veteri testamento
erant cultus Dei.**

**Ergo etiam ritus Ecclesiæ in nouo
testamento sunt cultus, quibus De
us honore afficitur.**

RESPONSIO.

Nego consequentiam : Quia est dissimilitudo.
Nam ceremoniæ Mosaicæ institutæ & ordinatæ
erant à Deo. Ceremoniæ Papisticæ non sunt man-
date à Deo, sed excogitatæ ab hominibus, & assu-
untur eis multi impij errores, ut opinio de remis-
sione peccatorum, iustitia & cultu Dei. Item ne-
cessitatis opinio, etiam extra casum scandali.

Potestati necessario obediendum est. 1.

**Potestas Ecclesiastica instituit ritus
Ecclesiæ.**

Ergo ritus Ecclesiæ seruari debent.

Respondeo ad Maiorem, per distinctionem,
quæ uerâ est de obedientia, quam docet Euange-
lium: falsa est, cum Episcopi præcipiunt ut impia
doceantur uel fiant. Nam hic magis obediendum
est, ut inquit Apostoli, Deo, quàm hominibus.
Sunt autem per se impij ritus, abusus Missæ, inuo-
catio mortuorum, lex de cœlibatu. Deinde etiam
quæ sua natura Adiaphora sunt, impia fiunt pro-
pter errores, uidelicet, q̃ sint cultus Dei, hoc est,
opera, quibus Deus iudicet se honore affici. Itē q̃
mercantur

Q V A E S T I O N E S

*mereantur remissionem peccatorum, qui honor
solum meritis Christi debetur.*

3. **Inquit Christus Matthæi 23.** Super cathedram Moysi sedent Scribæ & Pharisei, omnia quæ dicunt facite. Ergo obediendum est Episcopis Ecclesiæ in seruandis traditionibus humanis.

R E S P O N S I O.

Nego consequentiam: Quia loquitur Christus de ijs quæ in uerbo Dei mandata sunt, non de hu-

Mat. 16. manis traditionibus. Nam cauere iubet, cum in-

Mar. 8. quit: *Cauete à sermone Phariseorum.* Et *Mat.*

Luce 12. *thæi 15.* Frustra ne colunt mandatis hominum. Et

Galat. 1. Paulus ait: Si quis aliud Euangelium docebit, anathema sit.

4. **Christus inquit: Qui uos audit, me audit.**

Ergo obediendum est in ritibus Ecclesiæ, traditis ab Episcopis, seu gubernatoribus Ecclesiæ.

Respondeo per distinctionem: Obediendum est in ijs, quæ iuris diuini sunt, non quæ pugnant cum Euangelio. Item in ijs quæ prosunt ad bonum ordinem, quos tamen ipsos ritus cum aut necessitas urget, aut accedit superstitio, uiolare licet extra casum scandali. Quare abrogati huiusmodi ritus, ab Ecclesijs emendatis recipi non debent tanquam

tanquam cultus necessarij ad salutem, ne hostes
Euangelij confirmentur, sauciantur conscientia,
& impediatur cursus Euangelij.

De paruis rebus nō est dimicandū. 5.

Traditiones de esu lactis, ouorum,
carnium, & similium, sunt res
paruæ.

Ergo de ijs non est dimicandum.

R E S P O N S I O.

Nego Minorem: Quia traditiones de disci-
mine ciborum ac dierum, & similium, impediunt
agnitionem Dei, & inuocationem. Sunt autem co-
gnitio Dei, & inuocatio præcipui cultus Eccle-
siae, de quibus tantum ex uerbo Dei constituendū
est, non ex humanis opinionibus. Iuxta illud Eze-
chielis 20. In præceptis patrum uestrorum nolite
incedere: Nec idolis eorum polluamini. Ego Domi-
nus Deus uester, in præceptis meis ambulate.

RATIONES QVINGVE, CVR
recipi Adiaphora non debeant ab Ec-
clesijs emendatis, cum opinione
necessitatis, & cultus Dei.

Libertas Christiana retinēda est. Iuxta illud Pau-
li: In libertate, in quā Christus uos uocauit, stete.
Doctrina de Adiaphoris tollit libertatē Christia-
nam: quia cū opinione necessitatis imponuntur
& exiguntur ab Episcopis, tanquam cultus ne-
cessarij.

QVAESTIONES

Ergo doctrina de Adiaphoris est reijcienda.

2. Christus inquit: Frustra me colunt mandatis hominum. Item Paulus traditiones humanas de crimine dierum & ciborum, uocat doctrinas demoniorum. Et inquit: Nemo uos iudicet in cibo & potu.

Ergo Adiaphora nō sunt recipienda in Ecclesiis.

3. Scandala sunt fugienda.

Mat. 18. Adiaphororum receptio parit scandala in Eccle

Mar. 9. sijs emendatis, quia reddit dubios infirmiores de tradita uera doctrina, & ueris cultibus.

Ergo Adiaphora non sunt recipienda.

4. Receptio Adiaphororum in Ecclesijs emendatis confirmat aduersarios, sauciat infirmas mentes, & impedit cursum Euangelij.

Ergo Adiaphora reijcienda sunt, nec quicquam immutandum in Ecclesijs rectē institutis.

5. Si aduersarij ueram doctrinam Euangelij nostrarum Ecclesiarum recipient, & nostrae Ecclesiae Adiaphora recipient, sine opinione iustitiae, necessitatis, & cultus diuini.

At aduersarij ueram doctrinam non recipiunt, sed pertinaciter persequuntur & occidunt ueros doctores & professores uerae doctrinae.

Ergo

DE CATECHISMO.

81

Ergo nostræ Ecclesiæ Adiaphora non recipient,
sed in ea libertate stabunt, iuxta admonitionē
Pauli, Gala. 4. in quam Christus nos suo san-
guine asseruit & uocauit.

FORMULA CONFESSIO-

nis Scholasticæ.

Quomodo confiteris peccata tua mi-
nistro Ecclesiæ, cum es usus Sacra-
mento Altaris, seu cœna Domini? Reue-
renter accedo ministrum Ecclesiæ, & dico sic:

Venerabilis Domine, oro uos per Christum, ut
audiatis confitentem me, peccata mea, & absolu-
tionem eorum mihi annuncietis. Cumq; ille respon-
det, libenter, Recita, Pergo hoc modo:

Ego miser homo in peccatis conceptus, & na-
tus filius iræ, confiteor me coram Deo omnium
peccatorum esse reum, & æternæ morti obnox-
iū propter peccata, quibus legem Dei multipli-
citer transgressus sum, Præcipue autem confite-
or coram uobis, quod Deum non uerè timui, aut
dilexi, neque ei ex animo confisus sum, quod
Deum non inuocaui, non oraui, uerbum eius
non diligenter audiui & didici, quod paren-
tibus & præceptoribus meis non ex animo obtent
perauī, quod sæpe aduersus meos condiscipulos,
& alios, ira commotus sum, & eis malè præ-
tatus, quod sæpe obscœnè locutus sum, quod

QVAESTIONES

aliena appetiui & abstuli, quòd mentitus sum & proximo meo obrectaui, quòd negligenter studia mea curavi, tempusq; ocio inutiliter perdidi, & sepe contra leges scholæ nostræ peccaui, & alia multa mala perpetravi, quæ Deus non ignorat, & puniturus quoq; est in impœnitentibus. Pœnitet autem me horum omnium, & credo ea mihi remitti gratis à Deo propter ipsius filium. Quare oro uos, ut remissionem peccatorũ mihi ex uerbo Dei annuncietis, Annitar pro uiribus, adiuaui te me Deo, ut posthac uiuam sanctius.

Quid respondes, cùm minister Ecclesiæ ex te quærit, utrum suam remissionem, non suam, sed Dei esse, credas?

Respondeo, Venerabilis Domine, ita credo, iuxta dictum Christi: Quorumcunq; peccata remiseritis, remittuntur eis, & quorumcunq; retinueritis, retenta sunt ijs. Ioan. 20.

Quid dicis, cùm à ministro Ecclesiæ discedis? Dico sic: Ago uobis gratias, Venerabilis domine, quòd ex uerbo Dei me instituis, & conscientiam meam de remissione peccatorum confirmastis.

FORMVLA COMMENDAN-
di sese Deo mane & uesper.

MANE.

Quomodo te commendas Deo mane è lecto surgens?

Surgens

*Surgens è lecto, signo frontem sancta cruce, ac
dico: In nomine Patris, & Filij, & Spiritus san-
cti, Deinde flexis genibus, uel erectus, recito Decē
precepta, Symbolum Apostolicū, & Orationem
Dominicam, quibus addo et hanc precatiunculā:*

*Ego tibi, o Pater cœli & terræ, per le-
sum Christum dilectum tuū filium, ago
gratias, quòd me hac nocte ab omni in-
commodo & periculo conseruatum, cu-
stodieris, teq; rogo, ut hoc quoque die
mei curam uelis agere, & cauere, ne in
peccata aut alia mala conijciar, ut tibi &
uita, & facta mea placeant omnia. Ego
enim me, corpus meum, & animam me-
am, cum omnibus alijs, quæ habeo, in tu-
as manus commendo, Sanctus tuus an-
gelus nusquam à me discedat, ne quid
Satan in me possit. Amen.*

VESPER I.

*Quomodo te commendas Deo uestre
cubitus abiens?*

*Primò omnium signo me sancta cruce, & le-
ctum conscendens, dico: In nomine Patris, & Fi-
lij, & Spiritus sancti. Postea flexis genibus, uel
erectus, pronuncio Decem præcepta, Symbolum
Apostolicum, & Orationem Dominicam, quibus
addo & hanc precatiunculam:*

Ego tibi, omnipotens & misericors

QVAESTIONES

Pater, per Iesum Christum dilectum filium tuum, gratias ago, quod me hoc die, per gratiam tuam defenderis, te quoque rogo, ut mihi omnia peccata condones, quibus te hoc die offendi, ut item & hac nocte mei curam agere & me defendere uelis. Ego enim me, corpus meum, & animam meam, cum omnibus alijs, quae habeo, in tuas manus commendo. Sanctus tuus, angelus nusquam discedat à me, ne quid Satan in me possit, Amen.

FORMULA CONSECRANDI

Mensam, & à sumpto cibo, agendi

Deo gratias.

CONSECRATIO MENSAE.

Quomodo consecras Mensam?

Cum modestia ad mensam accedo, & complacatis manibus, sic oro:

Psalm. 145. Oculi omnium in te sperant (Domine) & tu das escam illorum, in tempore opportuno. Aperis tu manum tuam, & imples omne animal benedictione.

Post addo orationem Dominicam, & hanc precatiunculam:

Domine Deus cœlestis Pater, benedic nos, & hæc dona, quæ de tua largitate sumus sumpturi, per Iesum Christum, Dominum nostrum, Amen.

GRA.

GRATIARVM ACTIO.

Quomodo Deo agis gratias à sumpto cibo? *Similiter ad mensam modeste assisto, et complicatis manibus, sic oro:*

Psalm. 147

Confitemini Domino, quoniam bonus, quoniam in seculum misericordia eius. Qui dat escam omni carni, Qui dat iumentis escam ipsorum, & pullis coruorum inuocantibus eum. Non in fortitudine equi uoluntatem habebit, neq; in tribus uiri beneplacitum erit ei. Beneplacitum est Domino super timentes eum, & in eis, qui sperant super misericordia eius.

Pòst addo orationem Dominicam, et hanc precatiunculam:

Gratias agimus tibi, Domine Deus Pater, per Dominum nostrum Iesum Christum, pro uniuersis beneficijs tuis, qui uiuis & regnas in secula, Amen.

Adijcio etiam interdum, cum uacat, sententiã aliquam, siue locum scripture, quem ex proxima concione sacra obseruatum memorie mandauit.

ORATIO AD CHRISTVM

pro consequenda docilitate.

Quomodo inuocas Deum pro do-

QVÆSTIONES

cilitate consequenda, mane in Scholam
abiens?

Dico hanc precatiunculam:

O Domine Iesu Christe, qui teneræ
ætati docilitatis commodum addidisti,
adde, quæso, ad naturæ propensionem,
auxilium gratiæ tuæ, ut literas ac disci-
plinas liberales citius perdiscā, sed tuæ
gloriæ seruituras, quarum adminiculis
adiuta mens mea, plenius assequatur co-
gnitionem tui, quem nosse, felicitatis
humanæ summa est, utq; ad tuæ sanctis-
simæ pueritiæ exemplum, indies profici-
am ætate, sapientia, gratia apud Deum
& homines, Amen.

Quomodo Deo agis gratias de pro-
fectu in studijs, uesperi e Schola domū
rediens?

Dico hanc precatiunculam:

Ego tibi, benignissime Domine Iesu
Christe, qui fons & dator es omnis sapi-
entiæ & intelligentiæ, sine quo, omnia
nostra studia successu carent, ago gra-
tias, quòd mentem meam tua gratia il-
luminasti, ad percipiendum honestas
disciplinas, da, quæso, ut, quicquid hoc
die bonarū literarum addidici, fidei id
quoq; memoria retineam, & in usum me-
lioris

lioris uitæ, profectus literarum, imitan-
do traham, ut indies pietate, honestis
moribus, & bonis literis, fœliciter pro-
mouens, cōparem mihi doctrinam, qua
ui possim, ad gloriam tui nominis illu-
strandam, & utilitatem proximi augen-
dam, atq; meam ipsius salutem.

Quomodo inuocas Deum quotidie
in omni necessitate?

Dico sic:

Omnipotens æterne Deus, Pater
Domini nostri Iesu Christi, conditor
omnium rerum, & conseruator, cum Fi-
lio tuo & Spiritu sancto, sapiens, bone,
misericors, iudex, & fortis, miserere
mei, propter Iesum Christum filium tu-
um, quem uoluisti pro nobis esse uicti-
mam mirando & inenarrabili consilio,
sanctifica & rege cor meum Spiritu san-
cto tuo, ut te æternum & uerum Deum,
qui te in Filio tuo Iesu Christo nobis pa-
tescisti, uerè inuocem, uerè tibi gratias
agam, & obtemperem secundum tuam
uoluntatem, in uero timore & uera fi-
ducia ergate, per Dominum nostrum Ie-
sum Christum, Amen.

PRECATIVNCV-

larum finis.

Q V A E S T I V N C V L A E M E T H O - D I C A E D E C H R I S T I A - n o C a t e c h i s m o .

Quem te profiteris? *Hominem Christianū.*
Cur hominem? *Quia Deus me conceptum
& natum in peccato, generauit animal ad cœlū
excitatum, rationis, cogitationis, & sermonis
particeps.*

Cur Christianum? *Quia baptizatus in
mortem Christi, regeneratus, & à peccato re-
purgatus, renunciaui peccato, diabolo, carni, &
concupiscentijs eius, in nomine Patris & Filij &
Spiritus sancti.*

Vnde hoc tibi constat? *Ex uerbo Dei, sa-
per quod, tanquam solidam petram, Christiana
Ecclesia fundata est.*

Vnde ea nomen habet? *A Christo, filio
Dei & hominis, capite suo.*

Qua de causa? *Quia filius Dei, factus ho-
mo, nobis iratum Deum patrem propter peccatū,
morte sua reconciliauit, & nos à peccato, morte,
Satana, & ab æterna damnatione redemit, iustifi-
cavit, & sanctificauit.*

Qua de causa genus humanū in tā hor-
rendū, & exitiosum malū coniectū est?
Propter

Propter peccatū Adæ primi parētis nostri, quod adeo nos corripit, ut nec intelligere, nec cogitare ex nobis ipsis possumus ea, quæ sunt spiritus Dei, ad Ro. 5. Per unum hominem peccatum in mundū intrauit, ac per peccatum, mors. Et 1. Cor. 3. Nō sumus sufficientes cogitare aliquid à nobis, quasi ex nobis, sed sufficientia nostra ex Deo est.

Quid? tam pernicioſa res est peccatū?

Nihil est eo pernicioſus, nihilq; uitandum magis. Nā peccatum grauiſimè Deum offendit, et causa est mortis, & omnium calamitatum, quibus humanū genus oppreſſum eſt, Sicut Paulus ait ad Roma. 5. Propter peccatum mors peruaſit in omnes homines. Et Psal. 38. Propter iniquitatem corripis filios hominum.

Quanam re motus est Deus, ut per proprium & unicum filium, humanū genus à peccato, morte, & æternā damnatione liberaret? Sola miſericordia ſua, gratia, & amore erga perditum humanum genus, ad Titum 3. Secundum ſuam miſericordiam ſaluos nos fecit. Deus.

Vnde hoc tibi conſtat? Ex uerbo Dei nobis in Catechiſmo ſummatim tradito.

Quid eſt Catechiſmus? Methodus Chriſtiane doctrine, in qua rudēs Chriſtiani ad ueram pietatem uiua uoce inſtituantur. Name- rant olim in Eccleſia doctores, quorum id fuit

Q. V A E S T I O N E S

fuit proprium munus, ut erudirent nouitios, & ab illis dictatam summam doctrinæ Euangelij resposcerent, atq; explorarent rudiores, priusquã ad Sacramentum Baptismi admitteretur, idq; fiebat certa quadam ac simplici forma docendi, quæ Catechismus uel Catechesis dicebatur.

Vnde dicitur Catechismus? A Græco uerbo κατηχέω, quod est, uoce instituo seu doceo. Nam olim nefas erat mysteria literis committere, sed uoce tradebantur. Hinc deducitur & κατηχῶν, qui uiua uoce alios docet, & κατηχούμενος, qui hoc modo instituitur in elemētis Christianæ religionis.

Quot sunt partes Catechismi? Quinq;.

Quæ? Decalogus, Symbolum Apostolicum, Oratio Dominica, Doctrina de Pœnitentia, Confessione & Absolutione, Et doctrina de utroq; Sacramento, Baptismi, & corporis ac sanguinis Domini nostri Iesu Christi, seu cœnæ Domini, quibus rectè additur doctrina de Vocatione, Cruce, & bonis Operibus.

Quis est usus Catechismi? Vt ex eo discamus methodum seu summam Christianæ doctrinæ, qua bene primùm instructi, reliquam scripturam sacram melius intelligamus. Nam Catechismus summatim comprehendit quicquid in sacris literis traditur de Lege, de Fide, de bonis operibus, cæterisq; rebus ac doctrinis utilibus, & ad salutem

litem necessarijs. Ideo et omnes sacre cōciones, omnia Euangelia, omnes Epistolæ totius anni, adeoq; uniuersa sacra scriptura ad aliquam partem seu doctrinam Catechismi, tanquam ad locum cōmunem, referri debet.

DE PRIMA PARTE CATECHISMI, De Decalogo, seu Lege.

Quæ est prima pars Catechismi? Decalogus.

Quid est Decalogus? Sancta lex Dei, in decem præcepta distincta, quibus deus præcipit, quales erga se et proximū nostrū, esse debeamus.

Quid est Lex? Tristis doctrina Dei, qua Deus præcipit, quales erga se et proximum nostrū, ex intimo cordis nostri affectu, et externis operibus, esse debeamus, et Legem seruantibus, benedictionem promittit, non seruantibus, maledictionem eternam comminatur. Et est Lex altera pars, in quam uniuersa scriptura, Vetus et Nouum testamentum diuiditur, Altera pars uocatur Euangelium.

Cur Lex est tristis doctrina? Quia peccatum, iram, et iudicium Dei reuelat, ac auget, Rom. 3. et eternam damnationem nobis ostendit.

Quod contra damnationem legis, et peccatum, datum est à Deo remedium? Euangelium.

Quid est Euangelium? Leta Dei annuntiatio.

Q V A E S T I O N E S

tiatio de Christo , quòd misericors Deus secundum promissionem suam, per Christum, nobis penitentibus & credentibus in Christum , peccata nostra tegit, remittit, & non imputat , ac eternam salutem donat.

Qua de causa ? Propter solam suam misericordiam, gratiam , & amorem erga perditum humanum genus, idq; propter fidem in Iesum Christum , non propter ulla nostra opera , quæ etiam filij Dei , per fidem in Iesum Christum iustificati, & coram Deo accepti, facimus.

Quomodo diuiditur Decalogus ? In duas tabulas, Priorem & posteriorem.

Quæ est prior tabula ? Quæ prima tria præcepta continet.

Quæ sunt ea ?

PRIMUM.

Ego sum Dominus Deus tuus . Non habebis Deos alienos coram me.

SECUNDUM.

Non assumes nomen Domini Dei tui in uanum. Non enim habebit Deus infontem eum , qui nomen Domini Dei sui in uanum assumpserit.

TERTIUM.

Memento, ut Diem Sabbati sanctifices.

Quid docet prior tabula ? Cultus, quos debemus

debemus Deo creatori nostro.

Quos cultus ei debemus? Interiores, ut, uerum timorem, fiduciam, & amorem. Exteriores, ut, nominis Dei inuocationem, confessionem, & gratiarum actionem, uerbiq; eius studium, & predicationem, Sacramentorum item usum, & exercitia, quibus ministerium uerbi Dei exornatur, & conseruatur inter homines.

Quæ est posterior tabula? Quæ septem postrema præcepta continet.

Quæ sunt ea?

Q V A R T V M.

Honora patrem tuum & matrem tuam, ut sis longæuus super terram.

Q V I N T V M.

Non occides.

S E X T V M.

Non mœchaberis.

S E P T I M V M.

Non furtum facies.

O C T A V V M.

Non loquêris contra proximum tuum falsum testimonium.

N O N V M.

Non concupisces domum proximi tui,

D E C I M V M,

Non

Q V A E S T I O N E S

Non desiderabis uxorem eius, non seruum, non ancillam, non bouem, non asinum, nec omnia, quæ illius sunt.

Quid docet posterior tabula? Quid de beamus proximo nostro.

Quid ei debemus? Dilectionem, seu charitatis officia, quibus proximus noster iuuatur, quæ opera fructus sunt fidei, & cultus qui Deo unice placent. Nam ipse ea præcipit ad conservandam humanam societatem, ut in ea alij alios docere de Deo, & de cæteris rebus bonis possint.

Quid exigit primum præceptum? Verā notitiā Dei, perfectam obedientiā cordis erga Deum, uerum timorem & amorem Dei, firmā fiduciam erga Deum propter Christum, in secundis rebus gratitudinem, in aduersis patientiam, quæ opera atq; uirtutes sunt interiores, ueræq; spirituales cultus Dei, pro quibus Deus præmia eterna, & corporalia, suis promittit ac donat.

Quid prohibet? Ignorantiam Dei, negligentiam, contemptum & odium Dei, diffidentiam, & dubitationem de misericordia Dei, ingratitudinem erga Deum, impatientiam in cruce & afflictionibus, inuocationem sanctorum, propria iustitiæ, potentiæ, & sapientiæ fiduciam coram Deo, propter quæ peccata Deus mundum infinitis & maximis calamitatibus affligit.

Quid exigit secundum præceptum?

Nominis

Nominis Dei inuocationem & glorificationem, gratiarum actionem, uerbi Dei prædicationem, & confessionem, pia uota, & iusiurandum pium, quod cedit in gloriam Dei, & defensionem proximi, quæ Opera sunt cultus Dei exteriores, quos solum pijs Deo præstant. Sunt enim proprii effectus fidei.

Quid prohibet? Nominis Dei prophanationem, idololatriam, doctrinam & cultum impiũ, precandi, ac docendi uerbi Dei, confitendiq; eius negligentiam, dubitationem de inuocando Deo, imprecationes, siue maledicta in proximum, per iuriam, & consuetudinem sæpe iurandi, sine graui causa, & deliberatione.

Quid exigit tertium præceptum? Sedulum uerbi Dei studium, meditationem, prædicationem, reuerentiam & conseruationem ceremoniarum; quæ sunt diuinitus traditæ, propter ministerium uerbi diuini, quod ceremoniæ publicè oruant, & commendant. Nam sanctificare diem sabbati, est ipsum in res sanctas collocare, quod fit celebrandis publicis ceremonijs, & audiendo & prædicando uerbo Dei.

Quid prohibet? Contemptum & negligentiam audiendi uerbum Dei, & celebrandi ceremonias publicè institutas, cuiusmodi sunt dies festos impendere cultui diuino, audire, discere, & legere uerbum Dei, psallere & orare publicè, iuxta

QVAESTIONES

Sacramentis, & exercere se ipsum, et alios, in pietatis doctrina.

Quid exigit quartum præceptū? Ob-
diciam & honorem erga parentes, magistratus,
concionatores, præceptores, cognatos, dominos
nostros, omnesq; eos, qui nobis loco parentū præ-
fecti sunt, idq; non tam propter pœnam, quàm
propter Deum ipsum, qui magistratus & omnis
imperij est autor & conseruator, nosq; superio-
ribus subiecit, obediētes multis præmijs auget et
ornat, eos autem, qui non obtemperant, sed sunt
rebelles, grauius punit, etiamsi magistratus pœ-
nam interdum effugiant aliqui.

Quid exigit à parentibus? Vt suos libe-
ros honestè educēt, disciplina coërceant, alant, et
bonis literis, imprimis doctrina pietatis curent ab
infamia institui, ut per eos gloria Dei innotescat
& propagetur ad posteros, & feliciter admini-
strentur res publicæ, & societas humana conser-
uetur.

Quid à magistratu exigit? Vt subditos
sua sapientia et iustitia defendat, legibus, iudicijs,
& pœnis, non solum, ut in pace uiuamus, sed ut
homines instituamur ad pietatem, & cognitionē
Dei. Ideo curare debet magistratus, ut rectè edu-
cetur & instituatur iuuentus, & ut scholæ flore-
ant, & doctoribus suppetant sumptus necessarij,
& sufficientes.

Quid

Quid prohibet? Inobedientiam erga patres, & preceptores nostros, et alios, quorum fidei sumus commissi, contemptum erga magistratum nostrum, & leges publicas. Parentibus prohibet negligentiam in educandis & instituendis liberis, ac nimiam indulgentiam. Magistratui uero prohibet negligentiam in alendis doctoribus Ecclesie & scholarum, & republica administranda socordiam.

Quid prohibet quintum? Homicidia, uindictam priuatam, cupiditatem nocendi alijs, iram, odium proximi, maleuolentiam, crudelitatem in puniendo, amarulentiam cordis, desertionem eorum, quos iuuare aut tueri debebamus. Nō solum enim is occidit, qui alijs uiolentam manum infert, sed etiam qui, si possit, uim illatam non propulsat.

Quid exigit? Mentem à sanguine & calore alienam, mansuetudinem animi, placabilitatē, clementiam, & equitatem in puniendo, misericordiam, dissimulationem, & condonationem iniuriarum, & uoluntatem auxiliandi proximo in omnibus malis, ac uitae periculis.

Cur addidisti, uindictam priuatam? Quia uindicta publica, quam magistratus legitime sine priuata cupiditate exercet, est opus, quod sit mandato & autoritate Dei. Ideo ea uindicta nō

Q V A E S T I O N E S

est prohibita, quia Magistratus est ordinatio diuina, qua uti licet Christianis.

Est ne omnis ira prohibita? Non, sed ea tantum, qua priuata cupiditate incitati, temere irascimur proximo, ira autem uocationis, qua irascimur uitijs, eaq; punimus, & qua defendimus gloriam Dei & iustitiam, non est prohibita, sed est uirtus ac cultus, qui placet Deo, eumq; à nobis requirit.

Quid prohibet sextum præceptum? Adulterium, scortationem, lasciuiam, flammam libidinis, cogitationem, & uerba de rebus obscenis & uanis, occasionem libidinis, ut sunt otium, intemperantia in uictu, somnus & cultus corporis immodicus, quæ peccata iram Dei imprimis commouent, & Deusea punit corporalibus & æternis pœnis. Et si autem hæreant semper in animis etiam piorum concupiscencia & uitiosi affectus, qui incitant ad libidinem, tamen condonantur ijs, qui repugnant in timore Dei, & credunt in Christum, iuxta hoc Pauli ad Roma. 8. Nulla igitur nunc est condemnatio his, qui infiti sunt Christo Iesu, qui non iuxta carnem uersantur, sed iuxta spiritum.

Quid exigit? In genere ab omnibus hominibus puros cordis affectus & cogitationes, continentiam, & castitatem in omnibus membris, dietis, factis, & gestibus, sobrietatem, ieiunia, collo-

quid

quia pia, et meditationes de uerbo Dei, laborē & pia exercitia, quibus incendia libidinum sedantur. Ab ijs uerò qui uiximus flammis libidinum, exi-
gitur & legitimum coniugium, inter coniuges
mutuum amorem, reuerentiam, coniugalem con-
suetudinem, & fidem.

Quæ est pœna adulterij & fornicatio-
nis? Ira Dei, cæcitas mentis, mala & irrequieta
conscientia, ignominia, morbi fœdi & exitiosi, bo-
norum profusiones, interitus animæ, & heredita-
tis uitæ æternæ priuatio. Quare pij adolescen-
tes orabunt sedulo Deum, ut illicitas uoluptates
& libidines fugere ipsis liceat, ne iram Dei in se
concitent. Nam hæc est uoluntas Dei, ut diuus
Paulus ait, sanctificatio nostra, ut abstinemus à
scurtatione, ut sciat unusquisq; nostrum, uas suū
possidere in sanctificatione & honore, 1. Thes. 4.

Quid prohibet septimum? Omnem illi-
citam alienæ rei usurpationem & appetitionem,
rapinas, fraudes & dolos in contractibus, auari-
tiam, ac sumptus inutiles, nimiam sollicitudinem
in querendo uictu, & diffidentiam de alimonia
uitæ, mendicitatem non necessariam, otium, &
ignauiam in obeunda uocatione.

Quid exigit? Legitimum usum rei pro-
pria, laborem, parsimoniam, diligentiam in offi-
cio peragendo, & facultatibus parandis & con-
seruandis, animum sorte sua contentum, & libe-

Q V A E S T I O N E S

Veritatem erga alendos pauperes, studiosos literarum, & ministros Ecclesiae.

Quid prohibet octauum? Omne testimonium & consilium falsum in iudicijs, aut odio proximi, aut spe lucri, aut in gratiam alicuius susceptum, mendacia perniciose alijs, ac uana, male-dicentiam, sermones sinistros, quibus aliorum existimatio, ac fama leditur, sinistras suspiciones & interpretationes recte seu probabiliter dictorum ac factorum, falsas accusationes & defensiones, violationes pactorum & promissorum in conuictis pijs & contractibus, adulationem, & simulationem in amicitia, moribus, & omni uita, obre-tationes, omnemque linguae petulantiam, fame ac uomini alterius perniciosam.

Quid exigit? Veritatem in iudicijs & consilijs dandis, fidem in pactis & contractibus, innocentiae ac fame proximi defensionem, honestam de alijs opinionem, ingenuitatem & candorem in moribus & colenda amicitia, denique, uirtutem omnium pulcherrimam, ueritatem, in omnibus dictis ac factis, seu negotijs uita.

Quid prohibent nonum & decimum praeceptum? Prohibent non solum externa peccata contra legem Dei, sed etiam interiores affectus, & concupiscentiam internam animi, seu inclinationem naturalem ad peccandum, hoc

est peccatum seu vitium originis, quod facit, ut non possimus legi Dei perfecte satisfacere, sed opus habemus iustitia fidei, qua Deus nos iustos reputat propter filium suum Christum, cum in ipsum credimus.

Quid exigunt? Cordis nostri munditiam, affectus consentientes legi Dei, & perfectam obedientiam erga Deum, in omnibus rebus agendis, omittendis, & perferendis, non respectu alicuius præmij consequendi, aut poenæ effugiendæ, sed tantum propter Deum. Nam hic finis esse debet omnium præceptorum Decalogi, ut in ijs Deo præstemus obedientiam, atque ita opera etiam secundæ tabulæ fiunt cultus Dei, cum in omnibus operibus Deum intuemur, et ei servire studemus.

Dic summam præceptorum Decalogi. Diliges Dominum Deum tuum ex toto corde tuo, & in tota anima tua, & in tota mente tua, & proximum tuum, sicut teipsum. Matt. 22. Et hoc est præceptum Dei, ut credamus in nomine filij eius Iesu Christi, et diligamus nos invicem, priore Ioan. 3.

Quid Deus promittit ijs, qui faciunt opera Decalogi, & quid minatur ijs, qui ea non faciunt? Vtrumque continetur in his verbis Deuteronomij 5.

Q V A E S T I O N E S

Ego sum Dominus Deus tuus, Deus amator, reddens iniquitatem patrum super filios, in tertiam & quartam generationem, his, qui oderunt me, & faciens misericordiam in multa milia, dilectis gentibus me, & custodientibus praecepta mea.

Quid haec uerba continent? Comminationem & promissionem Dei, Decalogo seu legi annexam. Nam comminatur hic Deus aeternam damnationem & poenas temporales omnibus, qui uiolant haec praecepta, sicut scriptum est: Maledictus omnis qui non permanserit in omnibus, quae scripta sunt in libro hoc, ut faciat ea, Deut. 27. et maledicti, qui declinant a mandatis tuis, Psalm. 118. Contra promittit praemia spiritualia & corporalia, perpetuamque felicitatem in consilijs & rebus gerendis, omnibus illis, qui in his praeceptis uoluntati eius obtemperant.

Quomodo Deus praemia nobis reddit, cum lex perfectam obedientiam requirat, quam nemo hominum praestat? Deus approbat inchoatam obedientiam in nobis propter Christum, etiamsi legi non satisfaciamus. Neque enim nostra obedientia & opera placent Deo propter propriam dignitatem, seu perfectionem impletae legis, sed placent in his, qui sunt Deo reconciliati per fidem in Christum, etiamsi legi per omnia non satisficiant.

Quis est usus Decalogi? Is triplex est.

Quis

Quis est primus? Vt externa disciplina coerceretur iniusti & carnales, ne securè ruant in omnia scelera, Paulus priore ad Timo. 1. Lex est iniustis posita. Hic usus etiam ad iustos rudiores pertinet, quibus opus est institutione, doctrina, & diligentia coercenda carnis, sicut pueris, adolescentibus, & uulgo.

Quis est secundus? Vt ostendat nobis peccata nostra, iram, & iudicium Dei aduersus peccatum, & eternam damnationem, quia legem Dei non implemus, non ut damnemur, sed ut intellecta nostra damnatione, nos cogat ad Christum, qui pro nobis legem impleuit. Ad Roma. 3. Per legem est cognitio peccati: ad Gala. 3. Lex fuit pædagogus noster ad Christum, ut ex fide iustificaremur. Ad Roma. 10. Christus est perfectio Legis, ad iustificationem omni credenti. Ideo Lex utilis est tripliciter his, qui sunt iustificati fide, Primò, quod ad doctrinam attinet, Nam opus habent uerbo, quo admonentur, qui cultus, qualia opera placeat Deo, ne excogitent nouos cultus sine uerbo. Secundò, quod attinet ad uetustatem carnis, quam lex coercet & arguit. Tertiò, quod ad obedientiam attinet, quæ necessaria est propter ordinationem, & uoluntatem Dei, qui uult, ut creatura sibi obediat, Sicut Christus inquit: Hoc est mandatum meum, ut diligatis uos inuicem, sicut ego dilexi uos, Io. 13. Et si antem Euangelium quoq; arguat

QVÆSTIONES

peccatum, ad Rom. 1. Reuelatur ira Dei de celo aduersus omnem impietatem & iniustitiam hominum, simul tamen affert poenitentibus remissionem peccatorum propter Christum, gratis, hoc est, sine ulla conditione nostrorum operum seu impletionem legis. Roma. 3. Iustificamur gratis ipsius gratia, per redemptionem, quæ est in Christo Iesu, quem proposuit Deus propitiatorem, per fidem, in sanguine ipsius. Lex uero requirit conditionem nostræ dignitatis, seu operum, Nam inquit: Qui fecerit ea homo, uiuet in eis. Quare lex tantum ostendit peccata, non tollit: accusat & damnat conscientias, non liberat à pauoribus peccati, nec iustificat hominē coram Deo, cum nemo satisfaciat legi.

Quis est Tertius? Vt doceat iustificatos, quæ sint facienda bona opera, & uetustatem carnis in eis mortificet, ut in nouitate uitæ ambulent, quemadmodum Diuus Paulus docet ad Romanos sexto: Sepultus sumus unā cum Christo per Baptismum in mortem, ut, quemadmodum excitatus est Christus ex mortuis per gloriam patris, ita & nos in nouitate uitæ ambulemus.

Quomodo impletur Decalogus? Cū Deus nos propter fidem in Christum iustos reputat, impletionem legis sui filij nobis donat, & spiritum sanctum nobis impertit, qui nouos & spirituales motus creat in nobis, ut iam libeat nobis obedire

obedire legi propter Deum. Quia enim cognoscimus misericordiam, gratiam, & amorem Dei erga nos in Christo filio ipsius, libenter uicissim nostram obedientiam Deo prestamus in his preceptis, quæ tamen nostra obedientia est imperfecta, nec placet Deo, nisi propter fidem in Christum, sine quo lex nec fieri potest, nec inchoari quidem.

Iustificantur ne igitur homines per opera legis coram Deo? Non. Lex enim Dei spiritualis est, Roma. 7. & à nobis exigit perfectam obedientiam erga Deum, quam nemo hominum suis uiribus in hac tam corrupta natura, prestare potest, unde Psal. 142. ait: Non iustificatur in conspectu tuo omnis uiuens, Et Paulus ad Gal. 3. Si per Legem est iustitia, Christus frustra mortuus est. Placent tamen bona opera Deo, propter fidem in Iesum Christum, & ea à iustificationis requirit, tanquam fructus & testimonia fidei, eaq; & in hac uita, & futura in gentibus præmijs exornat.

Propter quid ergo iustificantur homines coram Deo? Propter solam fidem in Iesum Christum, seu merita ipsius, passionem, & mortem, quæ cum fide apprehendimus, iustif sumus coram Deo, hoc est, accepti Deo, sicut testatur Paulus ad Ro. 3. cū ait: iustitia Dei per fidem Iesu Christi, in omnes, et super omnes, qui credunt.

Item

Q V A E S T I O N E S .

Item: Omnes peccauerunt, et destituuntur gloria Dei, iustificantur autem gratis per illius gratiā, per redemptionem, quæ est in Christo Iesu, quem proposuit Deus reconciliatorem per fidem, interueniente ipsius sanguine &c. Et, Arbitramur si de iustificari homines absq; operibus Legis. Nō, quòd fides sit qualitas quedam seu uirtus, aut res digna in nobis, propter quam iusti reputemur, sed quia est fiducia, qua apprehendimus Christū mediatorem nostrum, propter quem solum iusti sumus, & uitam æternam consequimur gratis.

Cur ergo facienda sunt opera legis? Primò, ut conādo seruare legem, experiamur, et agnoscamus nostram imbecillitatem, & corruptionem nostræ naturæ. propter quam legem implere nostris uiribus non possumus, ut ita de nobis desperantes, confugiamus ad Christum, qui pro nobis legem impleuit, eumq; rogemus, ut suam impletionem legis nobis impertiat ac donet. Secundò, ut bonis operibus Deo patri nostro obedientiā nostram præstemus, eumq; glorificemus, uocationem nostrā certam faciamus, & proximum nostrum iuueamus.

Sunt ne liberati à Decalogo seu Legge, qui sunt iustificati? Liberati sunt à Legge, non, ut ea ab ipsis non fiat, sed, ne credentes in Christum accuset & damnet. Deus enim peccata illis non imputat, sed gratis remittit propter Christum

stum, quem fide apprehendunt, & donat illis Spiritum sanctum, quo uiuificantur, reguntur, ac defenduntur aduersus seuitiam diaboli, & ex omnibus periculis liberantur. Sunt igitur Christiani liberati, non ab obedientia legis, quam ultro iam, accepto Spiritu sancto, præstant, sed à maledictione legis, Gal. 3. Christus nos redemit à maledictione legis, factus pro nobis maledictum. Qui non agunt poenitentiam, nec credunt in Christum, sunt sub lege, & ab ea accusantur & damnantur. Paulus 1. Timo. 1. iusto non est lex posita, sed iniusto.

DE SECUNDA PARTE

Catechismi, de Symbolo Apostolico,
seu Christiana fide.

Quæ est secunda pars Catechismi?
Symbolum Apostolicum, seu Christiana fides.

Quid est Symbolum Apostolicum? Summa eorum, quæ ad æternam salutem consequendam Christianum scire et credere de Deo oportet.

Quid est Christiana fides? Certa fiducia in Deum, qua statuimus, Deum nobis esse placatum, gratis propter Christum. Vel, Fides est certa fiducia misericordie Dei, promissæ propter Christum, qua consequimur remissionem peccatorum, iustificationem, Spiritum sanctum, & uitam æternam, gratis propter Christum.

Quomodo consequimur iustificationem? Cum per terrefacti ex lege, agnitione ire
Dei

QVAESTIONES

Dei aduersus peccata, credimus promissioni Dei, quod propter Christum gratis donetur nobis remissio peccatorum, imputatio iustitiæ, Spiritus sanctus, et uita æterna.

Quomodo diuiditur Symbolū apostolicum? In tres partes.

Quæ est prima pars?

Credo in Deum patrem omnipotentem, creatorem cœli & terræ.

Quæ est secunda pars?

Et in Iesum Christum, filium eius unicum, Dominū nostrum. Qui conceptus est de Spiritu sancto, natus ex Maria uirgine. Passus sub Pontio Pilato, crucifixus, mortuus & sepultus, descendit ad inferna. Tertia die resurrexit à mortuis. Ascendit ad cœlos, sedet ad dexteram Dei patris omnipotentis. Inde uenturus est iudicare uiuos & mortuos.

Quæ est tertia pars?

Credo in Spiritum sanctum. Sanctā Ecclesiam catholicam, sanctorum communionem. Remissionem peccatorum. Carnis resurrectionem. Et uitam æternam, Amen.

Quomodo distinguuntur hæ tres partes? Prima agit de Creatione, conseruatione, & gubernatione omnium rerum, & quid de Deo patre

patre credendum sit. Secunda agit de Redempti-
one, & quid de DEO filio Iesu Christo Redem-
ptore nostro credendum sit. Tertia agit de san-
ctificatione, & quid de Deo Spiritu sancto, & de
Ecclesia Christiana credendum sit.

Quis est usus Symboli apostolici? Ut
ex ipso fidem in Deum cōcipiamus, qua fide à pec-
catis mundemur, à morte & aeterna damnatione
liberemur, iustificemur, & legem Dei impleamus.
Nam primò donat nobis Deus impletionem legis
sui Filij, ac reputat nos iustos propter fidem in
Christum, non aliter, quàm si ipsi per omnia legem
satisfecissemus. Deinde comitatur hanc imputatio-
nem effectus siue conatus implendi legem, seu in-
choata obedientia erga legem, siue uitæ renoua-
tio.

Quot sunt articuli Christianæ fidei?
Duodecim.

Quis est primus?

Credo in Deum, patrem omnipoten-
tem, creatorem cœli & terræ.

Quid hoc articulo credis? Vnum esse
Deum, omnipotentem, summè sapientem, iu-
stum, & bonum, qui se nobis in uerbo suo, & mis-
so Filio, patefecit immensa bonitate, meque unà
cum alijs creaturis omnibus per uerbum suum
creauerit ex nihilo, omniaq; adhuc uerbo suo su-
stinet, regat, & conseruet, me aduersus omnia
pericula

Q. V AESTIONES

pericula defendat, & omnia necessaria huius vite, & quæ ad eternam uitam consequendam pertinent, affatim mihi præbeat, idq; ex mera sua bonitate & misericordia, non propter aliquod meum meritum, aut dignitatem meorum operum.

Da testimonia scripturæ primi Articuli. Audi Israël, Dominus Deus tuus, Deus unus est. Deutero. 6. Unus est Deus & Pater omnium, qui est super omnes, & per omnia. Ephe. 4. Verbo Domini coeli firmati sunt, & spiritus oris eius, omnis uirtus eorum. Psalm. 32. Per ipsum uiuimus, mouemur, & sumus. Acto. 17. Ipsa cura est de nobis. 1. Pet. 5.

Quis est secundus Articulus?

Et in Iesum Christum filium eius unicum, Dominum nostrum.

Quid hoc Articulo credis? Iesum Christum, uerum esse Deum, à Patre ab eterno genitum, et meum Dominum, qui factus homo, me à peccato, ab imperio Satanae, & aeterna damnatione liberauit, & etiamnum ab insidijs & potestate Satanae, & omnibus periculis defendit.

Da testimonia secundi Articuli. Petrus, Matth. 16. expressis uerbis Christum filium Dei uocat, ubi inquit: Tu es Christus, ille filius Dei uiuentis. Et Thomas Io. 20. exclamans: Dominus meus, & Deus meus. Et ipse Christus dicit Philippo, Ioan. 14. Qui uidet me, uidet et patrem meum.

Et Ioan. 10. Ego et pater unum sumus. Et Paulus
 Rom. 9. Christum, Deum appellat, dicens: Ex qui-
 bus est Christus, qui est in omnibus Deus laudan-
 dus in secula, Amen. Et Ioannes 1. Ioan. 5. Sumus
 in filio eius Iesu Christo: hic est uerus Deus, et ui-
 ta eterna. Et, quicunq; loci iubent, ut Christum
 adoremus, inuocemus, in ipsum confidamus, qui
 que tribuunt ei opera diuinæ naturæ propriæ,
 sunt uiuificare, sanctificare, saluare, exaudire,
 et similia, testantur Christum esse naturalem fili-
 um Dei, æqualē Deo patri substantia, diuinitate,
 et omnipotentia. Atq; ideo additur, unicum fili-
 um, ut Christus, filius Dei naturalis, discernatur
 à filiis adoptionis seu gratiæ. Omnes enim sunt fi-
 lij Dei, qui credunt in Christum, Ioan. 1. Quot-
 quot receperunt eum, dedit eis potestatem filios
 Dei fieri, his, qui credunt in nomine ipsius. Et Ga-
 la. 4. Christus eos, qui legi erāt obnoxij, redemit,
 ut adoptione ius filiorum Dei acciperemus. Et 1.
 Ioan. 3. Sumus filij Dei, et nondum apparuit,
 quod futuri sumus. Sed Christus natura filius est
 Dei, Sicut in Psalmo inquit: Domnus dixit ad me,
 filius meus es tu, Ego hodie genui te.

Quis est tertius Articulus?

Qui conceptus est de Spiritu sancto,
 natus ex Maria uirgine.

Quid hoc Articulo credis? Iesum Chri-
 stum filium Dei, absq; peccato, à Spiritu sancto cō-

Q V A E S T I O N E S

ceptum esse in utero beata uirginis Mariae, & eundem ex ea natum uerum hominem, ut meam conceptionem & natiuitatem impuram atq; aeterna damnationi obnoxia, emundaret & sanctificaret.

Da testimonia tertij Articuli. Sic inquit angelus Matth. 1. Quod in illa conceptum est, a Spiritu sancto profectum est. Et, Esa. cap. 7. Ecce uirgo concipiet, & pariet filium, & uocabitur nomen eius Emanuel.

Quis est quartus Articulus?

Passus sub Pontio Pilato, crucifixus, mortuus, & sepultus, descendit ad inferna.

Quid hoc Articulo credis? Iesum Christum, sua innocentissima morte, & effusione sanctissimi sanguinis, me perditum ac morti aeterna addictum hominem, & omnes in ipsum credentes redemisse, a peccato, morte, et inferno, et e regno Satanae liberasse, ex mera sua gratia, sine ullis meis meritis.

Da testimonia quarti Articuli. Christus semel pro peccatis nostris mortuus fuit, Iustus pro iniustis, ut Deo nos adduceret. 1. Pet. 3. Et Esaia 53. Verè languores nostros ipse tulit, & dolores nostros ipse portauit. Ipse uulneratus est propter iniquitates nostras, attritus propter scelera nostra. De descensu Christi ad inferos inquit Psal. 15. Non derelinques animam meam in infer-

no. Et Psal. 48. Veruntamen Deus redimet animā
meā de manu inferni, cum acceperit me. Et Psal.
85. Eruiſti animam meam ex inferno inferiori.

Quis est quintus Articulus?

Tertia die reſurrexit à mortuis.

Quid hoc Articulo credis? Chriſtum
Ieſum Dominum meum, uictorem peccati, mortis,
ſatane, & inferni, propria uirtute reſurrexiſſe
à mortuis tertio die, ut ego per eius reſurrectionē
iuſtus reputarer apud Deū, et extremo quoq; die
cū omnibus ſanctis, in hac mea carne reuiuſcerē
ac reſurgerem, & cum eo in æternum uiuerē, ac
regnarem in ſumma ſollicitate & beatitudine.

Datēſtimonia quinti Articuli. Chri-
ſtus traditus fuit propter peccata noſtra, et reſur-
exit propter iuſtificationē noſtri, Rom. 4. Chri-
ſtus mortuus fuit pro peccatis noſtris ſecundū ſcri-
pturas, & ſepultus eſt, & reſurrexit tertio die,
ſecundum ſcripturas, 1. Corinth. 15. Chriſtus exci-
tatus à mortuis non amplius moritur, mors illi am-
plius non dominatur, Roma. 6. De reſurrectione
uerò noſtrorum corporum, ſic ait Paulus Roma.
8. Is qui excitauit Chriſtum ex mortuis, uiuifica-
bit & corpora noſtra mortalia, propter ipſius ſpī-
ritum, habitantem in nobis.

Quis eſt ſextus Articulus?

Ascendit ad cœlos, ſedet ad dexterā
Dei patris omnipotentis.

Q V A E S T I O N E S

Quid hoc Articulo credis? Christum Iesum ideo ascendisse ad cœlos, ut accepta potestate à patre in omnes creaturas, meus, & omnium credentium, unicus esset mediator ac pontifex coram Deo Patre in cœlis.

Da testimonia sexti articuli. Christus ascendit supra cœlos, ut impleret omnia, ad Eph. 4. Deus sedere fecit Christum ad dexteram suam in cœlestibus, super omnem principatum & potestatem. Eph. 1. Iesus Christus est ad dexteram Dei, deglutiens mortem, ut uitæ æternæ heredes efficeremur. 1. Pet. 3. Habemus Pontificem magnum, qui penetrauit cœlos, Iesum Christum filium Dei. Heb. 4. Christus in cœlum ingressus est, ut appareat nunc in conspectu Dei pro nobis. Heb. 9. Sedere autem ad dexteram Dei, est Deo æqualem esse, potentia & gloria. Sicut ipse Christus ait Matth. 28. Mihi data est omnis potestas in cœlo & in terra.

Quis est septimus Articulus?

Inde uenturus est iudicare uiuos & mortuos.

Quid hoc Articulo credis? Christum Iesum extremo die reditum esse à cœlo magnam cum potestate ac gloria, piorum quidem clementissimum Dominum ac liberatorem, Impiorum autem seuerum & iustum iudicem.

Da testimonia septimi Articuli. Christi
stru

stus constitutus est à Deo iudex uiuorum & mortuorum, Acto 10. Christus iudicaturus est uiuos & mortuos in apparitione sua & regno suo, 2. Timo. 4.

Quis est octauus Articulus?

Credo in Spiritum sanctum.

Quid hoc Articulo credis? Spiritum sanctum uerum & aeternum esse Deum cum Deo Patre & filio, ab utroq; procedentem, qui nos uera fide in Christum, sanctificat, & purificat, nos ad credendum Euangelio Christi mouet, nos consolatur & iuuat in infirmitatibus nostris, & testimonium præbet Spiritui nostro, quod sumus filij Dei, ad Rom. 8.

Quomodo datur Spiritus sanctus?

Cum audientes Euangelium de Christo, eiusq; beneficijs, certò statuimus nobis ignosci à Deo propter Christum, & hac fide nos consolamur in paucioribus peccati, mortis & inferni.

Quomodo excutitur seu amittitur Spiritus sanctus? Cum peccatis contra testimoniū conscientie indulgemus, & in ijsdem perseueramus, uolentes, sicut inquit Ioannes: Qui facit peccatum, ex diabolo est. 1. Ioan. 3. Et Paulus: Si secundum carnem uixeritis, moriemini. Roma. 8.

Quot modis Spiritus sanctus est efficax in nobis? Duobus.

Quibus? Primò, docet nos beneficia Christi,

Q V A E S T I O N E S

et efficit, ut assentiamur promissionibus de Christo, et consolatur nos, atque erigit, ne in terroribus peccati desperemus, et afflictionibus succumbamus. Secundò, mortificat et reprimit in sanctis concupiscentiam carnis, et parit in eis spirituales et bonos motus omnium uirtutum, timorem et dilectionem Dei, patientiam, officia charitatis, castitatem, et reliquas uirtutes omnis generis, ut iam non coactilege seu pœnis, sed sua sponte obediât Deo.

Da testimonia octauæ Articuli. Tres sunt, qui testimonium perhibent in cœlo, Pater, Verbum, et Spiritus sanctus, et hi tres unum sunt, 1. Ioan. 5. Omnia hæc efficit unus et idem spiritus, 1. Cor. 12. Spiritus sanctus auxiliatur infirmitatibus nostris, Roma. 8. Spiritus sanctus intercedit pro nobis, gemitibus inenarrabilibus, ibidem.

Quis est nonus Articulus?

Credo sanctam Ecclesiam catholicam, sanctorum communionem.

Quid hoc Articulo credis? Vnam esse sanctam congregationem, hominum in mundo uere credentium in Christum, per totum orbem terrarum dispersam, in qua omnia merita Christi, preces, afflictiones, et bona opera piorum, sunt communia.

Quid est Ecclesia catholica? Est congregatio seu cœtus hominum in terra, qui uerbum Dei traditum per prophetas, Christum, et Apostolos

stolos amplectuntur, & in Christum Iesum filium Dei uerè credunt, ubicunq; illi terrarum uiuant.

Quas ea notas habet? Sincerum uerbū Dei, & legitimum Sacramentorum usum.

Cur uocas sanctam, cum multi impij & hypocritæ sint admixti, & pij etiam labantur interdum, & peccent? Sancta est per fidem in Iesum Christum, sicut diuus Paulus testatur ad Ephe 5. Quod autem peccant pij, sit ex imbecillitate carnis, non malitia, aut ipsorum approbatione, unde quotidie orant, Pater cælestis, Dimitte nobis debita nostra. Impij autem, & hypocritæ non sunt Ecclesia, sed membra eius putrida, & zizania inter triticum, Matth. 13.

Cur uocas catholicam? Quod de doctrina Euangelij, & usu sacramentorum, in ea conueniat, etiamsi per totum orbem terrarum sit dispersa, & dissimiles ritus humanos habeat. Nam catholicus idem est, quod uniuersalis, publicus, seu communis.

Datē testimonia noni Articuli? Matth. ultimo inquit Christus: Ego uobiscum sum usq; ad consummationem seculi: quibus uerbis Christus testatur esse ecclesiam Christianam in terra, & totum corpus eius mansurum semper, etiamsi ipsa cruci subiecta sit in hac uita, & aliqua eius membra passim sint in odio hominum impiorum,

Q V A E S T I O N E S

esuriant, & passim trucidentur miserabiliter à tyrannis. Et Paulus inquit ad Ephe. s. Christus dilexit Ecclesiam, & seipsum tradidit pro ea, ut eam sanctificaret, mundans lauacro aque per uerbum. Hic locus testatur esse Ecclesiam sanctā. Et Christus Matth. 8. Dico uobis, quod multi ab oriente & occidente uenturi sunt, & accubent cum Abraham, Isaac, & Iacob, in regno caelorum: ubi testatur Christus, Ecclesiam suam futuram catholicā, hoc est, uniuersalem. Dauid inquit Psal. 118. Particeps ero omnium, qui timent te, & custodiunt praecepta tua: ubi significat Propheta, esse communionem sanctorum.

Quis est decimus articulus?

Credo remissionem peccatorum.

Quid hoc articulo credis? Omnes homines peccato esse obnoxios, & reos irae Dei & aeternae damnationis, & in hac sancta & catholica Ecclesia tantum esse remissionem peccatorum, quae nobis per praedicationem Euangelij, Absolutionem, & Sacramentorum administrationem, offertur gratis per fidem in Iesum Christum.

Quid est peccatum? Est non solum exter num aliquod factum, aut dictum contra legem Dei, sed perpetua corruptio naturae humanae, in omnes homines propter lapsum Adae propagata, quae omnia peccata externa & uitiosos affectus

in nobis parit, & efficit, quò minus legi Dei uerè obedire possimus.

Quotuplex est peccatum? Duplex.

Quomodo? Originale & Actuale.

Quid est peccatum Originale? Est ipsa corruptio totius naturæ humanæ, ab Adam in omnes homines propagata, qua fit, ut non uerè timeamus Deum, non uerè ipsum diligamus, non ei fidamus, sed creaturis, & appetamus naturam carnalem, & quæ sunt huius mundi.

Quid Actuale? Omnes affectus, cogitationes, dicta & facta hominum contra legem Dei, quæ tanquam fructus parit in nobis peccatum Originale.

Est ne aliquod discrimen inter peccata? Est utiq;: Alia enim peccata dicuntur Mortalia, alia Venialia.

Quæ sunt peccata Mortalia? Quæ æternam mortem merentur.

Quæ sunt talia? Desperatio seu dubitatio de misericordia Dei, diffidentia naturalis, odium Dei, amor sui ipsius, ira, Deniq; ipsa inordinata concupiscentia, & omnia peccata in his qui illis non repugnant, sed indulgent contra conscientiam, nec credunt sibi ea remitti propter Christum. Huiusmodi uitiosi affectus & delicta sunt in impijs mortalia, hoc est, mortem adferunt, & excutunt fidem, gratiam, & Spiritum sanctum.

QVAESTIONES

Quæ sunt uenialia? Vitiosi affectus habentes in natura, & infinitæ imbecillitates, quibus tamen si etiam sancti sunt obnoxij, non tamen ijs obtemperant contra conscientiam, sed repugnant illis in timore Dei, & credunt sibi eos propter Christum condonari.

Meremur ne remissionem peccatorum nostris bonis operibus? Non, peccata enim remittuntur nobis à Deo, propter Iesum Christum fide apprehensum, non propter nostrorum operum dignitatem, aut meritum, ne remissio peccatorum fiat incerta, quod futurum esset, si penderet ex conditione nostrorum operum, aut nostre dignitatis. Sicut inquit Paul. ad Eph. 5. Per Christum habemus redemptionem, per sanguinem ipsius, remissionem peccatorum. Ad Roma. 4. Idcirco ex fide datur hereditas, ut secundum gratiam firma sit promissio uniuerso semini.

Da testimonia decimi Articuli. Per Christum habemus redemptionem, per sanguinem ipsius, remissionem omnium peccatorum, iuxta diuitias gratiæ suæ, Ephe. 1. Christo omnes Prophetæ testimonium ferunt, quod remissionem peccatorum accepturus sit per nomen eius, quisquis crediderit in eum, Acto. 10. Deus condonat nobis omnia delicta, deleto, quod contra nos erat, chirographo, ad Colos. 3. Confiteamur peccata nostra, fidelis & iustus est Deus, ut remittat nobis pecca-

ta, & emundet nos ab omni iniquitate, priore
Ioan. 1.

Quis est undecimus Articulus?

Credo carnis resurrectionem.

Quid hoc articulo credis? Hoc meum corpus, in quo nunc uiuo, & omnium hominum corpora, resurrectura esse in nouissimo die uiua, incorruptibilia & immortalia, piorum quidem, ad aeterna gaudia cum Christo, apud quem dulcissima consuetudine Dei perfruemur perpetuo, impiorum uero ad perpetuas impietatis suae poenas, cum Diabolis, & omnibus qui Euangelia aduersati sunt.

Da testimonia undecimi articuli. Si institutus sumus illi (Christo) per similitudinem mortis eius, nimirum & resurrectionis eius partem capes erimus, Roma. 6. Scimus, quod qui suscitauit Dominum Iesum, nos quoque per Iesum suscitabit. 2. Cor. 4.

Quis est duodecimus articulus?

Credo uitam aeternam, Amen.

Quid hoc articulo credis? Me unam cum omnibus alijs sanctis, post hanc uitam caducam, & malorum omnium plenam, aeterna uita, et perpetua letitia fruiturum esse in caelis apud Deum, cum Christo Iesu seruatore & capite nostro.

Da testimonia duodecimi articuli.

Multum de his, qui dormiunt in terrae puluere, euigilabunt,

Q V A E S T I O N E S

eniglabunt, alij ad uitam eternam, alij uerò in opprobrium, ut uideant semper, Daniel. 12. Et Paulus inquit ad Philip. 4. Et sic semper cum Domino erimus.

Cur addis Amen? Quòd certò credam hæc omnia esse uerissima propter Christum, qui hæc tam ingenti beneficia, credentibus in ipsum, promeruit passione sua et morte, eaq; in suo uerbo promisit omnibus certò consequenda per fidem, gratis.

DE TERTIA PARTE Catechismi, de Inuocatione seu Oratione Dominica.

Quæ est tertia pars Catechismi? Oratio Dominica.

Quid est oratio? Seria imploratio diuini auxilij, in quocunq; afflictionum ac necessitatum genere, cum gratitudinis testificatione.

Quot sunt orationis species? Dux.

Quæ? Inuocatio, et Gratiarum actio.

Quid est inuocatio? Precatio, qua aliquid à Deo per fidem in Christum petimus.

Quid est Gratiarum actio? Gratitude animi, qua beneficia diuinitus data agnoscimus, et pro ijs gratias Deo agimus.

Quis est usus orationis? Vt per eam nostram uitam exerceamus, et à Deo necessaria nobis

nobis, & alijs omnia petamus & consequamur,
animiq; nostri gratitudinem erga Deum testemur
& declaremus.

Quot requiruntur in oratione? Quinq;

Quod est primum? Præceptum Dei, quo
iubemur auxilium Dei inuocare, cui qui non obtē
perant, non minus grauiter Deum offendunt,
quàm si aliquod expressum præceptum Deca-
logi peccarent. Nam uiolant secundum præce-
ptum, in quo Deus & hoc à nobis requirit, ut no-
men suū inuocemus, precemur libenter & serio.

Quod est secundum? Promissio Dei, qua
Deus promittit se nos orantes per filium certò
exauditurum esse, etiamsi nos simus indigni,
quos exaudiat.

Quod est tertium? Fides, qua primum sta-
tuere debemus nobis uerè remitti peccata à Deo,
propter Christum, et preces nostras placere Deo,
Deinde certò credere, nobis, quæ petimus à Deo
in nomine filij ipsius, euentura esse, & nos certò,
ac quidem, cum petimus, statim exaudiri, etiamsi
largitio siue donatio rei petite aliquandiu disse-
ratur interdum, certo de consilio Dei, & pater-
nacijs erga nos uoluntate. Neq; enim modum libe-
rationis, aut certum tempus Deo præscribere de-
bemus, quo nos exaudiat. Ipse enim potest facere
suprà, quàm petere, aut intelligere nos possumus,
al. Ephe. 3. Nouit enim solus Deus, quid nobis expe-
diat,

QVAESTIONES

Psalm. 9. *diat, & quando sit tempestiuum, ut oppressis & miseris succurrat oportuno tempore, ut Psalmus ait: Factus est Dominus refugium pauperi, adiutor in oportunitatibus, in tribulatione. Idem autem Deus interdum differt auxilium, ut fides in nobis crescat & exerceatur, orationis ardor excitetur, & liberatio ex diuturnis malis sit gratior atq; illustrior. Quare omnia in oratione diuina sapientiae & bonitati sunt committenda, statuendumq; certò, Deum semper exaudire nos orantes, iuxta suam uoluntatem, per filium Mediatorem, sed oportuno solum tempore declarare, nos esse exauditos à se.*

Quod est quartum? Res petenda, quae nominari & exprimi debet in oratione. Et si enim Deus melius, quàm nos ipsi, sciat, quibus rebus opus habeamus, tamen uult nos sentire nostra mala, & se tanquam autorem & datorem omnium bonorum à nobis agnosci & inuocari.

Sunt ne bona petenda à Deo, sine addita aliqua conditione? Bona spiritualia, ut sunt remissio peccatorum, liberatio ab impietate, & imperio Satanae, nominis Dei sanctificatio et augmentum regni, eiusq; uoluntatis executio, donatio Spiritus sancti, & aeternae uitae, petenda sunt à Deo sine omni conditione. Nam Deus praecipit, ut credamus haec certò nobis contingere propter suum Filium. Bona uerò corporalia, ut

est liberatio à periculis & afflictionibus seu crucce, & reliquis uitæ incommodis, petenda sunt, cū conditione uoluntatis Dei & utilitatis nostræ. Requirit enim Deus obedientiam in afflictionibus. Et, ut Paulus ad Roma. 8. inquit, quid oraturisimus, ut oportet, non nouimus.

Quod est quintum? Vt oratio nostra fiat in nomine Christi, propter quem solum nostræ preces exaudiuntur apud Deum. Christus enim intercessor & pontifex noster, interpellat pro nobis, & nostras preces suo patri offert & commendat.

Quot mouere nos debent ad orandum? Tria.

Quod est primum? Præceptum Dei: Petite, & dabitur uobis, Matth. 7. Oportet semper orare, & non defatigari, Luc. 18. Indefinenter orate, in omnibus gratias agite. Hæc est enim uoluntas Dei, in Iesu Christo erga nos. 1. Tessaloni. 5. Quibus præceptis pii debent obtemperare, ijsq; admoneri, ut libenter & sæpe orent, & statuant suas preces certò placere Deo propter Christum, etiam si sint ipsi indigni, quos Deus exaudiat, & sciāt peccare eos, qui nunquā, aut rarò orāt, nec agunt gratias Deo pro acceptis beneficijs.

Quod est secundum? Promissio Dei, Quæcunq; petieritis, credite quòd accipietis, & erunt uobis. Marci 11, Et, Inuoca

Q V A E S T I O N E S

me in die tribulationis, & eripiam te, & tu glorificabis me. Psalm. 49. Libenter igitur orare debemus, & quia Deus iussit, & nostrae preces non sunt future irritae, sed certo consequemur, quae iuxta uoluntatem Dei petiuerimus.

Quod est tertium? Neceſſitas nostra & proximi, & Ecclesiae pericula, ut sunt haereses, impia doctrina, mali mores, tyrannis impiorum, & innumerae aliae calamitates priuatae & publicae, quae omnia oratio Dominica complectitur.

Quid est oratio Dominica? Forma orandi seu inuocandi Deum, ab ipso Christo nobis tradita, summatim omnia complectens, quibus tum ad hanc uitam sustentandam, tum ad aeternam consequendam, nobis opus est.

Cur dicitur Dominica? Quod Christus Dominus noster eius autor est. Quare etiam omnibus alijs precandi formulis ab hominibus excogitatis longe est praefenda. Est enim Deo patri haec forma orandi omnium acceptissima, propter autorem Filiū suum, in quo solo, ipsi est bene placitum. Matth. 17.

Pronuncia.

Pater noster, qui es in caelis, Sanctificetur nomen tuum. Adueniat regnū tuum Fiat uoluntas tua, sicut in caelo & in terra. Panem nostrum quotidianum da nobis hodie. Et remitte nobis debita nostra,

nostra, sicut & nos remittimus debitori-
bus nostris. Et ne nos inducas in tenta-
tionē. Sed libera nos à malo. Quia tuū
est regnum, & potentia, & gloria, in se-
cula seculorum, Amen.

Quomodo diuiditur oratio Domini-
ca? In principium seu titulum, & septem peti-
tiones.

Quod est principium?

Pater noster qui es in cœlis.

Cuius nos admonet principium? Pa-
ternæ uoluntatis & amoris Dei erga nos, & præ-
standi, quæcumq; ab ipso petimus, facultatis.

Cur Deus se patrē appellat? Et, quod
paterno animo erga nos suos filios affectus sit, et,
ut nos excitet, ut apud se solum auxilium in o-
mnibus nostris periculis ac malis queramus &
expectemus.

Cur nostrum patrem? Quod nos omnes
sumus filij Dei in Christo, & ipsi inter nos fra-
tres, quorum communis est hereditas reposita in
cœlis, uita eterna.

Cur additur, Qui es in cœlis? Ut scia-
mus nobis aliū patrem, quā est hic in terris, o-
mnipotentem uidelicet, spiritualem, & eter-
num esse in cœlis, qui ubiq; sit, & adsit nobis, qui
nos & omnia creauerit, qui nos coaptatos in fili-
os suos per fidem in Christum, foueat, aliat, con-

QVAESTIONES

seruet, respiciat, & se precantes exaudiat, qui cōtra omnē uim & pericula corporis & animæ nos tueatur, quiq; nobis post hanc uitam daturus sit propter filium suum, uitam eternam in cœlis, ubi ille est, lucem inaccessam inhabitans.

Quæ est prima petitio?

Sanctificetur nomen tuum.

Quid hac petitione oramus? Vt nomē Dei per nos innotescat, glorificetur, & sanctum habeatur in toto mundo, quod tum sit, cū uerbum Dei purē docetur, et nos, ut filios Dei deet, moribus & uita nostra illud exprimimus. Nam sanctificari hoc loco significat innotescere, laudari, & prædicari. Nomen Dei significat gloriā & notitiā Dei.

Quæ est secunda petitio?

Adueniat regnum tuum.

Quid hac petitione oramus? Vt pater noster cœlestis Spiritum sanctum nobis donet, qui nos, donat a fide in Christum, à peccatis emundet, amorem sui uerbi in nobis accendat, ut illud libenter audiamus, legamus, tractemus, & in uita nostra & moribus referamus, nos in omnibus actionibus nostris regat, ut nostro exemplo & pia uita apud alios quoq; regnum Dei propagetur, ac omnes æterni regni heredes post hanc uitam fiamus.

Quæ est tertia petitio?

Fiat

Fiat uoluntas tua, sicut in cœlo & in terra.

Quid hac petitione oramus? Vt pater noster cœlestis, mundi, Satanae, & carnis nostrae mala uoluntate impedita, efficiat, ut omnes homines ipsi in omnibus rebus obediant & placeant in terra, quemadmodum angeli in cœlo ipsi semper obediunt & placent, omniaq; de uoluntate Dei, non demonis, non mundi, non hostium Euangelij & glorie Dei, fiant.

Quæ est quarta petitio?

Panem nostrum quotidianum da nobis hodie.

Quid hac petitione oramus? Vt pater noster cœlestis, pro sua, erga nos filios suos per Christum adoptatos, bonitate, det nobis omnia, quibus ad hanc uitam commodè sustentandam et colendam indigemus, ut sunt, cibus, potus, uestes, propriæ ædes, obsequens familia, & liberi morigeri, dotes ingenij, successus in studijs, pius & prudens magistratus, salubritas aëris, bona ualeitudo, pax & tranquillitas rei publicæ, deniq; ut det nobis uerbi sui, quo spiritus noster pascitur, synecram & assiduam prædicationem, & id genus alia cum corporalis, tum spiritualis uitæ præsidia, quæ cum à Deo petimus & expectamus, simul satemur, ea non nostro tantum labore aut humana industria parari, nec casu obijci nobis, sed

QVÆSTIONES

Dei esse beneficia gratuita, pro quibus ipsi gratias agere debemus.

Cur additur Quotidianum, & Hodie? Ut mediocri alimonia contenti uiuamus, nec quesita & donata à Deo per luxum & gulam profudamus, & perdamus, & ut meminerimus frequenter orandum esse, cum assidue his rebus egeamus.

Quæ est quinta petitio?

Et remitte nobis debita nostra, sicut & nos remittimus debitoribus nostris.

Quid hac petitione oramus? Ut pater noster cælestis uelit nobis assidue condonare debita nostra, propter Christum mediatorem nostrum gratuito, quemadmodum ipsi libenter & facile condonamus offensas ijs, qui nos offenderunt.

Remittit ne Deus nobis peccata propter nostram condonationem? Non, sed propter fidem in Christum. Nostra autem condonatio est certissimum signum condonationis diuine, qua fides nostra confirmatur, & certissimus nobis quoque ignosci à Deo propter Christum, quem admodum inquit Christus: Si remiseritis hominibus errata sua, remittet & uobis pater uester cælestis. Quòd si non remiseritis hominibus errata sua, nec pater uester remittet errata uestra, Matthe. 6.

Quæ est sexta petitio?

Et

Ene nos inducas in tentationem.

Quid hac petitione oramus? Ne pater noster cœlestis sinat nos induci in tentationē, in qua desperemus, sed nos defendat contra Satanae mundi, et carnis nostræ insidias, ne ab ijs decepti, in diffidentiam, desperationem, aut alia scelerata incidamus, et, si ab illis tentemur, ut nobis ad gloriam suam et nostrum profectum, in tentationibus victoriam tribuat, et ut cum tentatione faciat euentum, ut Paulus ad Corinthios ait: Fidelis est Deus, qui non sinet uos tentari, supra id, quod potestis, immò faciet unā cum tentatione euentum, quò possitis sufferre. 1. Corinth. 10.

Quæ est septima petitio?

Sed libera nos à malo, Amen.

Quid hac petitione oramus? In summa petimus, ut pater noster cœlestis liberet nos ex omnibus miserijs, ærumnis, et malis huius uitæ, et è regno Satanae, ac tandem donet nobis fœlicem discessum ex hac calamitosa uita, et defunctis uitam et iustitiam æternam.

Quomodo distinguuntur hæ petitiones? In tribus prioribus petimus bona spiritalia et æterna, quæ ad gloriam Dei et utilitatem nostram pertinent. Quatuor postremis petimus bona corporalia, quæ tamen etiam ad spiritalia et æterna consequenda sunt nobis necessaria.

Cur additur, Amen? Ne dubitemus

QVÆSTIONES

quoniam nostræ preces exaudite sint à Deo in cælis, propter Christum, etiamsi nos indigni sumus, qui exaudiamur. Amen enim Hebræis significat, fiat, aut certum, et ratum sit, quod dictum est.

Quid sibi uult clausula, Quia tuum est regnum &c.? Hæc solum in græcis codicibus legitur, Coninet autem rationem, cur prædicta bona à solo Deo petamus et expectemus, Quia ipse sit Deus, et rex omnipotens, misericors et gloriosus, cuius imperium, et uoluntatem in nobis iuuandis, nulla creatura queat impedire. Quare debet hæc clausula nostram fidem in orando confirmare, et Deum nos iuuare posse, quia sit omnipotens, et uelle etiam, quia sit noster pater elementissimus, ut ita omnem gloriam nostræ liberationis, consolationis, et auxilij, tantum potentie et bonitati Dei adscribamus, et nomen Domini gloriosum amplissimis semper laudibus celebremus.

Quid cogitare soles, cum orationem ad Deum instituis? Primum cogito, quis sit is, quem uelim inuocare seu alloqui, uidelicet, Deus uerus, omnipotens, uiuus et æternus, creator omnium rerum et conseruator, cum filio ipsius Iesu Christo, et Spiritu sancto, qui immensa bonitate se nobis patefecit, dato uerbo, et misso filio, de quo clamauit: Hic est filius meus dilectus, in quo mihi complacitum est, Hunc audite. Secundo,

dō, reuoco in mētem promissiones Dei, quōd pro-
pter suum filium Iesum Christum, mediatorem &
propiciatorem nostrum, uelit me exaudire Deus,
recipere preces meas, & regere me Spiritu san-
cto. Tertiō, persuasissimum habeo, Deum remitte-
re mihi peccata, propter suum filium, in quē cre-
do plena fiducia, & daturum mihi, quaecunq; se-
cundum ipsius uoluntatem peto, etiamsi ego sim
indignus, & aliquandiu differatur petite rei ex-
bibitio.

Dic aliquam breuem formam oratio-
nis, in qua hæc compræhenduntur.

FORMA INVOCATIONIS

Christiane.

Ego sic orare soleo:

Te, omnipotens, æterne & uiue De-
us, æterne pater Domini nostri Iesu
Christi, inuoco, qui te patefecisti im-
mensa bonitate, & clamaſti de filio tuo,
Hunc audite, conditor omnium rerum
ac conseruator, cum filio tuo coæterno,
Domino nostro Iesu Christo, & spiritu
sancto, sapiens, bone, misericors, iudex,
& fortis, miserere mei, propter Ie-
sum Christum filium tuum, quem uo-
luisti pro nobis esse uictimam, rege,
iua, renoua me spiritu tuo, rege, &

Q V A E S T I O N E S

serua Ecclesiam tuam & politias, quae
praebent hospitia ærumnosis Ecclesijs,
guberna quoq; & conserua parentes me
os, fratres & sorores, ad ipsorum salutē
& meam utilitatem, tribue etiam mihi
intellectum, & in discendo bonas lite-
ras scelicem successum, ad illustrandam
gloriam nominis tui, Amen.

FORMA GRATIARVM A- *ctionis Christianae.*

Dic similem quoq; formam gratia-
rum actionis.

Ego tibi omnipotēs Deus, æterne pa-
ter seruatoris nostri Iesu Christi, condi-
tor omnium rerum & cōseruator, cū co-
æterno filio tuo Iesu Christo & spiritu
sancto, sapiēs, iuste, et misericors DEVS,
iudex & fortis, ago gratias, quòd te no-
bis immensa bonitate patefecisti, & fi-
lium tuum misisti in mundum, quem ui-
ctimam pro peccatis nostris esse uolui-
sti, tuumq; Euangelium, et coelestem do-
ctrinam tuam dedisti nobis, & conser-
uas, atq; Ecclesiam sanctam ac perpetu-
am tibi elegisti, remittis nobis peccata,
& in misericordia nos suscipis propter
filium tuum, & certò exaudis nos & libe-
ras,

par, largiturus nobis Spiritum sanctum
& uitam æternam.

Ago quoq; tibi gratias, Domine Iesu
Christe, quòd pro nobis mortuus es, &
iustam ac horrendam iram Dei, aduer-
sus peccata nostra, in te deriuasti, et æter-
no tuo patri nos reconciliasti, à morte
resurrexisti, ut nos regeres & seruares,
tuumq; Euangelium nobis reuelasti, ut
defenderes nos, et donares nobis uitam
æternam.

Tibi quoq; , æterne sancte Spiritus,
ago gratias, qui illuminas nos, dasq; no-
bis intellectum cœlestis doctrinæ, sug-
geris nobis recta consilia, regis nos, &
pectora nostra ad uirtutes exuscitās.

DE QVARTA PARTE CA-

techismi, de Pœnitentia, Confessione,
& Absolutione.

Quæ est quarta pars Catechismi? Do-
ctrina de Pœnitentia, Confessione, et Absolutione.

DE POENITENTIA.

Quid est Pœnitentia? Est agnitio &
dolor conscientie de commissio peccato, cum cer-
ta fiducia, peccatum nobis esse remissum à Deo
gratis propter Christum. Vel, Pœnitentia est cō-
uersio peccatoris ad Christum.

QVAESTIONES

Quot sunt partes Pœnitentiæ? *Dua.*
Quæ? *Contritio siue agnitio peccatorum,*
& Fides.

Quid est contritio? *Est terror seu pauor*
conscientiæ uerè agnoscentis peccata sua, et iram
Dei, & pœnam aduersus peccata, de quo terrore
conscientiæ, Esaia 66. dicit Dominus: Ad quem
respiciam, nisi ad pauperculū, cōtritum Spiritu,
& tremetem sermones meos? Et Psalm. 50. Sa-
crificiū Deo spiritus contribulatus, cor contritū
Deus non despicies. Hunc pauorē animo incussū,
propter peccata, iram Dei, & imminentem da-
mnationem, Paulus mortificationem uocat.

Quomodo is dolor fit in animis ho-
minum? *Cū Spiritus sanctus ostendit nobis*
per legem Dei peccata nostra, iram, & horrendū
iudiciū Dei aduersus peccata.

Meretur ne hæc contritio siue dolor
remissionem peccatorum? *Non. Remissio*
enim peccatorum donatur nobis à Deo gratis,
propter Christum, eiusq; merita fide apprehen-
sa. Contritio autem, & ueri terrores, propter
peccatum conscientie incussi, pariunt desperati-
onem & odium Dei, ac tandem asferrent eternā
mortem, et perpetuum exitium homini, nisi fides
altera pars pœnitentiæ accederet, qua certò per-
suasum est nobis, remitti nobis peccata gratis,
propter filium Dei.

Quid

Quid est fides? Certa fiducia de gratuita remissione peccatorum propter Christum, quæ conscientiam nostram consolatur atq; erigit, ne in terroribus peccati ac mortis desperet, sed certò credat, sibi propter Christum remissa esse peccata. Hac fiducia quia caruerunt Caim & Iudas, non sunt consecuti remissionem peccatorum, sed desperarunt de misericordia Dei, & damnati sunt, etiamsi eos ex animo, uereq; sui peccati penituerit.

Quomodo hæc fiducia concipitur? Cum Spiritus sanctus mouet per Euangelium cor peccatoris, ut certò statuatur remissionem peccatorum sibi gratis esse donatam à Deo, propter Christum.

Qui sunt digni fructus pœnitentiæ? Timor Dei, obedientia erga Deum, charitas erga proximum, emendatio uitæ, & bona opera, quæ ad gloriam Dei, et utilitatem proximi facimus, reuocati per Spiritum sanctum, quem per fidem in Christum accepimus.

Quis est finis pœnitentiæ? Remissio peccatorum, iustificatio, donatio Spiritus sancti, & uitæ æternæ, quæ uerè pœnitentibus donatur gratis à Deo, propter Christum.

DE CONFessione,

Quid

Q. V. AESTIONES

Quid est confessio? Est, qua homo Christianus peccata sua agnoscens ex predicatione poenitentiae seu legis ea confitetur uel Deo, uel proximo, uel ministro Ecclesiae, cum uenia deprecatione, et proposito melioris uitae.

Quotuplex est confessio? Triplex.

Quomodo? Alia fit Deo, alia fit proximo, alia ministro Ecclesiae.

Quid est confessio, quae fit Deo? Est qua nos coram Deo, reos omnium peccatorum fatemur, et ueniam eorum fide petimus à Deo propter Christum, de qua Psalm. 31. Dixi, confitebor aduersum me iniustitiam meam Domino, et tu remisisti impietatem peccati mei. Et 1. Ioan. 1. Si confitemur peccata nostra, Deus fidelis est et iustus, ut remittat nobis peccata nostra, et enim det nos ab omni iniquitate.

Quid est confessio, quae fit proximo? Mutua Christianorum inter se reconciliatio, cum offensae culpam mutuò deprecantur et remittunt, de qua Iacobi 5. Confitemini inuicem alius alij delicta, et Marci 11. Cum steteritis ad orationem, remittite, si quid habetis aduersus aliquem.

Quid est confessio, quae fit ministro Ecclesiae? Est, qua peccata, quae nostram conscientiam angunt, ministro uerbi Dei reuelamus, consolationis et consilij capiendi gratia.

Quoi

Quot partes habet hæc confessio?

Duas.

Quas? Enumerationem peccatorum, quæ conscientiam nostram gravant, & absolutionem. Enumeratio omnium peccatorum non est necessaria, neque iure diuino mandata, quia ea nec à Christo precipitur, nec fieri potest, iuxta illud Psal. 19. Delicta quis intelligit: et, Ab occultis meis munda me. Non igitur enumeratione peccatorum omnium conscientia sunt oneranda. Neque enim Sacerdos absoluit cōfitentem, ut iudex, qui causam, & delicta prius cognoscit, sed ut minister, qui habet à Deo mandatum, non cognoscendi peccata, sed absolvendi omnes, quos peccati poenitet, & testantur se deinceps dignos fructus poenitentiae futuros, et credunt sibi peccata remitti propter Christum.

Quid in hac confessione inprimis spectandum est? Absolutio, seu remissio peccatorum, quam à ministro Ecclesiæ non aliter accipere, nec minus veram credere cōfitentem oportet, quàm si ipse Deus corporali præsencia conspiceret eum à peccatis absolueret. Deus enim ipse per ministrum Ecclesiæ nos absoluit, iuxta illud: Qui vos audit, me audit.

Quibus de causis ministro Ecclesiæ est cōfitendum? Primò, ut hac occasione petamus & accipiamus ab eo remissionem peccatorum

Q V A E S T I O N E S

horum, quam nobis loco Dei in absolutione certissime offert propter Christum, iuxta illud Ioan. 20. Quorumcunq; remiseritis peccata, remittuntur eis. Secundò, Vt hac priuata confessione commodius in uerbo Dei instituamur, à scrupulis conscientie liberemur, & de rudioribus Christianis fiat periculum, sint ne idonei ad percipiendam Eucharistiam, ad quam non debent admitti prorsus inexplorati & contemptores huius confessionis. Tertiò, Vt minister uerbi Dei cōscientias uerbo Euangelij consoletur, à peccatis dehortetur, & uitandi peccati det consilium.

Quomodo confiteris Deo? Cum diligenter & exactè decem praecepta percurri, & apud animum meum perpendi, quàm grauitè, & quàm saepe contra Deum peccauerim, me corà Deo de omnibus peccatis reum per ago, accusor et damno ex lege Dei, eaq; mihi remissa esse propter filiū Dei, ex ipsius uerbo certissime statuo, ac dico:

O clementissimè pater cœlestis, miser ego homo, in peccatis conceptus, & natus, confiteor coram te Deo creatore & seruatore meo, quòd multis meis, & grauib; peccatis te saepe offendi à primis annis pueritiæ meæ, usq; in hoc tempus, & fateor quoq; me nulla ratione à peccatis & æterna morte liberari posse, nisi tua gratuita cōdonatione, propter mor-

tem tui filij Iesu Christi. Ideo obsecro te mi pater, ut mihi condones omnia peccata mea propter Christum, filium tuū dilectum, & impertias mihi Spiritū sanctum, qui purificet cor meum, suaq; gratia confirmet & regat, ne in pristina peccata relabar, Amen. Vel, dico Psalmum 50. Misere mei Deus, Vel cū publicano Lucæ 18. Domine propicius esto mihi peccatori.

Quomodo cōfiteris proximo? Si quid offense interceſſit mihi cū proximo, cuius autor ipse fuerim, dico: Chariss. frater in Iesu Christo, cōdona mihi, q. nuper te uerbo, facto, cōtumelia, maledicto lesi, ego quoq; uicissim tibi libēter, & ex animo cōdono, quicquid usquā in me peccasti.

Quomodo cōfiteris ministro Ecclesiæ? Reuerēter ipsum accedo, & flexis genibus dico:

Venerabilis Domine, rogo te per Christum, ut digneris confessionem meā audire, & remissionem peccatorum mihi ex uerbo Dei annunciare. Cumq; ille respondet, libenter, pergo sic: Ego miser peccator, confiteor me coram Deo, omnium peccatorum reum esse, præcipuē autem coram te cōfiteor, me in Deum grauius peccasse, quod illum neque timui, neque amaui, neque colui, omnēque spem meam in ipso non posui, sed ingratus,

Q V A E S T I O N E S

ingratus, tanquam Deus non esset, omnia pro libidine mea egi, non ex uerbo eius studium & uitam meam comparauī, parentes, praeceptores, condiscipulos meos saepe offendi, uerbum Dei contempsi, & negligens in officio meo fui, non diligenter uerbo Dei, & bonis literis discendis incubui, in leges scholae nostrae frequenter peccaui, praeceptoribus iustum honorem non habui, tempus, & pecuniam nihil discendo perdidi, parentes & praeceptores ad iracundiam, meam perulantiam, prouocaui, confiteor etiam lasciuiam, quam in dictis & factis saepe prodidi, saepe cum meo condiscipulo rixatus sum, saepe contra parentes & praeceptores meos murmuraui, saepe eis male precatus sum, & poenitet me horum peccatorum omnium, & credo ea mihi omnia gratis condonari à Deo propter filium ipsius Iesum Christum, qui uictima factus est à Deo pro peccatis meis & totius mundi. Quare oro te, uenerabilis domine, ut me, pro officio tuo, ex uerbo Dei absoluas, & Deum pro me ores, ut posthac possim adiuuari me gratia Dei, uiuere sanctius.

DE ABSOLVTIONE.

Quid

Quid est Absolutio? Est leta annunciatio gratuita remissionis peccatorum propter Christum, quæ certa & efficax est hic in terris, non propter dignitatem ministri absoluentis, sed propter mandatum & institutionem Christi, seu potestatem clauium, quam Christus dedit suæ Ecclesie administrandam solum in hac uita, ut remissio peccatorum expressa uoce annūciaretur, aut multis, aut singulis, gratis propter se Mesiam filium Dei promissum liberatorem humani generis.

Quid est potestas Clauium? Est potestas remittendi & retinendi peccata, Ecclesie à Christo tradita, Matth. 18. Quæcunq; alligaueritis super terram, erunt ligata & in cælo, Et quæcunq; solueritis super terram, erunt soluta & in cælo. Soluere enim significat remittere peccata poenitentibus & credentibus in Christum. Ligare utrò retinere peccata ijs, qui non resipiscunt, nec credunt in Christum, His non est impertienda absolutio.

Quotuplex est absolutio? Duplex.

Quomodo? Publica & priuata.

Quæ est publica? Est, quæ minister uerbi Dei, cum publicè Euangelium annunciat in Ecclesia, omnibus qui Euangelio credunt, remissionem peccatorum prædicat & offert gratis propter Christum.

Quæ est priuata absolutio? Quæ mini

Q V A E S T I O N E S

ster Ecclesie singulis in confessione priuata, remissionem peccatorum, ex uerbo & uirtute Dei annunciat, propter Christum.

Quis est priuatae absolutionis usus? Ut per illam, tanquam uocem Dei de caelo tonantem, conscientia nostra confirmetur de remissione peccatorum, gratis donata propter Christum.

Quid in absolutione requiritur? Respondes, quia is, qui absoluitur, certissime apud se statuit, sibi remissa esse peccata in caelis, non minus uere, quam si ipse Deus uisibili praesentia, cum absoluisset, Sicut Christus absoluit Mariam Magdalenam, Mattheum, & ceteros, iuxta uocem Christi: Quorumcunq; peccata remiseritis, remittuntur eis, Et quorumcunq; retinueritis, retenta sunt. Ioan. 20.

Est ne aliqua in absolutione addenda satisfactio, seu compensatio pro peccatis? Nulla prorsus, Solus enim Christus est satisfactio & uictima pro peccatis nostris, non ulla nostra opera, aut satisfactiones. Ioan. 1. Ecce agnus Dei, qui tollit peccata mundi. Ad Ephe. 1. Christus dilexit nos, & tradidit semetipsum pro nobis, oblationem & uictimam Deo, in odorem bonae fragrantiae. Et priore Ioan. 2. Christus est propitiatio pro peccatis nostris. Interdum poenae corporales irrogamur à Deo post poenitentiam, non ut sine compensationes pro peccatis, sed ut ijs excrucietur.

erant fides nostra in inuocando Deo. Interdū
etiam ante conuersionem, poena imponantur, ut
per eam reuertamur ad poenitentiam, quae poenae
postea mitigantur, aut prorsus etiam tollantur in
terdum, propter poenitentiam, unde Zacha. 1. Cō
uertimini ad me, & ego conuertar ad uos, sed poe
na aeternae pro peccatis irrogandae, homini unā cō
tulpā remittuntur in absolutione, propter Chri
stum. Vnde Michae 7. Inquit propheta: Reuer te
tur & miserebitur nostri, Deponet iniquitates
nostras, & projiciet in profundum maris omnia
peccata nostra.

DE QUINTA PARTE CATE chismi, De Sacramentis.

Quae est quinta pars Catechismi? Do
ctrina de Sacramentis.

Quid est Sacramentum? Externum si
gnū diuinae promissionis, ac uoluntatis Dei erga
nos, ab ipso Deo institutum, ad confirmandam fi
dem nostram de remissione peccatorum.

Quot sunt Sacramenta? Dato principalia.

Quae? Baptismus, & Sacramentum altaris,
seu Coena Domini. Haec enim duo habent expre
sse adiunctam promissionem Dei de remissione pec
catorum, sicut & Absolutio, quae ob id recte eti
am inter Sacramenta refertur, Afflictiones.

QVAESTIONES

eleemosyna, oratio, pie uocationes, & bona op^{er}a etiam promissiones habent, sed bonorum corporalium, seu praesentis uitae solum, non remissionis peccatorum & gratiae Dei, ideo haec non proprie Sacramenta appellantur.

Quot sunt partes sacramenti? Due,

Quae? Elementum & promissio.

Quid est Elementum? Signum externum, seu uisibile, promissionem Dei adiunctam habens.

Quae est promissio sacramentorum? Proprie remissio peccatorum.

Quis est usus Sacramentorum? Vt Deus per ea nos ad credendum suis promissionibus de remissione peccatorum excitet, fidemque in nobis confirmet. Nam licet solus Spiritus sanctus certificet & confirmet nostram fidem, uelut tamen ad hoc externis signis, tanquam instrumentis, quemadmodum per uerbum uocale, corda nostra ad credendum mouet & excitat.

Quid in usu Sacramentorum requiritur? Fides, quae promissioni Dei in Sacramentis certo credat. Neque enim sine fide Sacramenta prosunt.

Peccant ne, qui Sacramentis, cum id possent, non utuntur? Peccant, Quia uerbum Dei, & eius institutionem negligunt, & contemnunt.

Prosunt

Profunt ne Sacramenta, per malos ministrata? Profunt, Nam Sacramenta efficacia sunt in credencibus, propter mandatum et ordinationem diuinam, non propter dignitatem et sanctimoniam eorum, qui Sacramenta ministrant, ne conscientie de promissione Sacramentorum redantur incertae, id quod futurum certò erat, si Sacramentorum uis et energia, hoc est, remissio peccatorum, penderet ex dignitate, seu uita moribus ministrantis Sacramenta. Nam semper dubitari potest de ministro, an satis sit pius, et an Deo placeat, uerèq; in Christum credat. Vnde Augustinus in 10. cap. 1. Sint, inquit, ministri boni, si uolumus: si noluerint esse iusti, securum me fecit magister meus, de quo spiritus eius dixit: Hic est, qui baptizat. Retinuit sibi Dominus potestatem baptizandi, seruis ministerium dedit.

DE BAPTISMO.

Quid est Baptismus? Est aqua gratiae et regenerationis, uerbo seu promissione et mandato Dei inclusa, quo offertur ijs, qui baptizantur, adoptio filiorum Dei, remissio peccatorum, iustificatio, donatio Spiritus sancti, et uita aeterna. Vel, Baptismus est diuinum signaculum, quo Deus pater per Christum filium suum, unà cum Spiritu sancto promittit ei, qui baptizatur, remissionem peccatorum, et adoptionem in filium Dei, ac hereditatem bonorum coelestium. Nontantum

QVÆSTIONES

Enim Baptismus est ceremonia seu externa nota, qua à reliquis hominibus discernimur, sed est signum uoluntatis Dei erga nos, quo Deus testatur, se nos recipere in gratiâ, ac nobis remittere peccata propter suum Filium, et nos se inuocantes exaudire, et donare nobis Spiritum sanctum, qui nos sanctificet, gubernet, et nouam et eternam uitam in nobis inchoet. Vnde Paulus Baptismum

Ti. 3. 1. Pet. 3. appellat lauacrum regenerationis, et Petrus, patrum bonæ cōscientiæ erga Deum, quod baptizati certò statuere debent se receptos iam esse in gratiam à Deo propter ipsius filium.

Quod est uerbum seu promissio Baptismi? Qui crediderit et baptizatus fuerit saluus erit: Qui uerò non crediderit, condemnabitur. Marci ultimo.

Quod est mandatum de Baptismo? Euntes, docete omnes gentes, baptizantes eos in nomine patris, et filij, et Spiritus sancti. Matth. ultimo.

Quod est Elementū Baptismi? Aqua, uerbo Dei coniuncta, et per illud sanctificata.

Quæ est promissio Baptismi? Remissio peccatorum, iustificatio, et donatio Spiritus sancti, et uite eterne.

Quis est usus Baptismi? Ut per eius ministerium Christiana Ecclesia inseratur, adoptio

uerfiliorum Dei confequamur, regeneremur, fidem noſtram de remiſſione peccatorum confirmemus & exerceamus, accipiamusq; Spiritum ſanctum, cuius auxilio adiuti, ueterem hominem, hoc eſt, concupiſcentiam, unâ cum peccatis per totam uitam, mortificemus, & uincamus.

Suntne adhuc obnoxij peccatis, qui ſunt baptizati? Peccata quidē omnia in Baptiſmo nobis condonantur propter Chriſtum, quem in Baptiſmo induimus, ſed concupiſcentia carnis ad peccandum, in nobis remanet. Inquit enim diuus Auguſtinus: Remittitur concupiſcentia car- Libro 9.
nis in Baptiſmo, non, ut non ſit, ſed ut in peccatis contra Io-
tum non imputetur. Per Spiritum autem ſanctum uianum.
contra illam concupiſcentiam quotidie ſancti pugnam, & per poenitentiam quotidianam, tollere & penitus eam extingueri conantur, quæ pugna ſpiritus & carnis, ad mortem uſq; durat, ubi tandem uetus Adam, & omnia peccata in nobis abolebuntur. Quare & diuus Paulus ait Roma. 8. Nulla eſt condemnatio his, qui inſiti ſunt Chriſto Ieſu, qui non iuxta carnem uerſantur, ſed ſecundum ſpiritum. Tollitur igitur in Baptiſmo reatus ſiue imputatio peccati, ne ſcilicet demnet peccatum credentes in Chriſtum. Morbus uerò naturæ pugnans cum lege Dei, in natura hominis, etiam credentis, manet, contra quæ morbum reluctantur p̄i omni uita, iuxta

Q V A E S T I O N E S

Hoc Pauli ad Gala. 5. Caro concupiscit aduersus Spiritum, Spiritus aduersus carnem, Morbum hunc scholastici doctores uocant materiale peccati originis, reatum uerò, siue imputationem, formale eius.

Cuius nos Baptismus admonet? Poenitentiae, per immersionem in aquam: & remissionis peccatorum, seu uitae nouae ac sanctae, per reditum ex aqua. Immersio enim in aquam, significat ueterem hominem submergi, & mari, cum peccatis & malis concupiscentijs. Emergio uerò seu reditus ex aqua, significat nouum iam esse hominem, qui ablutus à peccatis, & reconciliatus Deo per sanguinem Christi, deinceps in sanctitate & iustitia coram Deo uiuiturus sit in eternum. Vnde Paulus Roma. 6. Sepulti igitur sumus unà cum Christo per Baptismum in mortem, ut, quemadmodum excitatus est Christus ex mortuis per gloriam patris, ita & nos in nouitate uitae ambulemus.

Quoties Baptismo utendum est? Semel in uita, neque enim ceremonia iterari debet, sed uita & meditatio Baptismi, assidua esse debet, et omni uita durare, & cum nomina nostra audimus, debemus in memoriam reuocare, Deum nos olim in Baptismo recepisse in gratiam, & nobis uerè remisisse peccata, & donasse Spiritum sanctum.

Quis Baptismi uere redditur particeps?

Ques

Qui promissioni Dei de remissione peccatorum, donatione Spiritus sancti, & uitæ æternæ in Baptismo oblata, firmiter credit.

Superest ne remissio peccatorum prolapsis in peccata post Baptismum? Etiã, Nam Deus per Ezechielem, cap. 33. ait: Viuo ego, dicit Dominus, Nolo mortem impij, sed, ut conuertatur impius à uia sua, & uiuat, & Christus Lucæ 15, ait: Gaudium est Angelis Dei super uno peccatore pœnitentiam agente. Et diuus Petrus: Patiens est erga nos Deus, dum non uult ullos perire, sed omnes ad pœnitentiam recipere, 2. Petri 3. Et omnes pij orant quotidie: Dimitte nobis debita nostra, Et Dauid, Manasse, Petrus, & multi alij consecuti sunt remissionem peccatorum, pœnitentiam agentes. Blasphemis uerò, & obstinatis, non restat remissio peccatorum, donec contra conscientiam in peccatis perseuerant, & persequuntur uerbum Dei.

Est ne aliquod discrimen inter Baptismum & Sacramentum altaris, siue cœnam Domini? Est sanè.

Quodnam? Baptismus præcipuè institutus est, ut semel accipiat in signaculum filiorum Dei, & hereditatem omnium bonorum cœlestium, quæ Christus nobis promeruit. Sacramentum altaris, seu cœna Domini instituta est, ut sæpe accipiat in signaculum remissionis peccatorum in

QVAESTIONES

que post Baptismum rursus prolapsi sumus, ne conscientie ad desperationem adigantur.

Errant ne, qui infantibus Baptismum interdiciunt? Errant.

Quibus hoc argumentis probas? Et
 Levi. 17. quia Baptismus successit circumcisioni, quæ fiebat octavo die, nato puero: & quia sancta Eccle-
 Or. Ro. 6. sia iam multis annis, inde ab Apostolorum tem-
 Matt. 19. pore, infantes baptizauit, & quia Christus dicit:
 Mar. 10. Sinite paruulos uenire ad me, nam illorum est re-
 gnum cælorum. Et, Non est uoluntas coram pa-
 tre meo, qui in cælis est, ut pereat unus de pusillis
 istis. Qui duo loci clarissime testantur, ad pueros
 etiam pertinere regnum Dei, & promissionem
 Euangelij, cuius participes fieri non possunt, nisi
 per Baptismum recipiantur in Ecclesiam, extra
 quam nulla est salus. Nam ea est regnum Christi,
 in qua Christus est efficax per uerbum et sacra-
 menta. Quemadmodum igitur Iudeorum infan-
 tes circumcidebantur, & circumcisi placebant
 Deo: ita quoque Christianorum infantes sunt bap-
 tizandi, & baptizati placent Deo. Nam utriusque
 sacramenti, circumcisionis & Baptismi, eadem est
 significatio et finis, ut sint uidelicet signum gra-
 tie promissæ propter Christum, & carnis nostre
 mortificandæ. Vnde Paulus Circumcisionem si-
 gna culum iustitiæ fidei uocat, ad Roma. 4. Non
 sunt itaque arcendi infantes à Baptismo, sed cura-
 dum,

dum, ut quamprimum hoc signo accepto, membra
fiant Ecclesie & Christi, & Deus promissionem
suam de remissione peccatorum eis impertiat.

DE SACRAMENTO ALTA- ris, seu cœna Domini.

Quid est Sacramentum altaris? Verū
corpus, & uerus sanguis Domini nostri Iesu Chri-
sti, sub pane & uino, ab ipso Christo ideo institu-
tum, ut Christiani id manducarent & biberent,
ad fidem suam de remissione peccatorum confir-
mandam, & ad memoriam Christi recolendam.

Quid est cœna Domini? Est diuinum
signaculum, quo Christus uerè & presentialiter
nobis offert corpus & sanguinem suum, ut certi-
ficet nos de remissione peccatorum & uitæ æ-
ternæ.

Quæ sunt uerba, quibus Christus Sa-
cramentum Altaris, seu cœnam suam
instituit? Hæc sunt:

Dominus noster Iesus Christus, in ea *Mat. 26.*
nocte qua traditus est, accepit panem, et *Mar. 14.*
postquam gratias egisset, fregit, et dedit *Lucæ 22.*
discipulis suis, dicens: Accipite, comedi-
te. Hoc est corpus meum, quod pro uo-
bis datur. Hoc facite in mei commemo-
rationem. *1. Cor. 11.*

Similiter & postquam cœnauit, ac-
cepto

Q V A E S T I O N E S

ce pro calice, cum gratias egisset, dedit illis, dicens: Bibite ex hoc omnes, Hic calix nouum testamentum est, in meo sanguine, qui pro uobis effunditur in remissionem peccatorum. Hoc facite quotiescunq; biberitis, in mei commemorationem.

Quot sunt in his uerbis consideranda? Duo.

Quæ? Primò, Quid Christus nos iubeat facere, deinde quid iubeat nos credere.

Quid iubet nos facere? Vt edamus suum corpus, & bibamus suum sanguinem, idq; in sui commemorationem, ut uidelicet annunciemus mortem Domini, donec ueniat, sicut Paulus interpretatur.

Quid iubet nos credere? Primò, sub pane uerè et præfemialiter esse suum corpus pro nobis passum & crucifixum: sub uino, uerè et præfemialiter esse suum sanguinem pro nostris peccatis effusum. Nam Deus uerus est & omnipotens, ideo facere potest, quæcunq; uult, & ut Paulus inquit Roma. 4. uocat ea, quæ non sunt, ut sint, & Psalmo 32. Ipse dixit, & facta sunt, ipse mandauit, & creata sunt. Secundò, suum corpus pro nobis esse in mortem traditum, & sanguinem suum effusum in remissionem peccatorum nostrorum. Hoc certò nos credere oportet. Nam sine
hac

hac fide nihil prodest uti hoc Sacramento. Ter-
tio, Omnes homines natura filios esse iræ, ut Pau-
lus inquit, conceptos & natos in peccatis, ideoq; Ephe. 2.
in æternum damnandos, nisi Christus filius Dei, Psal. 50.
homo factus, nos Deo patri, sua morte reconcili-
asset.

Quis est usus Sacramenti altaris? Ut
utentes, memoriam redemptionis nostræ factæ
per Christum, renouemus, fidemq; nostram de re-
missione peccatorum, donata gratis, propter
Christum, confirmemus. Cum enim manducamus
Corpus Christi, & bibimus eius Sanguinem, sicut
ipse instituit, certò statuere debemus, nos mem-
bratius esse, pro quibus sit factus homo, passus &
mortuus, pro quo ineffabili beneficio semper illi
gratias agere debemus, & charitatis officia ex-
ercere erga proximum, quemadmodum ipse nos
dilexit, & seipsum tradidit pro nobis. Roma. 8.

Quis dignè sumit hoc Sacramentum?
Qui peccata sua ex lege Dei uerè agnoscit & de-
testatur, & statuit meliora præstare, atq; his uer-
bis, pro uobis datur, & pro uobis effunditur in
remissionem peccatorum, firmiter credit.

Quis indignè sumit? Qui non agit pœni-
tentiam, nec credit sibi peccata condonari pro-
pter Christum. Vnde Paulus grauißima cõmina-
tione usus est aduersus eos, qui indignè sumunt, 1. Cor. 11.
inquitens; Quisquis ederit panem hunc, aut biberit
de

QVAESTIONES

de poculo Domini indignè, reus erit corporis & sanguinis Domini. Item: Qui edit, aut bibit indignè, iudicium sibi ipsi edit & bibit, non diiudicans corpus Domini &c. Ideo manifestis criminibus obnoxij, ad hoc Sacramentum non sunt admittendi, nisi testentur se agere poenitentiam & credere in Christum.

Quot requiruntur in usu Sacramenti Altaris? Tria.

Quæ? Agnitio peccatorum, uitæ emendatio, & fides, qua certò credimus Christum corpus suum pro nobis in mortē tradidisse, & sanguinem suum effudisse in remissionem peccatorum nostrorum.

Quando Sacramento Altaris est uti-
dū? Cū conscientia nostra a peccatis angitur, & certa esse de remissione peccatorum desiderat.

Quot mouere nos debent ad sumendum Sacramentum Altaris? Tria.

Quod est primum? Præceptum Dei, Nam inquit Christus: Edite, bibite, & hoc facite in meam cōmemorationem, Quibus uerbis obtēperare debemus, & hoc Sacramento, ad cōfirmationem nostræ fidei, frequēter uti. Quoties uerò, & quotēpore id fieri debeat, Christus cuiq; liberū reliquit.

Quod secundū? Promissio, pro uobis datur, & pro uobis effunditur in remissionē peccatorū.

Quod est tertium? Nostra necessitas. Quotidie enim peccamus, & opus habemus aspi-

dua remissione peccatorum, & nostræ fidei, quæ
hanc facile simplici uerbo credit, confirmatione,
quæ cum nobis in hoc Sacramento promittantur
& offerantur, sepe eo uti debemus.

Quid oras ante communionem? Dico sic:

O clementissime Domine Iesu, da quæ
so, ut tuum sanctissimum corpus & pre-
ciosissimum sanguinem dignè accipiam,
ad confirmandā fidem meam de remissi-
one meorum peccatorum, & accenden-
dam & augendā dilectionem erga pro-
ximum, Amen.

Quid oras post communionem? Di-
co, flexis genibus:

Agō tibi gratias Domine Iesu Chri-
ste, pro tua ineffabili charitate, quòd ge-
nus humanum per tuam passionem &
mortem, ab æterna morte & damnatio-
ne redimere dignatus es, & oro te, ne pa-
tiaris hoc tuū sanctissimum corpus pro
me frustra in mortem traditū, & hunc sa-
cro sanctū sanguinem tuū effusum esse,
sed tuo corpore semper pascas animum
meum, tuo sanguine uiuifices spiritum
meum, ut paulatim adolescens uirtutū
auctibus, efficiar idoneum membrū cor-
poris tui mystici, qd est ecclesia, Amen.

DE CHRISTIANA VOCATIONE.

Quid

Q V A E S T I O N E S

Quid est Christiana Vocatio? *Genus uitae, quod uerbo & mandato Dei nititur.*

Quod est uerbum & mādātum deuocatione? *In sudore uultus tui uesceris panem tuum, Gene. 3. Et unusquisq; in eo, in quo uocatus est, maneat apud Deum. 1. Cor. 7.*

Quotuplex est Vocatio? *Duplex.*

Quomodo? *Ecclesiastica & Politica.*

Quid est uocatio Ecclesiastica? *Munus docendi Euangelium & administrandi Sacramēta Ecclesiae, quae summa & amplissima est in terris functio, cui iungendum est & munus instituendi iuuentutem, & diligentia discendi bonas literas, quibus Ecclesia in tradenda & explicanda doctrina Euangelij opus habet.*

Quid est uocatio Politica? *Quodcumq; munus, quo constituuntur, administrantur, et conferuntur res publicae, & adiuuatur proximus, ut est uocatio magistratuum, cura alenda familiae, educandi & recte instituendi liberos, seruorum conditio, omniaq; honesta artificia, quibus uita humana carere non potest.*

Quot in Vocatione requiruntur? *Duo.*

Quae? *Primum, ut nitatur uerbo & mandato Dei, sine quo omnia genera uitae, quantumuis sancta in speciem, sunt impia, nec placent Deo. Secundum, ut sint destinata ad propagandam & illustrandā gloriam Dei, et ad iuuandū proximum.*

Quis

Quis esse debet cuiusq; uocationis finis? Propagatio gloriæ Dei, & utilitas proximi. Omnes enim homines ad hoc diuinitus uocati sunt, ut suo quisq; loco aliquid studij seu operæ conferat ad illustrandam gloriam Dei, & adiuuandum proximum. Et hic finis esse debet omnium nostrarum actionum.

Sunt ne bona opera dicenda, quæ fiunt iuxta piam uocationem? Sunt, & quidē longē optima, & Deo gratissima. Talia enim opera soli Deo placent, & sunt uera sacrificia, & hostiæ spirituales, quas Deus à suis requirit, et eis præmijs corporalibus & spiritualibus ornat. Id quod omnes pios adhortari debet, ut diligenter officia suæ uocationis quisq; faciat, & de sua uocatione pia, quantumuis humili & contempta coram mundo, magnificè iudicet ac sentiat.

Est ne pia uocatio eorum, qui dant operam bonis literis? Non solum ea pia est & sancta, sed Ecclesiæ docendæ & administrandis rebus publicis summè necessaria. Nā sine literis sacra scriptura & leges intelligi, & tradi alijs non possunt, nec ulla pars uitæ honestè coli, institui, & gubernari. Quare gratissimum cultum Deo præstant, & plurimis præmijs & in hac uitâ, & futura exornabuntur studiosi adolescenti, qui sedulam operam bonis literis discendis impendunt, ut aliquando Ecclesiæ utilitati, & rei

Q V A E S T I O N E S

publicæ emolumento esse possint. E contra, gravissimas pœnas Deo dabunt ignavi, qui literarum studio à parentibus aut alijs destinati, sectantur otia, negligunt occasionem discendi, & tempus, quod studijs est ipsis concessum, perdunt in ignavia & otio. Remitem gratam Deo faciunt illi parentes, qui suos liberos bonis ingenijs præditos, studio literarum dedunt: peccant contra illi, qui vel per licentiam liberos corrumpunt, vel propter opes cumulandas eos abdicant literis, & manualijs opificijs adiungunt, quod uerè sacrilegium dicendum est. Nam bona ingenia, & apta studijs, Ecclesiæ & rebus publicis scelestè depredantur.

DE CRUCE.

Quid est Crux? Quælibet afflictio, nobis certo consilio & uoluntate Dei imposita.

Quotuplex est crux? Triplex.

Quæ est prima? Persecutio iustorum, quam patiuntur propter confessionem Euangelij & iustitiæ, de qua Matthæ 5. Beati qui persecutionem patiuntur propter iustitiam, quoniam illorum est regnum cælorum. Et 1. Timo. 3. Omnes qui uolunt piè uiuere in hoc seculo, persecutionem patientur. Et 1. Petri 4. Si probis affligimini in nomine Christi, beati estis.

Quæ est secunda? Afflictio, quam Deus nobis immittit, uel, ut nos reuocet ad pœnitentiã, & peccati reliquias in nobis mortificet, uel, ut

per eam gloria Dei fiat illustrior, qualis crux fuit Lazari, Lucæ 16. & cæci, Ioan. 9.

Quæ est Tertia? Poena facinorosorum, quam patiuntur propter admissa flagitia, de qua 1. Pet. 4. Ne quis uestrum affligatur, ut homicida, aut fur, aut facinorosus, quæ tamen crux, si à penitentibus toleratur æquo animo, & fide in Christum, est sancta, sicut supplicium latronis penitentis cum Christo in cruce. Lucæ 23.

Quot sunt Crucis species? Due.

Quæ? Crux externa & interna.

Quæ est Crux externa? Quæ toleratur corpore, seu bonis externis, ut est persecutio propter iusticiam & confessionem Euangelij, famines, paupertas, exilium, cruciatus, orbis liberorum, caritas annonæ, mala ualetudo, mors denique ipsa corporalis, quæ omnium calamitatum finis est, & uia ad uitam & gloriam cœlestem.

Quæ est crux interna? Tentatio spiritus sancti seu tristitia cordis, quæ etiã sancti interdum affliguntur, cum sentiunt iram Dei in afflictionibus, qualis tentatio fuit Christi, cum exclamaret in crucis, Deus meus, Deus meus, quare me dereliquisti?

Quis est usus crucis? Ut Deus nos per Mat. 27. eam reuocet ad penitentiam, & ad cognitionem nostræ infirmitatis perducatur, peccatum in nobis mortificet, fidemque nostram probet &

QVAESTIONES

exerceat, & gloria Dei per nos innotescat altius,
& fiat illustrior.

Quot consolari nos debent in cruce? Quatuor.

Quod est primum? Voluntas Dei, quod non affligimur casu, sed certo consilio & permissione Dei, iuxta hoc Matthaei 10. Capilli uestri omnes numerati sunt, & 1. Reg. 32. Dominus mortificat & uiuificat.

Quod est secundum? Mandatum Dei. Vult enim Deus, ut sui exerceantur cruce, & varijs afflictionibus in hac uita, ut similes facti imaginis sui filij, cum ipso glorificentur. Roma. 8. Ideo praestanda est Deo obedientia in afflictionibus, & peccatum est indignatio, seu impatentia in cruce seu afflictionibus.

Quod est tertium? Afflictiones non esse signa irae Dei, sed paterni amoris & uoluntatis Dei erga nos, iuxta illud Prouer. 3. Quem diligit Dominus, hunc corripit. Et Apocaly. 3. Ego quot diligo, arguo & castigo.

Quod est quartum? Promissio auxilij & liberationis, quam Deus promisit suis, Psal. 49. Inuoca me in die tribulationis, et ego eripiam te, & tu glorificabis me.

Sunt ne afflictiones dignae uita aeterna? Nō. Sola enim mors Christi est precium uitae aeternae, non nostra ulla opera, aut passionēs. Et Paulus

in Roma. 6. uitam eternam, donum Dei uocat,
 & capite octauo inquit: Reputo non esse pares
 afflictiones presentis temporis ad gloriam, quæ
 reuelabitur erga nos.

DE BONIS OPERIBVS.

Quot partibus uita Christiana con-
stat? Duabus.

Quibus? Fide, & bonis operibus, iuxta
 illud Pauli, 1. Timoth. 1. Summa mandati est, Dile-
 ctio ex corde puro, conscientia bona, & fide non
 simulata.

Quid est Fides? Certa fiducia, qua sta-
 tutum, Deum nobis esse propitium gratis pro-
 pter Christum.

Quis est usus fidei? Ut per ipsam ap-
 prehendamus misericordiam Dei promissam pro-
 pter Christum.

Quis est fructus, seu effectus fidei? Re-
 missio peccatorum, iustificatio, pax conscientie,
 & bona opera.

Quæ sunt bona opera? Quæ à Deo in
 Decalogo præcepta sunt, ad gloriam Dei, utilita-
 tem proximi, & carnem coercendam. Nam tra-
 ditiones humane, & cultus electitij, non sunt bo-
 na opera dicenda, sed cultus inutiles, quibus fru-
 stra Deus colitur, iuxta illud: Frustra me colunt
 mandatis hominum, Matth. 15.

Quotuplicia sunt bona opera? Duplicia.

QVÆSTIONES

Quomodo? Interna, & externa.

Quæ sunt Interna? Motus interiores animi, consentientes legi Dei, quos Spiritus sanctus, per fidem ex uerbo Dei, in nobis creat & excitat.

Qui sunt illi motus? Timor & dilectio Dei, fiducia erga Deum, inuocatio Dei, patientia, charitas erga proximum, beneficentia, castitas, ueritas, & similes uirtutes utriusq; tabula Decalogi.

Quæ sunt externa? Officia ciuilia, quibus coram mundo fidem nostram testamur & exercemus, adiuuamus proximum, carnemq; nostram domamus.

Quæ sunt talia? Celebratio & conseruatio ceremoniarum, quæ diuinitus sunt instituta, diligentia in obeunda uocatione, obedientia erga magistratum, temperantia, sobrietas, liberalitas, elemosynæ, preces, ieiunia, ceteraq; exercitia corporalia.

Quis est usus bonorum operum? Ut Deus per ea glorificetur, proximus adiuuetur, et caro nostra reprimatur.

Quomodo fiunt bona opera? Cum spiritus sanctus, fide concepta, gratis remissa esse nobis peccata propter Christum, mouet & impellit per uerbum Dei corda nostra, ut ultro obediamus legi Dei. Neq; enim sine Spiritu sancto uerè time-

Deus aut diligimus Deum, non ipsum inuocamus, non ei confidimus, nec ex animo officia charitatis prestamus proximo. Externa opera legis humana ratio seu uoluntas utcumq; prestare potest sine Spiritu sancto, ut Hypocrita magnifica opera coram mundo faciunt, quæ tamen opera Deo non placent, quia fiunt sine fide in Christum, iuxta illud Roma. 14. Quod non est ex fide, peccatum est, Itē: Sine fide fieri nō potest, ut quis Deo placeat. Ia. 11.

Propter quid bona opera placēt Deo? Propter solam fidem in Christum, non propter suam dignitatem aut perfectionem. Sunt enim nostra opera imperfecta et immunda, nec satisfaciunt legi propter reliquias peccati, quæ adhuc in nobis herent, sed quia persona placet Deo propter Christum, ipsum quoq; opus, etiamsi sit imperfectum, Deo placet, non sua dignitate, sed fide in Christum.

Quot mouere nos debent ad benè operandum? Quinq;.

Quod est primum? Necessitas, quia Deus precepit ut sibi obediamus, et oportet nouam uitam in nobis inchoari, fidemq; nostram probari et exerceri bonis operibus, iuxta illud: Fides fit per charitatem efficax, et fides sine operibus mortua est. Gala. 5.
Iacob. 2

Quod est secundum? Dignitas bonorum operum, per ea enim Deus glorificatur.

Q V A E S T I O N E S

Et sunt dona Spiritus sancti, & signa, quae admo-
nent nos de uoluntate Dei, & testantur nobis con-
tingere remissionem peccatorum, & alia benefi-
cia diuina, iuxta hoc : Remittite, & remittetur
uobis .
Luce 6.

Quod est tertium ? Praemia corporalia
& spiritalia, quae Deus promittit bonis operi-
bus, quemadmodum Christus inquit: Merces ue-
stra copiosa est in caelis, & Paulus 2. Timo. 4. Pi-
etas promissiones habet praesentis uitae et futurae.
Matt. 5.

Quod est quartum ? Exercitium fidei.
Cum enim alijs benefacimus, statuere debemus,
quod Deus nobis quoque ignoscat, nosque premijs
temporalibus & aeternis ornare uelit, non, quia
opera nostra per se digna sunt remuneratione,
sed quia Deus ex gratia sua operibus, quae ex fi-
de facimus, remunerationem promissit.

Quod est quintum ? Auxilium & pre-
sentia Spiritus sancti, qui nobis bene operantibus
adest, nos adiuuat & custodit, ne in errores, aut
flagitia pertrahamur, quod beneficium Dei nulla
uox humana satis eloqui potest.

Merentur ne bona opera uitam aeter-
nam ? Non. Nam uita aeterna nobis donatur
gratis propter Christum, non propter ulla nostra
opera. Vnde Paulus ad Rom. 6. Vitam aeternam,
donum Dei uocat, inquit : Stipendium peccati
mors. Donum autem Dei, Vita aeterna, per Iesum
Christum

Christum Dominum nostrum. Vocatur interdum *Matt. 5.*
 vita eterna merces, non quòd debeatur nobis pro
 pter dignitatem nostrorum operum, sed quia De
 us promissit eam se nobis daturum tãquam iustis,
 si in Christum credimus.

Quæ sunt mala opera? Quæ contra
 mandatum Dei fiunt.

Quotuplicia sunt? Duplicia.

Quomodo? Interna & externa.

Quæ sunt interna? Motus interiores
 animi, dissidentes à lege Dei.

Qui sunt isti motus? Contemptus &
 odium Dei, dubitatio de misericordia Dei, fidu
 ciæ creaturarum & propriæ iustitiæ, & reliqua
 vitia interna.

Quæ sunt externa? Peccata, quibus glo
 ria Dei deformatur, & læditur proximus.

Quæ sunt? Blasphemie & prophanati
 ones nominis Dei, cultus impij, contemptus & ne
 gligentia ceremoniarum, seditiones, homicidia,
 adulteria, scortationes, testimonia falsa, menda
 cia, & id genus alia peccata externa.

Quot nos deterrere debent à peccatis,
 seu malis operibus? Tria.

Quod est primum? Dilectio Dei. Quia
 enim Deus tantopere nos dilexit, ut proprio suo
 filio non pepercerit, sed pro nobis omnibus tradi
 dit illum, *Roma. 8.* Cavere nos quoq; debemus, ne

QVAESTIONES

tam misericordem & propitium patrem nostris peccatis offendamus, sed magis diligamus & reueremur in omnibus actionibus nostris.

Quod est secundum? Ira Dei aduersus peccata, quam in se concitant, qui peccatis ultro indulgent contra conscientiam. Non autem constituit nos Deus, ut iram nobis concitemus, sed ut salutem consequamur per Dominum nostrum Iesum Christum. 1. Thessa. 5.

Quod est tertium? Poenae peccati corporales, ut sunt egestas, caritas annonae, bella, varia genera morborum, mors immatura & subitanea, & aliae innumerae calamitates. Et spirituales, ut sunt, ira Dei, caecitas seu induratio mentis, conscientiae intranquillitas, priuatio Spiritus sancti, extinctio fidei, & aeterna damnatio, seu cruciatus perpetui in omnibus qui non resipiscunt.

DICTORVM BRE-

uis repetitio & usus.

Quid summatim in Catechismo haecenus traditum est? Quid Deus nos facere & omittere uelit, Quidq; de Deo, ut seruemur, credere nos oporteat. Quomodo sit orandum, poenitendum, confitendum, & utendum ab-
solutione. Quomodo fides nostra sit confirmanda

Sacra

Sacramentis, exercenda pia uocatione, afflictio-
nibus & bonis operibus.

Quis est horum omnium usus? Ut
Deo prestemus obedientiam, peccata nostra agno-
scamus per legem Dei, utq; pœnitentiam agentes,
credamus peccata nobis à Deo gratis condona-
ri propter Christum, & hanc fidem augeamus
oratione, confirmemus Sacramentis, exerceamus
afflictionibus, testemurq; bonis operibus, quò ita Tit. 2.
sobriè, iustè & piè uiuentes in hoc seculo, conse-
quamur adoptionem filiorum Dei, remissionem
peccatorum, iustificationem, Spiritum sanctum,
& uitam æternam, per Dominum nostrum
Iesum Christum, qui dedit semet-
ipsum pro nobis, Amen.



QVAESTIONCVLARVM
de Christiano Catechi-
sino, Finis.

EXE

EXEGETES BREVIS. SIMAE, VERBORVM . AG

*Phrasium, quinque partium Catechismi, per
Questiones, ad textum melius intelli-
gendum, per utiles pueris.*

Q Væ est prima pars Catechismi
Decalogus, siue Decem præcepta.

Quid sonat Decalogus? Decem præ-
cepta, siue decem uerba, à δέκα, id est, decem, &
λόγος, id est, uerbum seu sermo.

Dic primum præceptum Decalogi.
Ego sum Dominus Deus tuus, qui te
eduxi è terra Aegypti. Non habebis De-
os alienos coram me.

Quis hæc loquitur seu præcipit? De-
us æternus & omnipotens.

Quid est Deus? Est mens æterna, intelli-
gens, omnipotens, sapiens, iusta, uerax, & bona,
seu benefica, quæ se uerbo suo, & misso filio, pa-
tescitur mundo, una in essentia, trina in personis,
Deus Pater, Filius, et Spiritus sanctus, quæ omnia
condidit ex nihilo, eademque adhuc conseruat &
sustentat uerbo suo, nosque exaudit per filium, ex-
pressam imaginem suam, factum pro nobis homi-
nem, & inchoat in uobis nouam uitam & lucem,
timorem Dei, fidem, & alios bonos motus per Spi-
ritum sanctum, qui ab utroque, & Patre & filio
eius procedit ab æterno.

Cur

Cur addidit, Ego? Vt gentium Idola excludat, seq; solum uerum Deum esse doceat.

Cur addit, Sum? Vt se immutabilem et aeternum esse ostendat.

Cur se uocat Dominum? Vel, quod omnium rerum dominum solus obtineat in caelo et in terra, nosq; contra hostes nostros tueri facili possit, Vel, quod constans et uerus sit, in suis promissionibus ac minis, Nam Dominus Hebraeis a similitudine dicitur.

Cur addit, Tuus? Vt testetur se nostri curam agere, et uelle nos exaudire, iuuare et saluare.

Cur addit, Qui te eduxi è terra Aegypti? Vt Iudei admonerentur hoc opere, seu mirabili liberatione sua ex Aegypto, se uerum Deum, non Idolum aliquod gentilium, in his mandatis seruandis colere.

Quid est Deum eduxisse Israelitas ex Aegypto? Est liberasse eos per Moysen ex domo seruitutis Pharaonis regis Aegypti, sub cuius Tyrannide fuerunt oppressi. Hæc admiranda liberatio populi Iudaici, figura fuit spiritualis liberationis, qua per Christum liberati sumus à morte, peccato, et Tyrannide Diaboli. Et quem admodum Iudei inuocabant eum Deum, qui Israelitas ex Aegypto liberauit mirabiliter, ita et nos

QVAESTIONES

nos eundem Deum colere & inuocare debemus, qui nobis suum filium misit, & nos per eum liberauit è regno Satanae, peccati ac mortis.

Quid est habere Deum? Est uero & aeterno Deo, qui caelum & terram creauit ex nihilo, & se dato uerbo & misso filio patefecit mundo, toto pectore confidere.

Quid habere Deum alienum? Fidere creaturis, & ab eis opem ac salutem expectare. Nam illud cuiq; Deus est, quod toto pectore ti met & colit.

Dic secundum Præceptum.

Non assumes nomen Domini Dei tui in uanum.

Quid est nomen Domini seu Deitatis honorifica de Deo fama, seu celebratio ueritatis, omnipotentia & misericordiae.

Quid est assumere nomen Domini in uanum? Est ab utroque ad res uanas & peruicinas proximo, falsò per illud iurare, imprecari mala alijs, execrari, serere & defendere impias doctrinas & cultus, prætendere nomen Dei, religionis, Euangelij, iniustis cupiditatibus, ambitioni, auaritia, libidimbus & odijs.

Dic tertium Præceptum.

Sabbatum sanctifices.

Quid est Sabbatū? Quilibet dies, quo publice uacatur, gratia audiendi uerbi Dei et admini
strandi

DE CATECHISMO.

fratrum sacramenta, et inuocationis publicae causa.

Quid est sanctificare diem sabbatum?
Est ipsum in res seu actiones sanctas collocare,
non otio transigere. Sunt autem actiones sacrae,
audire uerbum Dei, uti sacramentis, interesse ce-
rimonijs publicè institutis, et orare publicè in
Ecclesia, exempli causa.

Quotuplex est sabbatum? Duplex.

Quomodo? Corporale, quo à laboribus cessa-
mus, uel causa actionum sacrarum, uel reparandi ui-
res corporis. Et spirituale, quo à peccatis seu uitij-
s cessamus, et uoluntati diuinae totos nos subijcimus.

Dic quartum Præceptum.

Honora patrem tuum, & matrem
tuam, ut sis longæuus super terram.

Quid est honorare? Est alteri ex animo
laudem sapientiae, et iustitiae, tribuere.

Quid est honorare parentes? Est primum
honorificè de ipsis sentire, hoc est, agnoscere
in eis diuinam praesentiam et ordinationem Dei,
quod scilicet uoluntate et autoritate Dei nobis
imperent, nosque ipsis iussu et mandato diuino sub-
simus. Secundo, est eorum mandatis ac monitis
libenter obedire. Tertiò, ignoscere errantibus.
Quarto, iuuare eos nostra opera indigentes, ale-
re ac fouere etate fessos, quod Graeci *αὐτὸν τιμᾶν*
καὶ dicunt.

Qui parentum nomine intelliguntur?

Primo,

QVÆSTIONES

Primò, parentes corporum, pater & mater. Secundò, animarum parētes, ut ministri uerbi Dei, & præceptores. Tertio, fortunarum conseruatori, ut Magistratus. Quintò, maiores natu, et qui dignitate & eruditione nos antecellunt.

Quid est longæuum esse super terrā? Est diu ac feliciter uiuere, non puniri morte immatura, aut alijs calamitatibus huius uitæ,

Dic quintum Præceptum.

Non occides.

Quid est occideret? Est sine autoritate Magistratus alteri uitā adimere, seu corpus proximi quocunq; modo ledere, & uindictæ esse cupidum.

Quorū modis occiditur? Tribus. Primò, Affectu odij uel inuidiæ. Secundò, Lingua seu uerbis, hoc est, calumnijs, conuiuijs, & maledictis. Tertio, Manu, seu facto externo.

Dic sextum præceptum.

Non Mœchaberis.

Quid est mœchari? Est adulterium in alterius uxorem committere, fornicari, & quocunq; modo impudicum esse, uel affectu, uel uerbis, uel opere, item aspectu siue uisu.

Dic septimum Præceptum:

Non furtum facies.

Quid est furtum facere? Est rem alienam contra iustitiam appetere, auferre, & usurpare inuito domino, idq; uel uerbis dolo instructis,

fructu, uel ui externa, idq; clam siue palam.

Dic octauum præceptum :

**Non loqueris contra proximum tuum
falsum testimonium :**

Quid est loqui falsum testimonium ?
*Est falsa loqui & testari, in damnum proximi, ei
obtestare, mentiri, & sinistrè suspiciosum esse.*

Dic nonum præceptum :

Nō cōcupisces domum proximi tui.

**Quid est concupiscere, uel desiderare
aliena ?** *Est cupidum esse alieni commodi, nec
sua sorte qualicunq; esse contentum.*

**Quid appellatione domus proximi
continetur ?** *Eius familia, possessiones pater-
ne, dignitates, fœlix in rebus agendis successus,
uxor, liberi, & quæcunq; ad conseruationem do-
mus seu familiæ sunt necessaria, quæ decimo præ-
cepto enumerentur :*

**Dic summam Præceptorum De-
calogi :**

**Diliges Dominum Deum tuum ex
toto corde tuo, & in tota anima tua, &
in tota mente tua, & proximum tuum
sicut teipsum; Matth. 22.**

Quid est diligere Deum ? *Est eum tan-
quam autorem ac fontem omnium bonorum, o-
mnibus rebus seu creaturis in amore nostro ante-
ponere.*

QVAESTIONES

Quid diligere ex toto corde? Est ama-
re ex uniuersis affectibus. Nam cor affectuum
fons ac sedes est.

Quid ex tota anima? Ex omnibus uite fun-
ctionibus, quas anima per corpus operatur & ef-
ficat, ut sum, uidere, audire, dormire, loqui &c.

Quid tota mente? Ex omnibus uiribus
mentis, uidelicet intellectu & uoluntate.

Cur additur particula, toto & tota?
Ut significet legem perfectam obedientiam à no-
bis requirere.

Quis est noster proximus? Quilibet ho-
mo, qui ope seu praesidio nostro indiget.

Quid diligere proximum sicut sei-
psum? Facere ea alijs, quae nobis fieri ab ipsis
Matt. 7. cupimus, & contra, alijs non facere, quae nobis
fieri nolumus.

Dic promissiones & commi-
nationes Decalogi.

Ego sum Dominus Deus tuus, De-
us aemulator, uisitans iniquitatem pa-
trum super filios, in tertiam & quartam
generationem eorū, qui oderunt me: et
faciens misericordiam in multa milia,
his qui diligunt me, & custodiunt prae-
cepta mea. Exo. 20.

Quid est emulatio seu zelotes? Qui in
amore riualem ferre nequit,

Cur

Cur se Deus æmulatorē appellat? Quod cultus sibi debitos, ut sunt timor, amor, et fiducia, transferri in alium non patitur, sed eos, qui hoc faciunt, grauiter uindictat ac punit.

Cur fortis? Quia satis mirum ad uindictandum impios cultus habet.

Quid est reddere seu uisitare iniquitatem? Est punire.

Quid uisitare iniquitatem patrum super filios? Est punire seu pœnis corporalis et æternis afficere posteros, propter maiorum impietatem, si in impietate maioribus fuerint similes posteris. Alioquin autem, qui peccauerit, ipse morietur, ut Ezechiel ait.

Ezec. 18.

Quid in tertiam & quartam generationem? In ipsos posteros, seu familiam, in nepotes, abnepotes, et alios omnes, qui nascuntur ab impijs maioribus. Quidam tertiam & quartam generationem accipiunt pro septima generatione, quod tria & quatuor coniuncta, septem conficiunt.

Quid facere misericordiam? Est bene facere, uel beneficia liberaliter & benigne cōferre. Nam misericordia Hebræis saepe liberale donum seu beneficium significat, ut Prouerb. 16. Misericordia & ueritate redimitur iniquitas.

Q V A E S T I O N E S

Quid in multa milia? In plurimos *sive* in infinitos. Nam certus numerus pro incerto ponitur.

DE VERBIS AC PHRASIBVS Symboli Apostolici.

Quæ est secunda pars Catechismi?
Symbolum Apostolicum.

Quid significat Symbolum? Collationem, hoc est, illud, quod plures in unum conferunt, quasi simul collatum, à græco uerbo *συμμετρώω*, quod est, conféro.

Vnde hoc Symbolum dicitur Apostolicum? Ab Apostolis autoribus, à quibus hæc summa Christianæ fidei profecta creditur. Nam dicuntur Apostoli, antequam in orbem uniuersum discederent prædicaturi Euangelium inter gentes, hanc breuem summam futuræ suæ de Deo doctrinæ, et eius in humanum genus beneficijs, composuisse, ut hoc indicio agnosceretur is, qui Christum uerè prædicaret, secundum Apostolorum sententiam et traditionem. Additur et ideo Apostolicum, ut hac nota ab alijs Symbolis, Athanasij, et Nicenæ Synodi, discernatur.

Quid est credere? Est illud, quod oculis non uidetur, seu rationi humanæ non apparet, esse certò statuere, Vel, Credere, est omni uerbo Dei constanter assentiri.

Quid

Quid est credere in Deum? Primò est
scire esse Deum, hoc est, esse eternam aliquã
mentem, quæ sit omnis boni in natura autor & o-
pifex. Secundo, Est omnem suam fiduciam in e-
undem Deum collocare, omniãq; bona ab ipso uno
petere fiducia ipsius filij.

Cur Deum patrem appellas? Quia
paterno affectu seu amore nos prosequitur, alit
nos, fouet, sustentat, ac defendit, sicut pater suos
liberos.

Cur omnipotentem? Quia omnia que-
cunq; uult, potest uerbo suo efficere.

Cur creatorem cœli & terræ? Quòd
cœlum & terram cum omnibus, quæ in eis conti-
nentur, suo uerbo creauit ex nihilo, eaq; adhuc
omnia gubernat & sustentat.

Quid significat cœlum? Primò, firma-
mentum, cui sol, luna, & stellæ infixæ sunt. Secun-
dò, aërem. Tertiò, domicilium siue sedem Dei, ad-
impletis omnia.

Quæ appellatione cœli ueniunt? Quæ
cunq; supra nos eminent, ut sol, luna, stellæ, orbes
cœlestes, nubes, aër, item spiritus boni & mali.

Quid significat terræ? Elementum a-
quis eminens, quod homines & animantia inhabi-
tant.

Quæ appellatione terræ ueniunt?
Omnia animantia, homines, & bruta, omnes plan-

QVAESTIONES

*te siue stirpes, item metalla, lapides, & quicquid
terra & aquis inest.*

Dic secundum Articulum.

**Credo in Iesum Christum filiū eius
unicum Dominum nostrum, qui conce-
ptus est, &c.**

Quid est credere in Iesum Christum?
*Est statuere eum esse uerum Mesiam siue serua-
torem, mundo à Deo promissum, propter quem so-
lum Deus nobis sit propitius, et peccata remittat,*

Quid significat Iesus? *Seruatore.*

Quid Christus? *Unctum, geselbet. He-
braice, Messias.*

Cur filius Dei nominatus est Iesus?

*Quia saluos nos fecit à peccatis nostris, Matthaei
primo.*

Cur Christus, unctus, siue Messias?

*Quia est noster Rex & sacerdos. Nam Reges et
Sacerdotes ungi in ueteri testamento solebant,
cū creabantur.*

Cur noster Rex? *Quia regit nos suo uer-
bo ac spiritu.*

Cur Sacerdos? *Quia placauit nobis suum
patrem, & quotidie intercedit pro nobis.*

Cur CHRISTVS dicitur filius Dei?

*Quia est expressa imago Dei patris, ab eterno à
patre*

patre genitus, equali cum Deo Patre sapientia,
& potentia eterna.

Cur additur unicus? Quia solus Christus filius Dei est natura, nos uero adoptione filij Dei efficiamur, per fidem in ipsum. Vnde Augustinus ait: Nos filios Dei gratia facit, Christum autem natura. In Ioh. cap. 10.

Cur dicitur dominus? Quia dominatur omnibus creaturis.

Cur noster Dominus? Quia nos à peccato, morte, & diabolo liberauit, & in suum regnum, gratiæ & gloriæ transtulit.

Dictertium Articulum.

Qui conceptus est de Spiritu sancto, natus ex Maria uirgine.

Quid est filium Dei conceptum esse à Spiritu sancto? Est ipsum, uirtute & operatione, seu efficacia Spiritus sancti, induisse uerā humanam naturā, seu uerum corpus humanum et mortale assumpsisse, absq; omni peccati macula.

Cur conceptus est à Spiritu sancto? Ut nostram conceptionem immundam & peccatis obnoxiam sanctificaret.

Quid est filium Dei natum ex Maria uirgine? Est cum ex carne Mariæ uirginis, uerum esse factum hominem.

Cur natus est ex uirgine? Ut nostrā impuram natiuitatē emundaret & sanctificaret.

QVÆSTIONES

De quartum Articulum:

Passus sub Pontio Pilato, crucifixus, mortuus et sepultus, descendit ad inferna.

Quid est filium Dei esse passum sub Pontio Pilato? Est eum à Iuda esse proditum, à Iudeis captum, uinctum, consputum, spinis coronatum, flagellis cæsum, multisq; alijs ignominij affectum, idq; anno 18. Tiberij Cesaris, cum Pontius Pilatus præses Hierosolymis esset.

Cur passus est filius Dei? Ut pro peccatis nostris suo patri satisfaceret, nostramq; crucem & afflictiones, sua passionis & cruce, sanctificaret, & tolerabiles nobis redderet & salutes.

Quid est filium Dei esse crucifixum? Est eum medium inter duos latrones cruci seu patibulo fuisse affixum, manibus ac pedibus ipsius clavis perforatis.

Cur est crucifixus? Ut factus pro nobis maledictum (Maledictus enim omnis, qui in ligno pendet) nos à maledictione eriperet.

Prut. 12.
Gal. 3.

Quid est filium Dei esse mortuū? Est eius animam uerè à corpore discessisse, in tertium usq; diem, quo corpori iterum coniuncta est, et si diuinitas neq; ab anima, neq; à corpore Christi separata fuit.

Cur est mortuus? Ut nos per suam mortem, à peccato & morte eterna liberaret.

Quid

Quid est sepultum fuisse? Est corpus
in monumento lapideo fuisse reconditum.

Cur est sepultus? Ut sua sepultura cor-
porum nostrorum sepulturam sanctificaret.

Quid est ad inferna descendisse? Est
non solum Christum horrorem mortis uerè pro-
pter nos sensisse, sed sedem etiam ac locum infero-
rum post mortem, animam Christi petiisse pro no-
bis, quemadmodum hoc uetus Ecclesia semper in-
tellexit et credidit. An uerò in inferno dolores
illos, aut quales senserit anima Christi, nostrum
non est curiosius inquirere. Hoc satis est tenere
et credere, Christum nostro nomine ad inferos
uerè descendisse, redemptorem, et inde rediisse
uictorem triumphantem de peccato, morte et in-
ferno. Col. 2.

Cur ad inferna descendit? Ut infero-
rum regno deuastato, nos à peccato et morte, in
libertatem uindicaret.

Quis est quintus?

Tertia die resurrexit à mortuis.

Quid est Christum à mortuis resurre-
xisse? Est eum factum esse uictorem mortis,
et constitutum à Deo uitæ Dominum, hoc est, re-
gnare iam in cælis diuina potentia, et efficacem
esse in suis liberandis, à peccato, morte, tyranni-
de Satane, et omnibus malis.

R. 1

Q V A E S T I O N E S

Cur resurrexit à mortuis? Vt ultio peccato & morte, nobis nouam iustitiam & uitā eternam restitueret, nostra etiam corpora per illius resurrectionem in nouissimo die resurgerent uiua ac integra.

Quis est sextus?

Ascendit ad cœlos, sedet ad dexteram Dei patris omnipotentis.

Quid est ad cœlum ascendisse? Est eum suam corporalem præsentiam ab oculis nostris subduxisse, atq; nunc regnare in cœlis, cum patre suo super omnia.

Cur in cœlum ascendit? Vt ibi omnia quæ sunt in cœlo & terra adimpleret & administraret.

Quid est Christum sedere ad dexterā Dei patris omnipotentis? Est æqualem esse potentia diuina cum Deo patre, omniumq; rerum constitutum esse heredem & Dominum. Nā dextera in scriptura potentiam significat.

Cur sedet ad dexteram Dei? Vt nosster ibi sit unicus & perpetuus mediator ac pontifex apud Deum patrem, interpellans pro nobis.

Quis est septimus?

Inde uenturus est iudicare uiuos & mortuos.

Quid est filium Dei uenturum esse cœlis? Est eum in nouissimo die appariturū esse

esse in nube, conspicuum seu uisibilem cunctis hominibus, in magna potestate, & gloria cum omnibus Angelis.

Cur uenturus est? Ut iudicet uiuos & mortuos.

Quid est iudicare uiuos & mortuos?

Est tradere aeternae morti omnes impios, & contemptores Euangelij, credentes uero declarare heredes esse uitae aeternae, & regni caelestis.

Qui intelliguntur uiuorum nomine?

Quicumque in ipso die extremi iudicij uiuentes in hac terra inueniuntur, necdum uita erunt defuncti.

Qui nomine mortuorum? Omnes, qui ab Adam usque ad finem mundi ex hac uita discesserunt.

Dicoctauum Articulum.

Credo in Spiritum sanctum.

Quid est credere in Spiritum sanctum?

Est omnem suam fiduciam in spiritum sanctum, tanquam uorum Deum, collocare.

Quid est Spiritus sanctus? Tertia persona in diuinitate, uerus & aeternus Deus, cum Deo Patre & Filio, ab utroque procedens, sanctificans, & uiuificans corda nostra per fidem.

Cur uocatur Sanctus? Quia piorum mentes per fidem in Christum sanctificat, hoc est renouat, uiuificat, & consolatur.

Quae sunt officia Spiritus sancti?

Sancti-

QVAESTIONES.

Sanctificare, uiuificare, iustificare, regenerare, creare, operari in nobis fidem, spem, charitatē, & reliquas uirtutes, reddere nos certos de gratia Dei, & accipiendā uitā aeterna, docere nos beneficia Christi, consolari & cohortari, ut mortem & omnia mala uincamus, & despiciamus.

Dic nonum Articulum.

Credo Ecclesiam sanctam catholicam, sanctorum communionem.

Quid est credere Ecclesiam? Est credere, quod sit in terra aliquis cœtus hominum, sparsus per totum mundum, qui uerē in Deū per Christum credit, eumq; inuocat fiducia Mediatoris, & doctrinam Prophetarum, Christi, & Apostolorum, amplectitur, & legitime utitur Sacramentis, à Christo institutis.

Quid est Ecclesia? Est cœtus hominum, qui in Christum uerē credunt, in hac uita contenti, & cruci subiecti.

Cur uocatur sancta? Quod à Deo per fidem in Christum, sancta reputatur, Ephe. 5. Et sanctē, iustē, sobriē uiuit, Tit. 3.

Cur catholica? Quod sit uniuersalis cœtus per totum mundum dispersus, non uni alicui loco alligatus, sicut inquit Augustinus, Psal. 21. Vbiq; timetur Deus & laudatur, ibi est Ecclesia Christi.

Quid est communio sanctorum? Est

omnium

DE CATECHISMO.

115

omnium bonorum inter omnes pios societas, & quasi communicatio. Nam in hac sancta communione, fides singulorum pro omnibus orat, charitas omnibus inseruit, & alter alterius portat onera, sicut Divus Augustinus exponit.

Dic decimum articulum.

Credo remissionem peccatorum.

Quid est remissio? Est gratuita condonatio, quæ fit ex misericordia, non ex debito, seu merito.

Quid est peccatum? Est vitium perpetuum inherens humane nature, ab Adam in omnes homines propagatum, omnium peccatorum radix, propter quod omnes homines rei sunt æternæ mortis, & quodlibet externum factum seu dictum contra legem Dei.

Quid est peccatorum remissio? Est gratuita omnium delictorum condonatio, per misericordiam propter filium Dei mediatorem nostrum, fide apprehensum, non propter merita nostra, seu legis impletionem, ne remissio peccatorum fiat incerta, ut Paulus ad Roma. 4. docet.

Dic undecimum Articulum.

Credo carnis resurrectionem.

Quid hoc loco significat carnis vocabulum? Corpora omnium hominum, eaq; integra cum omnibus suis membris, quæ in novissimis

Q V A E S T I O N E S

*pro die omnia resurrextura sunt uiua, incorrupti-
bilia, & immortalia, piorum quidem ad gloriam
perpetuam, ut semper cum Christo uiuant, impio-
rum uerò ad ignominiam, ut absq; intermissione
pœnas suæ impietatis cum Diabolis luant.*

*Quid est igitur carnis resurrectio? Est
corporum omnium hominum in nouissimo die per
uirtutem resurrectionis Christi, uiuificatio, ubi
rursus anima & corpus uniuscuiusq; hominis, cõ-
iungetur indissolubiliter.*

Dic duodecimum Articulum.

Credo uitam æternam.

*Quid est uita æterna? Est inenarrabi-
lis & æterna lætitia, non humana, sed cœlestis,
qua sine fine perfruentur electi cum Deo in cœlis
post hanc uitam.*

*Vnde orietur hæc lætitia? Ex uera no-
titia Dei, & perfecta erga Deum obedientia.*

*Quid significat Amen? Firmum uel
certum sit.*

B R E U I S V E R B O .

R V M A C P H R A S I V M I N

*Oratione Dominica, per quæstiones,
interpretatio.*

*Quæ est tertia pars Catechismi? Ora-
tio Dominica.*

*Cur uocatur Oratio? Quia ea aliquid à
Deo petimus,*

Cur

Cur Dominica? Quia Christus Dominus noster, eius autor est.

Quomodo diuiditur? In Proœmiũ & septẽ Petitiones.

Dic Proœmium.

Pater noster, qui es in cœlis.

Cur Deum uocas patrem? Quia pater noster erga nos animo est affectus, & propter filium suum nos filios adoptauit, peccata nobis remittit, & preces nostras exaudit.

Cur nostrum patrem? Quia omnes, qui in Christum credimus, eius sumus filij, per fidem, & ipsi inter nos fratres.

Cur addis, qui es in cœlis? Quia nos semper & ubiq; respicit.

Quid est Deũ esse in cœlis? Est ubiq; cum esse presentẽ, et adesse nobis, et satis magnã habere facultatẽ dandi nobis ea, quæ ab ipso petimus.

Dic primam Petitionem.

Sanctificetur nomen tuum.

Quid est Sanctificare nomẽ Dei? Est illud celebrari et innotescere inter homines per prædicationẽ Euangelij, et sanctos uitæ hominũ mores.

Quid est nomen Dei? Est eius notitia, maiestas, potentia æterna, bonitas, clementia, misericordia, & φιλανθρωπία erga homines.

Quid sanctificari? Est sanctum haberi, hoc est, innotescere, celebrari & agnosci.

Quomodo sanctificatur nomen Dei? Cũ Euangelium

QVÆSTIONES

Euangelium Christi rectè docetur, Deus uerè agnoscitur, inuocatur & colitur, atq; p̃e uiuunt ubiq;.

Dic secundam petitionem.

Adueniat regnum tuum.

Quid est aduenire regnum Dei? Est augescere credentium Euangelio numerum, seu Ecclesiam, & aduenire regnum gloriæ, in quod post hanc uitam consuetudine Dei semper perfruamur.

Quid est regnum Dei? Est primò Ecclesia seu cœtus piorum in hac terra, quod regnū gratiæ dicitur. Secundò, est hereditas regni eterni post hanc uitam, quod regnū gloriæ uocatur.

Quomodo aduenit regnum Dei? Cui regit ac gubernat nos Deus uerbo ac spiritu suo, ut inchoetur hic in nobis regnum gratiæ eius, ut hereditatem tandem regni gloriæ, post hanc uitam consequamur.

Dic tertiam petitionem.

Fiat uoluntas tua sicut in cœlo & in terra.

Quæ est uoluntas Dei? Ut credamus in nomine filij ipsius Iesu Christi, mandatisq; eius obtemperemus, & uitam æternam credentes per filium reconciliatorem consequamur.

Quomodo fit uoluntas Dei in terra? Cum homines uerbo Dei uerè credunt, obediuntq; legi

de ipsius, & sue quisque uocationis officia diligenter facit.

Cur additur: tua? Vt discernatur uoluntas Dei bona & sancta à uoluntate carnis nostrae mundi, & Diaboli, quae peruersa ac mala est.

Cur additur: quemadmodum & in caelis? Vt intelligatur requiri à nobis, ut perficere uoluntatem nostram diuinæ subijciamus, in omnibus, ad exemplum Angelorum, qui Deo perfectissime obediunt in caelis.

Dic quartam petitionem.

Panem nostrum quotidianum da nobis hodie.

Quid significat panis? Omnia, quae huic uitae pie & commodè transigenda sunt necessaria, ut sunt, pax, defensio, liberalis puerorum institutio, uictus, bona ualeitudo, boni mores, obediētes liberi, successus in rebus agendis, & huiusmodi similia.

Cur additur: quotidianus? Vt admo-
neamur modestiae in petendo, eaque tantum petamus, quibus in singulos dies opus est, nihil solliciti de die crastino, ac uictu parando longi temporis.

Cur additur: nostrum? Quia debetur nobis uictus mediocris. Nam Deus cum nobis promissit, & uitam sine eo traducere non possumus.

Cur additur: hodie? Vt semper det nobis Deus, quibus nobis opus est, Nam hodie huiusmodi

Q V A E S T I O N E S

tempus totius nostrae uitae, & quemlibet eum diem significat.

Quid est petere panem quotidianum? Omnia huius uitae subsidia, publica & priuata.

Dic quintam Petitionem.

Remitte nobis debita nostra, sicut & nos remittimus debitoribus nostris.

Quid significat remittere? Est ex gratia seu misericordia condonare & ignoscere.

Quid debita nostra? Peccata, quibus Deum offendimus.

Quid est Deum remittere nobis debita? Est Deum delicta nobis condonare misericordia, propter filium suum, sine nostris meritis, sicut docet parabola Matthaei 18. de debitore, qui soluendo non erat.

Quis debitor noster? Proximus noster, seu quilibet homo, qui nos offendit aliqua in re.

Quid debita proximi? Offensiones seu errores eius, quibus ignoscere debemus, sicut Christus condonauit nobis peccata nostra. Coloss. 3.

Dic sextam Petitionem.

Et ne nos inducas in tentationem.

Quid est tentatio? Est malitiosa sollicitatio, uel carnis nostrae, uel mundi, uel Diaboli, ad peccandum, seu faciendum ea, quae Deus prohibuit.

Quid

Quid est Deum nos inducere in tentationem? Est uel permittere, ut inducamur in tentationem, in qua desperemus, uel non defendere nos contra insidias Diaboli, ne ad impietatem aut alia scelera pertrahamur.

Dic seprimam petitionem.

Sed libera nos à malo.

Quid est liberare? Est quasi oppressum seu ligatum uinculis soluere.

Quid malum? Omnes calamitates seu erumne huius uitæ, ut sunt peccatum, mors, impietas, Diabolus, & regnum eius.

Quid est liberare à malo? Est eripere nos ex omnibus miserijs præsentis uitæ, & donare nobis uitam æternam.

Quid dicitur hic regnum Dei? Est eius dominium, & omnium rerum gubernatio.

Quid potentia? Omnia quæ uult Deus efficiendi facultas.

Quid gloria? Maiestatis ac laudis eius celebratio, cum esse omnipotentem, bonum, iustum, & misericordem.

IN QVARTAM

Partem Catechismi.

Quæ est quarta pars Catechismi?

Q V A E S T I O N E S

Doctrina de Pœnitentia, Confessione, & Absolu-
tione.

Dic mandatum Christi, de agēda pœ-
De Pœni nitentia? Marci primo: Agite pœnitentiam,
tentia. & credite Euangelio.

Quid est agere pœnitentiam? Est corra-
ptionem humanæ naturæ agnoscere, & commissâ
peccata aduersus legem Dei fugere & detestari.

Quid credere Euangelio? Est crede-
re in Christum, qui in Euangelio nobis proponi-
tur, uel est credere promissioni Dei, quod pecca-
ta propter suum filium Deus remittat nobis, &
per fidem sit nobis propitius.

Dic locum Psalmi 31. de confessione,
De Con- quæ sit coram deo? Dixi confitebor aduer-
fessione. sum me iniustitiam meam Domino, & tu remisisti
impietatem peccati mei.

Quid est dixi? Animo statui, siue propo-
sui.

Quid confiteri? Agnoscere & sentire.

Quid aduersum me? Contra car-
nis meæ uoluntatem, quæ peccatum naturaliter
tegere cupit & occultare.

Quid iniustitia? Deprauatio mentis seu
uoluntatis humanæ, qua impiè agimus, & iniuste,
hoc est, legi Dei non uerè obediunt.

Quid remittere impietatem peccati?
Est condonare naturalem inclinationem seu de-
prauationem

pravationē corrupta naturae, ex qua omnia peccata, tanquam ex fonte, scaturiunt.

Quid confiteri aduersum se iniustitiā suam Domino? Est agnoscere se coram Domino esse reum eterne damnationis, propter peccatum.

Quid est remittere impietatem? Est, cum ex gratia condonare sine dignitate operum, gratis propter fidem in Christum.

Dic locum Iacobi 5. de confessione, quae fit coram proximo? Confitemini inuicem aliis alij delicta.

Quid est confiteri? Agnoscere errorē, et condonationem eius alium ab alio poscere.

Quid delicta? Errores siue offensiones, quibus alius ab alio lesus est.

Dic locum Matthæi 11. Cum steteritis ad orationem, remittite, si quid habetis aduersus aliquem.

Quid est stare ad orationem? Est uelle aliquid à Deo petere, seu innocare Deum pro condonandis peccatis, aut alijs bonis impetrandis.

Quid est habere aliquid aduersum aliquem? Est lesus esse ab alio, dicto aut facto. De Absolutione.

Dic locum absolutionis Matthæi 18. Quaecumq; alligaueritis super terram, erunt ligatae in caelo. Et quaecumq; solueritis super terram, erunt soluta et in caelo.

Q V A E S T I O N E S

Quid est alligare? Est retinere peccata
Impenitentibus & sceleratis.

Quid soluere peccata? Est remittere
peccata poenitentibus & credentibus in Chri-
stum.

Quid peccata esse ligata in cælo? Est
ea non remitti à Deo in cælo.

Quid soluta esse peccata in cælo? Est
Remitti seu condonari ea à Deo in cælo.

IN QVINTAM PAR-

tem Catechismi.

Quæ est quinta pars Catechismi? De
Trina de Sacramento Baptismi, & Sacramento
Altaris, siue cæna Domini.

De Baptismo.

Dic verba promissionis de Bapti-
smo? Qui crediderit & baptizatus fuerit,
saluus erit, Qui uerò non crediderit, condemnabi-
tur. Marci ultimo.

Quid significat, Qui? Omnem, siue
quemlibet hominem, eum ieden. Quia euangeli-
um siue promissio uitæ æternæ est uniuersalis,
pertinens non ad paucos aliquos, sed ad omnes
homines, quicunq; credunt in Christum, & Deum
inuocant per filium eius. Vt Paulus ad Roma. 10.
inquit: Deus est idem omnibus, diues in omnes in-
uocantes se.

Quid est credere? Est predicationi Euan-
gelij

glj de reconciliatione Dei per filium ipsius Christi
suum fidem habere, & omnem fiduciam suam in
Deum per Christum collocare.

Quid est baptizari? Est aqua intingi
seu immergi in signum seu fœdus adoptionis filio-
rum Dei, reconciliationis, & hereditatis uitæ
eternæ consequendæ propter Christum.

**Dic uerba mandati seu commissionis
de Baptismo exhibendo.**

**Euntes in uniuersum mundum, doce
te omnes gentes, baptizantes eos in no-
mine Patris & Filij & Spiritus sancti.
Matthæi ultimo.**

Quid est ire in uniuersum mundum?
Est petere omnes regiones, regna, ciuitates, pa-
gos, uillas, & quæcunq; loca totius orbis terrarū,
gratia prædicandi Euangelij, ut palam fiat, ad o-
mnes homines pertinere beneficia filij Dei.

Quid docere? Est proponere hominibus do-
ctrinam Euangelij, de reconciliatione humani ge-
neris per filiū Dei, per quem se Deus patefecerit
mundo, & daturus sit omnibus uitam eternam,
qui in filium Dei crediderint.

Quid est docere omnes gentes? Est omni-
bus hominibus tradere doctrinā Euangelij, et ad
agnitionē Dei uocare quoscunq; sine discrimine,
Iudeos & Gentes, sicut Paulus inquit: Euangeliiū Rom. 1.

QVAESTIONES 81

est potentia Dei, ad salutē omni credenti, iudice
simul & Græco.

Quid est Baptizare homines? Est 4.
qua immergere omnes, qui credituri sunt Evan-
gelio, ad fidei ipsorum confirmationem, de ado-
ptione filiorum Dei, & reconciliatione & uitæ
eterna consequenda per Christum.

**Quid est baptizari in nomine Patris,
& Filij, & Spiritus sancti?** Est baptizari
iussu & autoritate Dei, qui est Pater, Filius, &
Spiritus sanctus, ita, ut Baptismus Apostolorum,
& omnium ministrorum Ecclesie Dei, tam cer-
tus sit & efficax, ac si Deus ipse uisibilis baptiza-
ret homines, & hoc signū gratiæ eis impertiret,

DE SACRAMENTO

Altaris, siue cœna Domini.

- Mat. 26.** Recita uerba Sacramenti Altaris, si-
Luce 22. ue cœnæ Domini? Dominus noster Iesus
Mar. 14. Christus, in ea nocte, qua traditus est, accepit pa-
1. Cor. 11. nem, & postquam gratias egisset, fregit, & dedit
discipulis suis, dicens: Accipite, comedite, hoc est
corpus meum, quod pro uobis datur, hoc facite in
mei commemorationem. Similiter, & postquam
cœnauit, accepto calice, cum gratias egisset, dedit
illis, dicens: Bibite ex hoc omnes, hic calix nouum
testamentum est, in meo sanguine, qui pro uobis et
multis effunditur in remissionem peccatorum.

Hoc

Hoc facite, quotiescunq; biberitis, in mei commemorationem.

Quid est, gratias Deo agere? Est beneficia Dei agnoscere esse gratuita & indignis collata, & pro ijs celebrare Dei bonitatem, & beneficentiam apud alios.

Quid est CHRISTVM dare discipulis corpus & sanguinem suum? Est omnia que CHRISTVS morte sua & sanguine effuso meruit, absq; ipsorum meritis, conferre per fidem omnibus, qui in ipsum credunt.

Qui sunt discipuli Christi? Quicumq; baptizati, doctrinam seu Euangelium Christi ex animo amplectuntur, & diligunt se mutuo, sicut Christus dicit Ioan. 14. Si quis diligit me, sermonem meum seruabit. Et cap. 13. In hoc cognoscet omnes, quod discipuli mei estis, si charitatem inter nos habueritis mutuam.

Quid est accipere et comedere corpus Domini? Est statuere corpus Christi oblatum esse Deo patri, uictimam pro peccatis nostris.

Quid accipere & bibere sanguinem Christi? Est statuere nos per sanguinem Christi oblatos esse ab omni peccato, Sicut inquit Ioan. 1. Sanguis Christi emundat nos ab omni iniquitate.

Quid est corpus Domini pro nobis esse datum? Est Christum pro nobis esse

QVAESTIONES

passum, eiusq; beneficia ad nos pertinere, & nos
eius esse membra, in quibus sit efficax.

Quid est sanguinem Domini pro no-
bis esse effusum? Est nos eius sanguine esse
ablutos & emundatos ab omni peccato.

Quid est comedere corpus Domini
ad eius commemorationem? Est reuoca-
re in memoriam, cum gratitudine animi, corpus
Christi pro nostris peccatis uictimam esse oblatam
in cruce, propter quam Deus nobis placatus sit.

Quid bibere sanguinem Christi, ad
eius commemorationem? Est reuocare
in mentem, sanguinem Christi effusum esse, in re-
missionem peccatorum nostrorum, ut ipse Chri-
stus inquit.

Cur dicit, bibite omnes? Ut hac cena
omnes pariter integra utamur, quemadmodum
Christus instituit, nec solum corpus Domini eda-
mus, sed bibamus etiā eius sanguinem. Quia Chri-
stus sicut antea singulis sua manu porrexerat Sa-
cramenti partem, hoc est, corpus sub pane, ita
post tradit calicem, ut ex eo itidem bibant omnes,
excepto nemine. Et ita tradidit Paulus Ecclesie
Corinthiorum, 1. Corinth. 11.

Quid significat hoc loco calix? Sangui-
nem Christi, qui calice seu poculo continetur, per
Metonymiam figuram.

Cur

Cur cœna Domini uocatur testamentum? Quia Christus conditor huius testamenti in ea legat ac donat nobis per mortem suam celestia et æterna bona, remissionem peccatorum, reconciliationem cum patre suo, iustitiam, et uitam æternam.

Cur uocat nouum testamentum? Ut discernat illud à ueteri, in quo sanguis hircorum, taurorum, et uitulorum sacrificabatur, qui peccatum non tollebat coram Deo, sed sanguinem Christi significabat, quo uerè à peccatorum sordibus abluimur, ut Epistola ad Hebræos testatur, *Hebr. 9.*
Et Ioannes inquit: Ecce agnus Dei, qui tollit peccata mundi, hoc est, uictima, siue hostia, propter *Ioan. 1.*
Ioan. 10. quem Deus placatus est nobis.

Quid monet nos particula, Quotiescunque? Ne semel tantum in uita, aut infrequenter, sed potius sæpe ac multoties utamur hac sacramenta et salutari cœna, ad confirmandam fidem nostram, de remissione peccatorum, reconciliatione, et uita æterna consequenda fide gratis per mortem filij Dei reconciliatoris,

EXGESIS VERBORVM

ac Phrasium Catechismi

FINIS.

PRAECIPVAE ET IN- SIGNIORES SENTENTIAE

ex Euangelijs & Epistolis totius anni, tum
dominicus, tum festis, in usum pue-
rorum delectæ.

Prima dominica in Aduentu.

Eccerex tuus uenit tibi māsuetus, iustus & pau-
per. Matt. 21. Doctrina: Christus propter nos
pauper factus est, cum esset diues, ut nos illius
paupertate ditesceremus. 2. Corinth. 8.

Abijciamus opera tenebrarum, & induamur
arma lucis. Sicut in die honestè ambulemus. Indu-
amur Dominum nostrum Iesum Christū. Ro. 13.

Dominica secunda.

Cælum & terra transibunt, uerba autem meo-
rum transibunt. Luca 21.

Quaecunq; præscripta sunt, in nostram doctrinā
præscripta sunt, ut per patientiam, & consola-
tionem scripturarum spem habeamus.

Christus assumpsit nos in gloriam patris. Ro. 8.

Dominica tertia.

Pauperes letum accipiunt Euangelij nuncium.

Beatus est quisquis non fuerit offensus in me.

Matthæi 11.

Nullius rei mihi conscius sum, sed non per hoc ius-
tificatus. 1. Corinth. 4.

Dominica quarta.

Ego sum uox clamantis in deserto, parate uiam
Domini. Ioan. 1.

Dominus

Dominus propè est inuocantibus ipsum.

Pax Dei superat omnem intellectum. Philip. 4.

In prima missa natalis Domini.

Natus est nobis hodie seruator, qui est Christus Dominus, in ciuitate Dauid. Luce 2.

Apparuit gratia Dei salutifera omnibus hominibus.

Christus dedit semetipsum pro nobis, ut redimeret nos ab omni iniquitate. ad Titum 2.

In secunda Missa.

Maria conseruabat omnia uerba, conferens in corde suo. Luce 2.

Non ex operibus, quæ sunt iniustitia, quæ faciebamus nos, sed secundum suam misericordiam, saluos nos fecit Deus.

Iustificati Dei gratia heredes efficitur, iuxta spem uitæ eterne, ad Titum 3.

In summa Missa.

Qui credunt in nomine Iesu Christi, hi sunt filij Dei.

Verbum caro factum est, et habitauit in nobis.

Qui ex Deo nati sunt, hi sunt filij Dei, Ioan. 1.

Christus est heres omnium.

Christus moderatur omnia uerbo potentie sue.

Christus per se ipsum purgationem fecit peccatorum nostrorum. Hebræ. 1.

Dominica post natalem Domini.

Christus positus est in ruinam et resurrectionem multorum

SENTENTIAE EX EVAN.

multorum in Israël, & in signum, cuius
tradicitur. Lucae 2.

Ubi venit plenitudo temporis, misit Deus filium
suum, factum ex muliere, factum legi obnox-
ium, ut eos, qui erant legi obnoxij, redi-
meret, ut adoptione ius filiorum acciper-
emus.

Sumus heredes Dei per Christum. Gala. 4.

In Circuncisione Domini.

Vocatum est nomen pueri, Iesus.

De nomine Iesu.

Iesus significat servatorem, unde Matthaei 1.
Vocabis nomen eius Iesus, quia is saluum faciet
populum suum à peccatis ipsorum. & Acto. 4.
Nullum est aliud nomen sub caelo datum homini-
bus, in quo oporteat nos saluos fieri, quàm Iesus
Christus Nazarenus.

Lex pedagogus noster fuit ad Christum, ut ex
fide iustificemur. Omnes filij Dei sunt, qui credidit
in Christum Iesum. Quicumq; baptizati sunt, Chri-
stum induerunt. Omnes unum sumus in Christo
Iesu. Gala. 3.

Dominica post Circuncisionem
Domini.

Defuncti sunt, qui querebant animam pueri.
Matthaei 2.

Pij sunt, in quorum ore non inuentus est dolus.

Sin

Sine macula enim sunt ante thronum Dei.

Apoc. 14.

*Sine dolo sunt, qui serio pœnitentiam agunt. Si-
ne macula sunt, quorum peccata sunt abluta san-
guine Christi, qui uerè est agnus immaculatus, tol-
lens peccata mundi. Ioan. 1.*

In Epiphania Domini.

*Vbi est ille, qui natus est rex Iudæorum? Matt. 2.
Christus gentibus se manifestat, quia etiam ad gen-
tes beneficia Christi pertinent.*

*Surge, illuminare Hierusalē, quia uenit lux tua,
et gloria Domini super te orta est. Esaie 60.
Lumen est Euangelium de Christo, qui est lux ue-
ra illuminans omnem hominem uenientem in hunc
mundum. Ioan. 1. Gloria Domini sunt res eterne,
remissio peccatorum, imputatio iustitiæ, et uita
eterna, per quæ gloriamur contra peccatum,
mortem et diabolum.*

Hierusalem ecclesiam Dei significat.

Dominica post Epiphaniam:

Puer Iesus subditus fuit parentibus suis.

*Puer Iesus proficiebat sapientia, et etate, et gra-
tia apud Deum et homines. Lucæ 2.*

Ne accommodetis uos ad figuram huius seculi.

Ne quis arroganter de se sentiat.

*Multi unum corpus sumus in Christo, singulatim
autem alij aliorum membra. Romæ. 12.*

Dominica secunda.

Quod

SENTENTIAE EX EVAN.

Quod dixerit nobis, hoc facite, Ioan. 2.

In necessitate ad solum Deum confugendum est.

Nullus respectus personarum est apud Deum,

Deus nos exaudit per Christum.

Quod deus iubet, hoc solum faciendum est.

Sitis odio persequentes quod malum est, adbe-

rentes ei, quod bonum est. Honore alius al-

iam praeuenite. Bene loquamini, & me me-

le precemini. Roma. 12.

Dominica tertia.

Domine, si uelis, potes me mundare. Volo,

mundus esio.

Quemadmodum credis fiat tibi. Matth. 8.

Ne sitis arrogantes apud uosmetipsos.

Ne cuiquam malum pro malo reddatis.

In pace cum omnibus, quantum in uobis est, uiuite.

Ne uosmetipsos ulciscimini. Roma. 12.

Dominica quarta.

Domine, serua nos, perimus. Qualis est hic, quid

uenti quoque & mare obediunt illi. Matth. 8.

Qui diligit alterum, legem impleuit. Roma. 13.

Dilectio proximo malum non operatur. ibid.

Consummatio legis est dilectio. ibid.

Dominica quinta.

Sinite pariter crescere & triticum & zizania

usque ad messem. Matth. 13.

In Ecclesia Christi bonis mali admixti sunt. Et

pii plerumque latent, & dominantur impii.

Sufferte

sufferte nos inuicem, condonate uobis inuicem,
quemadmodum et Christus condonauit uobis.

Coloss. 3.

Dominica Septuagesima.

Nonissimi erunt primi, et primi nonissimi.

Multi sunt uocati, pauci uero electi.

Vocantur qui audiunt Euangelium.

Electi sunt, qui Euangelio credunt.

Subijcio corpus meum, et in seruitutem redigo.

1. Corinth. 9.

Dominica Sexagesima.

Qui habet aures ad audiendum, audiat. Semen
est uerbum Dei. Luca 8.

Virtus Dei per infirmitatem perficitur. 1. Cor. 12.

Dominica Quinquagesima.

Iesu fili David miserere mei.

Vides tu te saluum fecit. Luca 18.

Charitas patiens est, Charitas benigna est, Charitas
non querit quae sua sunt, Charitas non
cogitat malum, Charitas omnia suffert.

1. Corinth. 13.

Dominica Inuocauit.

Non in solo pane uiuit homo, sed in omni uerbo,
quod egreditur per os Dei. Non tentabis Do-
minum Deum tuum. Dominum Deum tuum adora-
bis, et illum solum coles. Matth. 4.

Hunc tempus acceptum est, nunc dies salutis
est.

SENTENTIAE EX EVAN.

In omnibus commendamus nos ipsos, ut ministri
Dei. 2. Corinth. 6.

Christiani } morientes uiuunt.
 } dolentes gaudent.
 } nihil habentes, omnia possident.

Dominica Reminiscere.

Miserere mei Domine, fili David.

Domine succurre mihi.

O mulier, magna est fides tua, fiat tibi, sicut uis.
Matthæi 15.

Sciat unusquisque suum uas possidere cum sanctifi-
catione & honore. Non uocauit nos Deus immu-
ditie causa, sed ad sanctificationem. Ne quis op-
primat, aut fraudet in negotio fratrem suum.

1. Thess. 4. 4.

Dominica Oculi.

Omne regnum aduersus seipsum diuisum, desola-
bitur.

Beati, qui audiunt uerbum Dei, & custodiunt il-
lud. Luca 11.

Christus dilexit nos, & tradidit semetipsum pro
nobis.

Sortatio, et omnis immunditia et auaritia, ne no-
minetur quidem inter Christianos. Eph. 5.

Dominica Lætare.

Colligite, quæ supersunt, ne quid pereat.

Christus est uerus ille propheta, qui uenturus erat
in mundum, Ioan. 6.

Qui secundum carnem nati sunt, persequantur eos, qui nati sunt secundum spiritum. Gala. 4.

Dominica Iudica.

Qui ex Deo est, uerbum Dei audit.

Amen, amen, dico uobis, si quis sermonem meum serauerit, mortem non uidebit in eternum.

Ioan. 8.

Misit Deus spiritum filij sui in corda uestra clamantem, Abba pater. Galat. 4.

Dominica Palmarum.

Benedictus qui uenit in nomine Domini. Domus mea domus orationis uocabitur. Mat. 21.

Sanguis Christi emundat conscientiam nostram ab operibus mortis, ad seruendum Deo uiuenti.

Christus per proprium sanguinem introiuit semel in sancta, eternam redemptionem inueniens. Hebræ. 9.

De passione Christi.

Christus languores nostros tulit. Esaie 53.

Christus dolores nostros sustinuit. ibid.

Christus propter nostra peccata uulneratus est. ibid.

Christus poenam sustinet, ut nobis sit pax. ibid.

Uulneribus Christi sanati sumus. ibid.

Christus est hostia pro peccato nostro. ibid.

Commendat suam charitatem erga nos Deus, quod cum adhuc essemus peccatores, Christus

SENTENTIAE EX EVAN.

pro nobis mortuus est. Reconciliati sumus
Deo per mortem filij ipsius. Roma. 5.

Christus, cum esset in forma Dei, non rapinam ar-
bitratus, sed semetipsum exinaniuit, formā
serui suscipiens, in similitudinem hominis
factus, et habitu inuenius ut homo, humilia-
uit semetipsum, factus obediens usq; ad mor-
tem, mortem autem crucis. Philip. 2.

In die Paschæ.

Nolite expauescere, Iesum queritis Nazarenum,
surrexit, non est hic. Marci 16.

Pascha nostrum pro nobis immolatus est Chri-
stus. 1. Corinth. 5.

Feria secunda.

Oportuit Christum pati, et ita intrare in gloriā
suam. Lucae 24.

Christus delectatur pijs colloquijs.

Si cum Christo patimur, unā etiam cum illo glo-
rificabimur. Roma. 8.

Non est respectus personarum apud Deum.

Quisquis timet Deum, et operatur iustitiam, ac-
ceptus est illi.

Christus constitutus est à Deo iudex uiuorum et
mortuorum.

Christo omnes Prophetae testimonium perhibent,
quod remissionem peccatorum accipiant per
nomen eius omnes, qui credunt in eum.

Acto, 10.

Feria

Feria tertia.

Oportebat Christum pati, & resurgere à mortu
à tertia die, & prædicari in nomine eius pœ-
nitentiam & remissionem peccatorum.

Luce 24.

Deus pater suscitauit Christum à mortuis.

Nobis resuscitatus est Christus. Acto. 13.

De resurrectione Christi.

Christus ex afflictione & damnatione ereptus
est. Esaie 53.^o

Christus traditus est propter peccata nostra, &
excitatus est propter iustificationem nostri.

Roma. 4.

Christus excitatus est à mortuis, non amplius mo-
ritur, mors illi non amplius dominatur. Ro. 6.

Sive uiuimus, sive morimur, Domini sumus in hoc
enim Christus mortuus est, & resurrexit, ut mor-
tuis & uiuentibus dominaretur. Roma. 14.

Dominica prima post Pascha.

Quorum remisieritis peccata, remittuntur eis, &
quorum retinueritis, retenta sunt.

Hec est uictoria, quæ uincit mundū, fides nostra.

Beati, qui non uiderunt & crediderunt. Ioan. 20.

Qui credit quod Iesus est filius Dei, is uincit mun-
dum. 1. Ioan. 5.

Dominica secunda.

Ego sum pastor bonus, & cognosco oues meas, &

SENTENTIAE EX EVAN.

cognoscor à meis. Animam meam pono pro
ouibus. Ioan. 10.

Christus passus est pro nobis, nobis relinquens ex-
emplum, ut sequamur uestigia eius. 1. Pet. 2.

Christus peccata nostra pertulit in corpore suo,
super lignum, ut peccatis mortui, iustitie ui-
uamus. ibid.

Christi uibice sanati sumus. ibid.

Christus est pastor, & curator animarum nostra-
rum. ibid.

Dominica tertia.

Plorabitis & flebitis uos, mundus autē gaudet.
Tristitia uestra uertetur in gaudium, & gaudiū
uestrum nemo tollet à uobis. Ioan. 16.

Subiecti estote omni humane creature propter
Dominum.

Serui subditi estote dominis, in timore, non tan-
tū bonis & honestis, sed etiam iniquis. 1. Pet. 2.

Dominica quarta.

Spiritus sanctus arguet mundum de peccato, in-
stutia, & iudicio. Spiritus sanctus ducet uos in
omnem ueritatem. Ioan. 16.

Omnis donatio bona supernè est descendens à pa-
tre luminum.

Verbum Dei saluat animas nostras. Iaco. 1:

Dominica quinta.

Si quid petieritis Patrem in nomine meo, dabit uo-
bis. Petite & accipietis. Ioan. 16.

Estote

Esote filiores uerbi, & non auditores tantum.

Iaco. 1.

In ascensione Domini.

Qui crediderit & baptizatus fuerit, saluus erit,
qui uerò nō crediderit, condemnabitur. Mar. 16.
Iesus quemadmodum assumptus est in cœlum sic
ueniet. Actorum 1.

Dominica Exaudi.

Venit tempus, ut quisquis interficiet nos, uideatur
cultum præstare Deo. Ioan. 15.

Sitis sobrii & uigilantes ad orandum.

In omnibus glorificetur Deus per Iesum Christū.

Ut quisque acceperit donum, ita, alius in alium,

illud ministret. 1. Petri. 4.

In die Pentecostes.

Si quis diligit me, sermonem meum seruabit.

Ioan. 14.

Repleti sunt omnes Spiritu sancto. Acto. 2.

Feria secunda.

Sic Deus dilexit mundum, ut filium suum unigenitum daret, ut omnis, qui credit in eum, non
pereat, sed habeat uitam æternam. Non misit De
um filium suum in mundum, ut condemnet mundū,
sed ut seruetur mundus per eum. Qui credit
in filium Dei, non condemnatur. Qui non cre
dit in filium Dei, iam condemnatus est. Ioan. 3.

Christus constitutus est à Deo iudex uiuorum, &
mortuorum. Actorum 10.

SENTENTIAE EX EVAN.

**Christo omnes prophetae testimonium perhibent,
quod remissionem peccatorum accipiant per
nomen eius omnes, qui credunt in eum. ibid.**

Feria tertia.

**Christus uenit in mundum, ut uitam habeamus per
ipsum. Ioan. 10.**

**Imponebant manus super illos, accipiebantq; spi-
ritum sanctum. Acto. 8.**

Dominica Trinitatis.

**Nisi quis renatus fuerit ex aqua et spiritu san-
cto, non potest introire in regnum Dei.**

**Quod natum est ex carne, caro est, quod na-
tum est ex spiritu, spiritus est. Nemo ascendit in
caelum, nisi qui descendit de caelo, filius hominis,
qui est in caelo. Sicut Moses exaltauit serpentem
in deserto, ita exaltari oportet filium hominis,
ut omnis, qui credit in ipso, non pereat, sed habe-
at uitam eternam. Ioan. 3.**

**Quis cognouit sensum Domini, aut quis consi-
liarius eius fuit? Ex ipso, et per ipsum, et in ipso
sunt omnia. Roma. 11.**

De Trinitate.

**Vnus est Deus uerus, eternus, omnipotens, crea-
tor, conseruator omnium rerum.**

**Tres sunt personae in Deitate eius de eessentia,
potentie, et coeternae, Deus pater, Deus filius,
Deus Spiritus sanctus.**

**Deus pater est inginitus, Deus filius increatus,
sed**

sed genitus, Deus Spiritus sanctus à patre & filio procedit.

Deus pater creauit nos.

Deus filius, factus homo, redemit nos.

Deus Spiritus sanctus, sanctificat nos.

Dominica prima post Trinitatis.

Recordare, quòd receperisti bona tua in uita tua, & hic Lazarus similiter mala. Nunc autem hic solatio fruitur, tu uerò cruciaris. *Luce 16.*

Per hoc apparuit charitas Dei, quòd filiū suum unigenitum misit Deus in mundum, ut uiuamus per eum.

Deus dilexit nos, & misit filium suum propitiatiorem pro peccatis nostris.

Si Deus dilexit nos, debemus & nos mutuo diligere.

Qui diligit Deum, diligat & fratrem suum.

1. Ioan. 4.

Dominica secunda.

Venit, quia parata sunt omnia. *Luce 14.*

Qui non diligit fratrem, manet in morte.

Qui odit fratrem, homicida est. Christus animam suam pro nobis posuit. Ne diligamus uerbo, neq; lingua, sed opere, & ueritate.

1. Ioan. 3.

Dominica tertia.

Christus peccatores recipit, ac cibum capit eum illi.

T

SENTENTIAE EX EVAN.

Gaudium est coram angelis Dei, super uno peccatore resipiscente. Luca 15.

Deus superbis resistit, humilibus dat gratiam.

Omnis cura nostra in Deum coniicienda est.

Deo cura est de nobis.

Diabolus tanquam leo rugiens obambulat, querens quem deuoret, cui resistendum est in fide. 1. Pet. 5.

Dominica quarta.

Estote misericordes, sicut et pater uester misericors est.

Nolite iudicare, et non iudicabimini.

Remittite, et remittetur uobis.

Date, et dabitur uobis. Luca 6.

Non sunt condignae passionibus huius temporis ad futuram gloriam, quae reuelabitur erga nos.

Roma. 8.

Dominica quinta.

Præceptor, per totam noctem laborantes nihil cepimus, in uerbo autem tuo laxato rete.

Luca 5.

Oculi Domini super iustos, et aures eius ad preces eorum. Vultus Domini super facientes mala.

Patientes propter iustitiam, beati sunt. 1. Pet. 3.

Dominica sexta.

Nisi abundauerit iustitia uestra plus, quam scribarum et Phariseorum, non intrabitis in regnum coelorum. Matth. 5.

Quicunq;

Quicumque baptizati sumus in Christum Iesum, in mortem eius baptizati sumus. Quemadmodum excitatus est Christus ex mortuis, per gloriam patris, ita et nos in nouitate uitae ambulemus. Si mortui sumus in Christo, credimus quod et uiuamus cum illo. Roma. 6.

Dominica septima.

Misereor super turbam, quia iam triduo manent apud me, nec habent, quod edant. Marci 8.

Stipendium peccati mors est. Gratia Dei, uita aeterna, per Iesum Christum Dominum nostrum.

Roma. 6.

Dominica octaua.

Cauete uobis à falsis Prophetis, qui ueniunt ad uos in uestimentis ouium, intrinsecus sunt lupi rapaces. Non potest arbor mala bonos fructus facere, neque arbor bona malos fructus facere. Matth. 7.

Quicumque spiritu Dei aguntur, hi sunt filij Dei. Spiritus Dei testimonium reddit spiritui nostro, quod sumus filij Dei. Roma. 8.

Dominica nona.

Filij huius seculi, prudentiores sunt filiis lucis, in natione sua. Facite uobis amicos ex mammona inuito. Lucae 16.

Qui se existimat stare, uideat ne cadat. Fidelis est Deus, qui non patitur nos tentari supra id quod possumus, 1. Corinth. 10.

Dominica

SENTENTIAE EX EVAN.

Dominica decima.

Domus mea, domus orationis est, uos autem fecistis illam speluncam latronum, *Luce 9.*

Nemo potest dicere Dominum Iesum, nisi per spiritum sanctum.

Deus operatur omnia in nobis, *1. Corinth. 12.*

Dominica undecima.

Deus propitius esto mihi peccatori. Omnis qui se exaltat, humiliabitur, & qui se humiliat, exaltabitur, *Luce 18.*

Christus mortuus est pro peccatis nostris secundum scripturas, & sepultus est, & resurrexit tertia die, secundum scripturas. *1. Cor. 15.*

Dominica duodecima.

Bene omnia fecit Christus, & surdos fecit audire, & mutos loqui, *Marci 7.*

Non sumus sufficientes cogitare aliquid à nobis, quasi ex nobis, sed sufficientia nostra ex Deo est. *2. Corinth. 3.*

Dominica decima tertia.

Diliges Dominum Deum tuum, ex toto corde tuo, & ex tota anima tua, & ex omnibus uiribus tuis: & proximum tuum, sicut teipsum, *Luce 10.*

Conclusit scriptura omnia sub peccato, ut promissio ex fide Iesu Christi daretur credentibus. *Gala. 3.*

Dominica decima quarta.

Surg.

Deus. Ade, quia fides tu te saluū fecit. Lu. 17.
Caro concupiscit aduersus spiritū. Spiritus con-
cupiscit aduersus carnem. Qui sum Christi,
carnem suam crucifixerunt, cum affectibus, et
concupiscentijs. Gala. 5.

Dominica decima quinta.

Nemo potest duobus dominis seruire.

Nemo potest Deo seruire, et mammonæ.

Querite primum regnum Dei, et iustitiam eius,
et omnia adiicientur uobis.

Nolite esse solliciti in crastinum. Matth. 6.

Si spiritu uiuimus, spiritu et ambulemus.

Alter alterius onera portate. Dum tempus habetis,
operemur bonum. Gala. 6.

Dominica decima sexta.

Propheta magnus surrexit in nobis, et Deus ui-
sitauit plebem suam. Lucæ 7.

Christus habitat per fidem in cordibus nostris.

Charitas Christi erga nos captum nostrum super-
at.

Deus potens est cumulatè facere, abundantius
quàm petimus aut intelligimus. Ephe. 3.

Dominica decima septima.

Omnis qui se extollit, deiicietur, et qui se deiecit,
extolletur. Lucæ 14.

Vnus est Dominus, una fides, unum baptisma,
unus Deus et pater omnium,

Ephe. 4.

Dominica

SENTENTIAE EX EVAN.

Dominica decima octava.

In uera dilectione Dei & proximi, tota lex, & omnes prophetae pendent. Matth. 22.
Gratia Dei datur nobis per Christum Iesum.
Christus Dominus noster, confirmat nos usque in finem. 1. Corinth. 1.

Dominica decima nona.

Bono animo esto, remittuntur tibi peccata tua.
Matthaei 9.
Loquatur ueritatem unusquisque proximo suo.
Inuicem membra sumus.
Qui furabatur, amplius non furetur.
Ephes. 4.

Dominica uigesima.

Multi sunt uocati, pauci uero electi.

Scholion.

Vocamur audientes uerbum Dei.
Eligimur credentes in Christum.
Credentes in Christum electi sunt.
Deus pater elegit nos in Christo, antequam inuenirentur fundamenti mundi. Ephes. 1.
Nolite inebriari uino, in quo est luxus.
Ephes. 5.
Cantandum & psallendum, in corde, Domini.
ibid.
Gratie agenda sunt Deo in omnibus, per Christum. ibid.

Dominica uigesima prima

Vade,

Vade, filius tuus uiuit, Christus suo uerbo saluat
et uiuificat. Ioan. 4.

Induite armaturam Dei, ut possitis stare aduer-
sus insultus diaboli. Ephc. 6.

Dominica uigesima secunda.

Si non remiseritis suo quisq; fratri, de cordibus
uestris, delicta illoru, neq; pater meus coele-
stis uobis remittet delicta uestra. Matt. 18.

Cognitio Euangelij est summum beneficium Dei,
pro quo Deo agenda sunt gratiae. Deus in-
cipit in nobis opus bonum, et ipsum perfi-
cit. Ephc. 6.

Crescere debent in nobis
indies

Fides.
Spes.
Charitas.
Cognitio Dei.

Nemini simus offendiculo.

Dominica uigesima tertia.

Reddite, quae sunt Caesaris, Caesari, et quae sunt
Dei, Deo.

Nostra conuersatio sit in caelis, ex quo et serua-
torem expectamus, Dominum Iesum Chri-
stum. Philip. 3.

Dominica uigesima quarta.

Confide filia, fides tua saluam te fecit. Matt. 9.

Deus eripuit nos à potestate tenebrarum, ac tran-
stulit nos in regnum filij sibi dilecti. Coloss. 1.

Per Christum habemus redemptionem, per san-
guinem ipsius, remissionem peccatorum. ibid.

Dominica

SENTENTIAE EX EVAN.

Dominica uigesima quinta.

Si quis dixerit uobis: Ecce hic est Christus, aut illic, nolite credere. Matth. 24.

Si credimus quod Iesus mortuus est, & resurrexit, sic & Deus eos, qui obdormierunt per Iesum, adducet cum illo. 1. Thess. 4.

Testimonium Dei patris de filio suo Iesu Christo.

Hic est filius meus dilectus, in quo mihi complacitum est, ipsum audite. Matth. 3. & 17.

Sumus dilecti in dilecto. Ephe. 1.

Christus solus audiendus est.

Christus est doctor noster, nobis à Deo patre constitutus.

IN DIEBUS FESTIS Præcipuis.

In festo S. Andreæ.

Sequimini me, et faciam uos piscatore hominum, Matthæi 4.

Doctrinæ.

Non reuertitur uerbum Dei uacuum. Esa. 55.

Sermo Dei uiuus est & efficax. Heb. 4.

Quæ stulta sunt secundum mundum, elegit Deus. 1. Corin. 1.

Corde creditur ad iustitiam, ore autem confessio fit ad salutem.

Omnis qui fidit Deo, non pudebit. Roma. 10.

Quisquis

ET EPISTOLIS.

159

Qui inuocauerit nomē Domini, saluus erit.
ibid.

Nomines obediunt Euangelio.

Fides ex auditu, auditus per uerbum Dei.
ibid.

In festo S. Thomæ.

Qui non uiderunt & crediderunt.

Ioan. 20.

Doctrina.

*Nō est carum rerum, quæ sperantur, substantia
argumentum eorum, quæ non uidentur.*

Heb. 11.

Ratio Deo non credit, sine signis.

*Fides apprehendit uerbum Dei, & contraratio-
nem.*

*Deus elegit nos in Christo, antequam iacerentur
fundamenta mundi. Deus adoptauit nos in filios
per Iesum Christum. Deus pater diligit nos, pro-
pter dilectum suum filium.*

Ephē. 1.

In festo S. Stephani.

*Hierusalē, Hierusalē, quæ occidis Prophetas & la-
pida eos qui ad te missi sunt, Quoties uolui con-
gregare filios tuos, quemadmodum gallina con-
gregat pullos suos sub alas, & noluisti.*

Matthæi 23.

SENTENTIAE EX EVAN.

Non poterant resistere sapientiae et spiritui, qui loquebatur in Stephano. Acto. 7.

Doctrinae.

Non est potestas, aut consilium, aduersus Dominum.

Christus ostendit se nobis in afflictionibus.

Deo cura est de nobis. 1. Pet. 5.

Preciosa in conspectu Domini mors sanctorum eius. Psalmo 115.

Beati qui in Domino moriuntur. Apoca. 14.

In festo S. Ioannis.

Si cum uelim manere donec ueniam, quid ad te? Tu me sequere.

Qui timet Deum, faciet bona.

Eccles. 15.

In festo conuersionis Pauli.

Omnis qui reliquerit aliquid propter nomen Christi, centuplum accipiet in hac uita, et uita aeternae sortietur hereditatem.

Multi primi erunt nouissimi, et nouissimi primi. Matthaei 9.

Organum electum est mihi Paulus, ut portet nomen meum coram gentibus, et regibus, ac filiis Israel. Acto. 9.

Doctrinae.

Quod sit credentibus in Christum, ipsi sit Christo.
Dei

Deus suorum curam agit.

Deus suorum uicem ulciscitur.

Deus patiens est.

Deuantes uocat ad poenitentiam.

In festo purificationis Mariæ.

Nunc dimittis seruum tuum Domine, secundum
uerbum tuum in pace. Luca 2.

Doctrinæ.

Orientibus in Christum, mori est lucrum.

Philip. 1.

Sine morimur, siue uiuimus, Christi sumus.

Roma. 14.

Eccce ego mittam angelum meum, et preparabit
uiam ante faciem tuam. Malach. 3.

In festo S. Matthiæ.

Nemo nouit filium, nisi pater, neq; patrem quis
quam nouit, nisi filius, et cuiusq; uoluerit
filius reuelare.

Venite ad me omnes qui laboratis, et onerati es-
tis, et ego reficiam uos. Matthæi 11.

Deus nouit corda omnium. Acto. 1.

Deo nota sunt uniuersa. Ecclesi. 23.

Dominus corda probat. Prouerb. 17.

In festo Annunciationis Mariæ.

Eccce concipies in utero, et paries filium, et uoca

SENTENTIAE EX EVAN.

bis nomen eius Iesus. Is erit magnus, & filius altissimi uocabitur. Luca 1.

Regnum Christi est eternum.

Regni Christi non erit finis.

Non est impossibile apud Deum omne uerbum. Luca 1.

Ecce uirgo concipiet, & pariet filium, & uocabitur nomen eius Emanuel. Esai. 7.

In Festo Philippi & Iacobi.

Ego sum uia, ueritas & uita. Nemo uenit ad patrem, nisi per Christum. Quidquid petieritis patrem in nomine meo, hoc faciet, inquit Christus. Ioan. 14.

In nouissimo die stabunt iusti in magna constantia, aduersus eos qui se angustiauerunt, & qui abstulerunt labores eorum. Sapient. 5.

In Festo S. Ioannis Baptistae.

Non surrexit maior inter natos mulierum, Ioanne Baptista. Matthei 11.

Testimonia Ioannis Baptistae de Christo. Ioan. 1.

De plenitudine Christi omnes accepimus, gratiam pro gratia. Lex per Moysen data est, gratia & ueritas per Iesum Christum facta est. Deum nemo uidit unquam, Unigenitus filius, qui est in sinu patris, ipse enarrauit nobis. Ecce agnus Dei, qui

qui tollit peccata mundi. Christus est filius.

In Festo Petri & Pauli.

Tu Christus ille filius Dei uiuentis. Caro et sanguis non reuelauerunt tibi hæc.

Oratio fiebat sine intermissione ab Ecclesia ad Deum, pro Petro.

Doctrinæ de Cruce:

Cruce est comes Euangelij.

Inter tribulationes iustorum, et ex omnibus liberat eos Dominus. Psalmo 33.

Non Deus suos eripere est temptationibus.

1. Pet. 3.

In Festo Visitationis Mariæ.

Benedicta tu inter mulieres, et benedictus fructus ueneris tui.

Christi est semen illud benedictum, quod contempsit serpentis, Gene. 3. et in quo benedictur omnes gentes terre. Gene. 22.

In festo Mariæ Magdalenæ.

Remittuntur peccata mulieri peccatrici multa, quoniam dilexit multum, Cui minus dimittitur, is minus diligit. Christus peccata remittit. Fides tua te saluum fecit, Vade in pace.

Christus uenit in hunc mundum, ut peccatores saluum faceret. 1. Timoth. 1.

SENTENTIAE EX EVAN.

Deus peccata remittit gratis propter Christum.
Iusti sumus, cum Deus non imputat nobis peccatum. Psalmo 31.

Sicut per unius delictum propagatum est malum in omnes homines, ad condemnationem, ita per unius iustificationem propagatur bonum in omnes ad iustificationem uitae. Quomodo per inobedientiam unius hominis, peccatores constituti fuimus multi, ita per obedientiam unius iusti constituentur multi. Roma. 5.

In festo Iacobi.

Sedere ad dexteram & sinistram Christi his contingit, quibus est paratum à Deo Patre.

His qui diligunt Deum, omnia cooperantur in bonum.

Si Deus pro nobis, quis contra nos?

Deus etiam proprio filio non peperit, sed pro nobis omnibus tradidit illum, & cum eodem omnia nobis donauit. Deus est, qui iustificat. Quis intentabit crimina aduersus electos Dei? Christus est ad dexteram Dei, & intercedit pro nobis. Roma. 8.

In festo S. Bartholomæi.

Qui maior est in uobis, fiat sicut minor.

Qui princeps est in uobis, fiat sicut is, qui ministrat. Luca 22.

Ni persecutionem patiuntur, sed non in ea deferuntur. 2. Corinth. 4.

In festo Matthæi Apostoli.

Non opus habent ij qui ualent, medico, sed qui male habent.

Misericordiam uolo, non sacrificium.

Non ueni ad uocandum iustos, sed peccatores, ad penitentiam. Matth. 9.

Vicuiq; nostrum data est gratia, iuxta mensuram donationis Christi, Ephe. 4.

In festo Michaëlis.

Nisi conuersi fueritis, & efficiamini sicut pueri, non ingrediemini in regnum cœlorum.

Matthæi 18.

Angeli puerorum, semper uident faciem Dei patris, qui in cœlis est.

Veni filius hominis seruare, quod perierat.

De Angelis bonis, Sententiæ.

Angeli boni, sunt spiritus creati ad ministerium eorum, qui sunt heredes futuri. Heb. 9.

Angeli protegunt pios. 4. Reg. 6.

Angeli sunt custodes electorum. Matth. 18.

Angeli ministrant pijs. Matth. 4. Heb. 1.

Angeli amant gloriam Dei, & ueram doctrinã.

Angeli promouent pia studia.

SENTENTIAE EX EVAN.

Angeli reprimunt diabolum.

Angeli sunt custodes Ecclesie:

Angeli prohibent bella.

Angeli pios pueros in ludum comitantur, aſidet
unà, & reducunt domum.

Voluptatem capiunt ex aſiduitate diſcentium,
pijs ſtudijs, & ſermonibus.

Studia puerorum angeli prædicant Deo & com-
mendant.

Angeli delectantur pietate, & bonis moribus.

Hec ſerè ex Philippo Melaneh. qui in quadam
epiſtola ſic ſcribit, ad quendam puerum:

Et quidem cum in ſchola ſedes, memento te non ſo-
lum inter equales tuos ſedere, ſed unà uerſan-
tur puriſſimi Angeli, ſpectatores ſtudiorum ue-
ſtrorum, & custodes corporum. Sic enim in-
quit Chriſtus Matthæi 18. Angeli eorum ſem-
per uident faciẽm patris mei, qui in cœlis eſt. Hi
quos comitantur in ludum, aſident unà, reducunt.
Hoc ſodalitium uereri te decet, quod quidem mi-
rificam uoluptatem capit ex aſiduitate diſcen-
tium, & pijs ſtudijs, & moribus: & Deo prædicat
ueſtra ſtudia, Deo uos commendat. Quare caue-
bis, ne uel inertia tua, uel mali mores offendant,
& abigant hos uigilantiſſimos custodes.

De malo angelo, de Diabolo.

Diabolus ſeducit totum terrarum orbem.

Diabolus

diabolus calumniatur sanctos.

Iusti vincunt diabolum per sanguinem Agni,
hoc est Christi. Apoca. 12.

Diabolus mendax est, & homicida. Ioan. 8.

Adversarius noster diabolus, tanquam leo rugiens, circumit, querens quem deuoret.

1. Pet. 5.

In festo S. Apostolorum Simonis
& Iudæ.

Octo beatitudes. Matth. 5.

1 Beati pauperes spiritu, quoniam illorum est
regnum cælorum.

2 Beati qui lugent, quoniam ipsi consolabun-
tur.

3 Beati mites, quoniam ipsi hereditabunt ter-
ram.

4 Beati, qui esuriunt & sitiunt iustitiam, quo-
niam ipsi saturabuntur.

5 Beati misericordes, quoniam ipsi misericor-
diam consequentur.

6 Beati mundo corde, quoniam ipsi Deum ui-
debunt.

7 Beati pacifici, quoniam hi filij Dei uocabun-
tur.

8 Beati qui persecutionem patiuntur propter
iustitiam, quoniam illorum est regnum coe-
lorum.

SENTENTIAE EX EVAN.

Deus resuscitabit nos ad uitam aeternam, per Christum.

**Virtute Dei custodimur per fidem, ad salutem,
Pij ad breue tempus nunc affliguntur, postea exultaturi gaudio ineffabili, tum cum reuelabitur Iesus Christus.**

Finis fidei nostræ est salus animarum.

In festo omnium Sanctorum.

Beati estis cum probra iecerint in uos homines, et insectati fuerint, & dixerint omne malum uerbum aduersus uos memineritis propter me. Matthæi 5.

Salus ei, qui sedet super thronum Dei nostri & agni. Apoca. 7.

In dedicatione Templi.

Venit filius hominis, querere et seruare, quod perierat. Lucæ 19.

**Abstersurus est Deus omnem lachrymam ab oculis suorum, & mors ultra non erit.
Apocalyp. 21.**

DIALOGO

DIALOGVS PIVS ET FESTIVVS, DE COLLOQVIO INTER DEVM (VT FERVNT) ET E-

nam, eiusq; liberos habito, descriptus ex Epistola Philippi Melanthonis, ad Ioannem à Vucida, in quomulta traduntur, quæ ad puerilem κατὰ ἡλικίαν pertinent.

ARGVMENTVM DIALOGI ex eadem Epistola desumptum.

Longo interuallo, post conditionem Adæ & Eue, cum primi parentes iam haberent familiam, uisum est DEO, semel prodire, ac se illis patefacere, ut in illa mundi solitudine, quotidianis conflantes ærumnis, consolaretur. Fortè igitur è fenestra prospiciens Eua, uidit uenientem DEVM conditorem, cum comitatu Angelorum. Et quoniam postridie festus dies futurus erat, liberos cæperat lauare, ad futuros patris sacrificio & concioni. Cum autem nondum omnes lauisset, & uereretur squalètes ac sordidos producere in conspectum DEI, iussit, ut se in fœno & straminibus occultarent, quæ ad usum pecudum proximè congesta erant, cæteris comptis, mandat, ut stem ordine, expectantes DEVM in atrio, cumque fuerit ingressus, & à matre salutatus, accedant

DIALOGVS.

Adit & ipsi, porrigunt dextras, paululum flexo poplite, & dicta salutatione, postea taciti, suisque loco, aliquo ordine consistant. Hæc cum imperasset, ingreditur DEVS in atrium. Procedit obuiam pulcherrima mater, pudorem ac pauorẽ vultu significans, & uenientem DEVM, reuerenter excipit amplexu. DEVS comiter eam affatur, ac iubet bono animo esse, promittens gratiam & liberationem à malis, propter uenturum semen. Deinde interrogat de liberis, hi accedunt, & ut iussi erant, porrigunt dextras, saluant, profitentur doctrinam parentum traditam, laudat DEVS sedulitatem discendi in ijs, qui propositam doctrinam pietatis probè tenuerunt, reliquos increpat. Deinde suum cuique assignat munus, & discrimina graduum instituit, discedens, Angelorum custodiam & præsentiam, Eue & eius posteris promittit. Hæc cum locutus esset, statim nube in cælum redit.

DIALOGVS.

PERSONAE.

DEVS.

SETH.

EVA.

DELBORA.

ABEL.

CAIN.

Deus. Miscret me Adami & Eue, quotidianis

bidianis conflictantium erumnis, in mundi solitudine. Nā uideo, quantis calamitatibus oppressi sunt miserrimi illi duo homines. Hæret in ipsorū adhuc animo tristis recordatio sui miserandi lapsus, quod serpentis astutia circumuenti, præceptum meum uiolârunt, atq; propter hanc suam inobedientiam facti sunt rei mortis, & eterne damnationis & interitus, non solū ipsi, sed tota ipsorum posteritas. Hac acerbissimæ recordatione assidue cruciantur calamitosi parentes. Sentiuus quoq; serpentis sauitiam, & tyrannidem in humanum genus, qui Cain aduersus Abelum insatiabili cōcitat odio, quod pro sua sapientia, quæ ceteris mortalibus præstant, prospiciunt in cruentam aliquam cadem esse erupturum. Nisi in his erumnis cœlesti uoce erigantur, necesse est eos prorsus succumbere, & interire in hoc luctu. Quare uisum est, iterum prodire, & me illis patefacere, ac eos consolari, ne in tot calamitatibus animi despondeant, sed liberationem in his malis petant, & certò expectent à me, propter promissum ipsis semen.

Eua. Hei mihi, uideo iterum aduenientem Deum conditorem nostrum, cum Angelorum comitatu, quā timeo misera, ne peccatis nostris rursus offensus, nos totos perditum adueniat, sed spēs bonam concipio de eius misericordia erga nos, propter semen mihi promissum, Hac fiducia ibo
obuiam

DIALOGVS.

obuiam, ac salutabo. Tu interim fili Abel, & ceteri loti pueri, state hic ordine, expectantes Deum in atrio, cumq; est ingressus, & à me salutatus, accedite & ipsi, porrigite dextras, paulò si flexo poplite, & dicta salutatione, taciti suo quisque loco & ordine consistite. Tu uero Cain, & alij illoti, hic in fœno & straminibus uos occultate, ne uos conditor DEVS tam squalentes & sordidos uideat. Maturate inquam, Deus iam atrium ingreditur, caute uos conspiciat.

Deus. Pax tibi Eua, ne timeas, non uenio nunc ut antè, iratus uobis. Sum pater uester propitijs, propter semen tibi atq; posteris tuis promissum, propter hoc uos ex audio, uestris malis afficior, atq; nunc me tibi patefacio, ut te in tuis ærumnis consoler.

Eua. At miserè timebam, Domine, cum te procul aduenire conspicerem, ne aliquo graui delicto iterum maiestatem tuam offendissemus, atq; ob id prodires nunc, ut de nobis dignas pœnas sumeres. Neq; enim sum ignara, quàm tibi peccatum displiceat, propter quod iusto tuo iudicio ex Paradiso, cum tuum mandatum uiolassemus, sumus expulsi in hanc solitudinem. Verum, quia tam clementer tum nos recepisti, propter semen promissum, & nunc etiam adeo me familiariter alloqueris, planè timere desino, atq; ago gratias
tue

tue bonitati, quòd nos miseros non dedignatus es
miserere.

Deus. Sis inquam bono animo, mea Eua, pro
mitto me patrem miseris esse, & non de futurum
ipsis, quibus & uitā, et mentem, imaginem diuinita
tis meae, impartiriui. Sed ubi sum liberi tui, paren
tes humani generis? ubi est Abel ille iustus?

Eua. En Domine, accedum ordine te saluta
turi.

Abel. Aue conditor Deus pater & salutaris
noſter.

Seth. Aue miserorum spes unica.

Delbora. Gratulor aduentui tuo, pater ele
mentissime.

Deus. Grata est mihi, pueri, uestra saluatio,
nam delectant me hæc pietatis & honestatis ele
menta, in illa etate. Pergite itaq; ut coepistis, opti
mis rebus ac studijs uos exornare, paremum do
ctrinam discere, ac monitis ipsorum parere, ut
per uos nomen meum innotescat, & notitia pro
missi seminis ad posteros uestros propagetur.

Abel. Dabitur opera à nobis, optime pater.

Deus. Tuam uerò laudo, Eua, diligentiam,
quòd non modò ornaſti hos tuos liberos, lotionem
ac uestimentis, sed etiam ad morum elegantiam
assuefacis. Sed hi gestus sunt elementa discipli
ne, alia grauior doctrina accedere debet, ut
ſciant, se præcipuè naſci ad cognitionem Dei,
ad

DIALOGVS.

ad conseruandam promissionem, uobis traditam, ad exercendam obedientiam erga Deum. Sunt etiam docendi de immortalitate, de premijs piorum, de poenis impiorum eternis post hanc uitam.

Eua. Sedulo hæc inculcantur ipsis ab utroque parente. Memini enim miserandi lapsus nostri, & quanta benignitate nos receperis, eoq; omni contentione adnitimur, ut soboles nostra sit in officio, ne grauius te offendamus. Prospiciamus, quanta poenae impedeant posteritati nostrae, si te deseruerit. Hæc igitur præcipua nostra cura est, ut te conditorem ipsis monstrems, & doceamus eos, quæ officia requiras, & quam proposueris nobis spem salutis. Sed ipse uelim eos audiam, ut, si quid non rectè didicerint, tua uoce emendetur.

Deus. Ita faciam. Age igitur, mi fili Abel, recita tu primo loco parentum dictata, & clarè ac præsentī animo pronuncia.

Abel. Credo unum esse Deum omnipotentem, sapientem, iustum, ac bonum, conditorem totius mundi, qui in hac rerum mole, admirandam varietatem operum proposuit, certissimum ordinem cælestium motuum, temporum uices, leges ac uires nascentium, ut hæc omnia t. starentur: mundum non casu extitisse, sed ab aliqua æterna mente conditum esse. Nobis uerò hominibus memē indidit, in qua, tanquā imagine, lucere diuinitatis notitiam

Notitiam uoluit. Addidit & intellectum, quæ offi-
 tia requirat, quæ improbet, ut ipsi obediamus, ad-
 didit & mandatum parentibus, quò ostenderet,
 se conditori suo libenter parere, & debere obe-
 dientiam. Quòd si paruissent; sine peccato, si-
 ne morte uixisset humanum genus, & in hac ui-
 ta fulsisset multò illustrior notitia Dei, arsisset in
 pectoribus nostris ingens amor Dei, et sine pra-
 uis cupiditatibus Deo fuisset morigeri. Sed o-
 dio Dei, Diabolus, ut deformaret opus diuinum, cir-
 cumuenit nostros parentes, & obiectis falsis opi-
 nionibus, calignem mentibus eorum offudit, ne
 cogitarent, quantum Deo deberent, quantopere
 Deus requirat, ne à suo uerbo discedamus. Ita im-
 pulsos perdidit, quia uiolata lege, Deum offende-
 runt. Quare cum omnia diuinitus condita bona
 essent, peccatum non à Deo, sed à Diaboli & ho-
 minum uoluntate ortum est. Hinc mors secuta
 est, & tyrannis Serpens, qui aduersus genus hu-
 manum hostiliter grassatur, & omnibus calami-
 tatibus homines opprimit. Sed tamen, ut essent in
 hoc mundo cultores et præcones Dei, noluit Deus
 prorsus perire genus humanum, ideo admiranda
 misericordia promisit Semen nostræ matri, pro-
 pter quod uelit placatus esse generi humano, nos
 exaudire, & saluare, ac reddere nobis æternam
 uitam, lucem, sapientiam, & iustitiam, præcipuè uè-
 rò immanis odi in Serpente, inflammabitur ad

DIALOGVS.

uersus hoc semē. Infiget serpens dentes eius eade
 neo, et crudeliſſimo morſu lacerabit omnes ei ad
 dictos, Sed interea caput ſerpentis ab hoc ſemine
 conculcabitur. Viuet enim in hoc ſemine diuina
 natura, ideoq; mortem abolebit, & Tyrannum
 ſerpentem in horribiles cruciatus abiiciet. Credo
 etiam ſacrificia, quæ à patre fieri uideo, ſigna
 eſſe ſacrificij, quod pro nobis illud ſemen offeret,
 ad placandum Deum. Sic enim Deus nobis fit pro
 pitius, ſi credimus, non propter noſtra ſacrificia,
 ſed propter illud ſemen nobis ignoſci, exaudiri et
 ſaluari. Et, quanquam in hac mortali uita, he
 bunt peccatum, mors, & ceteræ calamitates, ta
 men inchoatur diuinitus noua lux & uita in his,
 qui hæc credent, qui quidem placent Deo, propter
 illud ſemen, ac incipiunt ei obedire, quod ueniet
 etiā, ut iudicet mundū, reddat uitā perpetuā iſs,
 qui ipſi credent, & puniat æternis ſupplicijs Di
 bolum, & omnes, qui ſemen promiſſum con
 temnent. Ad hunc cultum, credo præcipuè uocatos
 eſſe omnes homines, ut hæc admiranda Dei opera
 & beneficia prædicent, ut Dei ira & miſericor
 dia innotescant, ut Deus timeatur & glorificetur,
 & multi ſalui fiant. Nec deterreri homines
 ullis periculis debent, quò minus hunc cultum
 præſtent. Erit enim ſemper cætus aliquis præco
 nium Dei, et ſi ſerpens & contemptores Dei, imma
 nem ſeuitiam aduerſus eos exercebunt, uſq; ad in
 diciū,

liciam, in quo immortalis gloria piorum patefi-
 us, qui, etsi erunt imbecilles, tamen in certamini-
 bus suis, diuinitus adiuuabuntur, ac seruabuntur.
 Hunc igitur Deum, conditorem nostrū, qui pollice-
 tar nobis salutē, propter promissum semē, timeo,
 inuoco, adoro, ab hoc peto, ut mihi propter se-
 men promissum sit propitius, gubernet uerbo suo,
 et defendat me aduersus Tyrannum serpentem,
 inferat mihi suam lucem, et pios affectus, ac cre-
 do, me uerē propter promissum semen exaudiri
 accessici. Oro item, ut conseruet, et augeat inter
 nos ueram notitiam irae et misericordiae suae, ac
 promissi seminis, nec sinat obrui ueros cultus astu-
 tis serpentis, ut regat meos mores, ne ipsum offen-
 dam, et ne mea exempla ceteris noceant. Et, quo-
 niam ipse uitam nobis impertit, et, ut aliat nos, ter-
 ram facit fecundam, rogo, ut suppetat corpori
 uisū, et conseruet ualetudinem, seruet etiā paren-
 tes nostros, ne desint nobis doctores et gubernato-
 res, seruet ac regat meos fratres et sorores, ut
 pie et foeliciter uiuant, et ornent gloriam ipsius.

Deus. Laudo tuam pietatem et dili-
 gentiam discendi, mi Abel. Age Seth, recita et
 tu parentum dictata.

Seth. Credo unū esse Deū omnipotentem, sapi-
 entē, iustū ac bonum, conditorē totius mundi, qui
 hoc admirandum cœli opificium pulcherrimis lu-
 minibus ornauit, certissimis motibus regit, ter-

DIALOGVS.

Tam omnis generis animantibus & frumentis fecundam quotannis reddit, mare ac flumina piscibus, aerem auiibus miræ uarietatis repleuit, ut per hæc omnia ipsum agnosceremus, & constaret, mundum non casu extitisse, aut ferri temere, sed ab æterna aliqua, & sapientissima mente conditum esse, gubernari & conseruari. Nos uero homines ad sui imaginem creauit, mente & sermonis usu donauit, ut in his diuinitatis sue uestigia conspicerentur. Nam uoluit Deus, nos sue diuinitatis ac foelicitatis esse participes. Ideo patres nostros in paradiso collocauit, in quo dulcissima consuetudine, ac colloquio Dei fruerentur. Verum hanc foelicitatem homini Diabolus inuidens, decepit parentes nostros sua astutia, persuadens ipsis, ut de uetito pomo ederent, quod cum facerent, miseri parentes Eum conditorem grauiter offenderunt, & hac sua inobedientia, coniecti sunt cum posteris in peccatum, mortem & Tyrannidem Serpentis, è quibus malis sese liberare & eripere nullis modis potuerunt. Quare Deus, misertus humani generis, promisit matri nostræ semen, quod serpentis caput comerat, regnum eius deuasceret, mortem aboleret, uitam & iustitiam æternam nobis reddat. Nam erit hoc semen uerus Deus, ideo sua diuina potentia & uirtute peccatum, mortem & Tyrannum Serpentem uincet. Nā cum sit & uerus homo, offeret se hostiā Deo patri

patri pro peccatis nostris. Huius sacrificij signa
sunt sacrificia, quæ pater Deo offert, non quod
propter hæc Deus fiat nobis propitius, exaudiat
nos, & peccata remittat. Hæc enim, sola eius mi-
sericordia credo nobis contingere à Deo, pro-
pter promissum semen, nec aliud à nobis require-
re Deum, pro hac sua gratuita bonitate & mise-
ricordia, nisi ut ipsi obediamus, ipsum uenere-
mur, colamus & inuocemus. Nos uerò homines
mutis in hac uita officijs deuinciamus, ut Deus
inter nos innotescat, & celebretur à nobis, atq;
tandem æternæ uitæ participes cum ipso redda-

Deus. Recita & tu Delbora eadem.

Delbora. Credo unum esse Deum, omnipo-
tentem, sapientem, iustum, ac bonum, conditorem
totius mundi, qui cælum & terram & uniuersas
creaturas, condidit ad usum hominis. Hominem
modereauit, ad sui imaginem, æterna sapientia
& iustitia præditum. Sed quia parentes nostri de-
cepi à Serpente Diabolo, sua inobediencia Deum
offenderunt, coniecti sunt cum tota posteritate
in peccatum, mortem, & Tyrannidem Satanae,
& infinitis calamitatibus huius uitæ opprimun-
tur. Verum Deus, admiranda misericordia mo-
tus, promisit matri nostræ semen, quod & ipsam,
& totum genus humanum liberaturum sit à pec-
cato, morte, & regno Satanae, & nos Deo recon-

DIALOGVS.

ciliabit, uitam eternam & iustitiam nobis red-
 det. Nam erit hoc semen uerus homo, ideo insiget
 quidem eius calcaneo serpens uenenatos dentes,
 & persequetur & occidet ipsum. Sed cum sit &
 uerus Deus, sua diuina potentia à morte resurget,
 regnum Satana deuastabit, peccatum tollet, mor-
 tem abolebit, & perpetuam liberationem nobis
 merebitur. Propter hoc semen Deus nobis est pro-
 pitius, exaudit nos inuocantes, adest nobis in o-
 mnibus periculis, tuetur nos aduersus serpentem,
 & tandem immortalitate nos donabit. Propterea
 ipsi uicissim obedire debemus, ipsum unum uene-
 rari & colere, celebrare ipsius gloriam, poten-
 tiam, & gratiam, ut ipse solus timeatur, inuocetur,
 & celebretur à nobis.

Deus. Laudo uestrū studium & pietatem, opti-
 mi pueri, ac hortor uos, ut hanc sententiā constan-
 ti pectore amplectamini & profiteamini, diligen-
 terq; de doctrina parentes audiat, nec opinionibus
 adulterinis contaminari patiamini cœlestē do-
 ctrinam. Reliqua uita parentibus uestris estote mo-
 rigeri. Hi enim cultus sunt mihi gratissimi, quos si
 præsiteritis, polliceor me uobis opitulaturū esse
 in omnibus periculis, & tandem uos eterna beati-
 tudine donaturum. Vestram etiam comprobo Eua
 diligentiam, in docendis & gubernandis liberis,
 pergite ut cœpistis, teneram ætatem optimis re-
 bus imbueret, et regite meo uerbo ipsorum mores.

per eos mei et promissi seminis notitia innotescat, et propagetur ad posteros. Sed ubi sunt cæci tui liberi? nata est enim tibi copiosior soboles. ubi est Cain iste rigidus?

Eua. Quia crastinus dies festus est, cœperam, Domine, pueros lauare, ad futuros patris sacrificium et concioni. Cum autem è fenestra fortè prolicerem, et te aduenientem uiderem, uerita sum, et uos in conspectum tuum producere, ideo iussit, ut illoti sese hic in fœno et straminibus occultarent.

Deus. An uerò existimabas, Eua, minus cœci à me occultatos, quàm præsentes? an excidit tibi, quàm non occultarent uos à mea facie folia figulæ et perizomata uestra, cum in horto meam uocem audiretis? nonne opera omnis carnis coram me sunt, et non est quicquam absconditum ab oculis meis?

Eua. Veniam peto, mi Domine, huius quoque errati, iubebo omnes accersi. I, Delbora, accerse aliquos liberos.

Delbora. Fiet mater, quod iubes. Heus Cain, prodi ad Deum conditorem, prodi inquam. peccate, ut incedit, ut stat rigidus, toruitate uultus, contumaciam animi, et ferociam præ se ferēs, herent in crinibus stipule, et fœni gramina, accede propius, quid restitas, malè concilia-

DIALOGVS.

te, accede, inquam, non salutas Deum, rigide?

Cain. Quasi uerò is aut me, aut salutationem meam curet, aut omnino animaduertat. quid hic rerum agitur?

Deus. Hem Cain, quid ais? recita tu quoque parentum dictata.

Cain. Credo unum esse Deum, omnipotentē, creatorem totius mundi, quem colendum esse censeo, sacrificijs, propter quæ fecundat nostros agros, sed an exaudiat inuocantes, an peccata remittat, ambigo. De immortalitate etiam tunc uidero, cum ex hac uita discessero. Sentio autem bonos mores colendos esse, ut uita tranquilla sit.

Deus. Satis tu quidem contumaciter et corruptè recitasti Cain, nullā de promisso semine mentionem facis, nullam de misericordia mea, de immortalitate ambigis, quare te moneo, ut redeas in uiam, et discas integram pietatis doctrinam, ne aliquando tuæ cōtumacie et ignauie des pœnas. Cum autem uos parentes generis humani futuri sitis, uelim uos posteritati etiam præluere, doctrina, pietate, et uirtute. Non minus uos oppugnet Tyrannus Serpēs, quàm parentes uestros oppugnavit. Sed his, qui meam promissionem conseruabunt, opitulabitur aduersus Serpentem Heros promissus. Et quoniam regi genus humanum uerbo Dei, et coerceri disciplina uolo, deligam ex uestro cœtu idoneos. Tu igitur Abel ad me accedito

redito, ut manus imponens capiti tuo, te consecrem, tibi meum spiritum impertiam. Te sacerdos temesse uolo, eritq; tuum munus, doctrinam diuinitus traditam alijs proponere, et sacrificia facere, diuinitus monstrata, eaq; rectè interpretari. Nec desuges pericula, quæ propter hanc professionem subeunda erunt. Nam agones hi testabuntur, piorum ærumnas esse cultus mihi gratissimos, et significabunt, quale sit futurum sacrificiū promissi seminis. Tu quoq; accede Seth, Te regem cæteris præficio, sciasq; et tuum munus geminum esse, primum doctrinam, quam frater professus est, omnibus uiribus tueberis, et impios, qui conuitia aduersus Deum dicunt, punies ac tolles, punies et cæteros qui societatem uestram turbabunt. Vobis duobus uentura posteritas obtemperet. Et hunc rusticum Cain, qui, ut est inculto corpore, ita mores habet agrestes ac feros, seruum esse uolo, et metu legum et pœnarum coerceri, ne aut religionem contumelia afficiat, aut conturbet societatem uestram. Tibi uero Eua curam liberorum regendorum, et erudiendorum committo, ut doctrinam, quam professi sunt, constanter retineant, ut me cognoscant, inuocent, et celebrent, et de promisso semine doceant posteros.

Eua. Dabimus uterq; operam sedulo, Domine, ne ipsis nostra diligentia defuisse uideatur, tu modò spiritum tuum ipsis imperti, ne noster labor

DIALOGVS.

fit irritus. Verum consumor interim, mi pater, perpetuo dolore & cruciatu, quem adfert mihi horrendi lapsus nostri recordatio, tandem re ipsa comperi, cælestes minas non esse irritas, quæ mortem nobis irrogarunt. Assiduam enim mortem mecum circumfero. Quoties aspicio liberos, & præsertim hunc rigidum filium, & prospicio ventura mala, toto corpore perhorresco, & exanimator. Veniam igitur grauissimi nostri errati iterum peto, & mitigari calamitates oro.

Deus. Ignosco tibi mea Eva erratum confidenti. Et quanquam humanum genus exerceri uelim multis calamitatibus, tamen certam & eternam salutem promitto ijs, qui promisso semini sunt credituri. Hic heros non de futurus est in uocantibus ipsum, sed ijs olim daturus est cælestem uitam, & gloriam.

Eua. Ita spero fore, misericors pater, certi plurimum hæc tua consolatio & dulcissimus sermo luctum meum leuauit, quo iam pridem consumpta fuisset, nisi me sustentassent fiducia promissi seminis.

Deus. Scio quanta sit humane nature imbecillitas, quantis in calamitatibus uersemini. Ideo promissi tibi semen, quod uos ex omnibus arumini & periculis eripiet, & immortalitate rursus donabit. Tu igitur forti animo præsentis arumina toleras

tolera, & perfer, tuam sobolem, uti iussi, de
 me & promisso semine, diligenter doce. Sed ne lō
 gus te abducam ab aedibus, redi nunc ad liberos.
 Et, ut nihil de mea erga uos cura & solitudine
 dubites, hi comites, mei Angeli, erunt custodes
 uestrae familiae, qui gerant perpetuum bellum, & gē
 ἀποροῦ cum serpente. Atq; ut hanc solitudi-
 nem minus molestē feratis, futura erit posthac ma-
 ior familiaritas Angelis cum tota familia, ut uobis
 tedium solitudinis minuat. Ego nunc iterum me
 à uestro conspectu subducam in cælum, donec pro-
 missum uobis semen misero. Nam in hoc rursus po-
 steris uestris conspiciendum me exhibebo.

Quia erit hoc semen filius meus ater
 nus, in quo imago maiestatis meae
 mundo relucebit, & me
 in ipso loquentem
 audituri sunt
 homines.

FINIS.

FRANCOFORTI, Apud
 Christianum Egenolphum. An.

1623. Mense Martii.